

IMPRESSION ANASTATIQUE
CULTURE ET CIVILISATION
115, AVENUE GABRIEL LEBON
BRUXELLES
1968



R. White sculp.

Marcelli Malpighii ANATOMIE PLANTARUM.

J U N I I 24. 1675.

In Concilio Regiae Societatis, Londini ad Scientiam Naturalem promovendam institutæ.

Tractatus, cui titulus, *Marcelli Malpighii, Philosophi & Medici Bononiensis, è Societate Regia, ANATOMÆ PLANTARVM; cui subjungitur Appendix, repetitas auctasq; ab eodem Authore de OVO INCUBATO Observationes continens*: Imprimatur à Johanne Martyn dictæ Societatis Typographo.

B R O U N C K E R P.R.S.

MARCELLI MALPIGHII

Philosophi & Medici Bononiensis,
e REGIA SOCIETATE,

A N A T O M E
PLANTARUM.

Cui subjungitur

A P P E N D I X,

Iteratas & auctas ejusdem Authoris de

OVO INCUBATO

Observationes continens.

REGIÆ SOCIETATI,

Londini ad Scientiam Naturalem promovendam
institutæ, dicata.



L O N D I N I :

Impensis Johannis Martyn, Regiæ Societatis Typographi, ad insigne Campanæ in
Cœmeterio Divi Pauli, MDCLXXV.



Q K
671
M26
1675a

MARCELLI MALPIGHII,
REG. Soc. ANGLICANA.
ANATOMES PLANTARUM
IDEA.

MAGNÆ SOCIETATI REGIÆ ANGLICANÆ
Marcellus Malpighius S.P.

BOnarum artium literarumque incrementis, *Sodales Doctissimi*, non eam, ut reor, bellorum clades, populorumque novitates intulere labem, quām inversa studiorum methodus, artiumque incongrua electio. Currentis enim saeculi genio ut plurimū studia feligimus, vel parentum majorumve cæcis legibus ducimur ad artes; quas ubi vix è limine salutavimus, cùm totam peripheriam emensos nos esse putemus, longam & accuratam exigue particulæ indaginem dedignamur; unde perpetuò hæremus in limine. Rerum Natura tenebris obvoluta, cùm solo analogismo pateat, tota percurrenda venit, ut mediantibus simplicioribus machinis, in sensum faciliùs occurrentibus, implicatores retexamus. At quæ graviora sunt, & perfectiora, utpote humano usui magis necessaria, & existimationis plena, primò hominum ingenia ad se rapiunt; tractu tamen temporis, effœto corporis & animi labore, cùm inutilis calcata studiorum semita appetit, nova indies perquiritur, quæ inventa, sene-ctutis tædio contemnitur, ita ut singulorum mortalium labores nullam determinatè perficiant artem, sed tumultuarie immaturéque quamcunq; aggrediantur. Totum hoc mihi accidisse fateor, *Sapientissimi Confocii*: Etenim, fervente ætatis calore, Anatomica aggressus, licet circa peculiaria fuerim sollicitus, in *perfectioribus* tamen hæc rimari sum ausus. Verùm, cùm hæc propriis involuta tenebris obscura jaceant, simplicium analogismo egent; unde *Insectorum* indago illico arrisit; quæ cum & ipsa suas habeat difficultates, ad *Plantarum* perquisitionem animum postremò adjeci, ut diu hoc lustrato mundo, gressu retroacto, Vegetantis Naturæ gradu, ad prima studia iter mihi aperirem. Sed nec fortè hoc ipsum sufficiet, cùm simplicior *Mineralium Elementorumque* mundus præire debeat. At in immensum excrescit opus, & meis viribus omnino impar. Ut severiores tamen curas, Naturæ contemplatione temperem, historicè hunc Viventium infimiorum ordinem aggredi est animus. Hæc sunt ea studia, quibus animum elapsis annis detinui, & cùm gravissima sint, plenaque am-

B bagibus

bagibus, ideò crudas hasce delineationes eorum, quæ meditor, hic habebitis, ut singulis sincerè pensitatis, vel fœtum hunc legitimum foveatis, vel ut degenerem rejiciatis, mihiq[ue] rectas Philosophandi semitas indicetis.

Nec, *Viri Doctissimi*, exactam & generalem in universum planarum notionem sub assignatis generibus, propriisque speciebus retexere, & singulorum partes recensere est animus, (monebat enim *Theophrastus*, Plantam rem variam esse, inque universum de ea referre difficile:) Sed notiores Vegetantium apud nos partes, anatomicâ resolutione detectas, historicè, prout licebit, exponam, & quasdam circa ipsarum Oeconomum usum cogitationes addam.

Facilioris itaque intelligentiæ ergò præmissis vulgaribus Vegetantium divisionibus, à notioribus sensui exordio sumpto, arborum *Truncos* primò lustrabo; & cum ejusdem *Cortex* occurrat, de eo statim sermo habebitur. Hic arboribus; & pluribus plantis inest, & multiplici partium apparatu constat. Exterior etenim *cuticula utriculis*, seu sacculis horizontali ordine locatis, ita ut annulus efformetur, componitur, qui ambientis rigiditate & senescentis ætatis vitio deplentur, & in seipso collapsi, aridam interdum epidermidem efficiunt, ut in *cerasis*, *pomisque* præcipue observatur. Hac detractâ, occurunt plures, & plures ordines fibrarum lignearum, quæ ut plurimum reticulariter implicitæ sese invicem, cæparum instar, amplexantes, trunci longitudinem excurrunt; hac tamen ratione, ut retis spatia seu areæ, sensim in penitioribus & proximioribus ligno fibrosis retribus angustiores fiant, ita ut penè oblitterentur in libro. Fibrosi hujusmodi fasciculi multiplicibus fibris excitantur, & quælibet fibra insignis fistulis invicem hiantibus constat, humoremque fundit, in progressu verò alteri unitur fasciculo ad latus inclinata, modò rectâ sursum exporrigitur, mox obliquata proximo consociatur fasciculo, & ita sic rete. Intercepta retis spatia replentur utriculis seu sacculis subrotundis, quin & totus fibrarum fasciculus hinc inde iisdem ambitur, directionem horizontalem versùs lignum ut plurimùm habentibus. In *Cerasorum* cortice & similiūm, crassa quasi utricularum fascia à cuticula per areas fibrarum lignearum horizontaliter versùs lignum recta deducitur. In *quercu*, *alba populo*, & *castaneis*, observantur multiplicia quædam corpora, tessellarum instar, oblongioris tamen figuræ, cum obtusis angulis, quorum moles pluribus saccularum ordinibus horizontaliter locatis coaguntur, & dum arctè lignis fibris harent, ipsarum areas replent. Corticis exterior superficies ex diversa foliorum & furculorum eruptione variè aspera redditur, & quasi striata efficitur; unde in tenellis ramis ordinatae quædam protuberantiae per longum internodii productæ emergunt. Singula tamen hæc variis imaginum tabulis erunt exponenda. Ex corticis *ficus cupressique* indagine non tantùm exaratae emergunt partes, sed peculiare vasorum genus, *lactiferum* scilicet, corticis medium occupans, observatur, cuius analogum in reliquis propriis iconibus exponendum erit.

Detracto cortice occurret *Lignea portio*, pluribus & ipsa coagmentata particulis: Potior enim ligni moles fibris seu fistulis per longum ductis extitatur

citatur, quæ orbiculis seu vesiculis invicem hiantibus, secundum longitudinem statutis, constant, ut in *moro*, *quercu* & simil. patet; in quibus varie turgent. Hæ non rectæ, nec parallelæ ducuntur, sed reticularem plexum efformantes, diversas, angulares, areas constituunt, quarum insignes occupantur à fasciculis orbicularum seu utricularum, horizontaliter à cortice per hæc spatio versùs medullam productis, ita ut ex frequentibus transversalibus ordinibus, & rectis se se alternatim superequitantibus, fiat veluti storea. In *quercu*, ultra expositos transversales utricularum ordines, ampliores Ovalium saccularum fasciculi eodem ritu producti laxiora retis spatio à fibris rectis efformata replent. Fibrosæ ligni portiones, quibus truncus excitatur, veluti circularia involucra sese invicem amplexantur, & continent, & ab utricularum ordinibus à peripheria versùs centrum horizontaliter productis pervaduntur. Rectarum fistularum progressum exponere curabo, delineatis, exteriori scilicet *trunci superficie*, ut reticulare opus emergat, *segmento horizontali ejusdem*, ut ipsarum ora pateant, & *interiori altitudine*, ut superequitationes, in quibus insunt, deprehendantur. Præmissâ insuper earundem organizatione in *cupressu*, *abiete*, *quercu*, & aliis, exponere conabor, ipsas diversam sapere naturam à transversalibus fasciculis, quos persimiles continuatis corticis utriculis, ex diligenti *vitis*, *pyri*, *ulmi*, & simili inspectione, deducam, cum in utrisque idem color, & substantiæ modus reperiatur, & ambo medullam versùs non interruptâ serie deducantur.

Inter enarratos fibrosos seu fistulosos fasciculos locantur *spirales fistulae*, numero tamen minores, licet mole maiores, ita ut patenti ore in sectis caudicibus hient. Variam situationem sortiuntur, ut exhibitis figuris innotescet; major verò ipsarum portio diversis sub circulis, circa centrum varie locatis, sese invicem continentibus, comprehenditur. Hasce in singulis plantis, ipsarumque ligneis partibus, decem ab hinc annis inquisitas, inveni. Non unam perpetuò externam possident configurationem; ut plurimum tamen oblongâ fistularique constant formâ, quæ identidem parum angustatur, ita ut tot invicem hiantes orbiculos præse ferant: Interdum tamen utrliculi diversis angulis pollentes continuatum canalem efformant; quandoque ovales sacci lenes, & lucidi, altero etiam fine impervii, quales in pulmonibus insectorum observare est, deprehenduntur, & frequenter plures vesicularum, sese invicem coangustum, ordines eodem ligneo quasi tubo contenti spirales fistulas efficiunt.

Componuntur expositæ fistulæ zonâ tenui, & pellucidâ, velut argentei coloris, laminâ, parum latâ, quæ spiraliter locata, & extremis lateribus unita, tubum interiùs & exteriùs aliquantulum asperum efficit; quin & avulso zonę capite seu extremo trachearum, tum plantarum tum insectorum, non in tot disparatos annulos resolvitur, ut in *perfectorum* trachea accidit; sed unica zona in longum soluta, & extensa extrahitur. In herbis, & quibusdam arboribus, hyeme præcipue, pulchrum occurrit spectaculum; dum sensim divulsâ rami vel caulis adhuc virescentis continuitate, tracheæ portiones laceratæ, & solutæ remanent. Etenim motum hæ quasi peri-

peristalticum per longum tempus interdum servant ; ex quo fortasse deduci potest ratio motus in *mimosa planta* observatus. An hujusmodi spirales fistulæ sint tracheæ; pro solo aere vel saltem halitu devehendo à Naturæ institutæ, examinabo; & an simul cum aere succum exportent, & an aerem ab imo telluris, an ab exteriori ambiente hauriant, inquiram.

Quoniam in *fico*, *cypressu*, & evidenter in *apio rusticu*, concrecente ipsius lacte, ultra fibrosos fasciculos & tracheas, plures observantur fistularum ordines, lac, butyri instar, fundentium, hinc est, quod peculiares adesse tubulos in ligneo trunko reor, quibus lac, terebinthina, gummi, & similia educuntur, cum etiam in osseo amygdalarum cortice circa trachearum fasciculum plures pro resina cunaliculos repererim.

Inter corticem & lignum media quædam substantia, *alburna dicta*, locatur. Hęc in *quercu*, *populo*, & aliis evidenter patet, mollioris enim substantię, dilutiorisque coloris est. Tenella est ligni substantia ex corticis addensatis fibris, & unitis, ut opinor; ita ut retis areę exiguę fiant: In hac spirales fistulę sensim aperiuntur, & solidiori compactiorique redditā compage, post determinatum tempus fit verè *lignum*. Sæpius dubitavi, in Cortice fibrofa involucra, quibus ligni cylindrus quolibet anno augetur, per compendium præexistere, velut accidit pluribus papilionum partibus, quę in *Eruca* & *Aurelia* latitant. Alburnę tandem soliditatem ex affuso succo per peculiarem ductum delato probabiliter advenire censeo. Hujus analogiam mirari licet in animalium ossibus, quę laminis, ligni instar, reticularibus excitantur, & tandem affuso succo indurantur; quòd mirè in *Dentibus* etiam patebit: Hi enim duplii compaginantur laminā, quarum exterior reticularis & fibrofa extat, cum cutis sit exorrecta portio, vel saltem ipsius filamentorum; stamina verò à radice versùs dentium basim producta variè inclinantur, & crispa fiunt, ut elegans appareat contextura, quę tandem osseo affuso succo, adveniente duritie, occultatur.

In interiori caudicis regione *Medulla* conditur, in quibusdam arboribus, & in singulis tenellis surculis. Hęc globulorum multiplici ordine per longum locatorum constat, qui membranosi utriculi sunt, ut evidenter patet in *nuce*, *sambuco*, & aliis. In caudice *Sambuci*, interiora tenet medulla, & utriculis sese invicem urgentibus compaginatur; inter hos non longè ab ambiente linea portione plures fistularum ordines peculiarem succum continentium, observantur, si contentus præcipue humor concrescat, vel fusco inficiatur colore. In tenellis surculis medulla non exactè centrum occupat, sed ut plurimū sex angulis constans proximior est cortici, versùs meridiem, minuitur ad ducta sensim ligneā portione. Varias & successivas diminutiones, propositis diversis transversalibus segmentis *quercūs*, palam faciam; & quoniam plures extant in surculorum segmentis utricularum ordines, à cortice usque ad medullam horizontaliter continuati, ita ut una & eadem videatur utricularum natura, ideo querendum erit, an medulla sit intercepta corticis substantia, vel diversam obtineat naturam, & usum; cum apud plerosque locum cordis, vel cerebri, vel matri-

cis teneat. Hinc patebit, quâ ratione singulis annis novum additamentum, circuli instar lignei, ex fibrofa substantia & tracheis de novo succrescat, ita ut ligni diameter augeatur.

Licet perpetuam Natura non servet in compangendis Vegetantibus normam, quædam tamen convenient, vel saltem analogismo parum distare videntur; quare in Fruticibus plures trunci, in Herbis ipsis multiplices caules, interdum unus, vel saltem vicarius, deprehenditur. In *Vite* igitur, *rubo*, *vite alba*, & similibus, parum absimilis observatur structura; ex lustrato etenim surculi *vitis* segmento, copiosum adesse corticem constat, huncque ita organizari. Exterior corticis portio utriculorum serie donatur, qui semicircularis figuræ fasciculos multiplices ligneis fibris excitatos continent. Hujusmodi utriculorum ordines versus centrum horizontaliter producuntur, veluti rotarum radii, & ut plurimum quatuor, vel plures etiam, disparatos lignearum fibrarum fasciculos hinc inde ambiunt, & stipant. Expositæ ligneæ fibræ per longum ductæ, quadratum corpus referentes, patentibus orificiis hiant. Avulso cortice, linea occurrit portio, quæ in multiplices solvitur partes: Nam in centro medulla, utriculis diversarum figurarum constans, locatur; ab hac autem, versus corticem, ligni portiones, in pyramidales partes divisæ, producuntur, quæ exteriora versus latiores sunt, circa medullam verò arctiores: Inter has excurrunt multiplices utriculorum ordines, à cortice ad medullam continuati. Ligneæ substantia spiralibus fistulis seu tracheis quam plurimis ditatur, quæ argentea spiralique zonâ conflantur: Earum magnitudo inæqualis est; ampliores namque quædam sunt, reliquæ minores. Circa has ludunt ligneæ fibræ reticulariter inosculatae; & licet hucusque certò non attigerim peculiare vasculum *lactiferis* analogum, tamen subesse puto. Ut evidenterius tamen hæc pateant, varios icones adjiciam.

Parum dispar occurrit in *apio rusticico* partium compages. Cortice admodum crasso circumambitur, qui orbicularium utriculorum serie componitur, sub quibus lati quidam lignearum fibrarum fasciculi excurrunt. Eadem structura in interiori corticis parte, lignum immediate ambiente, deprehenditur; intercepta verò corticis crassities vasa lac fundentia continent, quæ sub quadruplici ordine situantur, & circa ipsa utriculorum ordines statuuntur, quibus totus corticis ambitus constituitur. Hoc avulso, succedit lignea portio, quæ cylindrum æmulatur, intus tamen cava. Substantia hæc in gyrum extensa exterius ligneis fibris per longum ductis constat, & sectus per transversum caulis horizontali pyramidem exhibit, cuius latior portio non longè à cortice locum tenet, auctior verò versus centrum dirigitur; pyramidis conus cum opposita basi ligneis fibris constituitur, intercepta verò portio spiralibus fistulis donatur, reliquum ligni utriculorum ordines tenent; inter hos multiplicia lactis vasa per longum deducuntur, quæ concretum interdum eructant. Singulorum figuræ subdam; sicut & *grani turcici*, quod multiplicibns fibrarum fasciculis excitatur, quarum exteriores ligneæ sunt, interiores verò, fasciculorum centrum occupantes, spirales sunt, reliquum utriculorum seriebus constat. Eadem

structura in *ferulaceis*, calamo cauleque pollutibus, & reliquis herbaceis exponetur, delineatâ præcipuè implicatione fibrarum, quâ nodus seu geniculum excitatur.

Quilibet *caudex*, & ab eo exporrecti rami, productis germinibus, stabili describendo ordine erumpentibus, sui extensionem propagationemque parant. *Gemmae* igitur sunt velut infans custoditus, qui tandem adolescit in ramum, à quo, quasi ab aperto utero, ova producuntur. Mense itaque *Junii* apud nos *gemmae* erumpunt, quæ futuro vere aperiri & adolescere debent, & folii pedunculus, in eruptione dilatatus, veluti calyx, ipsas tutatur. Herbacea pariter suas æstate gemmas producunt, & sub terra diu custodiunt: Earum structura talis est; cum enim compendium sit plantulæ nondum explicitæ, trunco constat ligneo, breve, qui mollibus fibris ligneis & tracheis excitatur, à penitiori ligno cum medulla, illuc continuatâ viâ, derivatis: hinc inde, præter implantationem, communicato à caudice cortice ambitur, qui in foliola multiplicia, squamarum instar, parum ad invicem distantia, laciniatur; hæc à contento molli ligno fibras & tracheas suscipiunt, & lanugine, pilis, &c. in *nuce*, & *vite*, &c. custodiuntur; in *populo* verò, & aliis, glutinoso foventur humore. Hæc omnia ita invicem conglobata conicum ferè efformant corpus. In herbaceis à radicis cylindro, quasi à trunco, non dispari ritu, ac in arboribus, erumpit gemma, seu oculus consimili partium apparatu constans. In *cæpis* hinc inde à centro gemmæ custodiuntur; in aliis verò & consimilibus, gemmarum loco multiplicia custodiuntur quasi semina, quæ soboles appellantur, quæ nil aliud sunt, quàm seminalis quedam caro utriculis constans, elegantem in medio plantulam, laminis conflatam, cum erumpentibus radibus custodiens. Exteriorem & interiorem gemmatum faciem in arboribus, & herbis, & præcipuè in *quercu*, & aliis, exarabo.

Aperiuntur *Gemmae* ineunte vere, æstate, aliisque temporibus, & autumno etiam, præcipuè in arboribus, quibus avulsi sunt omnes rami; foliola etenim, quibus gemma primò ornatur, parum excrescunt, elongato tenello surculo; & in pluribus arboribus à linea germinis parte, quæ intercipitur à foliorum radice, erumpere incipit folium stabile, quod sensim auctum explicatur, & postremò propriâ donatur figurâ; interim tamen prima gemmæ foliola proprium servantia sicutum, stabilis folii radibus hærent, & brevi exsiccata decidunt. Hoc in *quercu* delineato progressu patebit; in aliis verò, ut in *prunis*, germinum foliola parum elongata versus mucronem incisuras patiuntur, ipse verò excrescit, & producto petiolo in stabile folium extenditur, dum laciniatæ particulæ in caduca foliola exsurgunt; in aliis, licet idem habeatur progressus, prima gemmæ foliola perpetuò folii petiolo adstant. In *acere*, *vite alba* & simil. foliola prima mitratam habentia figuram in mucrone incisa, appendices germinant, quæ in folia extenduntur, reliquum verò parum gracilescens in folii petiolum absimitur. In *rubo canino* idem mirari licet augmentum; binæ tamen portiones antiqui folii producto petiolo hinc inde adstant, & brevi collabuntur. In *nuce* pariter convolutas complicatasque habent in extremitate

appendices, quæ in germinatione stabile folium constituant, attenuata verò in pediculum stabilis folii facessunt. Singula *tabulis* exponam. Tenuellus surculus & folia fungis & papillis ornantur, à quarum perforato & concavo capitulo *terebinthina* funditur; spinæ quoque, & lanugo à foliis pendent, variosque colores exhibent.

Ab elongato igitur tenello surculo pendent *Folia*, non insertione seu articulatione mediâ, vel radicatione, ut aliis placet, sed continuatis surculi partibus ad extra derivatis. In *vite* evidenter hoc patet; ex altero enim nodi latere octo disparati fasciculi sub semicirculo situati, à lignea portione erumpunt, & sensim recollecti in insignem fasciculum, folii pediculum constituunt; singuli verò fasciculi ligneis constant fibris, spirales fistulas ambientibus; & unà cum ipsis producuntur fibræ pariter à cortice deductæ: Reliquum verò ambitus, corticis utriculis constituitur, qui cum exteriori cortice communionem habent. Consimilem structuram mirari licet in *fæniculo*, *brassica*, & simil. Variam circumscriptiōnem in diversis plantis sortiuntur folia; peculiares tamen formas, præcipue *cupressus*, iconē illustrabo. Hæc in singulis plantis extensâ pollent corticis substantiâ, quæ ligneis fibris & tracheis irrigatur. Enascuntur in quibusdam arboribus in nodo hinc inde, in reliquis verò alternatim unicum promittunt folium, vel aliâ, exponendâ, methodo; corticis etenim portio, in cylindrum coarctata, derivatam lignearum fibrarum portionem, cuius medium tracheæ occupant, folii pediculum in pluribus arboribus efficit, qui deinde dilatatur, & hinc inde à fasciculo, seu costula, per longum folii exurrente, divisis & productis fibris, & tracheis, fit rete ex mutua anastomosi, ut in sanguineis vasis accidit; spatia verò appensis utriculis replentur, qui variâ pollent figurâ in diversis foliis, & tandem ambiente cuticulâ, valde tenui, hæc placentula custodit, à qua minimæ spinæ lanugo, seu pili, fungi, & consimilia delineanda erumpunt. Foliorum extremitas fasciculo fibroso ambitur, qui in apice denticulatæ foliorum partis parum protuberans, papillarem appendicem efformat, quæ in tenellis terebinthinam fundit; æstate verò siccissit. In quibusdam oleo refertæ vesiculæ observantur. Inter expositas folii fistulas lactiferum vasculum locatur, quod in *moro*, *ficu*, &c. patet, & in reliquis quid analogum aderit. Decidunt folia ferè à singulis arboribus & herbaceis, nostris hisce regionibus, autumno præcipue, corrupta scil. pediculi portione prope eruptionem. Hunc autem prolapsum præcedunt utricularum, quibus folii latitudo constituitur, extenuatio, coloris item mutatio, humoris pariter in fistulis stagnantis corruptio, ex ambientis fortè energia, vel saltem volatilium particularum inopiâ; & ita fibrarum & trachearum tollitur continuitas. Stirpium & similiū folia, varie configurata, dictorum veritatem magis aperient, exhibitis struturis foliorum *opuntia*, *arundinis*, &c.

Ramorum productionem à Natura institui pro ovorum generatione, probabile; quare florem, quasi uterum cum ovo, seu tenello fœtu, stato tempore aeri exponit, ut tandem, emancipati filii instar, in novam sobolem excrescat. *Flores* igitur non longe à gemmarum situ eminent prope folii pedio-

pediolum; evidenti productione patent æstate, gemmarumque more conduntur, & transactâ ut plurimùm hyeme aperiuntur. Anticipata ipsorum produc̄tio in *moro*, *cæpis*, &c. delineabitur; curiosorum, variis additis configurationibus, compositionem describere tentabo: Etenim in quibusdam simplicioribus primò surculi substantia, ubi semen conditur, in ovale corpus extenditur, cuius tamen caro, seu pericarpium, in prima productione non patet, sed sensim augetur: Ab hujus extremo erumpunt à laciniato cortice calycis folia; ab eodem pariter segmento floris folia emergunt, quæ utriculis, seu globulis ordine positis fibrarum lignearum & spiralium productione constant. Circa folia hærent cæcæ appendices, fungi, pili, & similia, glutinosum humorem fundentia. Eundem exortum stamina sortiuntur, quæ frequenter capitulo seu apice, farinaceam substantiam continent, pollent. In aliis foliorum & staminum exortus infra ovale corpus, semen condens, observatur, ita ut flos seminis capsulam tegat, ut in *vite* & simil: Sensim contabescunt folia, & stamina, & postremò decidunt. Consimilium florum structuram exponam, delineatis præcipue *heliotropii*, *cardui*, *cucurbitæ*, & *sylvestrium* plantarum quibusdam floribus.

Subjectum seu contentum *semen* diversis capsulis seu involucris fovetur, quæ *uteri* munus explent. In pluribus in fructum esui aptum excrescit, cuius partes exarabo, & primò pericarpii structuram, exordio sumpto à *fici*, qui exteriùs cortice tectus reticulares fibrarum plexus unà cum contentis tracheis continet; à quibus oblongæ stiriæ, quibus pericarpii moles excitatur, versùs centrum deducuntur, quæ hinc inde utriculis succo turgidis stipatæ tandem eleganti extremitate semen osseo cortice circumdata cuncti studiunt. *Cerasorum*, *wavarumque* caro reticulares pariter fibrosos plexus, à quibus pendent utriculi, possidet. *Pyrorum* & *cydoniorum malorum* pericarpium fibroso reti coagmentatur, quod tartareis quibusdam globulis, seu nodis, firmatur, areæ verò pendentibus utriculis perbellè replentur. In *granatorum* fructu circa semen, radiorum instar, graciles utriculi succo turgidi situantur. Elegans est *mali aurantii* & *limonii* pericarpium, cuius exterior caro concavitates efformat, quæ utriculis, velut intestinulis cæcis, acido succo refertis, repletur, quibus contenta semina stipantur. His lucem feret omnium elegantissima evidensque *cucurbitæ* caro, quæ fibrarum lignearum fasciculis, tracheas continentibus, constat, à quibus pendent utriculi; illi verò à pediolo fructus emanantes, mox interiùs circulares redditi, extremo tandem fine, à quo semen pendet, in medium hiant cavitatem, velut in corde, carneis lacertis & fibris valvulas firmantibus, accidit; & ita tota pericarpii moles excitatur, & in hos solvitur. In *fragaria* oppositus servatur situs, pericarpium enim interiora tenet, & semina exterius exhibet. In *nuce*, *amygdalis*, & similibus, pericarpii parum excrescit, quod ad ducto semine contabescit, relieto osseo putamine, quod in *amygdalis* elegans est. In *avellanis*, *cupressu*, & *pino* ligneus fit cortex, vicesque pericarpii supplet. In *glandibus* & *castaneis* membranum extenditur involucrum; illæ ligneo calyce donantur; istis verò spinosum additur involucrum echini instar, & inten-

interius villosi utriculi semen custodiunt. In pluribus *leguminibus & herbaeis* loco pericarpii siliqua extenditur, quæ fibroso plexu constans, producit præcipue in faba villosis utriculis succo refertis, contentum semen fovet. In aliis Semina loculis includuntur, qui interdum crassi sunt ex utricularum multiplici serie, interdum graciles. *Frumentum, avena, & similia, spicis,* hoc est, exiguis loculis hiantibus, & sese amplexantibus, custodiuntur, & aculeis frequenter muniuntur. In pluribus osseus additur cortex, & quandoque folio uno plura semina celantur. Quandoque Semina à subiecto amploque quasi pericarpio assurgentia, ut in *cinara* patet, flosculis muniuntur. Nonnunquam lanugine, pappis, vel pilosâ appendice semina ipsa stipantur, & ornantur. Denique tam ferax est Natura in parandis tegumentorum structuris, ut singulas recensere sit impossibile. Communiores igitur exponam, delineando pericarpium *cucurbitæ, pomorum, & similium*, siliquas diversas, vesicas, loculos, spicásque varias.

Nec sat fuit Naturæ exaratos Uteros seminibus parare, sed alia insuper addidit, quæ custodirent, & germinationi inservirent. Hæc autem in avulso à receptaculo Semine observantur; bina etenim involucra ferè semper occurunt, quorum exterius firmius est, & quasi cartilagineum, omniumque vasorum genere donatur cum interpositis utriculis, subiectum verò mollius est & spongiosum. In *amygdala* exteriùs protuberant sacculi, seu intestinula, cæcorum instar, à fibroso reti pendentia. In *Fabis & similibus leguminum* seminibus, hiantia quasi siphonum ora totam peripheriam exterioris involucri occupant; illi verò interiora versùs horizontaliter producti in utricularum diversos ordines aperiuntur, qui Semini communicant. In aliis parum obliquantur hujusmodi siphones, quorum elegantes figuræ in *cucurbitæ, fabæ, tritici, &c.* seminibus delineare curabo. Aliam insuper viam Natura aperuit subingredienti humori; in pluribus namque *Leguminibus ovalis* fenestra paratur, oblongâ aperta scissurâ, quâ in globosum spongiosumque corpus plantulæ, extremo trunco proximum, humor admittitur. Horum icones desumam à *lupinis, ciceribus, faseolis, & orobo*; In pluribus autem, in quibus evidens non occurrit fenestra, hiatus aperitur, laxato exteriori cortice, unde plantulæ conus exteriùs communicat; ut in *pyris, pomis, & simil.* mirari licet.

Tantus partium apparatus in gratiam conditi *seminis* à Natura fabrefactus est. Hoc autem est *fætus*, vera scil. planta, satis integrè conformata partibus, foliis videlicet, ut plurimùm binis, caudice seu caule & gemmâ. Hoc manifestatur resolutione facta amygdalarum, nucum, pomorum, &c. In his etenim caro seminis foliorum naturam verè sapit, & globulis seu utriculis, in caulem seu caudicem inclinatis tracheis, insuper constat, & germinante semine in quamplurimis virescit. Plantulæ hæc folia caudici appenduntur, à quo germane seu surculus assurgit. Simplicior & evidenter plantulæ seminalis species in arboribus, & quibusdam plantis emergit, ut in *pomo-granato, melilotto, vesicaria, atriplice, colutea, & similibus*, in quibus interdum evidenter explicita sunt seminalis plantulæ folia, interdum convoluta & contorta. Evidentissimè hæc patebunt delineata à primordiis

successivâ plurium seminum productione: Nam primò in colliquamento minima plantula expansis binis foliis, velut alis, truncō exili appensis, emergit; foliola verò sensim aucta, & crassiora redditā ita contorquentur, & complicantur, urgentibus parietibus continentis receptaculi, vel corticis, ut alienam induant speciem. Hæc *nucum, castanearum, cucurbitæ, & diversorum leguminum* figuris patebunt. Familiare est ipsi Naturæ, fœtum hunc in colliquamento morantem placentâ interdum unâ, quandoque alterâ, foliorum hiatum replente, donare; ut in *cucurbita, avellana, amygdala, pomo, & leguminibus*, quorum successivam productionem delineabo: Simulque exponam, seminalem hanc plantulam, non solum à placenta, sed à colliquamento immediate, nutritionis & anctionis materiam per foliorum peripheriam recipere; quod de *Animalium* etiam fœtibus in humore innatantibus dubitari potest. At, cùm non adamussim eandem servet Natura regulam in configurandis seminalibus plantulis, varias addam figuras, *avenæ, & tritici præcipuè*, cuius plantula placentulam habet, radicem ejus foventem; hæc gravi carni hæret, quæ loco folii convoluti extat: In aliis verò seminibus, præcipuè bulbosis, plantula, cæparum more, involucris componitur pluribus, quæ foliorum vices fortè supplent; seminis verò conglobata caro, placentæ vicaria, hinc inde locatur, ut patet in *Matthioli hyacintho, lilio, & asperago*.

Exaratæ Seminales plantæ, quasi gemmæ, suo involucro custoditæ, à surculis medio fibroso fasciculo, tracheam ambiente, elongari, & ab ipsis decidere videntur; quare extremitas trunci seminalis plantulæ versùs insertionem lignei fasciculi frequenter dirigitur, & ab ipso parum distans separari videtur eo in loco, qui *Umbilicus* dicitur, ob hanc fortè rationem; quam conjecturam aliis firmare conabor. In confirmationem dictorum, diarium germinationis seminum, quarundam plantarum iconibus distinctum, addam.

Præter Semina, alia insuper observantur, ab arboribus & quibusdam plantis pendentia, ut *amentum, gallæ, spongialæ, & villosi tuberculi*, quorum peculiarem instituam sermonem. Admodum enim incertum hactenus evulgata me reddunt, quibus Animalia ab arboribus & herbis in gallis, veluti uteris, gigni docemur; cùm mihi observatorum series, quam infra recensebo, conjectandi ansam præbeat, gallas & similia nidum esse ejecti illuc ovi, vel vermiculi à parente *animali*, nequaquam verò à *planta*. Evidens namque est ex Aranearum folliculo, ova continente, concavum redi subiectum folium *quercûs*: In vite verò, *quercu*, & similibus, ex ejecto vitellino Muscarum ovo ita circa ipsum contorquetur folium in spiram, ut totum in globulum definat. In aliis reflectitur denticulati folii extremitas; & parum crassescens, ovum ibi cubatum fovet. In tenellis quibusdam plantis, ut in *orobo*, ex recepto ovo ita curvantur folia, ut unitis extremis, fistularis cavitas pro nido succedat. *Quercûs* pariter folia receptis seminibus inter membranas jam adolescentem aureliam fovent, & nutriunt: In aliis verò ex affluente magis & magis succo, tumores pro nido & fotu excitantur: Etenim in quibusdam foliis *quercûs* excrescentiae quædam, seu exiguae

pla-

placentulæ, pilis ornatæ, suboriuntur, brevi pedunculo firmatæ, quæ in sui centro Muscarum ovum continent, & aurelias pariter sub se cubantes defendunt, & tegunt. In diversarum plantarum foliis, ut in *populo*, *salice*, & *vite*, inæquales affurgunt tumores, hique insignes ex quacunque folii parte, quorum cavitate ova jam edita custodiuntur. In *ulmo*, & *populo* tota folii virenscentis substantia in cavernosam desinit concavitatem, quâ innumeræ aureliaæ, & tandem muscæ continentur. Elegantior etiam nidos erumpente quercinâ uvâ paratur, quæ à succo in foliorum utriculis contento gignitur; quod *salici*, *rubo canino*, & *populo* familiare est. Mirabilior tamen est in *hedera* terrestri uvæ structura, quâ stabilis animali nidos paratur.

Nec sola foliorum moles animalibus nidum præbet, sed & lignea ejusdem pediculi portio, in *populo* præcipue contorti, & aucti, concavitatem muscis efformat. Tenellus pariter surculus in *quercu* concavus redditus, nidum & pabulum condito animali exhibet, & *rubi* exiguus surculus, coacervato seu potius impedito nutritiæ succi effluvio, in ovalem tumorem, dum excrescit, inclusum servat ovum, & recepti primò ovi cicatricem perpetuò servat. Frequentius verò ova in germinibus conduntur; quare in *quercu* interdum parum expansa & adaucta germinis foliola in sui medio aurelam ligneo nido inclusam stipant: In aliis non adauctis gemmæ foliolis futuri surculi alimonia circa ovum, vel plura etiam, affunditur, & utricularum ordines surculum composituri immutatâ viâ circa ovum con-torquentur, & fit *galla*, quæ quasi coronata interdum efficitur, & non-nunquam appendices corniculatas promit. Tandem in *rubo canino*, *quercu*, & similibus, ex germinum affluente succo fit folliculus, cum ramorum & filiorum inchoamentis. Et postremò non solis foliis, surculis, & germinibus datum est ova fovere, sed & fructuum corticibus & pericarpiis; unde insignes quasdam miratus sum excrescentias, foliorum formas ruditer æmulantes, à cortice glandis pendentes, quibus ovum custodiebatur.

His adnectam, plantarum partes exterius ulceratas, excrescentias parere gallis analogas; & in unico *rubi canini* folio uvam, diversas gallas, placentulam, & villosos tuberculos afflgentes me observasse. Horum & similiūm observationes mutuam sibi lucem ferre ostendam; priores enim non solum folliculos & similia, in animalis & editi ovi custodiam & alimoniam excitata evidenter demonstrant; sed & posteriores illustrant, simulque nobis dubitandi locum aperire videntur, ova in hujusmodi tenellis plantarum partibus à parentibus *muscis* condi; &, quoniam acri succo madida sunt, & perpetuo consimilem transpirant, ideo plantarum fistulas lacerando contorquere, novumque motum appulso succo communicare; ex quo variæ *gallarum* species, in quibus tamen germinationis naturæ vis, licet obscura, latitat, cùm foliorum surculorumque inchoamenta & rudes species emergant.

Ramos quarundam plantarum Spinis & aculeis Natura armavit, quarum exortum, figuram, & naturam exponam. Capreolos pariter, & unguis delineare enitar. *Fungorum* etiam fibrosam compagem unâ cum *mucedinis* plantæ iconibus describere conabor. Plantas

Plantas reliquaque vegetantia consimilia, Naturam *radicibus*, quibus alimonia trahitur, & illa firmantur, donasse, omnibus patet. Sunt autem *radices* in arboribus portio caudicis, qui divisus in ramulos, tandem in capillamenta, solvitur; ita ut arbores nil aliud sint, quam fistulæ exiguae dissipatæ, & per solum productæ, quæ sensim in fasciculos colliguntur, qui & ipsi ulterius aliis insignioribus uniti, tandem omnes sub uno, ut plurimum, cylindro collecti, truncum efformant, qui oppositâ extremitate, factâ iterum fistularum separatione, brachia promit, & sensim subdivisis manipulis ex majoribus in minores, ultimo in folia extensione factâ, postremum sortitur terminum. Extremæ igitur radices in arboribus unâ vel alterâ tracheâ constant, circa quam ludunt fistulosi lignei plexus reticulariter ita producti, ut interceptæ areæ anguli acutiores sint; prout autem radix augetur, unitis aliis radiculis, ligneæ fibræ lucidæ, pilorum instar, trachearum intercapedines replent; cortice valde crasso mollique circumambiuntur; & in quibusdam, radicularum extremitas appendice quasi placentulâ donari solet; ipsarum verò ambitus capillamentis mollibus, lanuginis instar, stipantur. Cortex, de more, utriculis horizontaliter locatis conflatur, fibris pariter ligneis & peculiariter *lactifero*; quod in *moro* & aliis evidens est. In amplioribus radicibus Spirales fistulæ productæ inclinationem versùs centrum servare incipiunt; crassior pariter redditus cortex de more ambit, & tandem radicis truncus excitatur, in quo manifestiora sunt omnia exarata. Minorum radicum tracheæ non sunt omnes parallelæ, nec rectæ, sed variè obliquantur, varicosæque redduntur, & molliores radiculæ ita circa glebæ frustula contorquentur, ut quasi manibus ipsa apprehendant. Singula delineabo, indicatâ intimâ minorum radicum ab insigni radicis cylindro eruptione.

Reliquarum Plantarum non dispar structura manifestabitur, expositis primò *leguminum* præcipue radicibus, utpote simplicioribus, quæ cortice satis crasso constant, mollibus fistulis ligneis, & tracheis sub cylindri specie productis, quo radicis medulla constituitur, quæ versùs superiora tubulosa redditur; in aliquibus autem radicibus linea portio non congregatur in solidum ubique corpus, sed per longum concavitatem habet, quâ carneam medullam custodit. In aliis herbaceis, ut in *plantagine*, fistularum fasciculi folia percurrentes, dum radices subeunt, amissa rectitudine invicem decussantur, & spatia utriculis succo turgidis replentur, & fit *caro*, ut vulgo appellatur; iterum tamen separati, in radices & radiculas desinunt. In *asparago* superior radicis portio, seu nodus, ligneis fibris reticulariter implicitis constat, à quibus utriculi pendent. Ab eodem nodo elongantur radices, quasi ovalem habentes figuram, à quibus radiculæ & lanugo erumpit. Interiorem ipsarum partem ligneus tenet cylindrus gracilis, qui tracheis in orbem situatis constat, & ligneis fibris; reliquum verò, crassius, corticis utriculis per longum locatis completur. Implicatam *arundinis* radicem retexere tentabo, delineatâ fasciculorum fibrosorum germinatione, & mutuâ superequitatione, dum in surculos & oculos absununtur. Ceparum pariter compagem proponam; hæ pluribus tunicis, seu invo-

involutis, conglobantur, quæ fasciculis ligneis reticulariter unitis & tracheam ambientibus ditantur, à quibus utricularum multiplices ordines pendentes, ipsarum ambitum constituunt; elongati verò inferius fibrosi fasciculi, dum parum implicantur, radicis centrum efficiunt; ulterius tamen producti unà cum ambientibus sacculis, radices & capillamenta constituunt. Reliquorum quoque *bulbaceorum* quasdam proponam configurationes, præcipue *rapparum*, *raphani*, *brioniæ*, & aliarum plantarum. His addam icones tuberum & quorundam foliorum, quæ humi hærentia à costulis radiculas promunt.

Coronidis loco addendum esset aliiquid de *plantarum Oeconomia*, ipsarumque *partium Usu*, & *alimenti præcipue Via*. At quoniam multæ alex plenum opus est, ob æquivocas & ferè impossibilis observationes, ideò quædam tantum proponam, ut accuratiores & exercitatiores meliora promant. Primò igitur certum esse ex dictis inducam, plura esse in plantis vasa, seu fistulas. In *Cortice* enim copiosas esse fibras, vasorum in modum perforatas, ex dictis patet. *Lignum* pariter fibris coagmentari, quarum alias spirali Zonâ componi diximus, alias verò quasi hiantibus orbiculis conflari retulimus: Et postremò speciale *Vas*, quo lac vel resina funditur.

Dubium tamen illicò occurret, an ejusdem naturæ, & in eundem finem fabrefactæ sint fibræ *corticis*, & *ligni*. Herbarum verò & ferulaceorum indago *easdem* esse probabiliter indicabit, cùm & *corticis* fibræ, duriores redditæ, in *lignum* vertantur. Certum erit, utraque *vasa* humorem fundere; quod ex ipsius eruptione patet. Certum pariter ostendam, in plantis plurimum *aeris* contineri, eo quod sectæ sub aqua multum aeris reddant, & in ipsis fistulæ, persimiles pulmonibus insectorum, insint. Dubium erit, an ab imis & extremis radicibus aer hauriatur, an verò à superioribus finibus, externo cum aere commercium habentibus? Quonia[m] tamen spirales fistulæ, seu tracheæ, radices copiosè componunt, & aër facilius sursum pellitur, suumque exerit opus & energiam, ideò aerem & halitus ab imo terræ deduci probabilibus indicabo.

Evidenter etiam observari succum, modò lactis sub specie, modò gummi, modò terebinthinæ, cum proprio vasculo ostendam; inde conjectans, in singulis vegetantibus peculiarem adesse succum proprio vase delatum.

Circa motum autem exaratorum humorum, ipsorumque terminos, illud certum esse referam, in pluribus inverti; cum surculus in *fico*, *prunis*, *rubo*, &c., si sub terra condatur, graciliore extremitate radices promat, & in arborem, minùs tamen proceram, excrescat; unde alimenti via invertitur.

Evidenter pariter esse proponam inter alimenti vascula mutuam *anastomosin*, ita ut obliquatus etiam reddatur succi transitus, nec per eundem tubulum rectum perpetuò feratur. Hoc patet in laçeratis costulis quibusdam foliorum *cucurbitæ*, *limonum*, &c. in quibus ulterior, è directo de truncatarum fistularum locata, substantia augetur, & vivit, communicatò à lateralibus fistulis alimento. Hanc positionem illustrat reticularis plexis vasorum in foliis, bulbis, cortice, & linea portione.

Constatbit pariter per ligneas fistulas, & corticales, humorem versus

ramos & folia ascendere. Humoris tamen ascensum singulis fistulis nequaquam communem esse patebit, considerato usu & actione foliorum cucurbitæ, à seminis carne productorum, quæ pulposa aliquibus dicuntur: Nam certum est, (ut ex diario germinationis leguminum patebit,) bina folia ab extensa seminis carne, comproductâ in cucurbita & aliis, à radice humorem recipere, cùm in ingentem excrescant molem; sed iterum in caulem progerminatione & auctiōne evidenter remittere. Nam avulsis à germinante planta, eadem siccissit; & in leguminibus seminalis caro, quæ folium est conglobatum, licet non extendatur & virescat, recepto tamen humido oleosam substantiam, propriumque succum plantulæ, cuius cauli continuatur, affundit, ita ut *placentæ* vices suppleat. Consimilia accidere in excrescente germine, ex dictis patet, cùm ut plurimū prima foliola placentæ vices gerant, & novis subortis foliis decidant.

Hinc probabiliter deducam, folia à Natura in hunc usum institui, ut in ipsorum utriculis nutritivus succus contentus, à ligneis fibrīs delatus excoquatur; frequenti enim anastomosi vasorum in longo itinere commixtus humor, solarium etiam radiorum vi attritus, dum antiquæ, in utriculis adhuc perennanti, materiæ miscetur, novam subit partium compagem, & transpiratum, non dispari ritu, ac accedit novo animalium alimento, quod reliquo sanguini in vasis à nutritione relicto affusum, ab eodem in sanguinis naturam exaltatur. Consimilem naturam reperiri in Corticis utriculis, atque etiam seriebus, transversam ligni partem occupantibus, probabiliter evincam; ut inde pateat, non irrationale esse, in iisdem loculis plantæ alimoniam concoqui, & servari. Pericarpii humor, in corticalibus utriculis coadunatus, & excoctus; cæparum pariter sacculi, copiosum humorem asservantes, & in novi germinis augmentum erogantes, multum lucis jam exaratis afferent; sicut & adauerti utriculi in detruncato *quercu*, & aliis, qui ita asservato humore turgent; qui aliàs in trunci & ramorum alimoniam consumi consueverant, ut fibrarum lignearum areæ insigniter dilatentur, & ipsæ fistulæ contorqueantur.

Conjecturalis tamen erit excocti alimenti semita, à foliorum utriculis, cortice & medulla effluentis, & quodammodo regredientis. Licet enim probabile sit, inferiora versùs elabi in truncum & radices; non videntur tamen extremæ ramorum partes, ultra folia locatæ, quibus uteri appenduntur & consimilia, spoliandæ hoc beneficio; unde probabilius ostendam, ab utriculis derivari excoctam jam alimoniam mediis vasculis reticularibus, quorum adumbrationes in *typha* observantur, absque perenni & considerabili fluxu & refluxu, eamque in vasculis lactiferis, seu sanguineis, quasi stagnare, & juxta indigentiam, (quam transpiratio, & exteriorum actio diversimodè promovent,) effluere interdum etiam ad contiguous parumque superiores partes; & ita subsequi augmentum & nutritionem, cum plures etiam arborum rami, & herbacea, horizontaliter situantur. Aliàs simplicior arriserat via; diu enim credidi, alimoniarum materiam per ligneas fibras à radicibus deferri in universam arboris molem, ab utriculis verò transversaliter locatis fermentativum immisceri succum, qualis

qualis à glandulis, chylo & sanguini pertransiunt affunditur : Ulterior tamen meditatio exaratam superius viam probabiliorem indicavit.

Hisce delineatis, probabiles *aeris usus* in plantis eliciam, consideratis insectorum tracheis, aerem ad quamcunque corporis partem deferentibus ; Cùm tamen valde probabile sit, ultra vitæ communicationem, beneficio aeris plantas sursum erigi in germinatione, tales conservari in augmentatione, & vitæ processu, succorum pariter ascensum & fermentationem facilitari, & alia consimilia.

Hæc igitur, quæ Mens, ægro corpore, in sui solatium meditatur, tumultuariè Vobis exhibeo, quæ si non undequaque inutilia, & à recta Philosophandi semita non multum devia, vestrâ prudentiâ judice censebuntur, repetitis iterum atque iterum observationibus, fusi exponam, vestrisque, licet impar, mentibus munusculum parabo.

Dabam Bononiae

Calendis Novemb. 1671.

MAR-

MARCELLI MALPIGHII
ANATOMIE
PLANTARUM.

MAGNÆ SOCIETATI REGIÆ ANGLICANÆ

Marcellus Malpighius S. P.

Prisci olim Ætrusci, quibus gens nostra originem debet, animalium victimas mactare consueverant, ut lustratis visceribus, belli & pacis anticipites eventus certò enunciarent. Exanguum ego Vegetantium repetitâ sæpius sectione, eorumdem exta, prout licuit, scrutatus sum. Quod si Aruspices integrâ existente victimâ holocaustum Diis parabant, dissecta hæc innocentis generis viscera Vobis, Doctissimi Sodales, offerre humiliter liceat: Ex horum enim inspectione, Naturalis Scientiæ, pro cuius adaugendo regno seduli militatis, auctam intueor ditionem. Nam Aeris & Aquæ subacta regna; profundas quoq; Terræ & Maris lustratas oras vestris expeditionibus agnoscit Orbis: Nec Animalium, quibus terra premitur, abditis particulis parcitur, nec Astra ipsa Cœlumque intacta relinquuntur. Quare, cum tam vastum imperium Vestris artibus subigi cæperit, debitos Ego quoque tam celebri triumpho applausus collaturus, adumbratam Vegetantis Orbis imaginem humillimè exhibeo; mibique sat erit, Promontoria & sinus indicasse, ut novis expeditionibus tam vastum Herbarum Arborumque regnum distinctius cognitum, sub vestra cadat ditione. Valete.

PRÆFATIO.

Elluris, Magnæ Matris, emancipatos quasi filios Anatomicæ laniæ humana Sciendi prurigo hæc tenus damnavit: Animalium enim universum genus, quod relicto materno terræ sinu liberum, aquam, vel aerem, vel ipsius varias oras pervadit, in hominum sapientiae libidinem jugulatur; reliquum illud supereft natorum genus, quod nativo ejusdem gremio perpetuò hærens, leniter assurgit: Hoc autem sub variis Plantarum speciebus intuemur, quæ commixtam telluri ita fortiuntur vitam, ut illius connati filii censendæ veniant; ni satiùs dicamus, terram ipsam abdomen ingens esse, in cuius officinis alimentorum digestiones, excrementorum præcipitationes fiant; huic autem nocti & inserti, thoracis loco, & subcrescentis capitis, varias & multiplices Plantarum contexturas, quæ novum sui generis cerebrum constituant. Erumpentium hujusmodi plantarum acervus tam ferax est, ut non facile in distinctos redigi possit ordines; antiqua enim distinctio, in arborem sc. fruticem, subfruticem, & herbam, suas quoque invenit difficultates apud Botanicos; unde quidam solis arborum & herbarum generibus contenti, fruticum & subfruticum capita neglexere. Nec defuerunt, qui attentâ variâ seminum & foliorum formâ, reliquisque phænomenis, prima vegetantium genera adeò multiplicaverint, ut eadem planta sub diversis speciebus decies describatur; unde sanioribus passim impossibile videtur, plantas omnes in determinatos ordines distinguere. Neglecta igitur generum designatione, licebit universam vegetantium familiam velut unicum vivens rimari: In plerisque enim truncus, folia, & radices occurunt solâ duritie vel mollitie varia, ita ut quamplurimæ herbae, tenelle & humiles quasi arbores dici possint. Hoc itaque viventis organicum corpus anatomicè examinandum assumpsimus, non dispari methodo, ac in animalibus passim peragitur, indagando sc. viscera, multiplicia vasorum genera, medullam & semen; institutâ prius earum exercitatione plantarum, in quibus minus obscure emerunt partes; & subinde productâ in reliquas, ubi obscuriori quasi velo Natura sua condidit arcana. Hanc Plantarum anatomen pluribus fortasse, quam natura rei exigit, exposui; varii namque irrepere in exarandis Naturæ operibus rudes mentis meæ conceptus, & innumera, quibus forsitan incongruè interpretatus sum Naturæ mysteria, copiosam scripturitionem fecere. Paucis, & his quidem minimis, contenta est Natura, etiam dum ingentes operosa excitat moles; quare qui rem altius rimantur, in hæc abunde resolvunt. Opportunius igitur, te judice, amice Lector, fortasse fuisset, postquam rerum atomas differentias non licuit attingere, copiosam saltem operandi Naturæ segetem, singulaque phænomena, quibus Vegetantium varietas mirabiliter universam tellurem exornat, per extensum exponere, ut tu maturiori judicio in pauca & minima satiùs resolveres: At judicii mei languore, ingeniique hebetudine, media inter utrumque via progredi coactus sum, unde nec omnino in meditationibus jejunus, nec in tentaminibus profusus extiti: Qualia cuncte tamen sint, ne dedigneris; utpote congeta à viro, qui Botanicis non assuevit studiis, alieno distractus negotio, cui gravior medendi

P R A E F A T I O.

medendi cura otia deturbavit, & qui tandem nulla amanuensium ministrorumve concorrente operâ, solus studia hæc absque amicorum ope congesit, non ut tibi latum doctrinæ campum aperiret, sed ut valetudinariæ vitæ tædia contemplationis hujus lenocinio demulceret. Scio insuper, me in tam minimorum indagine rudia usurpare instrumenta, & iconum delineamenta incomptius exarasse. Si perfectiora acutioraque vitra ad manus fuissent, & in delineando majori peritiâ valuissēm, jucundius & distinctius opus minori cum labore tibi parassem.

D E

DE C O R T I C E.



Lantarum organicum corpus ad varia Naturæ obeunda murnera suis integratum partibus, anatomici cultri vel saltem oculorum aciem non eludit; & licet quælibet ipsius pars omni vasorum contexturâ donetur, variæ tamen in ipso, velut in animalibus, regiones designari possunt. Insignior pars occurrit, qua arbores, pleraque herbarum attolluntur: hæc radicibus quasi laciniato sui extremo affixa terræ, reliquo solvitur in ramos, à quibus folia, flores, & tandem semina pendent. Variis insignit nominibus; caudex enim, stipes, & truncus, dum in arboribus, caulis autem in herbis, speciatim verò in fistuloribus calamus appellatur, scapus in leguminibus, & culmus in frumentis vocatur. Hæc velut insignis thorax, magna que Naturæ officina censenda venit; plurium namque vasorum viscerumque compage donatur, quæ ut facilius vegetent suoque in munere custodita perennent, exteriori amictu foventur, velut animalibus accidit, quæ suis cooperiuntur integumentis. Exterius itaque hoc involucrum, quo quasi corio Natura utitur ad contingendam totius plantæ peripheriam, Cortex dicitur, interdum Viscus appellatur. Ut autem ad interiora rimanda viscera pateat aditus, hujusmodi primò examinandus venit, & exordio sumpto à simplicioribus ad arborum implicatiores structuras procedet exercitatio.

In *Triticō* itaque *Indico* 1. exterius, corticis loco, sub cuticula per longum fibrosum rete A excurrit, diversas areas B variæ figuræ efformans; evidentiùs autem patent, ubi subrubescit cortex. Exaratae areæ utriculis repletur, quorum copiâ cauliculi reliqua moles componitur.

In *portulaca*, præcipue majori, 2. crassior est cortex, ejusque exterior superficies tenui obvelata epidermide fibrosum rete A exhibet, parum eminens, cuius spatia utriculis B occupantur, qui diaphano succo turgent: Licet autem confusa serie disponantur, & coaptentur, crassam tamen zonam C, quâ corticis corpus excitatur, componunt: plurium angulorum constant formâ; magnitudo quoque varia est; exteriores namque D minores sunt, medii verò ampliores. Utriculorum hæc zona ligneis fibris in cylindrum dispositis necritur.

Cichorii 3. cortex potiori constat partium apparatu, vel saltem, quæ veniunt in compagem, manifestiùs nobis patent. In hujus segmento horizontali exteriùs utriculi minimi A sub tenui cuticula, pilis conspersâ, locantur, horumque copiâ, tota corticis crassities usque ad ligneam substantiam B cauliculi scatet. Inter has, ligneæ fistulæ, seu fibræ, in fasciculum C coagmentatæ, per longum excurrunt; vasæ quoque lactifera D patenti hiatu lac effundunt: Necritur autem ligneo cauliculo B, cuius descrip̄tio inferiùs habebitur.

Manifestiū exarata emergunt in crasso *apii rustici* 4 cortice, cuius exteriorem portionem tenent utriculi *A* continuatā serie deducti usque ad ligni confinium *B*; sub cuticula pariter disparati situantur fibrarum lignearum fasciculi *C*, quibus sectis, fistularum ora *D* patent. Consimilis ordo versūs lignum *B* observatur, hujus tamen fasciculi *E* minores sunt. Inter utriculos crassitiem componentes, vasorum, gummi, lactis instar, effundentium ora *F* patent, & pluribus seriebus disponuntur.

Quæ hucusque lustravimus in expositis plantis, ob exiguitatem non facilè sensus nostros movent; ideo subobscura latitant: Evidentiū autem manifestantur indagatis corticibus Arborum, reliquorumque, qui simplici & distinctā donantur compage.

In *Cannabis* 5 cortice, ablatā cuticulā *A*, quæ candidis spinis *B*, inferiora versūs recurvis, cooperit, varii utriculi virides occurrunt, sub quibus fibrarum multiplex rete conditur; cuius partem delineare placuit. Circa ligneam portionem, involuci instar, per longum fibræ reticulari opere contextæ deducuntur; hæ licet in fasciculos *C* colligentur, non unam perpetuò sequuntur costulam, sed frequenter proximo associatæ fasciculo, cui brevi comites fiunt, iterum obliquatæ primo redduntur fasciculo. Ex hac itaque fibrarum divaricatione areæ *D* consurgunt, quæ utricularum *E* copiâ replentur invicem cohærentium, & horizontaliter situatorum. Succedunt subjectæ fibrarum contexturæ, quibus veluti tot involucris lignum circumdatur, quarum areæ sensim minores sunt, & acutioribus pollent angulis, donec prope lignum *liber* excitetur, in quo fibrarum fasciculi parum obliquantur; unde minimæ sunt areæ. Quælibet fibra, seu linea fistula, tot quadratis ferè corporibus *F* invicem hiantibus constat.

TAB. 2. In *Salice*, & *populo* 6, evidentior emergit structura; in hac enim exterior cortex asper est; nam subcrescentibus interiùs singulorum annorum incrementis, cuticula, cum dilatari nequeat, necessariò solvitur, unde, temporis diuturnitate, subjecti etiam corticis non pauca crassities altis perforditur scissuris. Abrasâ itaque cuticulâ in *tenella populo*, rete occurrit, quod fasciculis *A* de more multiplicibus fibris coagmentatis constat; inæqualis magnitudinis & figuræ areæ *B* excitantur, ex varia fibrarum *C* obliquitate. A singulo fasciculo *A* pendent & exoriuntur utricularum ordines *D*, qui horizontalem servantes situm, versūs lignum præcipue diriguntur; unde per areas *B*, intrâ elongatæ, corticis crassitiem excitant; reliquæ verò ab exteriori fasciculorum *A* portione enatæ fasciæ, obstante cuticulâ, & aeris inclemenciâ, parum producuntur. Succedunt subjecta reticularia involucra, quorum ligneæ fibræ *E* ab exarata obliquitate recedentes, arctiores constituunt areas *F*, solitis utriculis refertas. *Liber*, seu interior corticis amictus, ligno contiguus, fibrarum *G* pari progressu per longum componitur, ut minimæ areæ *H* horizontaliter ductos utriculos, & in lignum se se insinuantes admittant. Ingens est reticularium plexuum *I* numerus, quibus tota arbor ambitur, & inter hos pendentes utricularum ordines & racemi *K* mediant; sensim tamen ita angustant spatia, ut minimi ferè intercipiantur utriculi inter reticularia involucra *L*, quibus *liber* componitur. In

In *cerasis* & *prunis* 7, elegans quoque succedit *corticis* strūctura, in qua adhuc tenellâ, utricularum horizontales ordines *A* sub cuticula patent, quibus veluti tot annulis universa atbor cingitur. His avulsis, laxum fistularum *B* rete per longum & latum extensum sese offert, quæ variè & obliquè ductæ inæquales excitant areas. A fibrarum fasciculis pendent de more utricularum series *C*, quæ partim versùs lignum producuntur, partim, extrà elongatæ, cum urgente cuticula nequeant foras erumpere, & turgere, ad latera flectuntur, & in girum horizontaliter ductæ fasciam *A* efformant; quæ in *cerafo* præcipuè laceratione manifestatur. Exaratae fibræ evidenter fistulosæ sunt, unde cum diaphanæ sint, subruberum indicant contentum succum, quo non raro turgent. His avulsis, succedunt reliquæ fibrarum implicationes, quibus corticis crassities componit. Eleganter itaque implicantur fibræ, & horizontales utricularum ordines; ut lustrata corticis crassities fibrarum varios plexus *D* sese invicem contingenentes exhibeat, qui obliquè per longum producti, utricularum ordinibus *E*, versùs lignum propagatis, locum præbent, & ita quasi superequitationes fiunt. Postrema corticis superficies, quæ ligno necatur, crassis fibrarum fasciculis *F*, succo turgidis, componit, quarum divaricatione evidentes subsistunt areæ *G*, quæ utricularum seriebus, in lignum sese insinuantibus, pervaduntur.

Non dispar compages deprehenditur in *quercu* 8, cuius cortex exterius TAB. 3. asperitatibus altisque foveis scatet, contabescientibus utriculis, & vasculis, quibus primò excitabatur; in tenellis autem corticibus nondum tabefactis occurrit horizontalis utricularum quasi fascia *A*, quâ extima superficies componit; sub hac fibrosum rete de more perpendiculariter, velut amictus, locatur, cuius vasorum fasciculi *B* per longum producti invicem implicantur, areæque *C* excitantur, quas utricularum horizontaliter versùs lignum ducti ordines *D* occupant. Plures sunt fibrarum sese continentium ordines, inter quos implicatio quoque reticularis succedit. Spatia ab obliquitate fistularum relicta, angustiora sensim redduntur, quæ utricularum series lignum penetrans pervadit. Hæc autem, lustrata corticis crassicie, obvia fiunt; nam ab exteriori ejusdem superficie usque ad *librum*, penè innumeri observantur fibrosi amictus *E*, qui interdum communicatâ invicem fibrarum portione *F* implicantur: Inter hos utricularum ordines *G* situantur, quorum perpetua inclinatio versùs lignum succedit. Hoc peculiare tamen observatur in *quercu*, quod populo interdum & aliis familiare est; inter utricularum series dari corpora *H*, tesserarum instar, obtusis tamen angulis solida, & ferè ossea, quæ utricularum rectis ordinibus coagimententur; que quasi tartaro concreto turgida, densum & obdurum excitant corpus. Hujusmodi vero tartarizata corpora *H* irregulariter situantur, & in tenellis etiam corticibus, minora tamen, concrescunt. Aliud pariter in cortice & ligno *quercus* observandum contingit; præter enim transversalium utricularum ordines *G*, quibus minimæ areæ *libri* *I* occupantur, frequentes etiam interseruntur horizontales zonæ utricularum amplæ, quæ à cortice in lignum deducuntur;

tur; hæ ut plurimùm mollibus utriculis succo turgidis complentur, interdum petrificantur, & saxeç excitantur portiones *H*.

Analogam exarate structurę compagein in quibusdam Fruticibus observamus, & præcipue in *rubo* 9, cuius rami in cylindricam, quandoque quadratam, formam inclinant. Hi per transversum secti crassum superinductum exhibent corticem, qui exteriùs cuticulâ ambitur; in reliquo autem viridibus utriculis *A* variè configuratis componitur: In horum medio, fibrarum lignearum fasciculi, semilunarem formam æmulantes *B*, continentur, & exteriorem longitudinem pervadunt, ipsarumque ora patent. A cortice interim, utriculis *A* excitato, ejusdem portiones *C* versùs medullam elongantur, veluti tot lineæ à circumferentia in centrum ductæ; & inter has corticis productas portiones linea substantia *D*, quæ secta per transversum, pyramidem describit, locatur.

In *Vitis* pariter segmento 10, paucorum licet mensium, crassus extendit cortex, cuius utriculi exteriores exsiccati, & tabidi, epidermidem constituunt; reliqui *A* inæquali pollentes formâ, amplum semisphericum amplexantur fibrarum fasciculum *B*, quæ hiantibus orificiis patent. Eadem corticis compositio versùs lignum producitur, & quatuor, quandoque plures, fibrarum fasciculos *C* amplexatur & stipat, vel satius, ab his pendet distinctus in stirias. Ab hac corticis congerie versùs centralis medullam exporriguntur productiones *D*, oblongis utriculis horizontaliter ductis excitatæ, quæ, ligneas portiones *E* hinc inde ambientes, in medullam laxantur.

Tam varie excrescunt utricularum ordines, quibus cortex componitur, ut in aliquibus extrà erumpentes, monstruosos pariant tumores; hos in *opio* & *ulmo* præcipue 11 miramur. Nam in hujus tenello surculo *A* sensu exigui attolluntur tuberculi *B*, à quibus cuticula *C* dirumpitur, & paullatim horizontalibus utricularum ordinibus *D* congestus humor monstruosum reddit surculum.

Jam indagatis singulis partibus, quibus *cortex* in diversis vegetantium generibus componitur; fas est, ut postremò structuram addam, qua peculiare vasorum genus magis eluceat. *Abies* 12 itaque in tenellis præcipue ramis, suo gaudet cortice molli, nec multum exteriùs aspero; hic per transversum sectus, utricularum series *A* præcipuas, versùs lignum directas, patefacit; reliquum diversis fibrarum involucris *B* excitatur: Non longè tamen ab extima præcipue regione, vasorum ora *C* diverse figure patent, quæ *terebinthinam* fundunt. Hęc tubulosa sunt, & gibbositatibus *D* scatent, & interdum obliquè ducta consociis anastomizantur vasculis.

Lustratę hucusque in variis vegetantibus *corticis* structurę nobis indicant, hunc multiplicibus integrari particulis; inter quas, primas obtinere videntur *fibræ lignæ*, quæ antiquitus nervi, filamenta, & pectines, appellabantur: Sunt autem tubulosa corpora subingredientibus liquoribus per via, ipsarumque structura tot quadratis constat corporibus, concavis, invicem hiantibus. Vasā hęc nec recta, nec parallela ducuntur; ut plurimum

mùm in fasciculum coagmentantur. Horum aliqua iterum inclinata, & separata, rete efficiunt, unde tot delineata reticularia involucra, quibus lignum ambitur. Subintrans itaque humor sursum ascendit, & quasi suspenditur; singula namque portio, quæ invicem fibrarum frustula unit, cùm parum interiùs emineat, *valvulae* vices supplet, & ita minima quælibet guttula veluti per funem, seu per gradus, ad ingens deducitur fastigium. Hunc autem ascensum non tantùm fistularum interior asperitas juvat, sed & successiva aëris temperies, (calida sc. & frigida, ex diei noctisque variis crassibus,) ejusque elasticus motus, qui exteriora corticis involucra urgens, contentorum liquorum motum superiora versùs promovere & juvare potest; quæ singula sagacioribus Mechanicis demonstranda relinquo. Ab expositis fistulis horizontales utriculorum ordines pendent, & erumpunt: Etenim dum tenelli adhuc corticis fistulæ vi evelluntur, continuatæ utriculorum appendices subsequuntur; & gallarum diligens indago hujusmodi exortum præ cæteris indicat: quod Foliorum & Pericarpii icones abundè demonstrabunt. In hos igitur transversales utriculos ascendens humor, *chyli* instar, exoneratur, ibique longiore passus moram, antiquiori succo intimè commixtus, & fermentatus, in naturam alimenti exaltatur; unde in quibusdam vegetantium utriculis, præter inutilium transpiratum, debitæ succedunt præcipitationes, tartareæ præcipue materiæ, non dispari ritu, ac fit in elicitis quibusdam vegetantium succis, diu in naturam vini fermentatis, à quibus tartareæ præcipitate partes, circa continentis vasis superficiem subsidentes, concrescunt. Hujus itaque concretione continentium utriculorum ordines petrificantur, ut in *quercus*, *populi* que cortice, tessellarum sub forma, admirati sumus. Copiosus admodum in corticis hujusmodi horizontalibus appendicibus excoquitur succus, qui ligno reliquisque plantarum partibus distribuitur; unde nil mirum, si cortex abundantius & validius pabulum, præ reliquis plantarum partibus, igni subministret.

An expositi humoris concoctio in utriculis celebrata nutritivum illum succum edat, quem in *cupresso*, *pino*, & *abiete terebinthinæ* specie miramur; in aliquibus, ut *fico*, *tithymalo*, *cichorio*, *apio rustico*, &c. lactis instar, dubitari potest. Peculiaria enim hæc vascula, (*arteriarum*, vel saltem *nervorum*, instar,) non solum corticem, sed & lignum, & reliquas vegetantium partes irrigant, & concocto turgent succo, qui longè elaboratior videtur ac est humor ligneis fistulis contentus.

Præter exaratum alimenti coctionem, peculiari videtur cortex muneri dicari; auctioni scil. & vegetantium incremento: Arborum enim augmentum contingit, (ut suo loco indicabitur,) novis singulo anno additis fibrarum involucris, quæ horizontalibus utriculorum seriebus implicita sensim soliditatem nanciscentia, tandem veram ligni obtinent substantiam. In libro, Natura quoquo tempore fibrarum ordines de novo excitat, vel saltem augmentatione manifestat, quas deferendæ alimoniaz, permitente mollitie, assuescere cogit, & tandem firmatas, contiguis ligni partibus hærentes applicat, & ita fit novum, inductâ ligni zonâ, trunci & ramo-

rum augmentum. Ex hoc colligere fas est, præcipuam arborum partem esse corticis portionem, quæ ligno necatur, cuius ope plantæ vitam perpetuant, (ut in *salice*, *populo*, & *oleis* experimur;) & auctiores redduntur trunci; germinatio item & fœcunditas succedunt. Hinc loco tutelę exterior corticis portio, quæ plurimum aeris injuriā, & transpiratu tаbefacta, exanimis & rigida redditur, *libro* additur, qui & interius etiam subjectum lignum non parum tutatur. Quare probabile est, plantas, quarum caules annotini sunt, vel saltem per longum tempus non durant, nec ligneā portione in cylindrum coagmentatā gaudent, à Natura cortice privari, solāque cuticulā, vel exiguis fibrarum fasciculis donari; in reliquis verò, in quibus per longum tempus exigitur augmentum, in cortice, velut in prima staminum delineatione, lignearum fibrarum ordines in *libro* parari, & deponi, ut statu tempore auctiores emergant.

De partibus Caulem vel Caudicem componentibus.

AVULSO lustratoque cortice, *caudicis* seu *caulis* corpus occurrit, quo arboribus & herbis firmitas conciliatur. Thorax est multis vasorum generibus visceribusque compactus, quę uno *Ligni* nomine in arboribus antiquitas complectebatur; distinctiūs verò, fibrarum, nervorum, carnis, seu pulpæ, & medullę appellationibus distinguebat. Hæc autem tam exiguum sunt fortita molem, tamque invicem implicita propagantur, ut pro sui examine longam exigant indaginem.

Simplicior igitur contextura in tenellis caulis herbarum occurrit, & TAB.4. præcipue in *Portulaca majori* 13; quæ per transversum secta, immediate sub cortice, qui variis utricularum seriebus A constat, inæqualis magnitudinis fasciculos fibrosos B exhibet: Hi ligneis fistulis per longum ductis, persimilibus jam deprehensis in cortice, constant; in medio verò alia hiant vasa C, quę perpetuò patula sunt, & spiralia interim appellare licebit. A fibrosis fasciculis pendent utriculi D oblongi, qui sensim maiores fiunt, pluribúsque scatent angulis, ut faciliū invicem adaptentur: Levi excitantur, pellucidā diaphanaque membranā, & decolori turgent humore.

In *tritici* culmo 14, reliquisque consimilibus, tenuis licet, quasi fistula & tubus, excavatur cylindrica caulis substantia. Consimili gaudet partium apparatu: Exteriūs enim loco corticis varii utricularum ordines A excurrunt, qui inæquali magnitudine pollentes, ut plurimū angulares sunt. Non longè ab his lignei fasciculi locantur, quorum tres frequenter numerantur ordines B; singulos ipsorum lignei tubuli & fistulę exteriūs componunt, & tres spirales fistulas C amplexantur orificiis perpetuò hiantibus. Non longè ab his quartum occurrit vasculum D, quod proprium censeo: Reliquum areæ, utriculis E, qui facile exsiccantur, & deplentur, sese invicem urgentibus coagmentatur. In

In grano Turcico & Indico 15, eadem structura, copiosiori tamen munificentiâ, elucescit; exteriorem namque caulis circumferentiam, gemini, & quandoque plures, fasciculotum ordines A per longum producti tenent. Consimiles pariter fasciculi B per reliquum areæ dispersuntur, irregulari situ locati. Quilibet fasciculus ligneum fistularum C congerie constat, & interiùs tres spirales fistulæ D continentur, quarum amplior E quatuor frequenter amplexatur. Non longè ab his peculiare hiat vasis F, quod proprium reddit succum; reliquum areæ fistularum ora exhibet. Exaratos itaque ligneos fasciculos varii utriculi G ambiunt, inæqualiter configurati, lucidâ excitati tunicâ, succóque diaphano turgidi. In *cinarâ* eadem mirari licet, ubi partes solidiores redditæ ligneam magis sapiunt naturam.

Parem partium compagem *flicis* caulis 16 possidet. Hujus varii, copiosoque fasciculi lignei A, absque ordine situati, diversimodè configuran-
tur, & in medio lignearum fibrarum spirales fistulas B hiantes custo-
diunt: Fulciuntur autem, & quasi stipantur, utriculorum ordinibus C, qui
interdum longè minores sunt exaratis fistularum orificiis. In *palma*, &
arundine Indica ferè similis observatur contextura; dispersis enim fibrosis fa-
sciculis & spiralibus fistulis compaginatur, ambientibus hinc inde utricu-
lorum seriebus.

Minori licet partium *apparatu* procedat Natura in *herbaceis* quibusdam
caulibus, majori tamen ordine, multumque proximo ligneæ arborum por-
tioni incedit, ut in *endivia* miramur 17; circa cujus exteriorem oram li-
gneæ portiones A, in quibus fistularum spiralium ora aperiuntur, versùs
centrum quasi tot lineæ diriguntur, & hinc inde minimorum utriculorum
gracilibus ordinibus ambiuntur, ita ut involucrum fiat solidum & den-
sum. Interiora versùs, insigniores locantur fasciculi B, qui grandiori-
bus spiralibus fistulis C & ligneis fibris compaginantur: Tota pariter area
sacculis seu utriculis angularibus lucidis excitatur.

In *Cichorio* 18, pariter item lignei fasciculi A, oblongiores redditi, mul-
tis fistularum spiralium orificiis B pervii sunt, & reliquum utriculorum
serie C repletur.

A *caulium* indagine, transitum faciamus ad firmiorem ligni composi-
tionem, in *Fruticibus* & *Arboribus* detegendam. In *rubo* igitur, & vite 19, TAB. 4.
avulso cortice, (cujus descriptionem superiùs habuimus,) si exterior super-
ficies per longum examinetur, arctum rete, ex fibrarum fasciculis A exci-
tatum, sese offert: Hujusmodi autem fistulis ligneis compaginantur, quæ
quasi vermicularibus tubulis B, invicem hiantibus, componuntur, quorum
productio flexuosa est: Tenui constant membranâ, & exteriùs & inte-
riùs per longitudinem ligni excurrunt. Intermediae areæ C transversali-
bus utriculis D occupantur, qui horizontaliter à cortice deducti in medullam
desinunt. Patent autem secto per transversum ramo seu caudice;
hujusmodi etenim in fasciculum seu fasciam E recollecti, veluti tot rotæ
radii à circumferentia exorti, in medullam F quasi in axem diriguntur;
non tamen omnes ipsam attingunt, sed frequenter alternatim gracilior sub-

orta fascia *G* versùs interiora ligni obliterari solet. Componentes utriculi licet omni ferè constent formâ, persæpe ovalem possident configuratio- nem, & in consumptis lignis argentei sunt. Cortici adeò hærent, ut ipsius productiones evidenter videantur, quæ statim ac à ligneis particulis late- raliter urgentibus prosiliunt, in medullam laxantur : Hæc amplior est in surculis, ac est in antiquioribus ramis; & utriculis sese angustantibus, grandioribus tamen ac in reliquo cortice, componitur. Intercepta area in delineato segmento inæqualia spiralium vasorum ora *H* exhibet : Horum forma frequenter ovalis, vel saltem rotunda est, interdum angularis; & quandoque plures hujusmodi fistulæ ita sese urgent, ut semilunaria oricia juxta se posita efforment. Ambiuntur autem à fibrarum lignearum conti- nente satellitio, & ab intercurrentibus transversalium utriculorum ordinibus firmantur. Singula hæc distinctiùs occurunt secto per longum ligno : Inter- ior namq; perpendicularis altitudinis superficies spiralia vasa *K* inæqualis magnitudinis offert; hæc tubulosa sunt & subrotunda, identidem tamen angustantur, & perpetuò patent, nullumque, ut observare potui, effundunt humorem : Argenteâ laminâ *L*, in spiram contortâ, componuntur, ut facile laceratione, (velut in bombycinis tracheis expertus sum,) in hanc oblongam, & continuatam fasciam resolvantur. Lamina hæc, si ulteriùs microscopio lustretur, particulis squamatim componitur; quod etiam in tracheis inse- òrum deprehenditur. Spiralibus hisce vasculis, seu ut verius loquar, tra- cheis, ligneæ fibræ *M* adstant, quæ secundùm longitudinem productæ, ad majorem firmitudinem & robur, transversalium utriculorum ordines *N* superequitant, ita ut fiat veluti storea.

In *arboribus*, quibus ingens assurgit truncus, variè pariter inseruntur com- ponentes ipsius partes; quare, detracto cortice, in linea portione, caudi- cem, ramos majores & minores excitante, elegans occurrit structura; quam

TAB. 5. primò in *salice*, & *populo* 20 perquiremus; quæ ut promptiùs & clariùs pa- & 6. teat, linea portionis sectio perpendiculariter à cortice in medullam fiat: Copiosæ etenim emergent lineaæ fistulæ *A*, quæ quasi parallelæ deducun- tur, & transversalium utriculorum ordines *B* ita superequitant, ut firmus fiat nexus. Hujusmodi transversales ordines à cortice emanantes, versùs medullam horizontaliter deducuntur; non tamen singuli ipsam attingunt, sed novi, non longè à medio suborti, eandem implicationem, dum versùs centrum deducuntur, subeunt. Inter lineaæ fistulas *A*, spirales fistulæ *C* longitudinem excurrentes locantur, quæ patulo ore jacent.

Non minori vasorum apparatu & implicatione excitatur *roboris* & *quercus* 21 lignum, quo truncus reliquique rami constituuntur. Exteriùs per longum lineaæ fistulæ *A* excurrunt, obliquæ tamen, ut areae *B* resultant, pro diversis utriculorum seriebus horizontaliter ductis. Præter has areas, alia insuper à laxatis curvatisque fibris ampliora excitantur spatia, oblongâ & angulari formâ prædicta, quæ insignes veluti fasciæ, utriculorum ordines *C* replent. Interiorem perpendiculararem regionem, ferè totam, fibra- rum moles *D* occupat, quæ obliquè per longum ductæ talem sortiuntur implicationem, quam ruditer adumbrare tentavi: Hujusmodi fistulæ tu- bulosæ

bulosæ sunt, orbiculis invicem hiantibus *E* contextæ, & transversaliter ductos utricularum ordines *F* superequitando fortem contexturam excitant. Copiosi & ferè innumeri sunt horizontalium utricularum minores ordines *F*; reliqui verò *C*, qui insignioribus constant utriculis, sunt numero minores. Inter lignearum fistularum contexturam elongantur spirales fistulæ *G*, quarum aliquæ *H* insigniores sunt, reliquæ graciliores. Tubulosa hæc corpora tenui laminâ de more excitantur, quæ argentei coloris est, & in spiram contorquetur; hæc eadem, quasi piscium corium, corpusculorum squamatim contextorum speciem exhibit. Trachearum & reliquorum situs, indagato ejusdem ligni horizontali segmento, faciliùs patet: In hoc itaque copiosissimi excurrunt utricularum minores fasciæ, seu ordines *I*, à cortice versùs medullam deducti, qui à recto declinant trahite, ubi trachearum turgentia flectuntur, & curvantur. Utricularum transversalium adauctam magnitudinem in extremo iconis addere placuit; oblongâ etenim constant formâ, sibique invicem hiant; interdum urgentibus tracheis veluti isthmo coerciti, ita detumescunt ut ferè obliterentur. In oblongis areis, quæ inter enarratos ordines *I* intercipiuntur, trachearum ora aperiuntur: Istæ hinc inde ligneis fibris firmantur, & ambiuntur, quarum delineationem omisimus. Inæqualem magnitudinem fortita sunt trachearum orificia; determinati namque ordines trachearum insignium *K*, quasi tot inæquales circuli sese continent, ligni segmentum complent; reliquum verò areæ spatium, inter hæc insignia trachearum ora *K* contentum, minimis hiantibus tracheis *L* occupatur. Ampliores spirales fistulæ *K*, frequenter pulmonares quasi vesiculos *M*, trachearum substantia excitatas, continent; hæc quandoque invicem hiant, interdum ovali constant formâ, & altero nonnunquam fine imperii sunt, ita ut parum dissimiles pulmonaribus vesiculis insectorum extant.

In ramis *castaneæ*, & *quercus* 22, quatuor vel quinque annorum, per TAB. 6. transversum sectis, utricularum horizontalium productiones *A*, versùs medullam elongatæ, emergunt; inter quas ligneæ portiones *B* intercipiuntur, in quibus ampliora trachearum ora *C* sub determinatis circulis aperiuntur. In ligneis portionibus seu areis *B*, appendices *D*, diversam substantiam & colorem referentes, interseruntur, quæ continuatæ cum transversalibus utricularum ordinibus *A*, quasi pendentes utricularum ramei non immerito censendæ veniunt.

Castaneæ truncus 23, & ejusdem continuata lignea portio, consimili gaudet partium compage. In seculo per transversum caudice, trachearum insignium ora sub iisdem circulis locata, occurunt; utricularum pariter copiosæ portiones à cortice in medullam deductæ. Per amplæ sunt trachearum fistulæ, ut non facilè talem in reliquis lignis amplitudinem reperias; quare, seculo secundum longitudinem ligno, ingens trachearum fatellitum sese offert, quarum ampliores *A*, spirali excitatae zonâ *B* interius, pulmonaris instar lobi, vesicularum *C* congeriem fovent: Reliquum ligni, transversalium utricularum ordinibus *D*, & ligneis fi-

fustis *E*, mutuò implicitis, completur, interpositis minimis tracheis *F*.

Ulmi, cerasi, mori, & similiūm, elegans pariter est ligni contextura, & fortè minus obscura, ob colorum varietatem, quę in transversalibus utriculis luxuriat. Parem insuper structuram in *Indico ligno* 24, vulgo *campeggio*, animadvertisimus, cuius exteriorem superficiem fibrę excurrunt, & curvate areas excitant, quę utriculorum diversi coloris horizontalibus fasciis pervaduntur. Idem lignum perpendiculariter sectum, & lustratum, ut plurimūm parum absimilem ab exarato iconē speciem refert. Trachea *A* insignis magnitudinis, si fibris comparetur, illico patet; hęc tubulosa est, solitāque excitata zonā argenteum refert colorem, & squamulis compaginari videtur. Succedunt ligneę fistulę *B* rubicundi coloris, quę & ipsæ subrotundis orbiculis componuntur, & obliquè ductæ, variè horizontales utriculorum ordines *C*, glutinoso succo refertos, superequitant.

Abietis & Cupressūs lignum, ob suarum particularum exiguitatem & luciditatem, difficillime est indaginis; prout tamen subobscurè mihi emerit, hujus exhibeo iconismos. Sub cortice 25 occurrens lignum, fistulis *A*, quas probabiliter tracheas esse censeo, gracilibus componitur; hęc argenteis laminulis contextæ, à lateribus subrotundos emittunt tumores *B*. Hinc inde linea portio *C* locatur, quę identidem curvata, angulares areas *D*, pro utriculis horizontalibus, designat. In ejusdem interiori portione, perpendiculari institutā ligni sectione secundūm transversalium utriculorum progressum, eędem tracheę *E* pellucide longitudinem excurrunt, & copiosos hinc inde promunt tumores *F*. Tam frequentes sunt, ut tota ligni compages his solis componi videatur. Inter has, ligneę fistulę *G*, graciles tamen, interseruntur; unde laceratione subobscurè emergunt. Trachearum ordines transversales utriculi *H*, oblongā constantes figurā, coloris subvitellini, superequitando excurrunt, & cum ipsis implicantur. Statis pariter locis observantur vase *I*, quę secundūm longitudinem producta totum irrigant lignum: Hujusmodi terebinthinam fundunt, & tenui componuntur fistulā. Singulorum minus obscuram reddit notitiam segmenti indago; nam in hoc exaratarum trachearum patula sunt ora *K*, quę irregulari pollent formā, & pluribus angulis scatent, ita ut invicem se se compriment, & angustent. Inter ipsa mediant ligneę fibrę minimę, & utriculorum ordines *L* horizontaliter ducti.

Jam *Caudicis & Caulis* in Vegetantibus, quę facile ad meas devenēre manus, insignem thoracem, lignique compagem, prout instrumentorum meorum ruditas attingere potuit, rimatus sum; nec improbabiliter enunciare licet, *Lignum* constare fibris seu fistulis, tracheis, utriculorum horizontalium seriebus, (quę in aliquibus in medullam desinunt,) & vase proprio: Et licet in quibusdam caudiculis Ligni soliditas & continuata contextura in cylindrum compaginata non emergat, disparati tamen fasciculi, quasi per medullam dispersi, veram ligni sapiunt naturam. Præcipua ut plurimūm, igitur & potior trunci caudisque portio, ligneis fistulis excitatatur:

tatur. Sunt autem hæ fistulæ ejusdem naturæ cum exaratis, corticem compingentibus; iisdem enim componuntur minimis vacuisque orbiculis, invicem hiantibus; & consimilem admittunt succum. His accedat, (ut infra patebit,) libri portionem, interiores scil. fibrarum corticis portiones, & involucra, antiquo ligno agglutinata, truncum augere, ita ut non rarò oblongam & continuatam fibram, mox in lignum ferruminatam, paulò infrà, corticis naturam adhuc servantem, animadverterim; unde nil mirum, si in truncis & ramis arborum, quibus corticis exigua portio detracta est, subiecta lignea pars cortice destituta nunquam augmentum capiat, sed subcrescentibus, velut in ulceribus & vulneribus, circum circa ligneis labiis, ex superstite jam cortice, sensim in lignum agglutinato, profunda subsit cavitas: Ex quo conjectari pariter licet, inter exaratas lignæas fibras *anastomosim* intercedere, ita ut delatus succus in laterales & proximas derivari possit; cùm enim certò hujusmodi fistulæ, recta sursum productæ, in dicta corticis incisione lacerentur, & evidens cum superioribus tollatur continuitas, cum adhuc succedat augmentum, vitaue perennet, necessariò fatendum est, in contiguas & laterales exonerari inferiores fibras, illasque detruncatis tandem superioribus fibris succum reddere. Nec novum est, ligni augmentum lateraliter etiam succedere, quotiescumque ingens etiam concavitas in caudice occurrit, vel inane spatium excitatur; cùm detruncatis ramis, turgente caudicis succo, exteriores & subcrescentes ligni particulæ, per modum involuci successivè obductæ, adeò lateraliter crescant, ut cicatricem jam detruncati rami cooperant, & extrà tumores seu toros, quasi nodos, excitent. In hoc itaque excitando mirè fiunt fibrarum & reliquorum vasorum contorsiones & revolutiones labyrinthicæ, ut Naturæ lusus videatur. Taliter ductæ lignææ fibræ succo replentur, qui ex Naturæ legibus sursum pellitur; non tamen interius valvulae ex toto occludentes locantur, cùm surculis & grandioribus etiam ramis, apice inferiùs humato & plantato, alimenti terminus invertatur, novæque gemmæ mutatâ directione erumpant; ut præ cæteris patet in *figu*, & *rubo*. Hoc tamen perpetuò evenit, plantatos taliter hujusmodi surculos minùs proiectiores fieri.

Ligneas fistulas truncum componere, & transversalium utricularum seriebus implicari vidimus, unde ligni robur & alimenti coctio in dispositis officinis perficitur. Utricularum igitur ordines ovalibus invicem hiantibus corporibus compaginantur, unde & contento succo turgent, & diverso inficiuntur colore.

Ampliores fiunt utriculi & tumidiores, & fortasse etiam ipsorum ordines multiplicantur in reciso trunco, superstite adhuc radice, modicoque caudicis; hoc præ cæteris in *quercu* & *robore* 26 experimur, cujus vegetantis adhuc caudicis frustulum talem exhibit speciem: Sursum elongati fibrarum fasciculi A diversas areas efformant, quarum consuetam servant magnitudinem B, reliquæ verò, variè turgentibus utriculis C, laxatæ in ingentem extenduntur latitudinem, ita ut monstruosam ferè acquirant formam. Singulorum utricularum licet non una sit forma, frequentius

quentiūs tamen ad ovalem accedunt, & urgente fibrarum texturā non raro comprimuntur. Tenui probabiliter excitantur membranā, quæ soliditatem tractu temporis concipit affuso succo, quo tabe consumpto, laxa mollisque supereft pellicula. In iisdem etiam consumptis lignis vascula, utriculos ipsos reticulariter ambientia, occurunt; unde conjectari licet, vasorum plexibus transversalium sacculorum ordines irrigari; & in medullæ utriculis *sambuci*, *ebuli*, & similiūm, multiplex vasculorum plexus luxuriat, quo singuli ambiuntur. Enascuntur probabiliter à rectis ligneis fibris tum corticis, tum ligni; nam in utrisque utriculorum ordinibus unam eandemque naturam reperiri dubitavimus. In quibusdam Caulibus (ut diversis indicavimus iconismis,) lignea dispergitur portio, in peculiares recollecta fasciculos; & hinc inde pendent utriculorum ordines: In Arborum verò truncis lignea portio, continuatà à cortice in medullam implicatione, radiosas excitat partes, quæ hinc inde ab appensis & productis utriculorum seriebus ambitur. Et sicut in Caulibus, utriculorum ordines, ex situ & continuitate à fibris enasci probabiliter evicimus, ita in truncis non incongruè enunciare possumus. Non idem est utriculorum situs in arborum caudice, ac sit in reliquis plantarum caulibus; in illo enim cum ligneis fibris, à quibus exoriuntur, horizontaliter duēti, angulum rectum efformant, & elegantem implicationem cum contiguis fibris sortitæ, rectam ferè horizontalem lineam designant; quod in caulibus non ita contingit, cùm hucusque diversimodè locari viderim. Utriculorum exortum *gallarum* indago, (aliàs exponenda,) indicare videtur, in qua præceteris à ligneis fibris pendent & emanant copiosæ utriculorum ovalium appendices, quibus *galla* corpus congregatur; foliorum pariter, florumque structura, & pericarpium ipsum, (suis locis illustranda) ulteriùs confirmant.

Transversales utriculorum ordines, à ligneis fistulis pendentes, in fasciculos & fascias recolliguntur, quas in *quercu* insignes mirati sumus. In Fruticibus, & in quibus non valde crassum est ligneum corpus, & condita medulla ampla est, à cortice, utriculorum appendices in medullam deducuntur, & in ipsam laxantur: In grandioribus tamen truncis, & Arborum ramis, non quælibet utriculorum fascia à cortice deducta medullam attingit, sed nonnulla circa medium oblitteratur, novis subortis in penitioribus ligni circulis. Quare rationi consonum videtur, à ligneis fibris frequentissimas promi hujusmodi appendices, seu ab ipsis pendere exaratas utriculorum stirias, quæ contiguis unitæ, & horizontaliter situatae, inæqualis longitudinis fasciculos ceu congeriem efformant, quorum tanta est quantitas, & magnitudo, ut ferè æquent reliquorum vasorum numerum & magnitudinem. Transversales utriculorum ordines, à cortice emanantes, per ligneas fibras producti interius in medullam exonerantur, unde eadem natura in utrisque reperitur; quandoque cortex, cùm sit veluti ligneus infans, cujus partes nondum adoleverunt, nec firmatæ subsistunt, suæ auctionis materiam in pendentibus utriculorum seriebus fovet & servat; medulla verò in tenellis & paucorum mensium surculis, quasi interior

terior cortex luxuriat, non aductis adhuc tenellis ligneis fibris, quarum incremento ferè contabescit; unde in infantibus tantum surculis perpetuò reperitur; quin & eadem phœnomena, quæ in corticis utriculis continentur, quandoque in medulla occurunt.

In ramo *populi* vetustissimæ, cuius surculi & minores rami brevissimi sunt, institutâ per transversum sectione, cortex crassus occurrit 27, innumeræ tartareas tesseras A inter minores utriculos continens; interius detruncati fibrarum lignearum excurrunt ordines B, sub quibus utriculorum minimorum zona C extenditur, quæ ligneum cylindrum ambit, cum hac tamen ratione, ut geminis in locis D, laxatâ ligni compage, corticis utriculorum ordines E cum medulla continentur, in qua non tantum utriculorum eadem species adest, sed & tartarea corpora F copiosè recolliguntur.

In *ferulaceis* & *fruticibus* quibusdam brevioris vîte, copiosa extat medulla; fortasse ut in liberiori loco multiplex humor excoquatur, & faciliter expiret, & sicuti citò crescunt, citò pariter pereunt; aqueus enim nutritivus humor, medullâ contentus, non tam præbet soliditatem, quam reliquis arboribus transversales utriculorum ordines impertiuntur. Quare probabiliter conjectari possumus, plantarum hujusmodi medullas, transversales esse utriculorum ordines, hinc inde à dispersis fibrarum fasciculis pendentes, nec fibrarum lignearum implicatione firmari, velut reliquis ligneis arborum contexturis accidit.

Medullæ usus olim insignis, cordi & cerebro analogus credebatur; transversales autem ordines, unâ cum medulla, conspicuo & communi usui inservire necesse est. Probabile igitur est, succum, qui per fibras ligneas sursum fertur, per caulem & caudicem, appensoisque ramos, in utriculorum laterales & continuatas appendices sensim exonerari, ibique diuturniori intercedente morâ in nutritivum succum evehi. Et, sicut in animalibus perfectis nova alimonia sub chyli specie venas subintrat, ubi antiquo sanguini, pluribus ditato fermentis, (lymphâ scil. et aliis,) commixtus perenni circulationis motu rotatus, totius corporis habitus, peculiares scil. carnium, viscerum, & interstitiorum officinas, subintrat, à quibus recollecta, sensim determinata fermenta recipit, ut, horum ope ad debitam eventus naturam, succedente transpiratu & excrementorum præcipitatione, animalis munia subire possit; Ita in plantis delatus à ligneis fistulis crudus adhuc succus illico affunditur antiquo & jam perennanti in utriculis succo, & longiori morâ in naturam quasi fermenti exaltatur. Hic igitur conquiescens humor proportionales fermentorum miscelas recipit, quas in animalibus sanguis in circulatione visceribus & ambitu perquirit. Concoquitur itaque in horizontalibus utriculis & medullâ ipsâ suceus, & in ipsis collectus asservatur, ut futuris & proximè erupturis gemmis, & tenellis foliis præsto sit. Hinc fortasse bulbus, cæpè, & similia, crassorem sub terra condunt quasi truncum, transversalibus utriculis turgidum, ut excoctus humor non solum futurorum foliorum materia extet, sed, veluti fermentum, de novo adveniens, alimentum concoquat & digerat. Quare eâdem de

causa forsan continget, surculum, exiguae licet molis, insigni alterius naturae trunco inoculatum & insitione unitum, fructus promere diversos à natura subjecti trunci, qui primò alimentum suppeditat: Tota enim variatio non in solam fistularum formam, peculiarem admittentem succum, longèque diversum à cibrato per subjectas caudicis fibras humore, refundi debet; sed in naturam succi, in transversalibus utriculis contenti, qui quantò potentior est, tantò fortius coctionem perficit.

Inter vala, plantarum thoracem replentia, insignes fistulas perpetuò patulas reperiri, inductione collegimus; has *spirales*, à compositione, placuit interdum vocitare, verius tamen *tracheas* ab officio. Multis ab hinc annis mihi innotuere in singulis arborum truncis, caulinis, foliis, floribus, reliquisque partibus, quibus vegetantia integrantur, ut signatim patebit. In lignea portione, ut indicavimus, magis & minus copiosæ luxuriant, talisque nanciscuntur situm, ut perpetuò lignearum fibrarum fasciculo, veluti vaginâ, ambientur, & in caulinis quarundam plantarum, trachearum collectiones ligneis fibris ita ingeniosè assuantur, ut Naturæ mystrium necessariò subsit.

Cinaræ 28 caulis mirè componitur; varii enim fibrarum fasciculi compaginantur: Interdum triplex fistularum lignearum collectio A geminos trachearum ordines B intercipit & ambit; quandoque gemini trachearum fasciculi A unicum fibrarum acervum B amplexantur, & urgent.

Trachearum compositionem superius innuimus; argentea namque lamina in spiram contorta fistulam perpetuò patentem excitat, & squamatim contexta, tubos & vesiculos, perfimiles insectorum pulmonibus, variè componit. Et sicut in nobis reliquisque sanguineis perfectioribus trachea cartilagineis annulis componitur, qui interpositis musculis & membranosis nexibus continuantur; ubi verò illa in pulmones laxatur, annulorum continuitas tollitur, & diversæ excitantur laminæ, taliterque contextæ locantur, ut se invicem squamatim subingredi, connivere, & ad tempus exerci possint; ita in plantis & insectis, loco annulorum, spiralem laminam Natura fabrefecit, quæ squamosis frustulis compacta, constrictionem & dilatationem in vehementibus flexuris & curvationibus arborum, & in elastico conclusi aeris motu, pati potest. Taliter excitatae plantarum tracheæ, non multùm à recto declinantes, à radicibus sursum in truncum, caulem & ramos disperguntur; in foliis verò curvatæ, in rete implicantur.

Interdum in caudicibus quibusdam non longè à radicibus, ut in *moro* 29 frequenter deprehendi, eminentiæ quedam ligneæ protuberant, quæ vaginæ instar tracheas custodiunt, quarum varius est progressus; unus quandoque exteriùs videtur truncus A, qui in plures fistulas B solvitur; non raro per transversum ducuntur tracheæ C; & ubi ex erumpentibus præcipue ramis amplæ contingunt areæ, vel spatia, hujusmodi tracheæ contorquentur in spiram D: Et tamen mirabile est non perpetuò eandem inclinationem & circumvolutionem pati ligneas E fibras, sed interdum

dum sursum ferri, aberrantibus multùm à recta linea contentis tracheis F.

Tanta est *Respirationis* necessitas, & usus, ut Natura in singulis viventium ordinibus varia, sed analoga, paraverit instrumenta, quæ pulmones vocamus, cum hoc discrimine, ut quæ perfectiora nobis censemur, ea minori pulmonum apparatu gaudeant. Ita homini, reliquisque quadrupedibus, quæ perfecta dicuntur, geminos elargitur pulmones, per quos perpetuò totus sanguis pertransit; in avibus vero, abdominis cavitas in additamentum pulmonibus additur. In piscibus pariter operosa est Natura; nam frequenter branchias sub multiplici ordine molitur, & polypo reliquisque consimilibus geminos pulmones quasi moscum ab abdomen pendere jubet; quibus omnibus respiratio ex aqua promovetur. Nec testaceis & crustaceis desunt pulmones, sed frequenter propriâ mole reliquum corporis superant. Viliora pariter insecta suo muniuntur pulmone, qui tantam dimensionem sortitur, ut reliquarum partium molem longè excedat; ita in *papilionibus* olim decem & octo deprehendi pulmones, qui non ut in nobis, reliquisque animantibus, debitè circumscripti propriâ coercentur cavitate, sed oblongas promentes tracheas, quæ modò in vasa coarctantur, modò in vesicas pulmonares laxantur, in singulas corporis partes, vasorum ritu, propagantur, & ramifications. In *plantis* verò, quæ infimum animalium attingunt ordinem, tantam trachearum copiam & productionem extare par est, ut his minimæ vegetantium partes præter corticem irrigentur.

Exarati pulmones in singulis viventium ordinibus, à variis continentibus & ambientibus liquidis, quibus immerguntur, peculiarem hauriunt icorem, vitæ necessarium. Hunc ambiens aer nobis, reliquisque terrestribus perfectis, & insectis ipsis præstat: Pisces, crustacea, reliquaque aquatilia, respirationis materiam ab aqua separant; plantæ igitur (ut conjectari fas est) cum sint viventia, visceribus infixæ terræ, ab hac, seu potius ab aqua & aëre, commixtis & percolatis à terra, respirationis suæ materiam recipiunt, ipsorumque tracheæ ab halitu terræ, extremas radices subingresso, replentur. Diu anxiè quæsivi, an in foliis & cortice orificia pro aere paterent, nec ea unquam deprehendere potui; radices verò tantis coagmentantur tracheis, ut in quibusdam plantis & arboribus hæ reliquarum molem longè superent. Quare (ut dubitare licet) vapor seu respiratorius succus à terra, aeri & aquæ mixta, separatus, tracheas subintrans, ipsis replet & distendit: Et sicut in nobis & consimilibus, sanguinis massa pulmones petit, ut ab ipsis separatas aeris particulas recipiat, quod in aqua piscium pulmones præstant; & in insectis non tota sanguinis moles in pulmones confluit, sed inversâ viâ pulmones ipsi, vasorum ritu, in universum corpus disperguntur, sic ut singulæ partes aeris particulas per pulmones, & sanguinis portiones per arterias recipient; ita in plantarum pulmonibus vereri possumus, ne vel à tracheis minimi promantur ramuli in contiguas ligni partes, ut insectis accidit; vel (probabilius) ligneæ fibræ, aut horizontalium utriculorum ordines, separatam à trachearum tunicis halitus partem, seu succum, pro respiratione recipient, cùm ligneæ fibræ, hederæ instar, tracheas ambiant.

Respi-

Respirationis usus licet tantam nobis importet necessitatem, adeò tamen obscurus, mihique adhuc ignotus est, ut post multas meditationes ea tantum mihi repetere liceat, quæ aliàs subindicavi. Cùm enim vegetantium succi fermentationem & fluiditatem subire debeant, (aliàs nulla succederet nutritio, & auctio,) ideo trachearum ope turbativum & summè activum separatur, quo & fluiditas promovetur, & fermentatio excitatur; diversæ namque salinæ particulæ, quæ præcipue in plantarum vasis abundant, facilè concretionem subirent, nisi intestino agitatæ motu perpetuò dissociarentur, ut animalium liquoribus, & sanguini accidit, cui pulmonum ope turbativus affunditur succus, unde fluiditas, & fermentationis occasio. In nobis & perfectis animalibus non parum aeris ingurgitatur, quo & ventriculis & continuata intestina tument; hunc autem cibariis, coctionem subeuntibus, intimè misceri probabile est, propriosque sales & præcipue nitrum per deliquium separatos affundere, non solius cibariorum solutionis gratiâ, sed etiam ut debita communicetur fluiditas. Quare fortasse in arborum plantatione altæ excitantur per longum ante tempus foveæ, ut ambientes terræ partes præcipitatis ab aere salibus imprægnentur, & affusa tandem iterum aqua, multo immixta aeri, tenellis plantatæ arboris radiculis debitos subministret sales. In hunc etiam finem circa radices arte parantur vacuitates pro continendo aere. Idem etiam contingit in terrarum cultura; eatenus enim proficia est aratio, non tantum, ut faciliùs sales, liberiores redditи pertransenti aquæ, solvantur, sed ut faciliùs & copiosius imprægnetur terra præcipitatis à contiguo aere nitro, & reliquis salibus, quibus vegetatio promoveri potest.

Dum potiores usus aliorum sagacitas detegit, cursim subnectam ego, contentum in tracheis aerem necessariò easdem pati proportionaliter alterationes, quas extra subit. Ita videmus liquidum humorem, quo ligneæ fibræ & transversales utriculi replentur, urgente frigore glaciem concipere, & vehementi illâ rarefactione disrumpere fibrarum compagem, & robustissimas etiam arbores, oblongis excitatis hiatibus, dilaniare & lacerare: Rarefactionem itaque & condensationem inclusus aer experitur, variatâ scil. aeris temperie non ex sola tempestatum mutatione, sed ex successivis diei & noctis immutatis crasibus. Et sicut in nobis, reliquisque sanguineis analogis, respirationis motus, dilatio scil. & constrictio, interpolatis impulsibus promovet chyli & aliorum succorum motum per lactea & consimilia vasa; ita ex trachearum dilatatione, intus turgente aere, necessariò urgentur interceptæ ligneæ fibræ, & horizontales utricularum appendices, & ita probabiliter fit contenti succi expressio in contiguas partes remittente verò tumore, laxiores redditи utriculi, & fistulæ ligneæ, faciliùs novum admittunt humorem; unde etiam in lignis ipsis, igni appositis, exeuntem copiosè humorem ab extremis fistularum orificiis passim videmus.

In herbarum arborumque compage, ultra tracheas & fistulas, peculiare vasculum interdum deprehendi diximus, terebinthinâ, gummi, quandoque concreto & proprio refertum succo, & humore. Hujus indago fe-

TAB. 7. liciter succedit in ebulo 30; cuius segmentum, ultra lignearum fistularum coro-

coronam *A*, exteriorem caulis partem constituentem à cortice *B* circumdatam, cui lignei pariter fasciculi *C* adnectuntur, per medullam peculia-ria vascula *D* disseminata exhibet; hæc autumno & hyeme concreto. mellei coloris succo scatent.

Vasorum hujusmodi progressum in plantis illis, quibus succus, omisâ diaphaneitate, vario inficitur colore, mirari tantum licet. In *cinaræ* itaque lignea portione ; non longè à medulla per longum vascula hæc *A* mutuam anastomosim passa exporriguntur, & sanguineo ferè turgida succo patent.

In *apio rustico* vascula hæc per longum *A* excurrunt, quæ hinc inde surculos promunt circa utriculorum peripheriam ramificatos, sibique mutuò insculatos *B*. In singulis lactiferis, resinamque fundentibus, laceratione occurunt hujusmodi vascula; in reliquis vero plantis, ubi contentus humor fusco non inficitur colore, vel insigniter concrescendo soliditatem non acquirit, ob exiguitatem obscurantur, minimumque sui vestigium exhibent. Ex perpetuis tamen Naturæ legibus, quæ eandem vel saltem analogam servat in suis operibus methodum, videtur valde probabile, in singulis plantis peculiare vas adesse, ultimum & specificum deferens alimen-tum. Contentus succus, (ut ex nobis notis probabiliter philosophemur,) cùm substantiæ modum & proprietates longè perfectiores habere videatur, ac in succo fistulis contento deprehenditur, ultimæ alimoniaz dotes & qualitates habebit. Ita in *abiete* & simil. elaboratior videtur terebin-thinæ succus, ac reliquias fibras occupans: Nec structuræ ratio reclamat; cùm enim fibræ humorem in transversales ordines exonerent, ut singulis partibus communicetur, non aliud promptius occurrit pro exequendo hoc munere, præter exaratum vas, suo turgidum humore, cùm præcipuè rami-ficationes circa utriculos habeat, ut totam plantarum peripheriam per-vadat.

Succi hujus varia est natura; frequenter aquei diaphanique humoris specie effluit, quandoque laetis instar, non rarò luteo inficitur colore, & interdum semiconcretus lentorem acquirit, ita ut, quot plantarum species extant, totidem peculiares succi inveniantur; ni dubitare velimus, quod-cunque individuum vegetans peculiarem sibi parare succum, ut in anima-lium sanguine, in ipsis etiam individuis, dubitare possumus. Hic itaque succus, delatus in singulas partes, roris instar affunditur, & concrescendo ipsas auget, & ad debitam magnitudinem perducit. Quare, quo aquosi-or est, ut in *populo* & *salice* evenit, facilè evaporat, nec exteriorum injuri-as arcet. In *quercu* singulæ fibræ & utriculorum ordines tam valido & quasi glutine lucido irrorantur, ut firmum corpus excitetur; quod non so-lum divisioni, sed & aquæ aerisque salinis particulis, si quando urgeant, abundè resistit. In *pruno*, *cerase*, *piro*, & *resinosis* lignis, non rarò evapo-rante hujusmodi nutritivo succo, jam fibris asperso, congeries quasi tubu-lorum & orbicularum membranosorum superest; sola enim tunicae va-sorum & horizontalium utriculorum tenues & graciles supersunt, quæ sin-gularum particularum delineamenta exhibent.

De Caudicis augmento, & Nodis.

Arborum trunci successivis annorum temporibus sua acquirunt incrementa ; unde in ingentem etiam ex crescunt molem : Hæc itaque suâ gent indagine, & ut quæcumque additamenta, arboribus contingentia, prout licet, nobis emergant, varia surculorum segmenta observanda venient. TAB. 8. Inter cæteras arbores patentius occurunt in *castaneis* 32, quarum icones examinabimus. Sectus surculus paucorum mensium, tenellus adhuc, exteriùs quinque obtusis angulis *A* eminet ; hic triplici constat parte, crasso scil. cortice *B*, ligneâ portione *C*, & contentâ medullâ *D*. Corticem de more excitant utriculi *E* tenelli, & virides, succo turgidi, & versùs lignum, fistularum lignearum fines & ora *F* circumlocantur. Succedit lignum, quinque pariter appendicibus *G* protuberans : Lignea hæc moles fibrarum fasciculis coagmentatur, in quibus trachearum *H* ora aperiuntur ; non in unicum diriguntur centrum, sed versùs medullam inclinati variè situantur ; unde in surculorum inchoamentis probabile est, velut in annotinis caulis, fibrarum fasciculos per medullam & corticem continuatos dispergi, & confuso quasi situ locari ; urgente tamen cortice & medullâ in zonam ligneam disponi, debitâ sensim acquisitâ versùs centrum inclinatione. A cortice inter ligneos fasciculos, utriculorum interpositi ordines *I* excurrunt, & in medullam *D* laxantur. Hæc quinque pariter appendicibus constat, quarum meridionalem respiciens regionem *K* acuminata eminet ; oppositæ autem *L*, *M*, versùs septentrionem directæ, obtusæ valde, amplum quasi sinum efformant ; orientalis quoque appendix *N*, ampla, non multùm protuberat ; è converso verò occidentalis *O*, oblongiori tractu producta, angulum efformat : Medulla hæc taliter configurata corticalibus utriculis componitur.

In eodem pariter surculo 33, sex elapsis mensibus talis emergit exterior configuratio. Exaratæ enim quinque appendices *A* eminent, & intermediæ surculi partes *B* tumidiores redditæ sensim ad rotunditatem surculum deducunt. In Cortice geminus fibrarum ordo *C* eminet ; reliquum verò utriculis *D*, epidermide contentis, coagmentatur. Lignum pariter suas habet eminentias *E* ; hujusmodi fibrosis fasciculis coagmentatur, qui variam magnitudinem sortiti, in medullam *F* inæqualiter terminantur ; diversam habent inclinationem, & in ipsis plura trachearum ora aperiuntur. A cortice, inter ligneos fasciculos, utriculorum ordines excurrunt in medullam, quæ tribus ditatæ appendicibus, quarum superior *G* versùs meridiem dirigitur, amplior verò *H* occidentalem respicit oram.

Paulò inferiùs factâ incisione in parte ejusdem rami 34, ætatis mensium decem & octo, segmentum habebis, cuius exterior superficies ferè rotunda est obliteratis angulis : Cortex quatuor fibrarum seriebus *A* irrigatur, quæ utriculorum ordinibus *B* ambiuntur. Contenta lignea portio geminis fibrarum involucris coagmentatur, priori enim superioris anni ligneo invo-

involutro *C*, in quo exiguae aperiuntur tracheæ, novus circumducitur circulus, & quasi ligneum involucrum *D*, latius priori, quod fibrarum fasciculis componitur, in quibus trachearum ora *E* versus interiora aperiuntur; nonnullis etiam minimis, exterius emergentibus, medulla *F* utriculis constans, latam appendicem *G* extra corticem habet, quæ erumpentis rami exortus est. Appendix meridionalis *H* minor reddit a conspicitur; orientalis, licet arctior, adhuc elongatur.

Succedit duorum annorum cum dimidio segmentum ferè rotundum 35, hujus cortex sex fibrarum ordinibus *A*, & quandoque pluribus componitur; geminis antiquioribus involucris *B C* novum extenditur additamentum *D*, in cuius ligneis fasciculis trachearum insignes hiatus *E* aperiuntur; medulla *F* & ipsa adhuc appendices servat, quarum occidentalis *G* procerior est, meridionalis tamen *H* minor, pars verò opposita *I* geminâ erumpente appendice protuberat.

Postremum segmentum in eodem ramo excitatum annorum trium cum dimidio 36 eandem servat circumscriptiōnē: Ejus cortex octo fibrarum ordinibus, & etiam pluribus interpositis utriculis constat. Ligni cylindrus quatuor involucris sese ambientibus constat *A B C D*; postremò additus circulus ampliori constat crassitie, & hujus trachearum ora *E* præ ceteris ampliora sunt. Inter ligneos fasciculos occurunt utricularum transversalium ordines *F*, qui non perpetuò continui sunt à cortice in medullam, sed novi suboriuntur ordines: Inter fibrarum fasciculos, appendices *G* quædam observantur, quæ utricularum transversalium portiones extant. Medulla *H* arctior reddit a appendices promit. In reliquis subsequentibus segmentis eandem servare videtur Natura proportionem, ita ut singulo anno novus emergat ligneus circulus. Consimilem speciem exhibent segmenta *quercus* & *similium*; unde concludere possumus, truncos, & ramos inde emergentes, singulo anno additamentum recipere, novo addito exterius fibrarum & trachearum involucro.

Pari incremento procedit Natura in *Ossium* augmento. Fœtūs ossa, & cranium præcipue, filamentorum progressum exhibent; hæc non omnino sibi parallela sunt, & hinc inde breves appendiculas filamentosas prominunt, quibus invicem colligata, rete efformant parum à *libri* natura distans, cuius potiores areæ & tota fibrarum compages exsudante osseō succo repletur, & tumet: Successivis incrementis nova fibrarum plana superinducuntur, quæ præexistenti lamellæ osseō agglutinata succo, debitam molem & firmitatem excitant. Patent autem singula plana, resolutione factâ per longam ossium macerationem; integræ namque osseæ reticulare bracteæ evelluntur: In abortibus verò, in crano inchoatum rete evidenter conspicitur. *Dentium* pariter compages hic non parum lucis affert; horum structura præ ceteris minus obscura est in quadrupedum tennillis dentibus, & præcipue vitellinis, in piscibus pariter, & in animalium arboribus. Dupli excitantur parte, quarum interior ossea lamella fibrosis & quasi tendinosis capillamentis, in naturam retis implicitis, constat; huic superextenditur alterum involucrum valde crassum; quod à pri-

primordiis mucosum est, tractu tamen temporis osseum redditur, candidum, & durum.

Non longè à radicibus in exteriori lamella filamentorum 37, quasi ordinis *A* sursum deducuntur, qui lineam crispam ad latera inclinatam *B* designant. Non sunt autem continua corpora, filamentorum instar, à radice ad summitatem producta, sed innumeri ferè sunt contigui quasi pili, qui parum assurgententes talem designant lineam, unde sectus per longum dens, interioris ossæ lamellæ *C* progressum objicit, cui adnascitur aliud externum involucrum *D*, quod quasi assurgentibus pilis conglomeratur, quorum distincta compages osseo affuso succo obscuratur.

Adhuc hæreo, an Natura in ossium productione primò stamina, filamentorum speciem referentia, ducat, quæ in rete implicita plana efforment, hæcque tractu temporis solidiora reddantur, disperso ulteriori humore, qui & interstitia repleat, & ossea reddat? An verò filamentorum rete primò excitetur, non tantùm ad conciliandam soliditatem & concretionem, sed ut à propagatis & dispersis vasis & nervis osseus succus, veluti à cribro, adhuc fluidus, & petrificus humor & spiritus separetur, & extrudatur, qui sensim effluens & concrescens primò sub pilorum specie, tandem copiosius erumpens, adjacentia replendo spatia, metallicam & quasi petrificam largiatur naturam & soliditatem. In lignorum petrificatione, & gypsi productione, filamenta primò tenuissima & crystallina sese produnt, à quibus planorum contextura affuso ulterius succo succedit. Quare ossium filamenta crassa & tendinosa probabiliter è vasis, & præcipue sanguineis, quæ frequentia intercurrunt, percolant osseum illum & petrificum succum, qui interstitiis affusus & innatans longo transpiratu solidecit. Osseus succus in animalibus luxurians, & ab ipsis ossibus & tendinibus effluens, passim observatur in hujusmodi partium fracturis, & incisionibus. Musculorum pariter multiplices tendines, temporis diuturnitate ossei redundunt. In Gallinaceis circa articulos ab ossibus exsudans icor consimiles producit appendices, & tophos. Memini, in bove intra calvariam ingentem osseam molem observasse (quam adhuc servo.) Hęc suis circumdata membranis & vasis sanguineis, alterum cerebrum cum appenso cerebello æmulatur. Hanc autem à primordiis glandulam fuisse reor, & casu excitato ossei succi percolatorio folliculo, ita in hanc degenerasse naturam & molem, rationi consonum est.

Horum & similiū indagine probabiliter suspicari possumus, fibris & transversalibus utricularum ordinibus, quibus lignum contexitur, peculiarem affundi succum, quem superius indicavimus; cujus corporaturâ & concretione varia firmitas & durities ligno comparatur. Longum tamen requiritur tempus, ut recenti ligno talis concilietur soliditas, qualis deprehenditur in præexistenti ligno; unde nova inducta lignea additamenta *adipes* dicuntur, & à colore subalbo *alburnum* appellantur. Talem duritiem non sortiuntur, quam subcrescentia infecta non erodant; unde teredini summè obnoxia sunt. In *quercu*, octo circulos & involucra *alburnum* constituere vidi; quare, cùm facile aeris & aquæ injuriis cedant, à mechanicis ut inutilia abjiciuntur.

Arborum igitur & similiū Trunci, indeque emergentes Rami, novis quolibet anno additis ligneis involucris compaginantur; unde proceres aſurgunt etiam caudices, qui ex fibrarum implicatione solidiores redditi, ventorum impetus & materiæ pondus sustinere valent. In Herbis verò assurgentēs quidam caulinī, quorum delineavimus segmenta, ut plurimum dispersis per medullam fibrarum & tracheārū fasciculis, ligneo circulo exteriūs circumducto componuntur. Quare cùm ferè annotini sint, in his auctionis ordines non succedunt; & cùm laxiori donentur compage, externorū injuriis facile cedunt. Unum habent plerique Herbarum caulinī commune cum quibusdam Arboribus, & stipitibus, ad majus robur & œconomia commodum; Nodos scilicet, qui articuli & interdum genicula appellantur: Ab hujusmodi namque tumoribus geniculatim vel articulatim prodeunt Rami. Horum structura mira est, & in arboribus, reliquaque durioris & auctioris compaginis, omnino obscura. Quare ipsam rimari expedit in Caule, cuius lignei fasciculi magis distant, & ipsarum ambiens medulla maceratione obliterari potest, ita ut quælibet fibræ integræ separari possint. In caule itaque grani Turcici macerati, nodorum compositio minùs obscura præ cæteris extat. Est autem nodus ramificatio, novaque implicatio, ut & recentia folia erumpant, gemmaque promatur.

Sub oculis iconē mihi non licuit integrum nodum, singulas scil. implicatas fibras, apponere, sed facilioris intelligentiæ gratiâ placuit fibrosi unius fasciculi 38 productionem delineare. Quilibet fistularum fasciculus per interiorem medullam dispersus, paulò infra nodum propagines emittit; quarum aliquæ A, interdum contiguo fasciculo inosculantur; reliquæ verò B proximis fibris C associatæ, à centro versùs peripheriam deducitæ, occurrentes fibrosos fasciculos superequitant eleganti implicatione; inter se autem anastomizatæ, rete D efformant, & tandem corticem perforando, partim in novellam gemmam, partim in folium absumentur. A penitioribus igitur erumpentes, exteriorem nodi partem taliter percurrunt: Ubi enim ab intersticiis fibrarum lignearum, quibus exterior ambitus excitatur, emergunt, statim in rete E implicantur; & tandem ipsarum nonnullæ, ascendentibus fibrosis fasciculis F unitæ, sursum producuntur, aliquæ in folia diramantur, reliquæ ad latera obliquatæ G, in gemmam diriguntur.

Nodus igitur est productio recentis sobolis in fibris ligneis & tracheis, ut exteriūs derivata in nova folia, & plantulæ surculum, scil. gemmam, compingatur. Et quoniam fortis exigebatur alimenti miscela, & caulis robur, ideo exarata fibrarum implicatio necessaria fuit. Interiores fibrarum fasciculi cum exterioribus communicant, & à singulo fasciculo multiplices promuntur fistulæ; quare aliæ sursum, aliæ in folia, reliqua in gemmam desinunt. In arboribus, ubi rami producuntur, reticulares quoque propagines à quolibet ligneo involucro promuntur, quæ unitæ cylindrum efformant, ramum scil. consimilem truncō; unde in utrisque à natura delati alimenti rudis miscella promovetur.

Taliter compaginantur Caules & Caudices quorundam Fruticum; ut
M pluri-

plurimum tamen ubi nodi excitantur. Trunci unico ligneo involucro contenti sunt, & reliquum medulla tenere solet, vel saltē, ipsā absente, vacuum relinquitur. *Caulium* pariter compages varia est; nam plerumque dispersi per medullam fasciculi fibrosi, cylindrum efformant; quandoque tubulosi sunt, & non raro multiplex occurrit vacuitas; unde ipsorum segmentum horizontale rete delineat. *Caulium* & caudicum quoque varia exterior est forma, quae nudis oculis patet; & hæc à fibrarum vario ductu, quæ in folia & ramos derivantur, exortum trahit. Hanc si signatim recensere vellem, plantarum integrum historiam contexere tentarem.

De GEMMIS.

Vegetantium genus, ut debitam magnitudinem sortiatur, & suæ mortalitatis jacturam successivâ prolis eductione reparet, statis temporibus novas promit partes, ut tandem emergentes *uteri*, recentes edant *soboles*. Emanantes igitur à caule, caudice, ramis, & radicibus novellæ hujusmodi partes, non illico laxatae extenduntur, sed compendio quodam coagmentatae intra folii axillam cubantes, non parum subsistunt. *Gemmae* autem appellantur, eo quod lacrymarum instar congregantur; frequentè etiam *oculi* vocitantur. *Gemmae* itaque sunt veluti infans seu fœtus ita custoditus, ut suo tempore auctus, in surculum excrescens, tandem *ova* promat. Hæ nostris hisce regionibus circa *Junii* mensem erumpunt à tenello surculo mox germinante, & ita custoditæ, tandem futuro vere aperiuntur, & adolecent. Speciali compage constant *gemmae* hoc quietis intervallo; suntque veluti infans involutus, seu eruca, in qua compendio quodam insunt ultimi senii futuræ partes.

TAB. 9. Simplicioribus lustratis *gemmarum* formis, insigniores exarabimus. In *arundine vulgari*, oblonga eminet gemma 39 A, è singulo nodo supra antiqui folii insertionem B emergens, mitrali constans formâ multùm depresso, geminis excitatur foliis, quorum peripheriam pili C, sursum directi, crassi & candidi, ornant; Intus angulare corpus D, viridibus foliis, sese invicem ambientibus cæparum more, excitatum custoditur.

In *olea* pariter *gemmarum* species simplicissima est; unico enim foliorum ordine 40 A constat, contentis intus minoribus foliolis B; singula lanugine seu cinereis pilis fungisque cooperiuntur.

Eadem ferè structura in herbaceis, & præcipue in *viola martia purpurea* 41 conspicitur, à cuius radice, seu sepulto caulinco A, *gemma* assurgit, geminis cooperta foliis B; reliqua intus custodiuntur, & turgent, ut piniforme reddatur corpus.

Auctior *gemma* occurrit passim in arboribus, & arbutis; ut in *vite*, *lau-ro*, *fici*, *rubo*, *sambuco*, *moro*, & *nuce* 42. Hæc à tenello surculo A emergit, supra delapsi folii vestigia B, & pluribus foliorum ordinibus C rubiginosi coloris

coloris constat : In aliquibus minima adstat gemma suis pariter integrata foliolis.

Parùm absimilis conspicitur species in *herbaceis* sub terra conditis, & pricipue in *amarantho* 43 ; multiplici enim foliorum ordine A componitur, quæ acuminatam excitant gemmam.

Eboli pariter gemma 44, à radicis cylindro A erumpens, multiplici latorum foliorum B serie donata conglobatur.

Oblongior gemma obvia fit in *avellani* & *quercu* 45 ; in qua multiplices foliorum ordines A° squamarum instar, quasi ovale corpus excitantes, procerum corpus, ab annunculo surculo B, supra delapsi folii cicatricem C erumpens, componunt.

In gramine 46 pariter consimiles observantur gemmæ , à nodo hinc inde emanantes, acuminatæ valde; hæ æstate proceriores & longiores redditæ pluribus foliorum seriebus A, squamatim locatis, in corniculare quasi corpus curvantur.

Elegans pariter est in *pomis præcocibus* & *prunis* gemmarum structura, attentâ foliorum formâ ; à tenello namque 47 surculo A erumpunt supra delapsi folii vestigia B. Primus foliorum ordo C minor est ; reliqui latiores & proceriores, squamatim sese contingentes , ita ut pineale fiat corpus. A singulo folii apice appendix D una, quandoque tres in *malis Armeniacis* & aliis assurgunt.

Enascuntur gemmæ ab extremis surculorum apicibus, & perpetuò supra delapsi folii implantationem à lateribus pariter elongati surculi variè pullulant; alternatim in *salice*, *quercu*, & reliquis arboribus, & vegetantibus, ubi nodus non observatur ; in quibus autem extat, una interdum erumpit gemma, ut in *arundine* & *vite*; quandoque gemina, ut in *opio*, *vite alba*, & similibus.

Mirabilis in *platano* 48 gemmarum situs ; à lateribus enim & extremo surculo A crassifacto dilatatus folii pediolus B assurgit, qui tubulosus redditus, contentam, veluti in vagina, gemmam custodit ; unde laceratione revulsus C, ipsam D in conspectum exhibit. Hæc ulteriori ambiente folio E, quasi membraneo sacculo, involvitur, quo disrupto occurunt folia F pilis conspersa, quibus gemma excitatur.

Parum absimili formâ, *salicis* 49 gemma munitur : Corticis hujus exterior portio in sacculum, seu vaginam A, desinit, quâ totus gemmæ ambitus cooperit & tegitur ; quo lacerato gemma B sese offert, foliolis invicem amplexantibus excitata.

Gemma , cùm sit compendium surculi, iisdem integratur, quibus ramí componuntur. Insunt tamen varie metamorphoses , in quibus Naturæ lusus elucescit : Nam aliquibus plantis foliola, quibus gemma componitur, temporanea sunt, & singulo folio stabili , quo tandem surculus ornatur , hinc inde gemina adstant ; quod in *fici*, *avellani*, *moro*, *quercu*, & *ulmo* 50 contingit, in qua ab elongata gemma folium stabile A pendet, & TAB. 10. huic pediolo gemina adstant foliola B, quæ temporis tractu exsiccata decidunt ; in reliquo surculi, caduca pariter folia C adhuc supersunt, sensim emergen-

emergentibus stabilibus *D*: Caduca folia variâ circumscribuntur formâ, tum in diversis plantis, tum in una eademque gemma.

In *fico* 51 exteriùs ut plurimùm mitralia *A* sunt. In *moro* & *castaneis* parùm concava *B*, oblonga, obtusaque in apice assurgunt. In *avellanis* concava pariter, lataque sunt foliola *C* copiosis irrigata fibris, utriculisque donata. Parum absimili donantur formâ caduca *ulmi* folia; lata enim sunt absque ulla lacinatione copiosis conspersa fibris *D*, quæ non à communi costula oriuntur, sed omnes à surculo, à quo emergunt. Interdum angustiora sunt, talique constant formâ *E*. In *robore* & *quercu* ut plurimùm oblonga, gracilique constant specie *F*, & plurimis, fibrarum producti-
nibus irrigantur. In *viola martia*, caduca folia ita laciniata sunt, ut appendices *G* ita graciles sint, ut spinas æmulentur. In *malva* quandoque mitrale assurgit caducum folium; interdum in plura quasi scinditur foliola *H*, quæ tandem tabefacta concidunt.

Folia stabilia, quorum generationem præmuniri caducis foliolis diximus, postremò vegetante geminâ emergunt, ipsorumque primæva species minima est, & ferè informis; sensim autem turgentibus costulis, & continuatis fibrosis fasciculis, manifestior redditur. In aliquibus, ut in *fico*, folium à primordiis apertum & diductum est; in reliquis ferè omnibus complicatum & crispum est, ita ut in primo exortu solus pediolus, indeque assurgens costula cum appensis fasciculis appareat, nondum laxatâ folii latitudine.

Hoc apprimè miramur in *ulmo* 52, in qua stabilis folii *A* primò emergens structura, pediolo *B* constat, caducis foliis *C* intimè unito; reliquum folii *D* complicatur, apparentibus tantùm costulis. Idem folium tractu temporis auctus *E* redditur, & utriculorum appendices, quibus folii latitudo excitatur, sensim laxantur, & caduca folia *F* proceriora fiunt. Postremò emergentibus costulis *G* à crasso pediolo, & crassiori ascendeante fasciculo *H*, exterior unguis *I* incisuras patitur, & tandem in geminas appetit partes.

Evidentiùs in *robore* & *quercu* contingunt hæc omnia; etenim stabilis hujus folii species 53 tam parva est, ut vix microscopio deprehendi possit. Inter caduca namque foliola *A* inchoamentum folii assurgit, quod turgentे costulâ *B* excitatur cum gemina appendice. Sensim tres manifestantur costulæ *C*, à crasso erumpentes pediolo *D*. Tractu temporis deductis costulis, folii latitudo *E* extenditur; & postremò, elongato fibroso fasciculo *F*, novæ appenduntur costulæ *G*, & tandem fit exiguum folium, cuius latitudo *H* crispa adhuc redditur.

Non una perpetuò est naturæ methodus in augendis gemmarum foliis, ita ut primò caduca erumpant folia, mox stabilia emergant, & tandem, adiunctis istis, illa contabescant, & decidant; sed passim in pluribus arboribus gemmarum folia, & præcipue, quæ basim ipsius componunt, mitrali amissâ figurâ, novis mutationibus tandem in stabiliæ evadunt folia, quibus surculus condecoratur.

Nova itaque formæ in diversis vegetantibus observatæ, delineandæ
veniunt,

veniunt, & primò in lauro, & persica malo 54, cuius folium à gemmæ basi erumpens, mitraliq; constans formâ A, appendicem minimam B inter geminas lacinias C promit. Idem folium auctius redditum D, & parum convavum, triplici appendice turgere incipit, quarum media E, complicati & convoluti folii augmentum est; geminæ verò F, caduci folii inchoamenta extant. Brevi elabente tempore appendices G auctiores redditæ, caduci folii naturam redolent; contentum verò folium convolutum, geminis scil. partibus H intrò reflexis assurgit. Singula hæc magis manifestantur in folio I; & proceriora fiunt, dum stabile folium K, adhuc convolutum, adolescit, à cujus extremo ungue papillæ L, terebinthinæ colorem referentes, eminent. Stabile tandem folium M, latitudinem sortitum, papillas N turgidiores reddit, caducaque folia O graciliora fiunt. Et postremo debitâ accedente magnitudine, caduca foliola P contabescere incipiunt; reliquum verò folii Q hiare incipit, emergentibus fibrosis costulis, & papillis unguem ornantibus.

Pari progressu amygdali 55 folia augentur: Primò etenim mitrale folium A propriâ donatur appendiculâ B; idem auctius redditum, fibrarum C in appendices D progressum exhibit. Successivo incremento stabile folium E manifestatur, caducaque foliola F aslurgunt; latius pariter temporis tractu folium G redditur, quod adhuc complicitum extat. Tandem laxatis folii partibus H, papillæ I subvitellini coloris emergunt; reliquum verò in caduca foliola K absuntur. Ultimò, elongato pediolo L, caduca foliola M adstant, & reliquum folii, papillis N & fibris O condecoratur.

Consimili incremento vegetant promorum 56 folia, à quorum apice appendix A primò erumpit; hæc auctior redditur in folio B, sensim laxatur in folium C, hujus unguis D laciniatur, & folii species emergit: Hoc auctius E redditum, papillas F promit, ejusque pediolo caduca foliola G altis incisuris separantur, & postremò debitâ acquisitâ formâ H, caduca foliola I contabescunt.

In Malis Armeniacis 57 evidentiùs successivæ patent mutationes; folium enim A exteriorem gemmæ basin cingens, auctius redditum, convolutum foliolum B promit; reliquum verò pilis & subrotundis tuberculis C ornatur: latius redditur folium stabile D, & crenis mediis caduca foliola E sensim extenduntur; hæc temporis diuturnitate incisuris F soluta, auctiora redundunt; tandem elongato pediolo G caduca contabescunt foliola H: Horum forma varia est; frequenter ipsorum unguis in styliformes solvitur appendices I, & rotundis globulis ornatur.

Cydoniæ mali 58 pariter auctio elegans est, senis distincta figuris A, B, C, D, E, F; in quibus caduca folia insigni pollent magnitudine, & singula pilis, & papillis, terebinthinam fundentibus, cooperiuntur, & tandem tæbæcta concidunt.

Exaratam methodum non perpetuò adamussim servat Natura, sed in aliquibus, loco caduci folii, appendices adstant geminæ: Ita patet in *Rosmarum* 59 gemmis, quarum primò latum folium A occurrit, hoc auctius

redditum, appendicem *B* efficit: Temporis progressu, altioribus ex-citatis incisuris, foliolum *C* conglobatum sensim laxatur & aperit; &, loco caduci folii, appendices *D*, fibris irrigatæ, extenduntur. Successi-vis mutationibus foliola tria *E* emergunt, & pediolus oblongior redditur. Adauēto iterum pediolo *F*, stabilia folia *G* explicari incipiunt, & postremò distinctis foliis *H*, geminæ appendices *I*, graciles valde, fibroso pedio-lo *K* adstant, utriculis & pilis conspersæ. Eundem progressum habent *rubi canini* folia, quæ tamen altiori incisurâ separata, pendent à pediolo; hæc frequenter permanent. Idem accidit in *rubo*, cuius foliola caduca contabescunt.

Mirabilem pariter auctionem molitur Natura in aliquibus arboribus & herbis, dum ipsarum foliola è gemmis assurgunt; tota namq; folii mo-les, quâ gemma excitabatur, in stabili folii pediolum absimitur & im-mutatur.

Hoc in *opio* 60, primò deprehenditur, cuius tenella foliolis ex-teriùs componitur, quæ mitralem habent figuram *A*; successivâ autem au-tione, emergente folii inchoamento *B*, reliquum mediâ sui portione in pedioli speciem *C* designatur, quæ in grandioribus redditis foliis *D* mani-festò patet: Interim stabilia folia *E* fibris conspersa vegetant. Postremò adauētis folii partibus *F*, oblongus observatur pediolus *G*, costulâ *H* per longum excurrente.

Passim hoc idem accidit in *ebulo*, *vite alba* & *sambuco* 61, cuius externum tenellumq; folium styliformi appendice *A* donatur; idem auctius redditum, subrubicundis utriculis turget, & quinque foliorum *B* rudimenta emer-gunt. Hæc tractu temporis manifesta *C* fiunt, & reliquum *D* gracilius & longius redditur; adhuc tamen complicata jacent stabilia foliola *E*, quæ sensim auctiora conniventibus partibus *F* luxuriant: Hæc tandem hiare *G* incipiunt, & postremò patula *H* fiunt, & ab elongato pediolo *I* pendent.

TAB. 13. Elegans est foliorum *nucis* 62 incrementum; nam à mitrali forma *A*, quæ primò emergit, oblongior consurgit species *B*; successivo augmento oblongius redditum folium, in apice incisuras aperit, unde appendices seu foliorum inchoamenta *C* emergunt; pedioli quoque *D* delineamenta ap-parent, ipsique adhuc hærent, veluti alæ *E* folii portiones. Elongatur sensim pediolus *F*, & gracilior redditur; simulque foliorum *G* eruptions, lustrata eorum de sylvestri parte, manifestantur: In eodem pariter folio interiùs patent emergentes costulæ *H*, quibus foliola coagmentantur: Tandem, gracilescente pediculo *I*, internodia *K* elongantur, & laxata fo lia *L* sensim aperiuntur; exterior pediculi pariter portio fungis & pilis *M* cooperitur.

In *malis limoniis* & *aurantiis* 63, foliorum augmentum miro pariter suc-cedit artificio. Exeriora gemmæ foliola quandoque mitralia *A* assur-gunt; interdum curvatam promunt quasi styliformem appendicem *B*; reliqua verò *C* brevi pollent pediolo, à quo folii inchoamentum *D* elonga-tur; quæ omnia vesiculis oleo refertis asperguntur, emergentibus pariter pilis

pilis; interius verò concavitas quædam excitatur: Auctius redditum folium *E* sensim extenditur, magisque turgent oleosi utriculi: Tandem excitatâ crenâ inter pediolum *F* & reliquum *G* folii, exteriora versùs curvatur. Potiori accidente incremento vera folii species advenit; à costula enim *H* ligneæ fibræ diramantur, cui pediolus propriis stipatis appendicibus *I* connectitur. Tractu temporis geminæ folii partes *K*, vesiculis refertæ, laxantur, & hiare incipiunt, quod idem pediolo contingit; & postremò in expanso folio pediolus *L* cum geminis appendicibus *M*, caducis foliolis analogis, per articulationem *N* elongatæ costulæ *O* continuatur.

Quædam pariter herbarum folia analogo vegetant incremento; ita in *aquilegia* 64, gemmæ folia *A* obtusam hanc figuram acquirunt, à cujus apice appendicula *B* erumpens, folii, cujus minimæ partes *C* conglobatæ parum eminent, rudimentum exhibit. Succedente incremento, laciniatæ folii partes *D*, invicemque complicatae manifestantur, & folii pediolus *E* concavus & latus luxuriat.

Evidentiùs hoc idem deprehenditur in *graminis* 65 gemma, cujus foliola acuminatâ constant formâ *A*; hæc in apice Zonam *B* diluti coloris promit, à qua pili *C* erumpunt: Accidente ulteriori incremento ultra Zonam *D* stabile folium *E* producitur, elongatis ligneis fibris & fistulis *F*; quod sensim adauctum *G* deorsum flectitur, & Zona inter pediolum *H* & folium *G* latior redditur, cujus interiora pili *I* ornant: Tandem hiant folio *K*, Zona *L*, quæ sui generis nodus est, decolor, fibrarum contextu excitata, loco articuli inseritur.

Tot igitur mutationibus diversa *gemmarum* genera incrementum sortiuntur. Aliqua tamen supersunt, quorum productionem Natura non tanto partium apparatu moliri videtur.

Ita in *brasica* 66, & similibus, erumpens gemma *A* binis exteriùs excitatur foliis, à quorum crasso pediolo *B*, graciles crispæque appendices *C* pendent, & successivâ vegetatione in folium extenduntur: In aliis autem, ut in *anchusa*, *eryngio*, *rapis*, & analogis bulbosis, ab antiquo caulinculo gemmæ assurgunt complicatis foliolis, quorum costulæ præ cæteris eminent, nullo erumpente caduco folio; quod & in *salice* superiùs innuimus.

Lustravimus hucusque diversa foliorum incrementa, quæ passim extiorem gemmæ regionem componunt. Et quoniam non singula foliola, quibus gemmæ integrantur, eandem organizationem & augmentum sortiuntur, ideo quædam circa hæc monenda veniunt.

In *quercu* 67 igitur, versùs gemmæ apicem præcipue, unà cùm caducis foliolis *A* stabile folium eminet, quod crasso pediolo *B*, multumque succo turgido constat, à quo protracta costula *C* cum fibris, folii inchoamentum excitat. Idem miramur in *malis persicis* & *amygdalis*, quarum foliolum crassâ costulâ *D* componitur, adstantibus caducis foliolis *E* valde gracilibus; & postremò in *ulmo* tanta est costulæ *F* & pedioli *G* crassities & turgentia, ut nil mirum, si caduca foliola *H* minima adstent.

Foliorum situs intra gemmæ claustra mirabilis pariter est; ita enim ipsorum

rum partes contorquentur & complicantur, ut sibi mutuò adaptata tutò custodiantur & minùs occupent spatiū.

Ita in *populi* 68 gemmis, ablatis exterioribus integumentis, singula stabilia foliola geminas sui partes *A*, contortas & convolutas, versùs sylvestrem partem habent, ubi costulæ eminent.

In *spinaciis* & *lapacio* 69, gemmarum folia *A* miro custodiuntur involucro, singula namque membraneo tenuique sacculo *B* involvuntur, hîc revulso; geminæ pariter foliorum partes *C*, convolute versùs exteriorem partem, minori folio *D*, intra proprium sacculum contento, locum supra excurrentem costulam *E* parant. Exaratum pariter folium *F*, intra involucrum *D* custoditum, eandem suarum partium revolutionem patitur, minusque foliolum suo sacculo circumdatum supra costulam custodit; & ita usque ad minima Natura ludit.

In *beta* 70, gemmæ multiplicibus foliolis conglomrantur; singula verò, exteriora versùs, geminas sui partes *A* complicatas & reflexas habent; contentum autem spatiū à minori folio *B* consimili contortum ritu occupatur.

TAB. 14. In *apio* & *ranunculo*, 71 gemmarum folia sese invicem continent, & custodiunt. A radice *A* folium *B* exteriùs erumpit, quod sui latiori implantatione aliud folium *C* parum ambit; ab hoc sensim auctum sese exerit minus folium *D*, quod reflexum intus condebatur: Ab hujus pariter concavo pediolo minimum folium *E* foyetur, quod ulteriùs aliud, non dispari ritu, continet.

In *fæniculo* 72, analoga foliorum situatio succedit; nam à caule, intra folii exortum *A*, gemma *B* seu plura foliola invicem congregata conduntur; lacerato etenim hujusmodi latibulo folium *C* comatum extrahitur, cuius pediolus *D*, interiora versùs reflexus, aliud foliolum custodit, quod extractum figuram *E* servat, intra cuius pedioli claustra *F* aliud minimum cubat foliolum.

Gemmarum foliis plura hærent; & præcipue *pili*, quorum non tantùm ungues, sed & dorsum cooperiuntur. Ita in *vite* præ cæteris luxuriant oblongi & crispi, & à caudicis foliis erumpentes reliquum gemmæ custodiunt. In plantis, & præsertim in *farfara*, ex filamentis contextura quædam excitatur, quæ adauerti etiam folii latitudinem ita cooperit, ut superinductum indumentum videatur. Cæterùm Pilorum generatio suo habebitur loco.

Aliæ insuper appendices, *fungi*, & *papillæ*, eminent à foliolis intra gemmam contentis. In *Spinaceis* 73, à gemmæ foliolis *A* pendent globuli *B*, crystallino humore turgidi. Hi totam foliorum peripheriam tum interiore tum exteriorem cooperiunt. Variâ constant formâ *C*, & pediolo. In una spina fungi pariter adsunt rotundo capitulo *D*, gracili assurgente pediolo *E*. In *cydonia* pariter malo copiosa sunt vascula *F*, à quibus terebinthina *G* extrahitur. In *castaneis* hians urnula *H* observatur, glutinoso referta succo.

Præter exarata gemmarum integumenta & fulcimenta, alia insuper inqui-

quibusdam vegetantibus observantur; peculiares scil. succi, custodiæ gratia assusi: Ita in *populo* latus quidam succus & flavus luxuriat, quo singula foliola ambiuntur, & illinuntur. In *beta*, *lapacio*, & similibus, circa jam descriptas plicas & circumvolutiones glutinosus & latus albuminis, ovi instar, humor obducitur, quo tota folii latitudo, sacculo contenta, conspergitur & madet.

Consideratis gemmarum foliolis, reliquisque ab ipsis erumpentibus, occurrit media & profunda substantia, carinæ instar, à qua hinc inde foliola emergunt. Hæc autem tenellum est lignum, suo cortice circumdatum, fibris ligneis, utriculisq; medullaribus excitatum, & frequentissimè candidis contegitur pilis: Est etenim tenellus surculus cum futurorum foliorum inchoamentis compendio quasi conclusum.

Hoc patet in *gemma roboris* & *quercis* 74, in qua, sectâ per longum, expansa observatur medulla A, quæ ligneis fibris B circumambit; huic succedit cortex C cum elongatis ligneis fibris, qui in gemmæ foliola D laciniatur.

Eandem structuram miramur in *ficus* 75 gemma, quæ per longum secta, unâ cum extremo surculo medullam A candidam, utriculis excitatam, exhibet: Non longè ab hac excurrit lignea portio, fibris & fistulis B contexta, quæ usque ad apicem producta, propagines C in foliorum radices transmittit. In medulla, intra gemmam conclusâ, nodorum rudimenta D emergunt. Inter caduca folia E, stabilia F quoque locantur. Ad basim exarata gemmæ sectus futurus fructus observatur, ad cuius exortum medulla G elongatur, quæ ligneis fibris H circumdatur; has ambit derivatus cortex I, à quo foliola, gemmarum instar, tenellum fructum font.

Plantarum igitur fœtus, laxatis gemmarum repagulis, turgente almoniâ augetur in speciem surculi, unde internodia elongantur, foliaque auctiora redduntur.

Hujusmodi incrementum passim observatur in arboribus, & præcipue in *castaneis* 76, in quibus, emergentibus costulis fibrosis, striatus efficitur & plurium angulorum surculus; nam elongatis internodiis A, geminum folium caducum B erumpit, pediolo folii stabilis C hærens, singulaque pilis & fungis ornantur. Folia itaque surculi medietatem tenentia citius grandiora redduntur, & quæ basin gemmæ, vel ipsius apicem tenent, postremò adolescunt.

Fœcunda Naturæ vis in gubernandis viventium ordinibus eadem ferè, vel saltem analogâ, methodo, perpetuò incedere videtur. *Animalium perfectorum* structuram ab ovo emergentem continuâ auctione, & nutritione ad debitam magnitudinem dedit, agglomeratis novis particulis prioribus & jam præexistentibus; ea tamen ratione, ut in quocunque auctionis statu eadem primæva forma & natura manuteneatur, nullâ emergente de novo animalis parte præter dentes & cornua: In *Insectis* autem, ultra augmentum, diversis dicam æstatibus, partes, quarum rudia delineamenta in juventute latitabant, emergunt, qualia sunt alæ, antennæ, & simil. In

Plantis, eadem munificentia, quotidianum contingit non tantum augmentum, trunco & ramis supercrescente ligneo involucro ; sed à tenellis ramis novi singulo anno erumpunt surculi, quorum anticipatum inchoamentum, quasi peculiaris fœtus dicitur, *gemma*, seu *oculus*. Hujus structuram superius lustravimus in pluribus vegetantium generibus, eamque tenuello & minimo surculo, à quo hinc inde folia squamatim locata erumpunt, integrari vidimus ; unde fœtum sui generis esse, inchoatum scil. surculum ita custoditum, ut stato tempore adolescat, partes extendantur, & nova progerminet. Et sicut in *Eruca* partium quarundam delineamenta, adhuc fluida, sacculis contenta diu jacent, donec intercedente, sub *aureliae* forma, quiete, manifestiora & solidiora emergant ; ita rami partes in primordiis, gemmæ, quasi compendio quodam, insunt ; & per annum ita conditæ latitant, donec, accedente vere, laxatis viis ampliores redditæ in surculi speciem extendantur. Quare folia, quæ perfecto surculo inservire debent, temporanea sunt, vel in alienam degenerant formam, ut fusè percurrento gemmarum augmenta indicavimus. Quæ enim exteriorem gemmarum regionem tenent, non tantum interioribus & conclusis custodiā parant ; sed contentus ipsorum reliquorumque succus in propriis utriculis excoquitur, & longâ illâ quiete digeritur, donec exaltatus spermatico illo spiritu, ope ambientis aeris in gemmæ carinam, surculum scil. tenellum revehatur, ut ulteriore foliorum vegetationem excitet : Unde hujusmodi gemmarum folia non unicam costulam, ut in stabilibus foliis ferè semper miramur, per medium productam possident, sed multiplices fasciculi, à basi assurgentēs, in proprios appensos utriculos desinunt. Contabescunt postremò foliola hæc gemmarum, dum gemina uni adstant stabili folio, exhausto jam concocto humore ; & tandem concidunt, vel gracilescendo in pediolī formam absūmuntur.

Naturæ pariter methodus in producendis *stabilibus* foliis mirabilis est. Primò enim costula seu pediolus, carinæ instar, humore turgidus cum appendis fibrulis manifestatur, à quibus probabiliter saccularum seu utricularum transversalium membranulæ pendent ; ut in animalium primæva delineatione observatur. Patent autem deducto novo alimento, quia complicata saccularum moles, subintrante succo, turget, & ita folii latitudinem & laxitatem conciliat.

Gemmarum eruptions statis locis & temporibus succedunt, ubi scil. turgens succus copiâ & contento spiritu fistulas ad latera curvat, & extra derivatur : Unde de novo geminatis ligneis fibris, tracheis & extensæ medullæ cortex additur, à quo copiosa foliola erumpentia in gemmæ corpusculum conglobantur. Quare in novellis ramis, & parum elongatis gemmis, novæ pariter emergunt gemmæ, molli cedente fibrarum strueturâ, & vegetantis spiritus impetu urgente ; quin & multum intra luxurians succus extra stata tempora, & eruptionis situs frequenter gemmas excitat : Sic in detruncatis ramis, vel caudice ipso, ita ut exiguum truncj à radice assurgat, multiplices gemme erumpunt, que in *stolones* adolescunt. Apud nostrates mos est, ut rosarum frutices post florū eruptionem absindantur,

scindantur, ut inde novę subortę, gemmę citò in ramos excrescant, & proximo autumno flores emittant; copiosus namque & excoctus in transversalibus utriculis succus, cùm in recisi trunci & ramorum vegetationem non absumatur, obturatis exsiccatione fistulis, non digeritur, sed deorsum concidit, & novo urgente succo, necessariò ad latera factā viā, in novas soboles congestus digeritur; quare arbitrio culturæ in arboribus & quibusdam plantis derivatur & flectitur alimentum, novęque emergunt partes.

Tanta gemmarum luxuries, quę in arboribus in ramos cedit, & in herbis caulum germinationem promovet, fœcunditatis gratiâ institui videtur. Ab his namque spermatica vasa, uteri scil. seu ovarium, cum appensis ovis, quę semina dicuntur, pendent, & sua incrementa suscipiunt: Quare sicut in animalibus à toto videntur particulę decidere, ut in corpusculum dirigantur & conglobentur; ita singulo anno à quibus cunque tenellis ramis novę emergunt partes, à quibus excoquitur & derivatur non tantū seminum materia, sed & spermatica organa: Non enim idem uterus perpetuò viget, & reliquo inservit vegetanti corpori, cui appenditur, sed singulus quique ramus anno, quo luce fruitur, propriis gaudet spermaticis organis, & fœcundus brevi viget; reliquum verò suę vitę infœcundum transfigitur.

Intestina fermentatio, continuata ferè per annum, in gemmis, plurimum inutilium promovet exclusionem; quę vel utriculis expositis effusa terebinthinę naturam sapiunt, vel aqueę substantię modum æmulantia propriis sacculis detinentur, tandemque evanescendo obliterantur; quin & succus, quibus foliorum latitudo oblinitur in *populo*, & *lapacio*, circa ipsa densari, ex perpetuo effluvio probabile est. Idem etiam de pilis philosophandum videtur; hi enim ut plurimum, deficiente contento olim humore, exsiccati contabescunt & decidunt.

De

De Foliis.

Foliorum copiam, quorum vegetationem superius indicavimus, à tellinis surculis pendere omnibus patet. Sunt autem hæc quasi *placentulae* singularum partium, quibus plantæ integrantur, compendio coagmentatæ. In his moliendis tam ferax est Natura, ut foliorum gratiâ plantæ vegetare videantur. Vario situ & ordine implantantur folia in surculis, & adauctis gemmis: Frequenter enim in arboribus alternatim erumpunt; ita miramur in *populo*, *lauro*, *avellaniis*, *limoniis malis*, *rubo canino*, *castaneis*, & *jujubis*: In his quandoque folia numero viginti tria pendent alternâ eruptione, & quæ medium surculi regionem occupant, auctiora & laxiora sunt, reliqua minora. Folia alternatim etiam erumpentia non determinatum occupant situm, ita ut ductæ geminæ lineæ rectæ per latera surculi à basi ad apicem omnia contangant, sed vario ordine locantur; ita tamen, ut in aliquibus tertia quæque eruptio sub eadem directione adsit; in aliis autem, ut in *quercu*, ubi copiosa prodeunt ab oblongo surculo folia, restitudinem symmetricam difficulter invenimus. In *Cinaræ* caule, costulæ, quibus ligneæ fibræ custodiuntur, taliter à penitiori caulis corpore emergunt, & producta tandem in folii pediculum absumentur, ut cuique facilè innotescat, folia fieri emergentibus sensim costulis & fibris à profundo caule & caudice: Nam folii pediolus congeries est costularum & fistularum, quarum portio supra proximum folium emergit, & caulis exteriorem excitat regionem; reliqui verò fibrosi fasciculi longius emergunt.

TAB. 15. Ita in *malis limoniis* & *aurantiis* 77, obtusis quibusdam eminentiis striatus efficitur tenellus surculus; ipsius enim segmentum angulare corpus *A* designat; fibrarum fasciculi, qui in folia elongari debent, sensim à ligneo cylindro eminent supra folium *B*, & rectâ producti, superatis quatuor foliis *C*, tandem in pediculum *D* absumentur, & ita fit in singulis.

Tam variè configurantur folia in singulis vegetantibus, tamque dispari magnitudine donantur, ut impossibile sit ad certas normas singula reducere: Principalioribus tamen contentus, quasdam exponam foliorum formas, non ut genera plantarum tot characteribus distincta constituam, sed ut rudis notitia, facilioris intelligentiæ gratiâ, habeatur; ideo ab universali vegetantium ordine quedam feligam.

Minima itaque & simplicissima est forma in *cupresso* 78, cuius foliola, licet separata nequaquam pendeant, surculis tamen hærent, & veram foliorum referunt naturam; à ramo enim *A* erumpunt folia *B* crassa & viridia latiori exortu & obtuso apice; surculus pariter emergens hinc inde foliis *C* contegitur. Ligni subjecta substantia parum elongatur, gemmarum instar, & foliola *D* parum excrescunt, & loco petioli, costularum tumores *E*, à surculo emergentes, habent. Supra exarata foliola statis locis nova manifestatur gemma, quæ parem sortitur progressum.

In

In *cauda equina* 79, articulati sunt rami, multiplicibus emergentibus nondis, unde folii compages talis est: Quinque itaque constat appendicibus A, quæ exiguum possidentes latitudinem, utriculis & fibris B integrantur, coloreque pollent viridi. Singula folii appendix, excurrente surculo, in geminas dividitur partes C, quarum extremi unguis spinis D munitur.

In *fæniculo* 80, licet tota erumpentium ramorum moles videatur folium constituere, extremitas tamen in gracillima corpora soluta desinens, foliola, vel saltē ipsiis analoga, æmulatur: Hæc à lateribus minora profert foliola A quasi ramos; per medium horum lignea costula B, seu fistularum & trachearum fasciculus, excurrit; hinc inde viridis excrescit quædam substantia C, utriculis coagmentata, quæ cylindricum corpus efficit, quod in stylum seu spinam D desinit.

Eadem structura, manifestior tamen, occurrit in *apharago* 81, à cuius tenello ramo A, multiplicia folia B emergunt; horum forma ad ovalem tendit; pervaduntur excurrente fibroso fasciculo C, à quo utriculi D pendunt: Horum apex spinâ E armatur, reliquum verò papillis F ornatur.

In *Pino* 82 oblongius est folium; gemina autem erumpunt A, à surculo, TAB. 16. cui adhuc hærent gemmæ foliola B; hæc parum lata, interiora versùs concava sunt, & in ungue spinas C promunt.

In *camomillæ* 83 folio, circa excurrentem fasciculum A, exiguae utriculorum moles B hinc inde pendent, ut quasi foliola vel appendices C designantur. Eundem progressum miramur in *absynthio*.

In *pastinaca erratica* 84, folium, quod lato exortu A alternatim promittur, plures in pediculo continet fibrarum costulas B, quæ in nodo C unitæ diversas appendices vel nova quasi folia D excitant, exiguae utriculorum stipata compage.

In *cichorio* & *soncho* 85, circa excurrentem fibrarum costulam A, utriculorum portiones locantur, unde parum laxata folii substantia B appenditur, quæ fibroso reti C irrigatur. Fibrarum quoque rami D elongatis utricularum seriebus ambiuntur; unde minus profunda sunt intercepta spatia.

Quercus & *filipendulae* 86 folium, elongatis à costulis A utricularum ordinibus, amplius redditur, & substantia ejus minus laciniata B. In *piris*, *ponmis*, & pene innumeris, ita continua redditur folii latitudo, ut minimæ tantum supersint incisuræ.

Hujus speciem miramur in *rosis* 87, quarum media costula A ramos B promit, sibi invicem occurrentes; exterior verò unguis minimis incisuris C exasperatur, ita ut serratus fiat.

In *mali medice* & *limonie* 88 foliis, minimarum crenarum vestigia supersunt; exterior namque unguis A Zonâ quasi diaphanâ ambitur, & frequentem patitur incisuram B, cui proxima adstat, perpetuò conspicua, olei vesicula, seu utriculus C; huius consimiles D quamplurimi, folii latitudinem occupant.

In *semperfivo* & *buxo* 89, tam ferax est utriculorum copia, ut crassum reddatur folium; cuius exterior ambitus A continuus, nullis solvitur crenis; interius fibroso reti B: Irrigatur hinc inde utriculis, & globose reti componitur.

Longus nimis essem, si universales etiam foliorum formas cursim expōnere tentarem; quodlibet enim plantarum genus sua peculiari gaudet foliorum specie, unde quædam folia angulosa, mucronata, ensiformia, & aculeata obseruantur; aliqua verò rotunda, triangularia, falcata, & crenata occurunt; non-nulla cava, fistulosa, carinata, & sinuosa conformantur; & tam variè Natura ludit in foliorum forma, ut perpetuum hominibus paraverit spectaculum.

Folia pluribus integrantur partibus, quarum historiam fas est aggredi; & primò *petiolus*, seu pediculus occurrit, qui in plerisq; diversâ constat magnitudine. Enascitur autem à tenello surculo & nunquam ab antiquioribus ramis & trunko ipso, nisi medio gemmæ surculo. Hujus exortus ab intimoribus ligni fistulis, ad extra continuatâ substantiâ derivatis, secto surculo patet, & præcipuè in *lauro* 90; à cujus fibrosa portione A ligneus pediculi cylindrus B exoritur, & in folium C absimitur. In *vite* & *similibus* 91, manifestior & elegantior est pediculi implanta-
tio, seu eruptio. In nodo enim plures fibrarum fasciculi A ab interiori emergunt ligno, & in fasciculum recollecti, pediculum oblongum B efformant, iterumque laxati, folii reliquum explet: Implicantur autem hujusmodi fibræ reticulari opere antequam pediculum excitent, ut mos est naturæ: Ita in *fico* 92, undecim interdum fibrarum fasciculi A invicem reticulariter inosculati petiolum B, hoc est, ligneum cylindrum, medullam C ambientem, efficiunt. In plantis quibusdam, ubi folia petiolis destituuntur, vel saltem ipsi in cylindrum non coarctantur, fibrarum implicatio novaq; germinatio succedit, acsi nodus intercederet; ita in *tritico*, & *consimilibus* 93, in singulorum foliorum A exortu, lignearum fibrarum reticulare opus B miramur, quod nudis etiam oculis levi tumore emergens patet. Mirabilior in *gramine*, *arundine*, & *grano tur-*

TAB. 18. *cico* 94, est fibrarum structura; portio, quæ pediculi vices supplet, minori fibrarum A copiâ pollet; ubi autem parum flebitur & obliquatur, plures & plures promuntur fibrarum soboles, & novi surculi B, & circumlocati utriculi diverso inficiuntur colore quasi nova constituatur pars, nodo analoga, reliquum verò elongatæ substantię C in folium laxatur.

Descriptus petiolus (ut in lustratis foliis contemplati sumus) veluti peculiaris caudex in ramos & surculos scinditur. Frequenter per longum excurrens sub costulæ specie hinc inde promit ramulos, qui tandem in rete desinunt. Hoc passim in foliis patet, & præcipuè, in *blito albo majori* 95. cuius petiolus A latus & crassus solvitur in costulas B, quæ reticularem plexum excitantes, folii latitudinem excurrunt. In aliis autem foliis petiolus statim ac latitudinem attingit scinditur in minores ramos, conspicuos tamen, qui quasi ab uno exorti umbilico, alios minores

pro-

producunt. Hoc accidit in *hædera*, & *cimbalaria* 96, cuius folium petiolo firmatur, qui in insertione *A* solvitur in tres conspicuos surculos *B*, undè folii latitudo non multùm profundis incisuris solvitur. Idem in *opio* seu *acere minori* 97, cuius pediculus quinque assurgentēs progignit costulas *A*, totidem folii appendices *B* irrigantes, profundis intercedentibus incisuris. *Hellebori nigri* 98 pediculus insignes edit quasi ramos *A*, qui ulteriùs & ipsi novas emitunt soboles *B*: Folium hoc ita profundè solvitur, ut nescias, an unicum sit folium ita laciniatum, an singularia folia totidem ramis correspondentia. In *nuce*, *rosa*, *vite alba*, & *jasmino* 99, oblongus est pediculus *A*, à quo hinc inde disparata folia *B* pendent, brevi & ipsa firmata petiolo *C*. Varius est foliorum *B* numerus; quæ enim à surculi base emergunt, pauciora sunt, cùm ternarium frequenter non excedant numerum; circa medium tamen & apicem, novem interdum numerantur foliola *B*.

TAB. 19.

Expositus petiolus est quasi compendium caulis seu caudicis, easdem sortitus partes, quæ in trunco & ramis deprehenduntur. In *cucurbita* 100, proceræ magnitudinis extat; concavus est, unde ipsius segmentum talem exhibet speciem. Sub cuticula varii utricolorum ordines *A* locantur; in horum medio hiant costulæ seu fibrosi fasciculi *B*, quorum media pars tracheis *C* componitur, externæ verò *D* ligneis fibris complementur: Hæ per longum ducuntur, & hiantibus quasi fistularum *E* fragmentis coagmentantur, ipsisque utriculi *F* variè configurati hærent; exterius spinæ *G* prominent, variis nodis excitatæ. In pluribus arboribus, & præcipiè in *nuce* 101, à tenello surculo *A* crassus valde & latus emergit petioli *B*, amentum *C* axillâ custodiens. Hujus segmentum medullares utriculos *D* in centro exhibet, circa quos linea portio *E*, fistulis & tracheis constans, obducitur; hæc corticis fibris, & utriculis *F* ambitur.

Petiolo appenditur dilatata folii portio, cuius præcipuas formas brevi percurrimus; unde fas est, ut ipsorum substantiam & compaginem indagemus. Præcipua itaq; dilatati folii pars occupatur à costulis vario ritu productis; fibræ etenim lignæ, unà cum tracheis & peculiari vase conglomeratæ, à petiolo excedentes veluti minima arbor hinc inde disperguntur & solvuntur in ramulos, qui & ipsi denuò novos ulteriori divisione promunt reticulares plexus. Emergent hujusmodi fasciculi in plerisque foliis consumptâ utraque cuticulâ, præcipiè in *quercu*, & *hedera*. Placuit tamen minimas areas observare in *oleandro* 102, cuius detractâ cuticulâ, insigniores rami *A* à costula per medium excurrente lateraliter erumpunt, qui productis ramulis reticulariter implicitis, diversarum figurarum areas *B* efficiunt, quæ ulteriùs minimè fibroso emergente reti *C* replentur. Elegantior reticularis plexus in *opuntiae* 103 foliis occurrit, consumptâ carne, unde placuit frustulum delineare, prout ruditer appetet. A nodo igitur seu quasi folii petiolo plures emergunt fibrarum fasciculi, seu costulæ *A*, quæ per longum excurrentes obliquè insigniores areas *B* efformant, quæ à productis ulteriùs fibrosis ramificationibus minores areas *C* efformant, in quibus nova pariter succedente fructificatione,

TAB. 20.

in

inconspicuae penè excitantur areæ. Sunt autem plures hujusmodi superpositæ productiones, quibus folium integratur. Quælibet itaq; costula fibris, tracheis, & fortasse peculiari vase, coagmentatur; plerumq; tracheæ \mathcal{D} exteriorem occupant locum, nonnullis intrò conclusis; hæ obliquantur, & relicta costulâ E alteri F inseruntur, & ita frequentes fiunt areæ, noviq; fasciculi. Probabile etenim est, ligneas fibras, & tracheas, à primordiis quasi in fasciculum recollectas, separari; indeq; diversas areas fieri ex subortis identidem utriculorum appendicibus, quæ contento succo turgidæ & auctæ, necessariò fibras, quibus continuantur, lateraliter urgenter. Reliquum costulæ fibris & fistulis ligneis G , pari productione implicitis, completur, quorum ora evidenter patent.

Fistulas & tracheas concomitantur peculiaria vasa, quæ concoctum succum continent; hæc solâ humoris eruptione patent, quatenus scil. vel alieno pollent colore, vel crassiori scatent corporaturâ; unde seëtis foliis *tithymali*, *cichorii*, & sim. lac emergit; in *chelidonio*, subluteus humor; in reliquis autem herbarum & arborum foliis, quia aquosus humor est, ideo nullam sui exhibent notam.

Foliorum costulas reticulariter per totam latitudinem produci, indeque multiplices subortas areas vidimus; hæ autem utriculorum seriebus repletur ab emanantibus costulis, & quasi ab ipsis pendentibus; unde foliorum crassities consurgit. Hoc licet in singulis diligenter lustratis foliis pateat; in crassioribus tamen minùs obscurè se se offert, ut in *portulaca*, *buxo*, *semperfivo*, & *telephio* 104: In hoc etenim, laceratâ cuticulâ, dum sensim costulæ A evelluntur, appensæ utriculorum series B reticulariter implicitæ rapiuntur, quibus tota folii latitudo & crassities excitatur: Sunt autem utriculi ovalis figuræ, & inæqualis etiam, invicem contigui, tunicâq; in modum vesicæ laxatâ componuntur, quæ ligneam fibram & tracheam C , secundùm longitudinem sui centrum excurrentem, amplexatur, ipsiq; hæret; unde laceratione utriculi frequenter manifestantur. Eandem configurationem evidentius in crassiori *opuntiae* folio 105 deprehendimus, à cuius costula A molles pendent utriculorum ordines B , oblongiori constantes formâ, & reticulariter impliciti, à quorum medio, laceratione præviâ, lignea emergit fibra C . In ejusdem exsiccatῳ folio, & tabe consumpto, plurim utriculorum vestigia adhuc supersunt; magis tamen conspicua occurunt quædam subalba corpora D , quorum in virescentibus vestigium appetet: Hæc solidioris substantiæ sunt; & quasi angularibus appendicibus E contexta. Interdum dubitavi, an peculiaris succi extent receptacula, vel saltem tartarizato succo concreti utriculi, ut *pirorum*, *cydoniorumq; malorum* pericarpio accidit. Expositi foliorum utriculi, ex contenti succi natura, mutuâ compressione, vel laxitate, varias subeunt in exteriori regione formas; unde quasi cæcales & vermiculares vesiculæ contortæ apparent: Interdum angulis scatent, & frequenter irregulariter terminantur.

Inter utriculos & fibrosum rete, in plerisq; foliis peculiares folliculi seu loculi disperguntur, qui patenti hiatu foras, vel halitum, vel humorem frindunt.

fundunt. Hujusmodi hiatus evidentius præ cæteris patet in foliis *oleandri* 106 : In singulis hujus areis A, à fibrosis costulis B excitatis, quatuor, vel plura aperiuntur folliculorum ora C, patenti hiatu, qui circumducto labio, pilis consperso, ambitur ; intus concameratio succedit concavo & globoso excitato corpore. In *populo*, *castanea*, & *moro* 107, dum foliorum utriculi contabescere incipiunt, magis eminent hujusmodi loculi : A fibra etenim insigniori A emergentes costulæ B, areas efformant, quæ ramulis C ulterius irrigantur, hisq; hærent exarati loculi D, rotundæ solidæq; substantiæ ; patenti donantur hiatu, qui manifestatur in parte interiore folii, qua scil. cœlum respicit. In hac diversæ utricularum coronæ E circumlocantur, unde frequenter concha F excitatur ; ab hac lensus fluidusq; interdum effluit humor, quasi sudor. In *oleæ* 108 foliis, in exteriori scil. parte, persimilis locatur structura ; frequentes namq; coronæ adstant, oblongis excitatae sacculis A, contentum verò centrum à papillari corpore B, parum protuberante, occupatur : Ab hac autem effluit argenteus icor, qui folii contiguis partibus hærens, easdem lucidas reddit. In *fici* 109, copiosissima sunt hujusmodi globosæ corpora A in areis dispersa, quæ diaphano succo turgent : Eminent autem parum in exteriori parte folii, & exiguo hiant foramine. Eandem pariter speciem miramur in *citro*, *malo aurantia*, & *limonia*.

Tota exaratorum moles, quibus folia coagmentantur, levi superextensa cuticulâ seu epidermide obducitur, quæ subjectorum colorem refert, ipsaq; contenta custodit, & continet. Plerumq; levibus spinis & pilis cooperiuntur folia, quorum indaginem suo loco habebimus.

Foliorum extremus unguis, quasi Zonâ seu crassiori linea circundatur. Diu quæsivi, cujusnam naturæ sit : In aliquibus videntur solæ membranæ, quibus hinc inde tegitur folium, exiguis interceptis utriculis, unde facile à lumine pervaduntur, & diaphanæ fiunt : In aliis, ut in *lauro*, hujusmodi Zona crassior est, & exteriùs oblongis cooperit utriculis ; interiùs verò ligneæ fistulæ, reliquis continuatae, excurrunt : In *limonii malis* pariter circumducta linea diaphana est, in qua vesiculæ interseruntur oleo refertæ. In laciniarum apice, in quas folia jam solvi vidimus, dum tenella adhuc vegetant, papillæ & utriculi quidam eminent, diversos continent succos. Ita in *messiporum* folio 110, etiam adulto, ab appendicibus laciniatæ partis A assurgit quasi margarita B, diaphana, eletrum æmulans, ad cuius radicem & insertionem fibra perpetuò definit ; hac laceratâ terebinthina funditur. *Cerasi* 111 extremos pariter fines excurrat rubicunda Zona A, à pediculo assurgens ; ab angulosis itaq; laciniis papilla, seu utriculus C, eminet, rubicundi pariter coloris, qui glutinosum evomit succum. In *populo*, & *vite* 112, etiam consimilia locantur terebinthinæ receptacula. In hac, ab extremo folii apice angularis quasi sacculus A elongatur, qui, licet continuatâ cuticulâ excitetur, viridi tamen colore non inficitur, sed à contenta terebinthina, quâ turget, coloratur : Vasa quoq; & fibras B recipit.

Folia, quorum copiâ luxuriâsse videtur Natura, sunt præcipue insig-
nesq; partes, quibus arbores & herbæ integrantur: Illa enim omnia, que
in trunco, seu caule, principe vegetantium parte, colliguntur & quasi
compendio coercentur, ulteriori productione in extremis & junioribus
partibus soluta, in folia exeruntur, ita ut elongati & laciniati trunci ap-
pendices videantur. Nil mirum igitur, si costulæ, fistulæ scilicet ligneæ,
unâ cum tracheis à tenelli circuli profundo ligneo cylindro deriventur,
& ut plurimum in fasciculum recollectæ petiolum efforment, & tandem so-
lute reliquum folii compleant. Et quoinam Naturæ mos est, ut ligneis
fistulis, truncum & caulem constituentibus, aliud receptaculorum genus
appendatur, transversales scilicet utriculorum ordines; ideo in pediculi
diramatione & divisione erumpentes utriculorum variæ series, diversam fo-
liorum speciem efficiunt. Excoctus in his humor, fortasse ex propriæ
naturæ vi & energia, crassitatem, lentorem, longitudinem, vel brevitatem,
& molitatem, in pendentibus utriculis excitat; unde diversæ incisuræ pro-
fundæ & minime succedunt: Argumento sint arborum sylvestrium folia,
& præcipue *mori*; hæc altis incisuris solvuntur, nec multum latitudinis
& extensionis habent; insitione autem, dum ulteriori culturâ urbanus
efficitur caudex, ampliora redduntur folia, & minimis crenis solvun-
tur.

Taliter excitata folia videntur à Natura fabrefacta, ut coctioni ali-
menti, que præcipua est, inserviant: Nutritii namq; succi portio, quæ
radices subingreditur, nec in appensa transversales stirias derivatur
postremò à ligneis fistulis in foliâ exoneratur; ideo necesse est, ut in ipso-
rum quasi transversalibus utriculis moram trahat, & antiquo succo com-
misceatur, & fermentetur, juvante non parum externo ambientis aeris ca-
lore, ut facilius transpiratio inutilium evolet. Hinc Natura copiosas
sui generis glandulas pro sudore, lentoq; excernendo humore, foliis ad-
didit, ut completa coctione defæcatior in ipsis nutritius reddatur succus.
Diu meditatus sum, cuinam animalium parti analoga sint folia: Cum
enim plantæ motu locali careant, musculis destitui fas erat; ventriculo,
pancreate, liene, & hepate nequaquam egent, cùm hæc animalium vi-
scera circa chyli elaborationem perpetuò insudent, quod, in plantis, terre
& radicum ministerio expletur. Quare satiùs credidi, cutis seu corii mu-
nia subire; hæc in animalibus nervorum, arteriarum, venarum, lym-
phaticorum fortè, tendinum; & glandularum compage ita excitatur, ut
effluens nutritius succus per exiguos meatus novam partium adaptati-
onem & fluorem adipiscatur, inutilia separantur, & manifestis ductibus
eliminentur, noviq; fermentativi succi separantur; & tandem redux iterum
interiora animalis nutriat & vivificet: Quare infectâ cute non parum la-
bis reliquo succedit corpori, ut in cutaneis morbis experimur. His ana-
loga de facili deprehenduntur in foliorum structura, & consequentibus
usibus. In folia, compendio quodam, singula vasa, tracheæ scilicet, fistulæ
ligneæ, & peculiaria vascula desinunt extremis finibus; nec desunt sudoris
vascula, & transpiratus, pili quoq; subcrescunt. Expositæ cursim hæ
cognitiones

cogitationes firmari possunt observatione eorum, quæ in reliquis imperfectis animalibus contingunt: Proximum namq; *insectorum* genus tam ingentem circa corium congerit humorem, tamq; repetitis vicibus pellem vel saltem cuticulam renovat, rejectis veteribus, ut in continua mutatione versetur. Quid simile in Plantarum foliis miramur; singulo anno ut plurimùm, corruptis minimis meatulis exhaustoq; antiquo succo, cùm amplius naturę nequaquam inserviant, abjiciuntur, novumq; organum excitatur; & quibus in plantis folia adhuc virent, novis tamen æstate germinantibus gemmis, antiqua, marasmo confecta, collabuntur. Probabilem nutritii succi in foliis coctionem indicare videtur seminalis plantulae structura: Hanc, (ut suo loco patebit) constare geminis foliis, evidens est, quæ propriis vasculis, & utriculis, succo turgidis, ditantur, ut mole suâ reliquum plantulae superent: In germinatione verò soluti & turgidi hujusmodi plantulae humores, advenientem succum fermentant, & augent antiquum, ita ut in ampla folia extendantur, ut patet in *endivia*, *peponibus*, & *cucurbita*, cujus seminalia folia in tantam excrescunt molem, ut vix credibile sit; &, ablatâ cuticulâ, series pendentium utriculorum tam manifestò exhibitur, ut evidenter pateat, folia hujusmodi conditoria esse seu penu concreti succi. Quoniam tamen sensim vegetante radicis trunco, & plantulæ germine, contabescere incipiunt hujusmodi folia; hinc constat, à foliis in caulem & caudicem regressum esse concocti succi, & quasi peculiarem circulationem.

Remittunt itaq; *folia* probabiliter concoctum succum, ipsumq; in annotonino & novello surculo, cui adnascuntur, congregant, ut in tenellam gemmam absumatur: Etenim non longè ab insertione & folii eruptione gemma post aliquot tempus succrescit, & maturato per longum tempus in surculo coercitus humor, advenientis veris ope refermentatus, in delineato gemmæ fœtu absumitur, & nutritionem inchoat; unde videtur nulla subcrescere ut plurimùm gemma quam non antecedat & successivè alat folium.

Idem ministerium præstant probabiliter folia *seminibus*, cum hac tamen distinctione, ut singulo anno erumpentia folia tot novellas gemmas axillis foveant & alant: Semen autem ut in perfectioribus animalibus stat tempore est fœcundum, firmatâ scilicet animalis structura, & maturato interno fermento; ita non quilibet surculus fructificat singulo anno, sed tertia tantum soboles, cùm trium annorum curriculo maturetur & exaltetur succus in antiquiori surculo, & ita postremò fructificet.

De Floribus.

Plantas singulo quoquo anno vegetantes jam contemplati sumus : Tantus verò partium apparatus solius fœcunditatis gratiâ comparatus videtur, ut tandem, renovatis seminalibus organis, novus progignatur fœtus : Hæc igitur in *Flore Natura* conclusit, qui pleni veris & renascens anni indicum, arborumque gaudium meritò appellatus est : Hic idem luxuriantis magnè matris fœcunditati, odorum colorumq; gratias ludentis Veneris associavit. Erumpit ab arboribus quamplurimis *Junii* mense, eâ scil. tempestate, quâ gemmæ, quæ futuro vere aperiri debent, emergunt. Propria foliorum textura, qualis in gemmis observatur, debitè custoditur : Ita patet in *ceraso*, *pyro*, & *lauro* : In aliis autem, & præcipue in *rosis*, *vite*, & *sambuco*, à tenello surculo, qui mox ineunte vere prorumpit, sese exerit. Flores igitur, qui propriâ gemmâ custodiuntur, seorsim ab annotino ramo prodeunt ; horum gemma in *malo armeniaca* 113 elegans est ; nam à tenello surculo *A*, supra delapsi folii cicatricem *B* assurgit, foliorum *C* squamatim positorum compage coagmentata ; in aprico laxatur turgentibus floris foliolis *D*, in orbem circumductis. In hac per longum sectâ, foliorum, quibus gemma excitatur, exortus *E* patent, reliquaq; quibus flos integratur. Idem accidit *prunis*, & *amygdalis* 114, quarum multiplices foliorum ordines *A* contentum diu florem fovent, qui ineunte vere primo pullulat, emergente calyce *B*, & foliis *C*. In *ceraso* multiplices flores unâ continguntur gemmâ, cuius foliola reliquorum more successivas fortiuntur mutationes. In herbaceis, ut in *violaria*, flores proprio pediculo ab implantatione cuiuscunque folii erumpunt. In *cæpis* à centro bulbi caulis assurgit, cuius apicem flos ornat.

Flores pluribus partibus componuntur, quarum diversis formis & luxuriantibus coloribus mira succedit varietas ; horum tamen exactam & extensem delineationem Botanicis reliquisq; hortorum cultoribus peragendam relinquo, mihiq; tantum seorsim rimandas suscipio partes, eâ scil. methodo, & numero, qui anatomico negotio & meæ tenuitati conducit. Inter reliquias partes, quibus flos excitatur, primò *calyx* occurrit : Hic itaq; floris basis est, & fulcimentum, suâq; corporaturâ foliorum staminumq; exortum fovet ; quin & ipsorum progressum plerumq; cooperit : Quare multiplici formâ donatur, & magnitudine. Ut autem aliqualis Naturæ methodus habeatur, principiores exarabo formas, recollectas à singulis vegetantium ordinibus. Simplicior *calycis* species occurrit in *olea*, *citro*, *malo limonia*, & *aurantia* 115, reliquisq; oleosis : Ab elongato *limonii* surculo *A*, fit quasi radiosa corona *B*, floris exortum ambiens, fibris & utriculis constans, quæ, delapso etiam flore, fructui hærens perdurat. In *hyoscyamo* 116, calyx tubulosus *A* crassâ constat substantiâ, & in summitate levibus incisuris in quinq; solvitur foliola *B*, quæ copiosis pilis & fungis *C* teguntur.

guntur. Idem calyx magis serratus occurrit in habentibus siliquam, ut patet in *collutea*, & *pisus* 117, quorum calyx *A*, licet exiguus, in foliola tamen *B* solvitur, quæ, evanescente flore, crispa redduntur, & supersunt. Eadem calycis natura, quasi geminis contexta foliolis, observatur in *sclarea* & *borominio* 118; hujus calyx à petiolo *A* assurgens in gemina solvitur folia *B*, quæ & ipsa parum dentata sunt, & copiosis pilis & fungis *C* ornantur. In plerisq; altius laciniatur calyx, unde multiplicia distinguuntur foliola; ita in *bursa pastoris* quatuor excitantur: Frequentius tamen quinq; numerantur, ut videmus in *buglosso*, *primula veris*, *gerano*, *helleboro nigro*, *cannabe*, *lino*, *oxiacantha*, & *rosis*, quarum floribus nondum hiantibus, calycis foliola exteriùs obducta custodiæ vices gerunt. Plura pariter & copiosiora occurruunt foliola in calyce *fragarie* & *similium*; inæqualis tamen magnitudinis, ita ut minora intermedient ampliora. In *belli*, 119, TAB. 22. calyx *A* in sexdecim solvitur foliola *B* viridia, quibus reliquum *C* munitur.

In exaratis hucusq; floribus, calyx vel exiguis dentibus vel elongatis productionibus sub eodem plano & circulo ut plurimùm excitatur. Consuevit tamen Natura in quibusdam multiplicare foliorum ordines, ita ut à gemino circulo emergant folia; ut in *malva* præcipue *arborescente* 120 apparet, cuius inferior ordo *A* minora foliola *B* promit; subsequens vero ordo grandioribus *C* excitatur foliolis. In floribus, qui exiguis minimisq; flosculis conglomerantur, calyx multiplici foliorum ordine componitur, ut patet in *tarasco*, *belli*, & *cyano odoro* 121, in quo folia *A* copiosis ordinibus digesta, squamarum instar sese cooperientia, elegantem efficiunt calycem; singuli folii species est *B*. Idem observatur in *chamæelo*, & in *buphtalmo* 122, cuius calyx quatuor foliorum *A* ordinibus componitur, quibus flosculis & foliis *B* concha paratur: Singulūm calycis folium in exteriori ungue *C* diaphanum est, specularis instar lapidis. Non longè ab ambiente ungue fusca quædam extenditur tinctura *D*, quæ gratum offert spectaculum. Ex horum indagine fas est asserere, folia, quibus exteriùs *cinaræ* 123 flos custoditur, veras calycis subire vices. Sunt autem folia *A*, copiosissimè sese invicem continentia, ita ut in nondum hiante flore quasi piniforme corpus appareat: Patent autem diversa plana, & foliorum exortus, si per transversum secta *cinara* observetur. A petiolo *A* sensim erumpunt crassa folia *B*, & ubi laxatur quasi in rotundum pericarpium *C*, sub diversis segmentis & planis *D* oriuntur carinata folia *E*, in quæ exaratum pericarpium laciniari videtur: Subsequuntur alia calycis foliola semper minora, quæ tandem flosculorum congeriem cooperiunt. In *caryophillo*, & *oculo Christi* 124, calyx gemino foliorum ordine *A* excitatur, à cuius umbilico novus tubulosus calyx *B* assurgit in apice *C* dentatus. Parum absimilem structuram miramus in *Been albo* 125, cuius calyx *A* concavus & piriformis tenellum florem *B* fovet, & tutatur; per longum excurrunt vasa *C*, foliorum instar reticulariter implicata. In *amygdalis*, *cerasis*, *malisq; Armeniacis*, & *Perficiis* 126, calyx *A* concavus & vacuus turget, & in summitate in quinque acuminata foliola TAB. 23. *B*. solvitur. Gracilis est ipsius substantia, fibris & utriculis eleganter

R. *subtiliter* *contexta*,

contexta; nam exterior corticis portio *C* eadem est cum folii *D* laciniata substantia; subsequens verò & media portio calycis ligneis fibris *E* irrigatur, pendentibus de more utriculis; & ab hac, staminum pedioli *F* emergunt: Interior tandem portio lutea est & globosa, & quasi erumpens moscus; ab hac candidi pili *G* enascuntur. In *mespilis*, *oxiacantha*, & *malis* 127, ultra laciniata folia *A*, quæ à summitate calycis *B* exoriuntur, succedit globosum & rotundum corpus *C*, quod, quasi elongatus calyx, in pomì pericarpium facescit.

Singulis igitur vegetantium floribus, præter *caltham palustrem*, *vitalbam flore cœruleo*, & sim. inest calyx: In pluribus autem bulbosis, ut in *hia-cyntha*, *narcissso*, *lilio Persico*, *tulipa*, *lilio convallio*, *gladiolo*, & *melilotto*, perianthium, concavum scil. quoddam viride folium, subrogatur, quo tenellus flos ambitur & munitur; unde citò exsiccatur.

In plantis spicas ferentibus, quarum productionem præcedunt flores, probabile est, suos quoq; adesse calyces, cùm tenellum inclusum florem custodiant. In *tritico*, & *avenaceis*, cùm plures germinent flores, copiosa pariter occurunt folia, quibus calycis munus expletur. In *avena* namq; 128, à calamo *A* geminum folium *B*, *C*, concavum eminet, quod ex-currentibus per longum fibris & interpositis utriculis excitatur: Succedit superiùs tertium folium *D*, quod gluma dicitur, concavum, oblongam hastulam *E* promens, & pilos *F*; huic gracile opponitur folium *G*, quo, veluti portâ, concavitas florem *H* continens occludit.

Licet igitur ex horum indagine suspicari, flores calyce donari, ut ipsorum adhuc tenella structura custodiatur. Elongatur autem ab attenuata corticis & ligni substantia, ut patet in *mespilis*, *pomis*, & *malo Punica* 129; in qua à crasso cortice *A*, conclusa semina ambiente, angularia eminent folia *B*, à quorum interiori portione *C* floris partes erumpunt: Evidenter in *cinara*, (cujus calycis folia crassiora & ampliora sunt) componentes partes emergunt.

Variè configurantur calycis folia, ut plurimùm tamen angularia sunt, & dentata. In *Maracot Indorum* 130, quinq; sunt folia *A* concava, quæ unita tenellum fovent florem; in apice, styliformi appendice *B* donantur. In *rubo canino*, & *rosis* 131, quædam calycis interjecta folia eleganter ditantur appendicibus; angulare namq; folium *A* elongatur, quod à lateribus appendices *B* profert, quarum extremas acuminatas lacinias rubicundi fungi *C*, terebinthinam fundentes, terminant. His & similibus circumscripta terminis calycis foliola suis interdum armantur spinis, ut in *papavere* patet 132, cuius gemina calycis folia *A* recurvis spinis *B* exterius cooperiuntur, in quarum exortu monticulus *C* utriculis constans eminet: Singula hæc folia extremo ungue terminantur, qui ex uno latere *D* adeò gracilescit, ut facile oppositi folii *E* crassorem subintret limbum, & ita nulla succedat rimula. In *cinara* & *carduo sylvestri*, foliorum apex spinâ armatur; in *rosis* verò fungi & pili abundant.

Supra calycem à dilatato caule vel petiolo erumpunt floris præcipue ornamenta, folia scil. Tam variè hæc configurantur, & colorantur, ut impossibile

possibile sit singula percurrere ; summas tamen exarabo formas, à simplicioribus exordio sumpto. Foliorum itaq; purior conformatio sese offerit in *convolvulo* 133, cuius folium A, campanæ instar, tubulosum, à ca- TAB.24.
lyce B usque ad extremum unguem continuum hiat. Idem in *digitali* 134 molitur Natura ; tubæ etenim instar A sensim dilatatur, & unitate gaudens nullas patitur incisuras. Parum absimili specie conformatum intuemur *aristolochiae longæ* 135 florem, qui tubulosus & ipse extremum unguem A eminentiis inæqualem habet ; crasso constat corpore, fibrosis costulis irrigato ; à seminum loculis B assurgit, & rotundâ excitatâ concameratione C stylum custodit. In *Hiacyntho Matthioli* 136, multiplices flosculi ab oblongo pendent caulinco, & concavâ tubulosâq; constant formâ A, crassâ excitatâ substantiâ purpurei coloris, parùm virescentis ; huicmodi in extremo ungue in sex lacinias B, veluti exigua folia, solvuntur. Intus stamina & stylus conduntur. Idem contingit in *lilio convallio*, 137 ; licet enim unicum emineat folium A, extremo tamen ungue solutum sex quasi foliola B promit. *Violarum* pariter, & *caprifolii* 138 unicum extat folium, quod hiatu in quinq; aperitur foliola A, quæ subalba sunt, leviq; suffusa rubore. In *jasmino albo*, *narcissso*, *buglosso*, & *primula veris* 139, à pediculo A supra calycem evehitur floris folium B, quod tubulosum in quinq; laciñatur folia C. Elegantiori conformatione procedit Natura in *papilionaceis* floribus ; in *faba* namq; & *pisis* 140, multiplices erumpunt flosculi : Intra calycem A, folia B nondum hiantia reliquum floris cooperiunt : Aperto autem flore, folium C reflectitur, & erigitur veluti *papilionum* alz ; reliqua verò folia D eminent. In *Galeatis* pariter ludit Natura ; in *borminio* namq; 141, à calyce A emergens folium B, concavitate reliquas folii partes C fovens, mirabile sui exhibit spectaculum. Quid simile occurrit in flosculis *palmae Christi* 142, cuius uterus striatus A attenuatur in floris folia, & primò horizontale extendit folium B, quod tubulosum C corpus deorsum promit, superiora autem versùs foliola D attollit, in quorum medio, galeæ instar, eminent E, à quo stamina erumpunt. *Buccini* 143 flos recurvo pendet petiolo A, à quo producuntur folia B ; ab eodem emergit, cornu instar, folium C, quod superius hians horizontalem appendicem D promit. In exarato folio C conditur alterum tubulosum folium, cuius superior pars, galeæ instar E, eminent, & ab hujus hiatu stamina F emergunt. Elegans pariter est *polygalæ* 144 structura, supra cuius calycem A, gemina extenduntur rosea folia B ; ab horum medio floralis assurgit tuba C, quæ in apice in bina solvit folia D ; à tubæ hiatu corpus exit, in filamenta E solutum. Profundioribus excitatis divisionibus interdum folia multiplicat Natura, quæ unico exorta à calyce eundem sortiuntur exortum : Hoc patet in *lau-ro*, & *gladiolo* 145, cuius flos tubulosus A in quinq; inæqualis magnitudinis folia B solvit, quorum ope assurgens stylus C custodit. Quid simile in *arborecente malva* observatur.

Frequentiùs multiplicata folia undequaq; libera singulari implantatione erumpunt ; hoc mirari licet in *uva*, *piro*, *tritico*, *cerasis*, *prunis*, *oxiantha*,

cantha, & *rubo canino* 146, cuius folia *A*, supra calycem *B*, à seminis capsula, sub uno circulo *C* emergunt.

Solet natura interdum multiplicatis foliorum ordinibus ditiores reddere flores; ita in *primula veris* flos simplex tubuloso, hocq; unico, constat folio, quod in apice altè laciniatur; in flore verò dupli 147, alterum additur folium, quod exteriùs crispis costulis *A* munitur, & laciniatur in *B*; à basi verò *C* unà cum grandiori folio *D* exoritur, & stylum *E* pariter tutatur. In *Anglica* autem *primula veris* 148, flore pleno, caulinus extremitas latior reddit, primò calycis folium *A* promit; sensim in crispa folia *B* extenditur, quæ à ligneo cylindro fibras *C* recipiunt, & tandem quasi in gemmam *D* desinit. Folia *E*, quæ supra calycem emergunt proceriora, in apice incisuris soluta, plura edunt foliola *F*; inferiùs in alia gemina *G* dividuntur; stylus ex toto deficit, & in foliis *F*, ubi stamina erumpere solent in simplicioribus, macula quædam lutea *H* interiore folii substantiam tenet. In *arborecente malva* 149, supra calycem, hîc laceratum *A*, attollitur tubulosum corpus *B*; quod in simplicibus stamina tantùm promit: Ab hoc emergunt quam plurimi staminum petioli *C*, inter quos locantur rami seu flosculi *D*, varia floris folia edentes, quæ hîc detruncata indicantur. Superior verò portio, staminum *petiolis* in falciculosis collectis *E*, absimitur. Interiùs, loco styli sæpe Natura vel Casus ludit: Nam aliqui styli, seu uteri cum tubis, graciles tamen, conduntur; reliqua sunt folia quasi molæ; in summitate enim tubam ute-

TAB. 26. rinam *F* 149 promunt, reliquo verò corpore *G*, parum concavo, folii tamen naturam servante, unum vel alterum semen vel vesiculam *H* fulciunt: Quandoq; geminæ tubæ *F* à concavo folio attolluntur, & intus semen inchoamenta *I* custodiuntur. Quandoq; materia plurium uterorum indistincta congregatur in unicam molam, & frequenter, seminis loco, sola succedit vesicula, unde mirabilis est floris hujus indago. In *hyacintho maximo flore pleno* 150, multiplicia sunt plana, à quibus varii foliorum ordines exoriuntur. Primò namque caulinus *A*, sensim dilatatus, crassum cæruleumque promit folium *B*, quod superiùs in diversa dividitur foliola *C* & *D*. Idem caulinus, sursum productus, hinc inde in varios foliorum exortus *E* absimitur, & apex *F*, quasi gemma, pluribus sese invicem ambientibus foliolis congregatur; in hoc, nec stamina nec stylus apparent. In *hyacinthis*, quorum flores exiguis foliis componuntur, ipsumque caulinuli apex in folia non absimitur, stylus cum seminibus luxuriat. In *ranunculo dupli* 151, coloris lutei, extremus surculus in pineale crassescit corpus *A*, quod sub variis planis horizontalibus foliorum ordines *B* promit, & in summitate absimitur in foliola *C*. Sectum hujusmodi corpus *A* exhibit fistularum progressum *D* in singula foliola & utricularum *E* congeriem, quibus veluti pericarpium excitatur. In hoc & similibus nullum staminum stylique vestigium extat. In *violis flore pleno* 152, surculi substantia *A*, sicut in reliquis in siliquam absimitur, ita in his ulteriùs producta caulinulum efformat, qui in diversis planis, quasi tor nodis, lutea floris folia *B* promit, proprio firmata petiolo *C*, cuius exortui

tui gemina adstant foliola *D*, caduca & gracilia, quæ tandem collabuntur ; apex pariter, veluti excrescens gemma, foliolis *E* condecoratur, ita ut exarata folia invicem unita florem efforment. Interdum ab eodem surculo *A*, rami ejusdem naturæ cum flosculis promuntur, quorum congerie flos plenus excitatur. Sectus surculus fibrarum productiones *F* in singula foliola indicat.

Ludit rursus natura solitâ suâ munificentâ, dum florem pluribus flosculis ita componit, ut jucundum spectaculum paret. Hoc in *cinara*, *heliotropio*, & *beli* miramur 153. Hujus caulinuli extremitas in globosum extensa corpus *A*, quod interdum depresso est, supra calycem primò insigniora promit folia seu peculiarem flosculum, & stylum *B*; horum copiâ, coronæ instar, floris basis ornatur. Flosculi hujus structura varia est ; in simplicibus etenim, seminis capsula *C* depressa assurgit, à quâ folium unicum *D* rotundo exortu erumpit ; ab hujus medio, styli seu uteri tubæ *E* eminent : In aliis autem, flore pleno turgentibus, folia hujusmodi *D* proceriora, gemina sunt, & erumpentibus tubis *E* locum præbent. Reliquum areæ minimis flosculis *F* occupatur ; singuli, seminum loculo *G* & folio constant, quod in quinq; laciniatur foliola *H* ; ab hujus umbilico emergit stylus *I*, cuius stamina *K* tenent. Interiorem subjecti corporis substantiam utricularum ordines *L*, in rete producti, excitant, qui diuturnitate temporis contabescunt. Parum absimilis configuratio conspicitur in *ciano* præcipue *odorofo* 154, cuius calyx *A*, multiplicibus foliolis contentus, aream *B* ambit ; ab hac, coronæ instar, tubulosa folia *C*, in hiatu laciniata *D* assurgunt. Reliquum areæ tenent flosculi *E*, quorum basis *F* semen custodit & dentatis pilis *G* ornatur ; ab hac fistulosum extenditur folium *H* ; à cuius hiatu, styli *I* tubæ, & stamina erumpunt. Eandem formam evidentiùs deprehendimus in *cinara* & *heliotropio* 155, in quo caulis, dilatatus in pericarpium *A*, utricularum rete excitatum, originem præbet, supra calycis folia *B*, foliolis seu flosculis, quibus exterior limbus coronatur. Quilibet flosculus seminis striato loculo *C*, & erumpente concavo folio *D* excitatur. Reliquis flosculis, totam aream *E* occupantibus, loco peculiaris calycis acuminatum folium *F* adstat, quo seminis loculus *G* custoditur, assurgente pariter florali tubâ, & staminibus *H*. In *fico*, cuius flos apud Botanicos desideratur, inversâ & oppositâ viâ videatur præcedere Natura ; nam, sicut in exaratis floribus, pericarpii moles ita assurgit & attolitur, ut conicum vel piricale fiat corpus, quod postea flosculis seu stylis tegitur & cooperitur ; ita in *fico*, elevato exteriori ungue, fit concameratio, stylos & flosculos continens. Floris verò foliola parum rubescentia, quæ in *heliotropio* & reliquis extremam floralis areæ oram ambient, in *fico* in angustum compressa circulum, exiguum ornant hiatum, & interiora versùs expansa, videntur inversum producere florem. Ita aperto tenello *fico* 156, occurrit pericarpium *A*, cuius extremitas sursum contracta *B*, varios foliorum ordines *C* promit, quorum figura est *D*, in interioribus præcipue, in exterioribus verò *E* : Ab interiori concavitate pericarpii, styli seu flosculi minimi *F* erumpunt cum seminum locu-

TAB. 27.

TAB. 28. lis *G*; hi sensim augmentur, donec crescente pericarpio tota repleatur concameratio. Mirabilis est *amaranthi* flos 157, cuius caulinus extremitas in latam crispamq; laminam extenditur; hujus cortex in foliola *A* frequenter laciniatur: Inter haec flosculi eminent, concavis ditati foliolis *B*, à quorum umbilico stylus *C*, staminibus *D* circumdatuſ, assurgit.

Varias foliorum formas in *floribus* hucusq; rimati sumus; alię in superpenè innumerę supersunt, quibus natura ludit. Interdum folia appendicibus parum dissimilibus donantur, ut in *Oleandro*, 158, à cuius hiantibus foliis *A*, minora foliola *B*, dentata, consimilis nature, erumpunt. In flore *melanthii* 159, duplex est foliorum genus & ordo; inferiora enim *A*cerulea sunt, reliquorum florum more extensa; & in extremo ungue quasi spinosas appendices habent. Succedit alter foliorum *B* ordo, quæ longè minora sunt & elegantiora, concava sunt & purpurea, & patentem hiatum *C* habent: Rotundum pariter corpus *D* eminet, viride & lucidum, gemmæ instar, à quo bina pendent quasi folia *E*, quorum extremitas pilis *F* conspergitur.

Quandoq; monstrosa sunt folia, & quasi orta casu; ita in *rosa* 160, frequenter propè staminum petiolas fit mixtura staminis & folii: Nam pediculus *A* eminet, cuius apicem staminum capsula *B* tenet; paulo infra, pendet à latere foliolum floris *C* cum costulis. In *pæonia* 161, ubi multiplicantur foliorum ordines, insolitæ formæ reperiuntur folia: Nam quandoq; in geminas angulares appendices *A* arctius desinit folium; interdum folium ab exortu tubulosum in hiatum *B* laxatur; non rarò, styli instar, seu surculi, ramos *C* hinc inde promit, solitumq; colorem & substantię modum cum reliquis foliis servat.

Florum folia propriâ constant substantiâ, hacq; multiplici, qualis in vulgaribus foliis observatur; ut luculenter in crassioribus foliis, & præcipue in *corona imperiali* 162 patet. Singulum hujus folium cuticulâ exterius operitur, sub qua excurrunt costulæ *A*, frequenter, numero tredecim, quæ extrema versùs in ramos *B* subdividuntur: Singula quæq; costula ligneis fistulis & contenta tracheâ integratur; reliquum verò appensis utricularum seriebus completur. In *gladioli* 163 floralibus foliis, à costulis *A*, rete *B* extenditur, cui utriculi appenduntur.

Præter exaratas fistulas & tracheas, occurrit *Utricularum* substantia, quâ folii latitudo & crassities excitatur. Exterius varia est ipsorum forma & magnitudo; etenim, sese invicem urgentes, ubi copiosè stipantur, variam fortuntur configurationem. Color ipsorum quoq; varius est. In gladiole exteriores utriculi rubicundo scatent succo, interiores verò, albo. In foliis *pæoniae* exterior pariter utricularum ordo rubicundo inficitur colore; interior & centralis, subalbus est: Hoc idem in *tulipa* miramur, cuius interiora albi utriculi occupant, vario exterius luxuriante colore; utricularum verò multiplices ordines nec recti nec paralleli ducentur, sed implicantur; unde avulsis exterioribus stirris, transversalium ordinum laceratorum effluens humor progressum indicat. Sunt autem plerumq; utriculi catenatim locati, quasi stiria quædam; unde avulso uno, aliorum

aliorum subsequitur ordo. Hoc præcipuè in *tulipa* 164 occurrit; ablatâ namq; cuticulâ laceratione, rapitur ordo *A* utricularum, inæqualis magnitudinis, & in apice videtur fibræ vestigium *B* emergere. Idem licet experiri in *pœoniae* foliis 165; quorum utriculi latiores hanc delineatam seriem *A* exhibent. In *lili* præcipuè *rubri* 166 foliis, utricularum pariter ordines deprehenduntur, quin & extra erumpunt, & patent in rubris præcipuè liliis, in quorum foliis circa exortum, interiùs, quædam attolluntur cristaæ *A*, quæ utricularum ordinibus coagmentataæ, disparatis finibus *B* eriguntur; & frequenter extremi utriculi, quibus crista compleatur, insigniter turgent; quod certè copiosioris alimenti argumentum extat.

Mirabile est, quod Natura quasi conchas in florum foliis excitavit quibus TAB. 29. mel custodiret; ita in *corona imperiali*, *lilio Persico* 167, & *ranunculo* miramur: In hujus interiori parte, non longè ab implantatione *A*, concha rotunda *B* observatur, quæ melleo diaphanoq; semiconcreto repletur succo: Hanc mirè cooperit velabrum *C*, hic revulsum. In *corona imperiali* fovea hæc exterius labio circumambit, & deorsum pendulæ semisphærica appenditur gutta. Interdum dubitavi, an tenuis quædam adsit membranula, contentum icorem coercens, ne deorsum effluat; applicito tamen ditti extremo, à fovea rapitur, sicut accidit in reliquis aquæ & fluidorum guttulis, quæ suspensa pendent. Hinc meditari possumus, melleam hanc substantiam non exterius advenire, sed ex succo intimius concocto hujusmodi congeri materiam. In *digitali* pariter propè umbilicum melleæ substantiæ aliquot guttae recolliguntur.

Quibusdam insuper florum foliis, fungos & capsulas quasdam, terebinthinam fundentes, addidit Natura; quod præ cæteris elucescit in flore *dictamni albi* 168, qui speciosissimus est. Hujus folia numero quinq; excurrentibus costulis *A*, pervaduntur; in exteriori verò parte, & circa unguem, pili *B* copiosi eminent, inter quos capsulæ *C* quædam situantur, terebinthinam fundentes. Parum absimili formâ contegitur *horminii* & *sclareæ* folium, quod pilis & fungis *D*, glutinosum fundentibus icorem, tegitur, ita ut, si leviter etiam pertractetur, digitis vehementer hæreat.

Ulrta floris folia, quorum descriptionem ex diversis deduximus floribus, solet ulterius Naturâ in aliquibus floribus graciliora addere *capillamenta*, diversæ, inquam, magnitudinis: Hæc luculenter patent in *maracot Indorum* 169, in quo, ultra folia calycis *A* & floris *B*, capillaria quædam filamenta *C* observantur, coronæ instar, interiorem floris partem occupantia; hæcq; exortum à dilatato pediculo cum foliis *B* sortiuntur: Ipsorum color varius est, in diversis suis portionibus. Non longè ab horum implantatione plures consimilum foliorum ordines *D* manifestantur, exiguae tamen longitudinis: Ab horum centro elegans stylus *E* cum appendi- sis staminibus *F* assurgit. In *cucurbita* interius 170 flores & amentum plurimis filamentosis appendicibus ornantur; hæ utricularum serie *A* coagmentantur. In *iride* 171, multiplicita sunt floris folia, violacei coloris, majora

majora tamen capillitum *A* interius emittunt à situ excurrentis costulæ : Singulum filamentum hoc, vitellinum refert colorem, capituloq; *B* ornat, & utriculis oblongis seriatim positis *C* componitur.

Inter cæteras partes, quibus flores integrantur, *stamina* non ultimum sortiuntur locum. Hæc igitur varia sunt, penes numerum, figuram, & exortum ; unde principaliora recolligentes, à simplicioribus exordiemur. In *aristolochia longa* 172, supra seminum loculos *A*, subrotundum corpus *C* excitatur, in quo fixa hærent, absq; pediculo, staminum lutea capitula *D*, quæ hiando globulos fundunt. In *narcissō*, *hyacintho*, *gladiole albo*, *digitali*, & ferè omnibus habentibus tubulosa folia, *stamina* brevi petiolo à floris folio emergunt ; quod apprimè patet in *primula veris* 173, in qua à parte interioris folii *A* erumpunt *stamina* brevi firmata pediculo *B*, quorum apicem luteum tenet capitulum *C*. In quamplurimis verò, non à floris folio, sed à communiori principio, à dilatata scilicet petioli substantia, quæ folia & stylum profert, singulari exortu pullulant : Ita in *vite*, & *lilio Persico* 174, à cuius concava & humiliori parte *A*, quæ stylum ambit, *stamina* *B* numero quinq; assurgunt, quæ in capsulas *C*, vitellinis globulis turgentes, desinunt. In *piris*, & *mespilis* 175, staminum exortus *A* ferè horizontalis est ; in *prunis* verò, *ceraso*, *oxiacanta*, & *amygdalo* 176, copiosa ipsarum *stamina* *A*, ab hiante calycis substantia *B* erumpunt, proprioq; condecorantur capitulo *C*. Parum dispari ritu idem in *malo Punica* 177 mirari licet, in qua sub diversis ordinibus *stamina* *A* à crassioribus calycis foliis *B* sese exerunt. In aliquibus, licet staminum exortus distinctus sit, à communi tamen zona seu circulo, stylum investiente, implantationem sortiuntur : Hoc patet in *lino*, *githagine*, & *been albo* 178 ; à petiolo striatum corpus *A* attollitur, stylum ambiens ; hujusmodi in folia *B* quinque, & *stamina* *C* laciniatur. In *siliquaceis* plerumq; *stamina* quidem brevia sunt, sed à longiori quasi capsula, stylum circumdante, erumpunt : Hoc elucescit in *pisis*, *cicerē*, & *fabis* 179, in quibus, revulsis foliolis *A*, oblongum & fistulosum exeritur corpus *B*, quod tribus constat integrantibus corporibus *C*; ejus autem extremitas in staminum pediculos *D* dividitur. In *arborecente malva* 180, à floris umbilico *A*, tubulosum corpus *B* ascendit, quod, surculi instar, multiplices staminum petiolas *C* promit ; interior autem concavitas stylo occupatur, ejusq; tubæ *D* eminent. Staminum structura in *cyano* 181 longè diversa est ab exaratis ; nam petioli quinq; *A* ab interiori floris substantia *B* sursum producti, & uniti, cæruleum tubum *C* efformant, quo styli tuba *D* custoditur ; in apice autem crenis exiguis solvit, emergentibus staminum globulis, qui inter tubam & staminum capsulam *E* conduntur, veluti in propria capsula. Hoc idem evidenter in *cinara*, *heliotropio*, & similibus 182 occurrit ; horum etenim assurgens tuba *A*, staminum capsulâ *B* ambitur, quæ quinq; petiolis *C* tubulofo corpori *D* adnascitur : In capite autem laciniatur, & interius sulcos habet, quibus globuli recolliguntur, & elongatâ tubâ rapiuntur. *Brancæ ursinæ* insignia sunt *stamina* 183, quorum capitulum subviridi crassâq; constat substantiâ *A*, à qua staminum loculus *B*

TAB. 30. TAB. 31. enascitur,

enascitur, per longum hiatus C aperitur, quo patente, stamina effunduntur; ab hoc pili D emergunt. In aro 184, insigne est stamen; à caulinulo supra calycem A, qui totum ambit florem, plura seminum inchoamenta seu flosculi B eminent, qui tandem, exarescente pericarpio, turgent, & semina fovent; superius erumpunt styliformes appendices, supra quas exigua quædam turgent corpora C, quæ geminis quasi foliis D componuntur, quibus lutei quidam orbiculi, veluti stamina, continentur; tandem oblongum attollitur luteum corpus E, globulis excitatum; hujusmodi perlongum, rectum, concavum est, solisq; ligneis fibris F, reticulariter implicitis, occupatur; reliquum verò ligneis fistulis G, in globulorum congeriem H productis, pervaditur.

Turgentibus orbicularibus corporibus, quibus staminum capitula repletur, exsiccatâq; continente capsulâ, foras prodeunt globuli minimi, & disperguntur. In tritico Indico 185 gemina capsula A observatur, in cuius summitate excitatum foramen B globulis exitum præbet. In tulipa 186, staminum capita geminâ capsulâ A, B, coagmentantur; horum singula non continuatâ & interruptâ constant membranâ, concavitatem efformante, sed geminæ partes C, D, reflexæ, introcurvatae, & per harmoniam unitæ, continentem efformant concavitatem; hæc diductæ E, F, & extra patulæ, contentis globulis G liberum præbent exitum. Idem accedit evidenter in staminibus oleandri 187, quæ crassiori petiolo A subrotundo donantur, à quo angularis quædam capsula B assurgit; hæc, diductæ & hiantibus hinc inde tunicis C, rotundi globuli D fiunt in propatulo; comata insuper, pilis albis conspersa, attollitur appendix E; ab apice pedioli A albus quidam mucus effluit F, qui glutinis instar hæret.

Staminum corpus, cuius formam hucusq; retulimus, petiolo, & appensâ capsulâ constare videtur; singula tamen hæc ligneis fistulis & tracheis integrantur, quibus utriculi per longum locati adduntur; quare, cum in galeatis, & quibusdam etiam aliis, ab elongatis floralibus foliis producantur, iisdem etiam particulis necessariò excitantur.

Stamineos loculos, globulorum congerie, quasi atomorum, turgere diximus: Hi diversè configurantur, & colorantur, frequentérq; luteum sapiunt colorem, ut in lilio, rosis, & limoniis malis; albescunt verò, diaphaniq; ferè sunt in matva, & plantagine. Diversâ pariter donantur figurâ in lilio croceo, montano albo 188. Ovali pollent formâ A, parum tamen acuminatâ, & per longum, tritici grani instar, fulco quodam excavatâ. Intra sacculum autem conclusi, dum adhuc molles sunt, minus angulares videntur. Horum materiam ab intimiori pediculi substantiâ percolari probabile est; nam in cucurbitæ 189 floribus, fibrosum & pluribus fistulis contextum corpus A, globulorum capsulæ substernitur, cuius ministerio confluens staminum materia in globulos B percolatur. Huic lucem ferre videtur branchæ urfinae staminum crassum corpus, à quo in contiguam capsulam globulorum materia separatur.

In aliquibus plantis staminum loco corpora quædam, plumarum instar, assurgunt, quæ passim observantur in *lapacio*, *acetosa*, & *pimpinella* 190, cujus flos, quasi floscularum racemo, integratur. In horum itaq; indagine, non in singulis flosculis stamina cum capitulo occurunt, sed horum loco quasdam appendices, circa racemi apicem præcipuè assurgentis, intuemur. In his itaq; supra floris folia A, appendices B, veluti infectorum antennæ, eriguntur; hæ comato pollut capitulo, singulaq; particula filamentosa, folii *cupressus* instar, brevibus quasi foliolis, rubicundi coloris, constat.

Florum partes, quarum structuram hucusq; scrutati sumus, in gratiam styli seu uteri fabrefactas esse notum est; in hoc enim semen, quod ultimò à natura expetitur, affabré custoditur. *Stylus* igitur pars est, centrum floris occupans, quæ concavitate semen fovens, appendice assurgit, luditq; inter stamina. Hanc *uterinis tubis* analogam esse, exaranda fortasse indicabunt. Simplicior itaq; *stylis* forma occurrit in flore *Adonis*. Hic multiplex est, & simul congestus pini fructum emulatur. Unusquisq; uterus 191 lato constat corpore A, quo conclusum fovetur semen, & bre-

TAB. 32. vi hians tubâ, pilis seu mollibus fistulis conspergitur. In *hortensi* pariter *feniculo* 192, copiosi observantur uteri, quorum corpus A, modicè striatum, staminibus B, & foliolis C, exortum præbet; summitatem verò seu aream occupat lenticulare corpus D, profundâ scissurâ solutum; hujusmodi subluteis mollibusq; compaginatur fistulis, quæ terebinthinam fundunt: A medio geminæ & breves emergunt tubæ E. Pari progressu incedit natura in *uvarum* flore 193; in hoc stylus A assurgens seminum loculos B designat, & brevi attollitur tubâ C, solitis condecoratâ pilis. Circa basim non longè à staminum D eruptione, fistularum congeries E, terebinthinam fundentes, eminent. In *violis*, rubicundis præcipuè, 194, stylus A custoditur, qui tandem in siliquam excrescit, quæ hiante tubâ B conspersa fistulis terminatur. In reliquis verò siliquâ donatis oblongior est uteri tuba, ita passim in *pisis*, *fabâ*, *orobo*, & *cicerulâ* 195, cujus uterus A fistulosus seminum inchoamenta tuetur, tubaq; B exorrigitur, pilis conspersâ. *Paeoniae* 196 geminus est uterus, quasi siliqua; supra enim varios foliorum floris exortus A, duplex assurgit stylus B; curvatis tubis C, quæ hiantes exterius pilis cooperiuntur, intus verò plura custodiuntur semina D. Amplior in *lilio convallio* 197 eminet tuba A, quæ à concavo assurgens utero B, solito donatur capillatio C, in basi verò seminum congerie D fovetur. Elegans pariter in *malo aurantiâ*, *limoniâ*, & consimilibus, occurrit stylus 198, circa cujus exortum, luteum figitur corpus A, longiori constans tubâ B, quæ hiante capitulo donatur; totus stylus turgentibus oleo vesiculis C conspergitur. *Uvae spinæ* 199 uterus non minori artificio excitatur: Supra pediculum floris A, uteri corpus B prominent, à cuius substantiâ concavus calyx C emergit, qui in extremo ungue stamina D, & folia E promit; assurgit autem bifurcata tuba F, quæ cum uteri concavitate G, seminibus refertâ, communicat. Pari progressu Natura *mali Persicæ*, *amygdali*, *pruni*, & similiū uteros molitur: In *cerafo* etenim

etenim 200, ab umbilico calycis *A*, turget uterus prælongâ tubâ *B*, quæ capitulo *C*, fistulis consperso, donatur; venter autem semen *D* continet. In *gladiole* 201, tenellum adhuc uteri corpus *A* semina *B* fovet; ingenti eminet tubâ, quæ in tres hiantes appendices *C* aperitur, fistulis conspersas. In *tithymallo*, *chamæcisto* 202, à floris centro *A*, longus producitur stylus, qui seminum loculos *B* promit; ab hoc uterinæ tubæ *C* hiantes emergunt, pilisq; cooperiuntur. Segetum quoq; plerumq; uterus mirabilis est; in *tritico* & *melissâ* 203, subrotundum turget uteri corpus *A*, geminas tubas *B* promens, à quibus hinc inde pili erumpunt. Solet ultriùs natura in uno eodemq; flore uteros multiplicare; uti miramur in *lino*, & *aquilegiâ* 204, quæ quinque vel sex disparatis uteris *A* pollet; hi oblongam possident tubam *B*, fistulis & pilis conspersam. In *rubo canino*, & *rosis* 205, largiori ubertate uteros natura multiplicat: Nam calycis concavitas *A*, uterorum *B* congerie repletur; à lateribus enim calycis enascuntur styli *C* multiplices, qui proceriori tubâ *D* elongati in hiatum tandem *E* fistulis refertum desinunt. In *piro*, & *malo cydonia* 206 eadem uterorum multitudo luxuriat. A crassiori calyce *A* concavitas relinquitur, quæ ab erumpentibus uteris *B* occupatur. Quilibet horum stylus plura alit semina *C*, & ingenti coronatur capitulo *D*, multo capillitio ditato. In floribus, quos copiosi excitant flosculi, plures pariter turgent uteri, ut in *belli*, *ciano*, & *cichorio* 207 patet. Hujus singuli uteri *A*, assurgente tubâ *B*, condecorantur, quæ staminum capsulâ *C* custodit, & floris folium *D* cæruleum & concavum adstat. In *fragaria* 208, & consimilibus, multiplicantur uteri *A*, & à piniformi corpore *B* emergentes, aeri expnuntur. Quilibet uterus tubâ *C* constat, & fibrosâ appendice *D*, pericarpio *B* necitur. Hoc idem evideniùs conspicimus in *Veneris labro*, & similibus 209. Pineale hujus corpus ab extremo cauliculi aſlurgit, à quo hinc inde copiosi flosculi *A*, quasi tot uteri, erumpunt. Quilibet flosculus calyce custoditur, lato scilicet, & concavo folio *B*; quod in styliformem appendicem *C* desinit, & spinis *D* armatur. Flosculus in sui base uterum *E* cum contento semine custodit, assurgente tubuloso folio *F*, & emergentibus pariter staminibus *G*. Corpus, cui flosculi hærent, licet intus condatur, est tamen loco pericarpii; fibrosis itaq; productiōibus *H* ambitur, à quibus fistulæ ligneæ, & tracheæ *I*, in singulos flosculos derivantur. Coercita medulla, vel pericarpium *K*, utriculorum ordinibus, reticulariter implicitis, coagmentatur; hi in cauliculo sensim in solitos medullæ utriculos *L* coercentur.

Uterorum tām varia hucusq; exposita forma hiantes exhibuit tubas, ut facile pateat, ab uteri ventre perpetuò hiatus per tubam aperiri; manifestiora autem redduntur hæc in *Narciso*, & *lilio* 210; diversi enim loculi *A*, & quasi siliquæ, in communem hiatum *B* desinentes, per rimulas *C*, fistulis conspersas, perspirant. Idem evideniùs in *malo Punicâ* appetet; nam in seculo per medium flore 211, tubæ quidem multiplices assurgunt *A*, & inter ipsas ductus *B* aperitur, in quem peculiaria spiracula à seminum cellulis *C* desinunt.

Vidimus ulterius in tubæ hiatu molles fistulas, pilos æmulantes, ut plurimùm subluteas, terebinthinamq; fundentes, luxuriare. Hæ præ cæteris patent in *tulipæ* stylo 212; cuius licet breves sint tubæ A, ingenti tamen hiatu B aperiuntur, orisq; interiorem partem tenellæ occupant fistulæ, seu capillamenta, glutinosum fundentia humorem. In *dictamno albo* 213, sex efferuntur tubæ A, totidem uteris B exortæ, quorum quisq; plura alit semina. Exterior uteri portio insignibus utriculis, & capsulis C, terebinthinâ refertis; cooperitur, pili pariter interseruntur.

Fœcundos flores hucusq; scrutati sumus: Naturæ tamen mos est, velut animalibus quibusdam accidit, subventaneos & infœcundos edere. Et sicut in exaratis floribus, partes in gratiam inclusi uteri (fœcundi tamen) circumlocantur, ita in quibusdam herbis, & arboribus, jusso divortio, florem longè ab utero non solum pendere voluit natura, quasi subventaneum ovum, cum nullum relinquat post se semen; sed ulterius distinctâ plantarum specie, quasdam infœcundas reddidit, his tantum contentas floribus, reliquas verò utero ditavit. In *mori* pluribus individuis

TAB. 35. 214 flores omnes amentacei sunt, ipsorumq; productionem longè anticipat natura, & per hyemem foliolis gemmæ custodiuntur; à situ etenim delapsi folii A quasi gemma eminet, pluribus contexta foliis B, quâ oblongus florum racemus C custoditur. Unusquisq; autem flosculus hians quatuor componitur foliolis D, viridibus, & concavis; tria pariter stamina E assurgunt, & à floris centro loculus F attollitur, vesiculam G intus custodiens; hæc aqueo turget humore, qui tandem evanescit. In reliquis verò individuis, quæ vulgariter masculæ 215 appellantur, fit consimilis racemus, seu tot uterorum conglobatio; singuli verò uteri exteriùs quatuor foliolis concavis A circumambiuntur, quorum unguis pilis ornatur. Uterus B geminis contortis tubis C pollet; intus intra secundinas sub osseo nucleo semen fovetur. Idem miramur in *urticæ* diversis vegetantibus, quorum amentacei flores 216 quatuor contexti sunt foliis A, totidemq; staminibus B, & loco styli vesicula C, seu calyx, terebinthinâ referta additur. In fœcundis autem urticis à nodis pendent quasi stylorum racemi. Omnis uterus D turgido corpore assurgit, & à summitate, tubarum loco, diaphana emitte capillamenta E, quæ quasi nodis F articulati videntur; intus semen G secundinâ velatur; quatuor folia H, conspersa pilis, adstant. In aliis verò plantis amentum, & stylum, loco tamen disparatos, locavit. Hoc miramur passim in *tritico Indico*, à cuius extremo caule eminet muscarium, qua juba 217; ramorum enim instar producuntur surculi, alios minores proferentes, à quibus pediculi promuntur: Ab his itaq; pendent amentacei flores', qui solitis calycis foliis A custodiuntur; interius alia locantur foliola B gracilia, feréq; diaphana, florem intimè ambientia. Ab *umbilico* tria eminent staminum capita C, brevibus firmata pediculis. In medio, loco styli nil observatur; circa staminum exortum foliola subalba, molliaq; D, hæcq; gemina, florem integrantia, adstant. A singulis nodis, & præcipue superioribus erumpit panicula,

panicula, congeries scilicet fœcundorum uterorum, sub foliis à situ gemmarum pyramidalis assurgit vagina, parum dissimilis ab exarata in *salice*; sub hac foliola minora locantur, quibus uteri involvuntur. Extracta igitur tenella & minima panicula 218, conglobatos exhibit uteros, & singuli basim præcipue paniculæ tenentes, hac pollut formâ: Ab umbili-
co tenella tuba *A* eminet, cui foliola mucosa *B* adstant, quæ à grandiori-
bus *C* ambiuntur; singula à dilatato petiolo *D* pendent.

In arborum quoq; genere idem accidit. In *populo* 219, oblongus quasi racemus, tot flosculis contextus, pendet; flosculi hujusmodi amen-
tacei unico hocq; concavo excitantur folio *A*; ab hujus centro quinq; sta-
mina *B* erumpunt, solito decorata capitulo, quo hiante, lutei globuli ef-
funduntur. Inferius calycis loco laciniatum pendet folium *C*. Ab eadem
planta, diverso tamen situ, erumpit stylus, seu uterorum congeries, ve-
lut uvæ racemus; quisq; autem botrus *D* inter pilos semen custodit. In
nuce 220, pariter amentum copiosum observatur, flosculis excitatum, ita
ut oblongus consurgat racemus. In unoquoq; flosculo folia numero sex,
crassa & virida *A*, è petiolo *B* exorta, occurunt, quibus staminum conge-
ries *C* continetur. Singula cinereis pilis, in atrum desinentibus, ferè coope-
riuntur. Ab eodem autem ramo 221, & surculi apice, gemmæ instar, stylus
prominet, qui tandem in fructum evadit. Ab extremo igitur surculo *A*, qui
gummæ instar foliola promit, ovalia emergunt corpora *B*, fungis & papil-
lis conspersa, diversa foliola *C*, tubarum loco, promentia; in centro au-
tem *D* semen gignitur. In *quercu* 222 quoq; amentum pendet, multi- TAB.36.
plici flore congestum, quod foliolis & staminibus absq; stylo, de more,
constat: Longè autem turget uterus à surculo *A*, pendens, & calyce *B*,
angularibus foliis excitato, custoditur; brevi tamen plures manifestantur
foliorum ordines *C*, à crasso concavoq; corpore erumpentes. Superiùs ute-
rus *D* tribus eminet tubis *E*; ventre autem seminum inchoamenta *F* fovent.
In *carpino* 223, ultra amentum stylus occurrit, multis vesiculis congloba-
tus: Quarum unaquæq; tenui constat pelliculâ *A*, quæ ligneis fistulis,
& tracheis reticulariter implicitis, irrigatur, quibus utriculi appenduntur.
Laceratâ vesiculâ peculiaris sese offert uterus *B*, geminis assurgens tubis
C, in cuius centro semina *D* aluntur. In *allii*, & *moly montano* 224, fre-
quenter, licet stylus extra florem erumpat, ipsius tamen petiolo hæret.
Ab extremo cauliculi, soboles plures, globuli scil. *A*, pendent, tenui con-
volutâ membranâ *B*, quibus semen tutatur. A singulo pediculo *C* attol-
litur flos, sex condecoratus foliolis *D*; ab hujus centro quandoq; eminet
quasi stylus *E* cum appendicibus, & hinc inde stamina adstant. Flos hu-
jusmodi stylo etiam donatus, ut plurimum, & ferè semper, nullo sub-
crescente semine, amentaceus redditur, & contabescit.

Consuevit pariter natura, copiosæ intenta seminum productioni, fœcun-
dis floribus in eodem caule vel surculo amentaceos interponere. Hoc passim
in *cucurbita* 225 miramur, à cujus unico caule diversi pendent flores: Alii
namq; fœcundi sunt, quorum fructus seu uterus *A* infra floris basim pri-
mo turget, & tandem flos suis instructus staminibus & foliis aperitur. A

calyce etenim tubulosum amplumq; floris folium *B*, interius luteum, exteriorius parum virescens, assurgit, quod ultra medietatem, mediis incisuris, in quinq; solvitur acuminata folia; interius eminent pili *C*, globulis invicem hiantibus compositi; exterius spine *D*, internodiis compaginate, prominent. Ab umbilico floris assurgunt gemine appendices, quasi crassa folia, lutei coloris, quorum amplius *E*, arctius *F* continet: Ab horum centro staminum pediculus *G* eminet, qui in tres subdividitur *H*; horum singuli gemitantur, & capitulis *I* condecorantur. Amentacei ejusdem *cucurbitæ* flores à fœcundo pariter caule erumpunt, quocumq; situ; hujusmodi nullum fructū seminumq; vestigium exhibit, sed ipsorum oblongus pediculus in calycem *A* 226, laxatus, floris folia *B*, non dissimilia ab exaratis, promit; à medio umbilico staminum petiolus latâ basi *C* excrescit, hæc interius concava, & frequenter rimulis hians, concham *D* lutei coloris, humorum copiose effundentem cooperit. Petiolus hujusmodi videtur quasi plurimum pedicularum congeries; loco capituli, staminum elegantia conditoria suspenduntur: Oblonge etenim, siliquarum instar, capsulæ *E* à superioribus *F* ortæ, ad inferiora *G* deducuntur, & iterum sursum *H* reflexæ, tandem inferius *I* prolapsæ terminantur. Geminis itaq; capsulis parallelis, invicem unitis, singula exarata circumvolutio constat, hisq; diductis globuli *K* effunduntur. Pluribus elongatis capsulis constat stamineum hoc capitulum. Parum dissimili methodo in *castanea* 227 incedit natura; nam plures pendent à tello surculo oblongi florum racemi; hinc inde autem appensi flosculi ultra calycem *A* subluteis foliis *B* constant: Ab horum centro oblongi ascendunt staminum petioli, luteo ditati capitulo *C*. In extremo surculi ejusdem apice, una, vel altera

TAB. 37. pendet florum congeries 228, quasi racemus; in his flosculi, qui proximiores sunt petioli implantationi, seu mavis, fibroso fasciculo, à quo singuli pendent flosculi, fœcundos uteros æmulantur; suntque frequenter gemini. Hi subluteis foliolis *A* componuntur, que pilis parum viridis coperiuntur; emergunt autem à subrotundo corpore *B*, quod tractu temporis, uteri instar, semen fovet: Ablatis floris foliolis *A*, stamina *C* patent, suis firmata capitulis, que brevibus appenduntur pediculis; cuius contrarium in amentaceis floribus miramur, in quibus oblonga luxuriant stamina. A floris umbilico assurgunt plures styliformes processus rotundi *D*, inæqualis magnitudinis, qui *tubarum uteri* vices fortasse supplent. Flosculi hujusmodi, seu uteri, à communi exoriuntur basi *E*, & tres assurgunt unico conclusi calyce, in quibus semina adolescuunt. In pino 229 uterorum congeries, seu multiplices styli observantur; hi biennio ante erumpunt, floris specie, & invicem conglomerati ovale excitant corpus, cuius exteriora foliola *A*, squamarum instar, sese invicem cooperiunt. Sectus hujusmodi stylus, ab extremo surculo *B* emergens, in foliola *C* laciniatur. Hinc inde peculiares uteri eminent, qui folio *D* constant, styloq; seu tubâ *E*, semina custodiente. Ad implantationem singularum, ligneæ fibræ derivantur, à ligneo cylindro *F* productæ. Extractus igitur quicunq; uterus *E* tenellus est, & quasi calyce, folio *D* tutatur,

tatur; adhuc mollis est, & inferius geminam protuberantiam *G* in basi habet, quâ contenta semina custodiuntur. Tractu temporis decidente calyce *D*, augetur uterus, & tandem fit osseus. In *cupresso* 230 flos amentaceus pendet veluti in *populo* &c. Loco autem styli, coni seu nunces excitantur, quæ tenellæ in suarum partium interstitiis peculiares, quasi seminum *Aloculos*, velut uteros, cum brevi tuba *B*, foras emer- gente, continent.

Flores, multiplici partium apparatus constantes, jam indagine percurrimus; horum nonnullos natura fœcundos, scilicet calyce, foliis, staminibus, & stylo donavit; reliquos verò stylo orbavit. Laxatur itaq; caulinuli extremitas, vel surculi corpus, in florum compagem, & exterior corticis substantia vel in calycem extenditur, vel in ejusdem folia laciniatur; unde variæ ipsius species, & magnitudines consurgunt, prout magis & minus contentus stylus fovendus est; qui verò plurimum flosculorum compage excitantur, frequenter multiplicibus calycis foliolis tu-tantur; sicut & reliqui pariter, quorum tenella substantia operimento eget. Interioris caulinuli, seu ligni, substantia, fistulæ scilicet & tracheæ, ex-tenduntur & elongantur in floris folia, quæ omni vasorum genere instructa pendentibus utricularum seriebus excitantur: Hæc teuni halituosoq; tur-gent succo, unde incisuras non patiuntur; ob humoris etenim benignita-tem & ductilitatem, utricularum ordines extenduntur usq; ad extremum unguem; & ut plurimum vasa non ab una excidunt costula, sed copiosi fasciculi à basi assurgunt, & productis ramis in omnem dimensionem elon-gantur. Non longè à foliis stamina à lignea portione attolluntur, pecu-liarem succum in propriis loculis cribrantia & servantia; hunc patenti, ut vidimus, hiatu, datâ viâ, sub globulorum forma effundunt, & disper-gunt. In horum medio stylus fovetur, cuius concavitate colliquamenti vesicula, vel seminis inchoamentum conditum, & in ipso augetur; unde plantarum uterus esse autumo. Nec structura reclamat; nam, sicut in *oviparis* unica est concameratio in solam tubam desinens; in *viviparis* ve-rò ut plurimùm uterus geminis ovariis totidemq; tubis compaginatur; ita in floribus uterus, seu ovarium unicum quandoq; est, cuius tuba hiatu patet, quandoq; multiplex est, totidemq; exporriguntur tubæ. Harum extrema pilis seu minimis syphonibus ornantur, à quibus terebinthinæ in-star glutinosus effluit succus, non tantum, ut reliquum alimenti depure-tur, sed, ne infecta intus irruant, suo glutine obstat. Patet etiam aditus, ut externo subintrante aere copiosior contingat transpiratio. Vegetan-tium igitur uteri gratiâ, reliquæ floris partes, folia scilicet, stamina, & ca-lyx circumlocantur in fœcundis floribus, in amentaceis autem ab eodem erumpentes surculo non longè ab utero distant.

Interdum dubitavi, an florum folia in suis utriculis succum excoquant, quem intro resfluentem tenello utero, & seminis inchoamento affundant, sicut de reliquis surculorum foliis probabiliter deduxi. Quandoq; satiùs credidi, foliorum ministerium in incongrui humoris depuratione versari; plura enim seminalium particularum præcipitationem remorari & im-pe-

pedire possunt: Et licet in amentaceis stamna & folia immediatè uterum non ambiant, sed aliquantis per distent; sūrculi tamen contentus humor purior reddi potest amenti eruptione, ut expeditior & defæcatior in uterum irruat. Huic pariter muneri subserviunt, ultra stamna, fungi, & papillares utriculi, seu capsulae terebinthinam effundentes; unde fas est dubitare, naturam plurimum humoris, huncq; diversæ substantiæ, seminum generationi incongruum, per hæc quasi emunctoria eliminare. Hinc fortasse non incongruè derivato nomine *menstruæ purgationes*, quæ in mulieribus conceptionis tempora proximè antecedunt, veluti florum eruptiones succedunt; & sicut determinata succi portio per stamna & floris folia excernitur; ita in viviparis, quæ conceptus particulas quoquo modo inficere possunt, singulo mense cribratæ per uterum foras protuduntur, ut reliquum defæcati sanguinis, in utero stagnantis, facilius vi seminis fecundentur, & in animalis naturam dirigatur. Et quoniam in menstruorum eruptione maturitas quædam temporis requiritur, ut prorumpant, ritèq; celebrentur, & his suppressis generatio tollitur, & vitiatur; Ita florum pariter productio in plantis non illicò succedit, sed post determinatum tempus; nec perpetuò fœcunda sunt semina: Hoc patet in *tulipis*, *pomis* & similibus; in illis enim annotinæ florem non edunt, & succi cruditas in floris folia derivati, seminis perfectionem adimit, ita ut productæ sobolis fœcunditas foliorum maturitate sufficienter indicetur. Cruditatis signa in *tulipæ* foliis patent, & virore manifestantur, reliquis autem saturatibus coloribus coctio indicatur: Hanc vero nullo naturæ fine peragi probabile est, sed sola materiæ & circumambientium necessitate; alias maturitas cum interitu coincideret.

Floris folia, tenello utero custodiæ gratiâ elargita, si plus justo luxurient, multiplicatis exortibus & planis, (ut in plenis floribus observavimus,) vel semina manca redduntur, vel deficiunt, & nullus plerumq; uterus adest; unde probabiliter dubitare possumus, an singuli fistularum fasciculi in folia elongentur, & absumentur, nullæq; ligneæ fibræ, uteri structure, & colliquamenti vesiculæ relinquuntur, & ita infœcundi contingant flores. Sæpius avulsis floris foliis, antequam hiarent, in *tulipa* præcipue, expectavi, an stylus, seu denudatus & depauperatus uterus, incrementa caperet; & interdum ejusdem incrementum remorari observavi, quandoq; quædam semina absq; noxa debitam sortita sunt magnitudinem; unde adhuc dubius sum, an floris folia à Solis & externi aeris irruentibus contibus tenellum uterum tutentur, an ulterius etiam depurando, præparent auctivam seminis materiam.

De Seminum Generatione.

Tenellus uterus hucusq; expositus *seminis* productionem promoveret, suoq; sinu alit & foveat, donec concretum solo, in novam plantam adolescat. Successivas igitur mutationes & productiones non valde dissimiles à generatione fœtūs in utero exarare tentabo. In *cerafo*, *pomo*, *malo Persica*, *pino* & *amygdalo*, decidentibus florū staminibus & foliis, sensim tumescere incipit uterus, seu stylus, adaucto intus colliquamento. Ita patet præcipue in *amygdalo* 231, cujus uterus *A*, ad ovalem accedens formam, tubā *B* constat, quæ tota perforata est, & in apice capitulo seu hiantē infundibulo coronatur, quod capillamentis subluteis, terebinthinam fundentibus, ornatur. *Tuba* hæc, quò magis uterus augetur, tantò minor apparet, ita ut ex toto contabescat: Exteriùs pilis & aculeis *C* contingitur: Intus cavitas *D* adest, quæ geminas utplurimum vesiculas *E* continet, in quarum centro colliquamenti sacculus custoditur. Uteri ambiens substantia fibras & tracheas *F* à pediculo *G* recipit, & sensim excrescens in osseum neucleum & pericarpium augetur; paucis elabentibus diebus in auctiori utero grandior vesicula seu *secundina* 232 occurrit *A*; hæc exteriùs fibrarum lignearum reticulari plexu ornatur, qui ab ambiente cortice in appendice *B* derivatur: Hac avulsa, consimilis sacculus *C* emergit, qui utriculis *D*, semiconcreto succo turgidis, vitrei coloris, repletur. Paulò post hujusmodi sacculorum centrum, per longum excurrens, occupat rectum quoddam vasculum *E*, quod *umbilicale* appellare licebit. Paulatim in dies oblitteratā tubā, & crassiori supercrescente pericarpio, simulq; osseo nucleo emergente, secundinæ & conceptū moles augentur 233, tuncq; *umbilicus* *A*, cum exteriori secundina *B* continuatus, in situ *C*, & in apice laxatus, vesiculam colliquamenti, vel satiūs annūi *D* continet, quæ subsequentibus diebus auctior reddita, successivas hasce subit formas *E*, *F*, *G*. Postremò fœtus *H* manifestatur, amnii *I* summitatē tenens, ejusq; color candidus, substantiâ mucosâ, geminis quasi alis *K* constans, & umbilicus *L* per medium utriculorum *M*, *chorium* referentium, producitur: Transactis aliquot diebus, exterior secundina *N*, *TAB.38.* cæcalibus excitata utriculis; humore turgida, fœtum ambit, & secta per longum exhibet semen *O*, summitatem amnii *P* occupans, à quo tortuosus erumpens umbilicus, chorion *Q* excurrit. Fœtus hic brevi etiam grandior redditur; adaucta enim *seminis* *R* mole, amnion *S* magis turget, exinanito chorii succo, vigente adhuc umbilico. Avulsus fœtus taliter configuratur; nam hiantibus alis *V* amnii summitatē amplectatur, nulla intercedente concavitate. Amnii moles variâ constat formâ, & immersitur in concava chorii summitatē semilunari: In amnio pariter utriculi occurunt, peculiarem succum continentis, vitreum oculi humorem referentem, qui majori pollet soliditate ac in chorio deprehendatur. Auctius redditum semen *X*, ferè absunit amnii *Z*, choriiq; *+*

siccum. Illud enim acuminatâ quasi lingulâ fœtus hiatum penetrat solâ intercedente contiguitate; inter amnion verò & chorion membranæ mucosæ mediant, quæ interdum vasorum specie imponunt. Postremò, completo fœtu X, in fundo reliquus humor cum corrugatis tunicis superstet. In pomo 234, pariter semenis productio parum dispari incedit progressu; *umbilicus* enim A, per longum excurrens, sensim in apice dilatur, in quo plantula B primò emergit; amplius redditur amnion C, & chorii ambientes utriculos D umbilicali vase excurrit. Plantulæ seu semenis species est E: Successivis augmentis amnii moles F turgidior redditur, contabescente chorio G; semen verò H quotidiana auctiōne chorii, amniiq; insumento humores, varias subit formas. Piri 235 quoq; semina, emergente umbilico A, intra secundinas B, colliquamento turgidas, consimili incremento producuntur. Sensim extenditur umbilicus C, & tandem seminalis plantula D apparet; hæc, turgente indies amnion E, auctior plantula F redditur, ita ut tandem utricularum tunicæ in exiguum molem G complicitæ supersint. Consimilem semenis generationem mirari licet in productione ceraforum, prunorum, & promorum *Armeniacorum* 236, quorum variæ species sunt ab A usq; ad B.

Quid simile in plantis quibusdam, & præcipue in *cucurbita* occurrit,
TAB. 39. 237; in cuius secundinis A, liquore scatentibus, tubulosum valdeq; latum producitur *umbilicale vas* B, colliquamento turgidum: Hujus extremitas temporis diuturnitate amplior reddit, chorio exhibit, quod varias formas C, D, induit; tandem semen, seu primæva plantula, ab apice amnii E assurgit, cuius forma F; & plerumq; gemina hiant folia. Successivo incremento turgidius amnion G, utriculis conglomeratum, plantulam seminalem H foget, cuius varia forma est I. Postremò depascente plantâ K ambientem amnii L humorem, chorii M moles ferè obliteratur. Variè licet configuretur amnion, non raro tamen species hæc N cum elongato umbilico O occurrit.

In *lauro* iidem occurunt humores concreti, nullo tamen intercedente umbilico 238. Tenellus primò eminet stylus A, quo aperto, amnion B patet, utriculis constans, quod in chorio C, sacculis pariter succo turgidis excitato, ambitur; amnii summitatem occupantis plantulæ prima species est D; sensim aducto utero ambiente, amnion pariter E tumet, & plantula geminis foliis F crassis excitata, supercrescente gemma G adolescit, ita ut sensim exhausto amnii H humore successiva capiat incrementa I.

In *lino* 239, speciosa quoq; est seminalis plantulæ productio; in centro enim colliquamenti, seu peculiaris ovi, vesicula A primò turget, amnion scilicet, cuius concavitatem plantula B, sensim manifestata, tenet. Circumlocatur chorio C, utriculis conglobatum, succo turgidis. Successivis augmentis plantula D binis prædicta foliolis humores absunit, & tandem, velut *peponum* semen, excrescit in formam E.

In *leguminibus* parum deviat ab exaratis Natura, & præcipue in sativo *cicere* 240, cuius uterus A, longiori constans tubâ, interiùs semenum inchoamenta alit. Hæc primò rudem fortiuntur formam B; parum ad-
aucta

aucta exterius rugosa *C* fiunt, & secta per longum exhibent concavitatem *D*, quam vesica replet, in cuius summitate amnii incrementum *E* emergit; in basi verò subviride corpus *F*, concavum cyathi instar, locatur; intermedium spacium *G*, chorio analogum, colliquamento turget. Sensim indies secundinis *H* adauctis, seminalis plantula *I* in chorio primò manifestatur; hæc geminis foliis *K* conniventibus, & radice *L*, constat. Corpus *F* adhuc viget, & chorii concavitas *M* humore turget. Plantula successiva capit incrementa; vitro enim concretoq; succo auctius amnion *N* subcrescenti plantulæ *O* alimentum præbet; unde & chorii *P* arctius redditur spatium, & corpus inferius locatum *Q* contabescere incipit. Tandem parum superstite amnio *R*, plantulæ moles *S* totam fere occupat aream. Postremò secundinæ superficies *T* rugosa redditur, & crassifactis plantulæ foliolis *V*, interius spatium repletur. Toto auctionis tempore seminalis plantula, in amnio immersa, nunquam suis foliolis hiat, sed hæc perpetuò invicem connivent.

Fabæ 241 semina eodem pene ordine gignuntur, & adolescunt. Pa- TAB. 40.
pilionaceus flos stylum seu uterum *A* fovet, viridi excitatum substantiâ, tubâq; *B* donatum; exterius quasi spinæ *C* erumpunt. Contentorum seminum figura est *D*, & interior fovea *E* excitatur. Successivo incremento augetur semen, pendetq; à pediculo *F*. Crassi sunt seminum parietes, seu secundinæ *G*, & concavitas cum angulari appendice *H* emergit, colliquamento turgida. In freto plantula *I* geminis contexta foliis manifestatur: Sensim adaucta concavitate, quæ amnii vices supplet, contenta plantula grandior redditur, varieq; configuratur, ut reliquis iconibus *K*, *L*, *M*, *N*, *O*, *P*, patet.

Pisorum 242 consimilis productio succedit. Tenellus uterus *A*, seminum inchoamenta fovet, quorum exterior forma est *B*, & in ipsorum centro minima concavitas *C*, colliquamento turgida, excitatur. Sensim adaugentur, & acuminatior ipsorum redditur forma *D*; amplior pariter redditur concavitas *E*, umbilico seu amnio similis. Crassifactis secundinis *F*, oblongior redditur arctus ille surculus *G*, qui laxatur in ampliorem aream *H*, amnio analogam. In summitate *G* plantula *I* primò apparet, reliquum verò amnii *H* diaphano turget colliquamento. Augescente indies semine, amnion cum elongato surculo variè configuratur, & inclusa plantula sensim adaucta deorū prolabitur, & ad freti hiatus *K* situatur; hæc, si extracta lustretur, formas *L* induit. Gracilescit secundinarum corpus *M*, derivato in amnion humore, qui à plantula absimitur; hæc successivis incrementis *N*, *O*, *P* adaucta, postremò totam aream replens, talem sortitur speciem *Q*.

In avenaceis, & præcipue in *tritico* 243, stylus *A* assurgit geminis tubis *B*, parum disparibus ab antennis, quæ in insectis attolluntur. In centro uteri, colliquamenti vesicula *C* custoditur; sensim contabescunt tubæ, & uterus acuminatior redditus, rimulam *D* profundiorem excitat. Contenta pariter secundina virescens, colliquamentum, ampliori contentum vesiculâ *E*, ambit. Collapsis tubis oblongior jam uterus taliter config-
ratur

ratur *F*. Gracilescit interea uteri corpus *G*, cui secundina *H* ita hæret, ut quasi ab ipso enatci, & elongari videatur. Contentum colliquamentum in crassefactam exiguum plantulam *I*, exterius gibbam, interius verò concavam *K* desinit, cujus basi plantulæ conica radix, & gemma adhuc fluida, hærent. Auctius postremo semen *M*, tabefactum uterum, hic revulsum *N*, exhibet; reliquum seminis *O*, caro & quasi pericarpium explet, & in basi seminalis plantula *P*, suis integrata partibus, custoditur.

Amentacea pari progressu sua edunt semina, ut patet in *avellana* 244,
TAB. 41. in quibus ab apice surculorum, styli seu uteri *A* multiplices erumpunt, geminis tubis *B*: His tractu temporis contabescentibus, auctior quilibet uterus *C* redditur, pilisq; cooperit; tandem, collapsis tubis, turgidior factus uterus *D*, foliorum eruptiones *E* promit, quæ hic avulsa indicantur. In sexto hujusmodi loculo *F*, qui sensim osseus redditur, concavitas occurrit; ad hanc à pediculo, lignearum fibrarum & trachealium fasciculus *G* attollitur, cujus extremitati plures appenduntur utriculi *H*, qui interius vesiculam, colliquamento refertam, fovent, in cuius centro minimum quasi spatium *I* adest, reliquum verò candidis utriculis succo turgidis repletur. Interim secundina *K* augescit, & exterius fibrarum productiones *L* exhibet; intus, velut in chorio, cubat plantula geminis foliis *M*ditata, in quorum ihatu amnion *N*, utriculis vitreis excitatum, locatur. Amplior tandem effecta secundina *O*, fistularum productionibus irrigatur; contenta verò seminalis plantula *P* interius exiguum servat concavitatem *Q*, quâ amnii reliquum *R* custoditur.

In *castanea* 245, detracto calyce à stylo, tres assurgunt uteri *A*, superstite adhuc flore cum styliformibus tubis *B*. Vnusquisq; uterus per longum scissus concavitatem exhibit, quâ plures colliquamenti vesiculæ *C* custodiuntur, multis stipantibus pilis; secundinæ *C* hærent pyramidali corpori *D*, à lignea portione assurgentib. Intra secundinas vesicula *E* colliquamento turget, in cuius apice plantula *F* primò emergit, conicâ radice geminisq; foliis donata, & in amnii vitreo humore *G* innat. Succedente auctione, plantula mutationes subit *H*, & tandem adaucta foliola in formam *I* gracillima gibbaq; sunt, & concavitate vitreum servant humorem. Postremò, ulteriori augmento fit species *K*, consuetâ scilicet fructus formâ; crassefacta etenim gemina plantulæ folia *L*, exterius aspera, in globosum corpus companguntur; diductis autem hujusmodi binis partibus, excrescentia quædam angulares *M* apparent, quibus interior olim concavitas occupatur: Nam foliola plantæ primigenia, olim gracilia, progrediente auctione gibba redduntur, ita ut extremus unguis sese contagat: Cùm igitur secundinis coercentur solidis, & à contento amnio nova eisdem seminalis subrogetur materia, exarata foliola, interiora versùs, velut appendices & additamenta necessariò primum, & ita absurdo vitreo amnio conglobatur *castaneæ* semen. In nuce 246, seminis progressus mirabilis est; hujus stylus, tenellus adhuc, per medium scissus, concavitatem *A* exhibit, in qua colliquamenti vesicula *B* conditur.

conditur. Exarata cavitas hiatum habet in tubam, ceu uteri spiramenta C, quæ crispis, lactucæ instar, foliis excitantur; reliquum uteri corpus D rudimenta pericarpii & nuclei continet. Auctior uterus E tubas servat, & papillis cooperit; in hoc, secto per medium, adhuc patet hiatus F in tubas; colliquamenti pariter vesica G auctior, in sui centro utriculum H continet. Novo adveniente alimento tubæ contabescunt, & pericarpii utriculi I turgent; in centro auctior vesicula K custoditur; hæc exteriori constat secundinâ L, quæ crassâ est, & multiplici utricularum ordine componitur: Interius amnii sacculus conditur; circa vesiculam K, candida quædam substantia M, appendices promens, locatur; hanc percurrit fibrarum & trachearum fasciculus N, in colliquamenti vesiculam exorrectus à pediculo O; reliquum verò P, molli & subviridi substantiâ completur. Brevi temporis tractu exsiccatis tubis pericarpium Q crassius & solidius redditur, & nuclei vestigia emergunt. In centro secundina P locatur, quæ tumores attollendo variè configuratur S, & à candida substantia T ambitur; hæc autem utricularum pendentibus ordinibus coagmentatur; & pericarpii instar seu fabaceæ siliquæ, fœtum ambit & humectat. Quindecim elapsis diebus, secundinâ V auctior effecta, gibbosior redditur; huic interius, gelatinæ instar, concreti humoris crista gracilis hæret, quæ amnii vices supplet: Reliquum verò interioris cavitatis colliquamento repletur; hoc igni appositum in bene oлentem evaporat halitum, levi relictâ crustâ. In hoc primò conformata occurrit seminalis plantula, cuius forma est X. Post duodecim circiter dies secundina exteriorem formam, qualem in perfecto semine miramur, jam sortitur. Amnion I, cuius superior portio hîc delineatur, auctius est & crassius, & suâ concavitate liquidum chorii humorē continet. Seminalis plantulæ gemina folia 2, grandiora, & gracillima, parum hiant, & intus gemma à caudice 3 assurgit: Interim crassius & amplius fit amnion, depauperato chorii icore; plantula quoq; folia 4 superiora versùs parum recurvat, & contorquet; candida sunt, & fibrarum trachearumq; elegantem progressum exhibent. Semimense elapso, amplior deprehenditur plantula, cuius unumquodq; folium geminas plicaturas 5, ex reflexa molli substantia versùs superiora patitur, unde binos plantulæ prospectus exaravi: In 6 enim unicum occurrit folium; in 7 gemina adiunt, à quorum concavitate mucosum pendet amnion 8. Brevi crista redduntur folia, & elongantur; unde, levi diductione, ipsorum hiatus 9 in singulo patet folio, & ipsorum concavitatem amnii moles 10 occupat. Tandem completo semine scissura 11, olim patula, ferè obturatur, conniventibus folii partibus 12, quibus tabefactum clauditur amnion. Gemma pariter 13, diductis foliis, emergit, cuius structuram suo loco indagabimus. Hoc itaq; successivo incremento crassiora redimuntur plantulæ folia, & ita conglobantur, ut ferè ipsorum natura obscura reddatur, alienamq; induat formam.

Mirabilis itaq; & reliquis viventium productionibus analoga est *semenum generatio*, quam in diversis contemplati sumus: Primo enim *umbili-*

cus occurrit, qui manifestò perforatus est, ut vidimus in *cucurbita*; sensim laxatur in extremitate, & recollecto colliquamenti icore, fit analogus *amnio*, quod in fabis fluidum est, in reliquis, utrivilis coercitum, molem diversæ figuræ excitat: Tractu temporis semen, ceu fœtus, emergere incipit, in apice scilicet amnii, supereminentibus binis foliolis alarum instar apertis, & frequentissimè diductis, ita ut angularis amnii apex scissuram impleat; à foliis verò & alis, acuminatum minimumq; consimilis substantiæ corpus assurgere patet: Hæc itaq; plantulam, radice, trunco seu gemmâ, & binis foliis constantem, probabiliter indicant. Successivo incremento auctior reddit a mnii moles, fœtum quoque seu plantulam auget, & fovet. Amnio circumaffundi utricularum ordines, *chorii* instar, in pluribus patuit: An verò in *siliquaceis* contentus humor, à secundinis, multipilici organorum structurâ donatis, instillatus, *chorii* vices supplet, multum probabilitatis habet; certum etenim est, *chorium*, in quibus adest, & *secundinas* in leguminibus à primordiis turgere, sensimq; adaucto *amnio* exinaniri, & postremò à plantula amnion, in quod percolantur omnia, absumi. Quare probabiliter seminalis humor primò ex secundinis in umbilicum, & sensim in laxatum amnion derivatur; unde prima plantulæ delineatio.

Augetur autem probabiliter amnion, non tantum subministrato succo ab umbilico, sed & transudante humore à chorio, cùm tractu temporis obliteretur umbilicus: Et cùm plantula seminalis non tantum in exaratis, sed & in reliquis, peculiari umbilico destituatur, quo exteriùs adveniens alimentum altè ipsam penetrans, in singulas diffusus partes, augeat & alat: Sed ut plurimum contiguus amnii humor foliorum hiatum repleat, ipsisq; hæreat, non incongruum fortasse rationi erit censere, filiatione transductum chorii humor in amnion, tandem plantulæ folia, inversâ nutritionis viâ, subingredi, ex his in caulem & gemmam derivari. Quid simile in *Animalium* fœtibus accidere putabat *Alcmæon*, quod nostro etiam sæculo in lucem revocatum vidimus: Per cutis enim poros icoris portionem subingredi verisimile est; eamq; miscelam, quæ in vena cava & pulmonibus celebratur in infantibus extra uterum, cutaneas venas subintrans humor cum refluo sanguine molitur. Seminalis plantulæ in exarato ovo generationem inter Naturæ arcana reponendam esse videtur. Licebit tamen hæc cursim meditari: In *Animalibus* scilicet Naturam consueuisse *sexum* multiplicatis individuis addere, quorum unum colliquamentum ministrat, & ovum; alterum verò icorem aspergit, in quo fortassè aëtivum viget principium, cuius ope partes diriguntur, & quasi magneticè debitam inclinationem acquirunt. In *Vegetantibus* autem, ubi non est tantus organorum apparatus, & cuilibet sensibili particulæ omnia insunt, quæ in toto depræhenduntur, nullâ intercedente generatione, absissi quicunque; rami frequenter in novam sobolem excrescunt; vel Naturæ ministerio deciduae minimæ & compendiariæ plantulæ à tenellis surculis sub seminum specie propagationem quocumq; anno perpetuant: Particulæ enim aëtivæ Vegetantium, inclinationem & coordinationem

tionem adeptæ, quasi è reticulari folliculo effluentes, de facili invicem adaptantur; unde plantula compaginatur, rectæ scilicet fistulæ cum appendis utriculorum ordinibus.

Quid simile miramur in *Metallorum & Salium* concretione; in *Fungis* ipsis, & *Arborum* extraneis tumoribus, in quibus particularum perpetua coordinatio elucescit. Probabile igitur videtur, Vegetantium particulæ, quæ talem inclinationem & directionem in trunco & ramis sortitæ sunt, quotiescumq; à propriis canaliculis effluunt, eandem conservare, & manifestare; &, quoniam in ramum, vel ejus rudimentum dirigebantur, in gemmam scilicet; ideo recollectæ & conglobatae, minimi surculi compendium efformant, quod mox in folia laxatur; hoc à toto deciduum & separatum, suoq; alimento circumdatum, quasi filius emancipatus, suis præst muneribus, & vulgariter *Semen* dicitur; à nobis autem *Seminalis plantula*. Hinc videmus, caulinæ apicem, seu extremam radicem seminalis plantulæ ferè semper fistularum parentis arboris hiatus respicere, & ab ipso parùm distare; reliquum verò velut rami inchoamentum, seu tenellum surculum, parùm elongari, ejusque extremitatem minimâ gemmâ condecorari, cui, ut de more, bina adstant folia lata, quæ seminis carnem excitant. Erit igitur probabiliter *Semen* quasi gemma pendula, & decidua, alieno germinatura solo.

De

De Uterorum Augmento, & ipsorum succedente forma.

Expositis incrementis, contentum Semen in stylo ceu Utero debitas subit mutationes, donec perfectâ & completâ organizatione, veluti filius emancipetur. Nec soli Semini contingit augmentum, sed Natura in pluribus Uterum successivè auget, pluraq; circum-turgere jubet fœtûs gratiâ. Ita in *piro*, *pomis*, *cerasis*, & similibus, contingit, inducto pericarpio utplurimum, vel osseo cortice, vel alio analogo tegumento. Varia est Naturæ methodus in producendis hujusmodi Uteri appendicibus & integumentis. Primò itaque, ubi calyx humilis est, & exiguus uterus, in longum producitur styli elongata tuba. Hoc apprimè experimur in *citris*,

TAB. 43. & *malis limoniis* 247, quarum uterina extuberans tuba *A* sensim contabescere incipit, utriculi autem corticis *B*, turgidiores redditi, pericarpium exterius augent, & circa seminum capsulas *C*, vesiculæ avido succo turgidae *D* emergere incipiunt. In siliquaceis, & præcipue in *pisis* 248, exsiccatu calyce, & uteri tabescente tubâ *A*, reliquum corpus, pericarpii instar auctum delineatas successivè formas *B,C,D,E* exhibet. In floribus, ubi calyx gracilis est, & longè ab utero distat, pericarpium, reliquaq; seminibus parata involucra, circa styli basim superex crescunt, gracilescente calyce. Hoc in *prunis*, *malis Persicis*, *Armeniacis*, & *amygdalis* 249 patet, in quibus calyx *A* exsiccatur, & intus secundinæ *B* turgent; tuba verò *C*, sensim exsiccata, contorquetur; turgente verò pericarpio *D*, ex toto contabescit, & sectus uterus primò exhibit fibrarum lignearum, & tracheæ cylindrum *E*, qui per longum pediculi exporrigitur, & in calycis productione dilatatus, angulos *F* efformat; mox iterum constringitur, & tandem productis ramulis osseum nucleus *G*, & pericarpium *H*, admodum gracile, irrigat; in seminis pariter capsula *I*, quæ in centro custodiatur, propagines deducuntur; obliteratâ tandem tubâ, in aducto utero *K* exarata manifestiora redduntur, & secundinæ utriculi *L* turgidiores fiunt. Postremò obtusior & grandior fit fructus *M*, & auctâ interiori concavitate, seminisq; vesiculâ, nucleus durescere incipit juxta exteriores laminas *N*, & circa pericarpium augetur. Pari progressu molitur Na-

TAB. 44. tura *uvæ spinæ* 250 augmentum, cuius calyx *A* tabidus & exsuccus redit; uteri verò subjecti corpus *B*, emergentibus utriculis pericarpii *C*, fit pro custodiendis copiosis seminibus *D* crassum indumentum. In aliis, tubæ corpus primævam servat gracilitatem; circumstans verò calyx in naturam fructûs transit: Ita in *piro* 251 præcipue observatur, cuius copiosi uteri *A*, in centro locati, hinc inde quasi calyce *B* circumdantur; tractu temporis superior tantùm portio calycis *C* contabescit, vel saltem non adolescit; reliquum verò in pericarpium *D* excrescit. Novo adveniente alimento, contabescientibus uteri tubis, laterales calycis parietes *E* crassificati invicem approximantur, & ita fit forma *F*. Idem miramur in *pomis* 252, in quibus copiosi uteri *A*, crasso calyce *B* non longè circumdantur; sensim angustato uterorum spacio crassius redditur pericarpium *C*, quod

quod tractu temporis secundū superioremi partem D magis approximat, & reliquo corpore ita augetur, ut in rotundam formam E excrescat, gracilescente contracto jam calyce F, & Uterorum extremis tubis, quæ à subcrescente pericarpio G urgentur. In pomo granato 253, licet Seminum videatur confusa congeries, attamen interdū licuit in tenello diversorum attingere Uterorum cumulum. In stylo namq; secto per longum, uterinæ tubæ A eminent, inter quas hiatus B adeſt pro loculorum perspiratu; in centro autem styli, seu fructū, tubarum inchoamenta C, quæ debitam non sunt sortita proceritatem, foras errumpere nequeunt; unde conclusa, adactis seminibus & pericarpio interius conduntur. Tubis his continuantur peculiares concavitates D; unde tota Fructū compages est Uterorum coalitus & coagmentatio.

Longum eſlet singulorum Uterorum incrementum describere, unde exarata, pro Naturæ eruenda norma, ſufficient, nobisq; contemplantibus diverſas conformatiōes uterorum, quibus custoditur etiam postmodūm jam productus fœtus, iidem occurſent. Maturatā namq; latitantis ſeminis naturā in quibusdam arboribus, & herbis pericarpio donatis, petiolorum insertio exſiccatur & concidit; in aliis divesa viā arefcere incipiunt, tandemq; ſolo iterum concreduntur. Tam variè igitur configurat Natura uteros, ſeu ſeminum capsulas, easq; augendo à primæva styli conformatiōe diſſimiles reddit, ut penē imposſibile mihi ſit, præcipuas etiam, & ſpeciosiores exponere ſpecies; attamen, ut Naturæ artificium in architectandis hujusmodi Uteris subindicitur, præcipuas ſpecies, hasq; ſimpliores, deſcribemus.

Primò itaq; ſimplex occurrit bursæ pastoris 254 loculus, ſeu Uterus; hic TAB. 45. membraneo quaſi conſtant corpore A, in levem attollitum tumorem. A petiolo B interius producuntur gemini fibrarum fasciculi C, taliter curvati, à quibus, pediculis mediis, ſemina D pendent. *Thlaspi* 255, pariter Uterus binis conſtat membranis viridibus A, quæ exiguum relinquunt ſpatium geminis contentis ſeminibus. A pediculo B emergunt fibræ C, reticulariter inosculatæ. *Lagopus* quoq; 256 multiplici donatur Utero, qui olim veluti calyx flori ſubſternebatur; quinque eminet appendicibus pilosis A, reliquo tubuloſo corpore B ſemen cuſtodit. *Melanthii* uterus 257 in insignem attollitum molem; loculus itaq; fit quinq; protuberantibus cellulis A; hæ propriis gaudent ſepimentis B, tenui membrana excitatis, hiſq; pendentia à costula C ſemina D cuſtodiuntur: Singula quæq; cava- tas perforatæ gaudet tubâ E, quæ in apice in ſpiram F contorquetur. In *Mattioli* hyacintho 258 tribus diſtinctis cellulis A conſtat Uterus, pariesq; parum crassus eſt, utriculis conſtant. In quolibet loculo quatuor conduntur ſemina B. *Gittago* 259 ſupræ exſiccatum calycem A, uterum B effert, in cuius concavitate taliter aſſurgentis pediculi C, ſemina D ſuſtinent, & alunt. In *lino* 260, delapsis tubis, tandem fit uterus, pluribus coagmentatus loculis A, propria ſemina cuſtodianibus. In *Malva* 261, conſumptis pariter copioſis uterinis tubis, remanent ſupræ floris calycem A, copioſiſſimæ ſeminum capsulæ B, versùs centrum ſituatæ, ita ut ro-

tundus fiat ex disparatis uteris acervus. Hærent autem expanso pediculo *C*, & singuli Uteri figura est *D*, quâ secundinis fovetur semen. Elegans est TAB. 46. *opii* 262 Uterus, quem copiosè pendere voluit Natura; gemina itaq; locatur exigua cellula *A*, cui geminæ alę *B* insignes gracilesq; appenduntur: In has derivantur per exteriorem membranam fibre *C*, cuius extremitatibus globuli hærent. *Lapacii* 263 Utero Natura custodiam paravit; tres itaq; membranę *A*, foliorum instar, rudem efformantes triangulum, uniuntur, invicemq; aptantur, ut contentum semen *B* custodiatur: In singulis hisce membraneis tegumentis, seu potius uterinis alis, interiora versùs curvatis, locatur ovale corpus *C*, utriculis constans, quod specie seminis imponere potest; hoc tamen peculiare pericarpium est, tractuq; temporis contabescit. Omnes alę fibris ligneis, & tracheis *D* irrigantur. Elegantissimus est *Medicæ sylvestris* Uterus 264; oblonga enim uterina concavitas quasi siliqua in spinam *A* contorquetur, & plura custodiuntur semina. Exteriùs crassa affunditur duraq; substantia, & in aliquibus spinæ, quæ à fibrosis propaginibus *B* irrigantur.

In quamplurimis herbis, & arboribus, Uterus longiori constans formâ, in siliquaceam vertitur naturam; unde parùm gracili membranâ excitatas siliquas observamus; in reliquis verò, quasi inducto pericarpio, crassius additur operimentum, & tutamen: Hujusmodi formam passim deprehendimus in *pisis* præcipue 265, quorum adaucta siliqua è floris calyce *A* elongatur, & apice suo exsiccate uterinę tubę *B* vestigia servat: Color viridis est, parumq; pallens. Componitur siliqua exteriùs ovalibus utriculis *C*, parùm tamen sese angustantibus; unde angulosi interdum redduntur; qui verò interiorem regionem occupant, minores sunt. Totus paries, reticulari opere *D*, ex tracheis, & fistulis ligneis irrigatur, derivato à fibrosis fasciculis, superiorem *E* & inferiorem costulam *F* percurrentibus. Versùs interiorem partem per transversum excurrunt quasi ligneę fibre, rotundis excitatæ globulis prout, ruditer & obcurè observantur; hæ teguntur substantiâ quadam molliori, quæ quasi tot syphonum ora *G* indicare videtur; ab interiori pariter siliquę superficie eminent pili molles *H*, & quasi capillamenta, quibus humectantur contenta semina *F*. *Lupinorum*, & *fabarum* 266 præcipue, siliquæ crassiori constant corporatur: Hujus forma oblonga est, & tumores, ubi semina conduntur, exhibit. Ex terior superficies pyramidalibus papillis *A* cooperit, sub cuticula pariter utriculi *B* fibroso reti *C* appenduntur, quo tota substantia irrigatur. Succedunt pariter recte quasi fibre *D* per transversum locatæ, rotundis conglomeratæ corporibus minimis. Ab interiori siliquę superficie pendent veluti pericarpii elongatæ appendices *E*, oblongis utriculis *F*, succo turgidis, excitatæ: Harum centrum ligneę fibre *G* excurrunt, & invicem implicate molliter fovent, & fulciunt contenta semina. Solet frequentissimè Natura uterum pericarpio, hoc est, utriculis succo turgidis donare in seminum custodiam; ita in pluribus, & præcipue in *cataputia majori* 267 eminent copiosi uteri, qui molibus pilis & quasi aculeis *A* exteriùs muniuntur, & sub cuticula non valdè crassum

crassum obducitur pericarpium, quo diversę capsule *B*, semina continentes, muniuntur. *Rutae* quoquè 268 stylus adauctus, quadruplici obtusā attollitur appendice *A*, à qua totidem tubę partes *B* emergunt; exterius indumentum utriculis, oleo turgidis *C*, in concavitatibus repositis, scatet, & sectus pendentia à ligneis fibris *D* semina *E* offert. *Mori* 269 TAB.47. quoquè multiplex uterus *A*, loco pericarpii affusi circa osseum nucleus, quo semen custoditur, quatuor foliola *B* habet, quę traectu temporis, turgentibus concocto & dulci succo utriculis crassiora, redduntur, & in cibum cedunt. In *tithymalli chamæsyce* 270, Utero, qui peponis minimi speciem refert, tot separatę adsunt cellulę *A*, quę exterius & interius, intercipiente pericarpio reticulariter ducto *B*, ambiuntur. *Aristolochiae longæ* Uterus 271, parem obtinet naturam; levi etenim pericarpio *A* exterius ambitur, & cellulæ eodem reticulari opere producto *B* firman- tur, in quibus semina copiosa *C*, horizontaliter quasi situata, alun- tur.

Hucusque Naturam vidimus, pericarpium seminibus gracile texen- tem, & obducentem; modò fas est, ut Uteros, quibus copiosè elargita est, rimemur. In *fici* 272 igitur nestrate, per longum secto, & maturo, concavitas *A* occurrit; pericarpium etenim exterius membranulâ *B* ob- velatur, à qua spinę recurvę *C* prodeunt; sub hac conduntur ligneę fibre, fasculi scil. *D*, reticulariter inosculati. Unaquaq; fibra est fistularum congeries, cuius centrum trachea *E* occupat. Arearum spatia replentur utriculis *F*, quibus pericarpium excitatur; ab hoc portiones *G* emanant, utricularum serie donatę, quę interiora versùs deducit, osseam seminis capsulam *H* exporrigunt. Parem configurationem in *peponibus* reli- quisq; similibus, & *cucurbita ipsa* miramur: In his interius pendentia se- mina crasso tutantur pericarpio. *Cerasa* 273, & consimilia amplio do- nantur pericarpio; secto namque cerasorum utero, à pediculo *A* ascen- dentes ligneę fibre observantur, quę potiori parte versùs osseum nucleum *B* progrediuntur, reliquę *C* per medium pericarpii elongatę, invi- cemq; ramulis anastomosatę, totam pericarpii regionem pervadunt. Fi- brosis hujusmodi fasciculis, suā tracheā ditatis, utricularum appendun- tur series *D*, quę dulci scatent succo; hęq; in nucleus desinunt. *Pruno- rum* par structura 274 succedit; horum pericarpium, utricularum stiriis TAB.48, excitatum *A*, ligneis fistulis & tracheis *B* pervaditur. Licet difficillimum sit, sensu ipso attingere pericarpii structuram, attamen videtur ordinibus utricularum componi, qui interdum formam *C* exhibent; versùs enim peripheriam fructus reticulariter implicari videntur, sensim tamen graci- lescendo appendice *D*, osseo nucleo *E* uniuntur. *Pomorum* ingens genus 275 pari constat formā; ipsorum uterus *A* multiplex est, & gracili carti- lagine, loco ossei operculi, interius *B* munitur, semenq; *C* continet. Ute- ro accrescit copiosum pericarpium, ligneis fibris *D* irrigatum, à quibus utricularum ordines *E* pendent. *Arum* 276 quoq; multiplici seminum congerie constat: Quicumq; tamen uterus, veluti pomum *A*, crassiori ex- citato pericarpio *B*, tribus utplurimùm seminibus *C* custodiam parat.

Idem

Idem in *Moly montano* observatur. *Pirorum* 277 uterus consimili insignitur structurâ; semina etenim pericarpio conduntur: Hoc tamen peculiare habet, ut utriculorum ordines, quibus ipsum componitur, non unam habeant inclinationem versus centrum, sed dispersi passim lapilli A, tartareiq; globuli inæqualis figuræ observentur, circa quos utriculorum series B, veluti tot lineæ circa centrum ducuntur. Frequenter in *piro* pediculis ligneis & spiralibus fistulis coagmentatus tartarea appendices C, & faxeos lapillos D à fibris E pendentes habet, & in eodem medullæ loco tartarea luxuriat substantia. *Cydoniorum* caro iisdem tartareis scatet lapillis, qui de more productis costulis fibrosis appenduntur, & circa ipsos utriculorum statuuntur ordines. *Pomum granatum* 278 crassiori pericarpio parùm exsiccato, in naturam solidioris involuci exteriùs munitur, quod *malicorium* dicitur; contenta verò concameratio cellulæ distinguitur, quæ tenuibus membranis, *cici* nomine donatis, obvelantur. Hujusmodi autem replentur seminibus, quæ, pomorum instar, à fibroso pediculo A, derivato à pericarpii cortice, pendent. Quodlibet itaque semen osleo nucleo B, centrum tenente, circumdatur; huic autem hærent innumeri penè utriculorum seu saccularum ordines C, quasi radiosa corpora, quibus tota rubicunda caro, quæ gratum expressa reddit succum, componitur: Exteriùs membranâ cooperitur, quæ angulares areas D designat. Consimilem compositionem in *uva spina* reperies. Succedunt *limonia* & *aurantia poma* 279, quæ dupli constant pericarpio; exterior enim caro multiplicibus lignearum fibrarum fasciculis A irrigatur, à quibus hinc inde enascuntur utriculorum reticulares productiones B, peculiarem succum continent; unde ex horum multiplici congerie tota caro coagmentatur. In exteriori hujus superficie ovales vesiculæ frequenter locantur, quibus oleosa materia coeretur. Caro, exteriorem ambitum constituens, interiùs concamerationem excitat, quæ ab oblongis sacculis, succo acido refertis, occupatur; hujusmodi saccularum tumulus in tot disparatis cellulæ seu uteris continetur, unde appensa semina fovent, & ambiunt. Quilibet sacculus, suo pediculo C firmatus, à fibroso fasciculo per carnem disperso pendet, & propriâ membranâ utriculorum innumeram seriem ambit, qui acido succo turgent: Horum forma D exteriùs oblonga est, interiùs amplior, angularis & varia.

In lustratis hucusque Uteris, Natura pericarpium exteriùs locavit, ipsosq; circumvallavit; in aliquibus autem inversâ viâ à pericarpio, in globosum corpus coagmentato, emergere voluit Uteros & contenta semina: Hoc in *fragis* 280 præcipue deprehendimus, quorum Uterus per longum sectus lignæas fibras A, à petiolo assurgentæ, exhibet; ab his pendent Uteri, seu seminum capsulæ B; fibrosis verò costulis hærent utriculorum stiriae C, quæ dulci turgent succo; & harum progressus videtur tot sacculis, seu utriculis D, componi, qui inæquali pollentes figurâ, & contento humore turgidæ, contentum fibrarum fasciculum E ambiunt; unde hujusmodi ordines velut ramorum productiones diversos gignunt

TAB. 49. quasi surculos. In *cinara*, & *heliotropio* 281, caulinæ apex sensim dilata-

tut

tur, ut superius delineavimus, ita ut area horizontalis & rotunda fiat; exteriùs enim fibrarum & trachearum productiones ascendunt, reliquum verò intercepti spatii à pericarpio occupatur. Hujusmodi utriculis candidis succo turgidis *A*, in rete productis, componitur, & ab hoc emergunt styli, seu Uteri.

Non perpetuò pericarpii caro semini exteriùs affunditur in custodiam, sed quandoque, ut vidimus, interiùs locatur; hoc apprimè etiam elucescit in quibusdam plantarum seminibus, & præcipue in *ribia*, 282, cuius geminus ut plurimum pendet Uterus *A* ab uno petiolo *B*; exterius cortice quasi spinoso *C* contegitur, levi inducto pericarpio, sub quo album quoddam corpus *D*, rotundum, interiùs concavum, locatur; hoc itaq; non omnino continuum est, sed in *E* solvit; interiùs foveat semen, locumq; secundinæ habet; concavitas verò *F* pericarpio utriculis excitato repletur.

Mos est ulterius Naturæ, neglecto pericarpii augmento, osseum nucleus augere, quo semen tutatur: Ita quamplurimis accidit fructibus, præcipue verò in *amygdalis* 283; ipsarum namque pericarpium *A* à principio mollius, non, ut reliquorum mos est, in majorem excrescit molem, & tandem maturatur; sed factâ comparatione gracilis redditum tandem contabescit, osso reliquo nucleo. Pericarpii structura fibrarum reticulari opere *B* pervaditur, à quo utricularum pariter ordines *C* pendunt, versùs interiora, ea scilicet parte, quâ osseum nucleus *D* ambit, & contangit: Appendices habet *E*, quæ nuclei ossei foramina *F* subintrant. In hoc pericarpio illud mirabile est, quod circa tracheas & ligneas fibras *G* ducuntur vasa, seu ductus terebinthinæ; unde secta, copiosè fundunt hujusmodi humorem. Pericarpii exterior superficies cinereis pilis *H* tota cooperitur. Osseus nucleus horizontaliter hic sectus geminâ laminâ, interiori scilicet *I*, semini proximâ, & exteriori *K*, quæ pericarpio continua est, excitatur: Hæ à primordiis solidescere incipiunt; ipsarum enim utriculi *L*, qui olim pericarpii naturam redolebant, concrescente tartaro petrificati, in hanc desinunt naturam. Interius appendices *M* promuntur, quibus invicem laminæ nectuntur. Ex præcipitato perpetuo tartaro coercita pericarpii portio necessariò concrescit: Et quoniam inter utramq; laminam valorum fasciculi cum terebinthinæ ductu *N* excurrunt, ideò vacuitates *O* supersunt, molles pericarpii utriculos *P* continent, qui vasorum fasciculis hærentes, postremò petrificati reliquorum naturam acquirunt. *Nucum* 284 compages consimilis extat: Horum pericarpium viride, temporis tractu, quia pepasmum non acquirit, gracilescendo contabescit; dum autem virescit, à petiolo copiosas recipit fibras *A*, quæ ipsum pervadentes reticularibus implicationibus *B*, utricularum seriebus *C* nectuntur: Hæ autem desinunt in osseum nucleus *D*, quo semen custoditur; ita ut pericarpii continuata portio cum nucleo marcescat, & ita concidat. Ab eodem petiolo insignes fibrarum & trachearum fasciculi *E*, non longè ab interiori pericarpii superficie producuntur, qui frequenter nucleo hærent, in quo delineatæ productiones veluti

alveoli & vaginę excavantur. Osseus nucleus, pericarpio continuus, præcipitato tartaro, durescit; iisdem enim utriculorum seriebus in centrum inclinati componitur, qui tartarizati ferè obliterantur.

In quamplurimis plantis exiguum in utero extenditur pericarpium, sub quo tamen osseus nucleus inclusum custodit semen. Hoc passim in *spinaceorum* 285 genere observatur, in quo Uterus *A* gracili utriculo pericarpio tegitur, quod in gemina quasi cornicula *B* attollitur; intus verò osseus nucleus custoditur. Alia pariter spinacea asperum habent uterum *C*, exiguis utriculis coopertum, insignibus emergentibus tuberculis; in summitate autem minimæ contorquentur acuminatæ tubæ *D*.

Hactenùs *pericarpia* scrutati sumus, quibus Uteri in seminum custodiā ditantur: In nonnullis tamen Uteris desideratur pericarpium, ejusq; loco ligneæ eruptiones adduntur. Ita in *castaneis* 286, adhuc tennellis, calyx observatur, in quo tres Styli seu Uteri includuntur. Interior ipsius concavitas pilis candidis mollibusq; ornatur; exterior verò dupli appendicu genere contegitur; alia enim sunt quasi gracilia & oblonga folia *A*, per longum situata, reliqua verò veluti styliformes processus erumpunt, ita ut horum series mediet alterum foliorum ordinem *A*. Tractu temporis echinata hæc capsula, crassior reddit, fibram productionem *C* admittit, & solidato in utriculis succo, in osseam quasi naturam degenerat. Interiores pili *D* adhuc supersunt, & obliteratis exteriū foliorum ordinibus, styliformes processus, geminatis, quasi ramis *E* in acuminatas degenerant spinas, quibus calyx taliter constitutus contentos fructus ambit.

In quibusdam Pericarpium vel Uteri substantia, à principio molliem sortita, diurnitate temporis lignea & ferè ossea redditur: Ita in *cupresso* 287 copiosi pendent Uteri, nuces, coni, baccæ, & galbuli appellati, qui in tot stylos divisi congeriem excitant; exteriū etenim eminentiæ quædam *A*, plurium angulorum, ita ut sese invicem contangent, quasi styli protuberant, in quibus interiū seminum loculi excitantur; à pediculo namque ligneo *B*, copiosæ ligneæ fistulæ unà cum tracheis *C* diramantur hinc inde, quibus veluti pericarpium *D* affunditur. Inter utramq; pericarpii portionem *D* cellulæ excitantur, quibus semina *E* foventur; unde tractu temporis, maturato semine, exsiccato pericarpio, interpositi aperiuntur & laxantur hiatus, ut semina dispergantur. Pericarpii moles taliter configuratur: *A* lignea costula, quæ fibris rectis transversalibus, utriculis, & tracheis constat, ligniq; soliditatem sapit, lateraliter emergunt rami *F* jam delineati, in singulas baccæ partes producti: Multiplicibus namq; surculis *F* tota fulcitur moles: Circa ramos locantur fistularum argentearum seu saccularum ordines *H*, quibus reticulares utriculorum plexus, obscurè deprehensi, affunduntur. In hoc itaq; ligneo pericarpio plures ductus & sinus *I*, terebinthina turgidi, excitantur.

Jam Uterorum compagem rimati sumus, quibus Natura pericarpium vel osseum integumentum elargita est: Modò fas est, ut plantarum Uteros indagemus, quos quidem copiosè conglomerat sub spicarum, jubbæ & similiū speciebus; in quibus tamen singuli Uteri, pericarpio destituti, membraneis indumentis cooperiuntur, spinisq; & aristis frequenter muniuntur. Primò itaq; simplex occunit *loli* spica 288, cuius semina nullo ferè calyce custodiuntur; ab extremo namq; caulis spica multica excitatur, & primò fit quasi nodus A, à quo folium B carinatum emergit, hocq; munitur semen C: Idem in reliquo calami accidit; cum hoc tamen, quod sensim multiplicantur semina, ut patet in subsequentibus nodis D: Solent circa apicem plura pendere semina E, racemi instar, ab uno fibroso petiolo. Unumquodq; semen geminis tegitur involucris, quæ gluma appellantur. Huic succedit *phalaridis* pratenis Uterus 289, qui potioribus excitatur integumentis; in hoc spica quædam observatur elegans, à cuius petiolo alternatim hinc inde pendent peculiares loculi, semina custodientes. Singula itaq; capsula, à pediculo A pendens, geminis quasi foliolis B tenuibus, solidis tamen, concavis, & carinatis, excitatur; hæcq; unita quasi folium æmulantur, & hinc inde à caulinco pendentia, spicam, quasi pini fructum gracilem & oblongum componunt. Exarata foliola ligneis fibris firmantur, quibus rotundi & solidi utriculi hærent. His diductis, semen secundinis circumdata C, pilisq; coopertum, exeritur. *Milii* 290 pariter juba pluribus constat Uteris, qui oblongo pendent petiolo ab extremo caulinco; singulus autem stylus primò in foliolum A, loco calycis, concavum promitur; huic gemina folia B, fibris contexta, adstant, quorum ope conclusum semen C ambitur. *Tritici*, & *Avenæ* spica 291, multiplicium quoq; seminum conglomeratione constat; in singulo autem peculiari Utero, seu tuba, varia mirari licet. Nam primò petiolo A, gemina folia carinata, vel potius calycis capsulæ B, appendentur, solitis fibris, & utriculis excitatæ: Superius binæ pariter exoriuntur concavæ portiones C pilis cooperatae, quæ in aristam, styliformem scilicet appendicem D, desinunt, quæ hinc inde erumpentibus spinis munitur. In qualibet harum concavitate, seu gluma, semen E fovetur, quod tenui etiam foliolo F cooperit. Parùm absimilem structuram in *hordeo*, & quibusdam gramineis spicis contemplari licet.

Nec sat fuit Naturæ, seminibus integumenta parasse, ut matura diu foventur, sed & ipsorum libertati consuluit, statóq; tempore, laxato Utero, in lucem, quasi orta, extra erumpere jussit. In quibus igitur ossei sunt Uteri, geminæ ut plurimùm partes, quarum unione concavitas consurgit, hiantes & separatæ exitum seminibus concedunt. Ita in *nuce*, *malis Persicis*, *cerasis*, & sim. contingit. Hoc ita latè patet, ut nostrâ non egeat descriptione. Elegans est *buxi* 292 partus; hic rotundo constat corpore A, tribus emergentibus tubis B: In partu autem arefactis jam utricularum seriebus, quibus leviter cooperit, laxantur articulationes, & hiatus aperitur C, ita ut à pediculo per longum diducantur hinc inde geminæ

geminæ tubarum partes *D*, & contenta in tribus disparatis cellulis semina excidant. In *papavere* 293, miro artificio Natura seminibus exitum paravit. Ipsius Uterus *A*, cellulis coagmentatus, tractu temporis cartilagineus redditur; tubæ autem *B*, à primordiis deorsum pendulæ, sensim exsiccatione convulsæ *C*, sursum attolluntur, & portiones loculorum *D*, quasi fenestrarum opercula, deorsum retrahuntur; ita ut in singulis cellulis foramen *E* aperiatur minimis & inclusis seminibus.

Non tantum seminibus exitum ab Utero paravit Natura, sed, ut faciliter in longum & distans dispergerentur, Uteris additamenta paravit: Hæc *pappi* appellantur; ita passim ludit Natura in *tarasco*, & reliquis *cichoreaceis*, 294: Fit enim Uterorum congeries, unde maturato seme singula decidunt, ventoq; rapiuntur. Constant loculo *A*, semen custodiente, quod exteriùs striatum est, & spinosas appendices promit: Ab hoc elongatur hastula *B*, quæ capitulo *C* terminatur, à quo, veluti à communi centro, radiorum instar, graciles pili *D* erumpunt, qui hinc inde quasi spinas promere videntur. In *soncho* 295, Uterus compressa quædam capsula *A* est, quâ semen conditur; ab hujus summitate pili *B* enascuntur, quorum lateribus appendices *C*, spinarum instar, hærent. In *cinara* & plerisq; similibus, pappos seu lanuginosos villos circa semina luxuriare videmus; & in *populo* 296, hujusmodi pili, ab uno exorti, quasi nodo *A*, in tres veluti ramos *B* distinguuntur, quibus semen *C* custoditur, & dum vento rapitur, dispergitur.

Hucusq; loculos, seu *Uteros*, quibus seminales plantulæ foventur, à floris umbilico, vel ejus analogo situ, pendere vidimus: Solet autem Natura in quibusdam plantis ab iisdem foliis Uteros promere, hosq; copiosos; hujusmodi miramur in *bilingua* 297, in qua versùs medium folii frequenter in superiori parte, & interdum in opposita, à costula majori emergit uterus: Nam primò folium *A* acuminatum loco calycis assurgit; non longè ab hoc eminent gemini Uteri *B*, seu cellulati styli, semina continentes, petiolis *C* suffulti; in basi verò congeries foliorum, florem integrantium *D*, luxuriat. In *phyllotide* 298, majori utitur munificentiâ Natura; nam ab inferiori foliorum parte, disruptâ cuticulâ, ingens hiatus *A* in singulis amplioribus areis aperitur, ita ut copiosa erumpant semina *B*. Quid simile in *scolopendrio*, & *polypedio* 299, molitur Natura; in hujus exteriori foliorum superficie *A*, globulorum racemi *B* hinc inde ab excurrente costula *C* pendent: Hi primò virides sunt, tandem æruginosi; racematim pediculis mediis ab interiori substantia pendent. Primò etenim tumor inter utramq; folii cuticulam eminet, & diductâ epidermide globuli erumpunt, quorum structura mirabilis est; tenui namq; membranâ constant, & exteriùs ab annulo *D*, circulum in totum non explente, ambiuntur: Hujusmodi quasi tot globulis *E* constat, unde Uterus aperitur, dum prædictus semicirculus *F*, velut arcus, ad lineam rectam reducitur; disruptâ membranâ *G*, in distans effunduntur semina *H*, lutei interdum coloris. Parum absimilem structuram observamus in *filice* 300, cuius quælibet folia in exteriori ungue

A, versus interiora reflexo, semina *B* copiosa custodiunt, & alunt: Nam elongatis utrisq; membranis cutaneis *C* folii, fit quasi nidus semenum, quæ cum *polypodio* omnimodam sortiuntur compagem, pariq; ritu, laxato arcu, loculi aperiuntur, seminâq; effunduntur.

Lustratae hucusq; structuræ probabiliter evincunt, in herbis & arboribus stylum in molem ita excrescere, ut Uteri munia suppleat; & sicut in *viviparis* Uterus geminatur binis productis tubis, ita in *plantis* incertâ lege multiplicantur tubæ, quarum appendices adhuc hiantes in aliquibus conservantur: Quare tot loculi, vel siliquæ, superiùs examinatae, probabiliter Uterorum, vel satius tubarum, munus explebunt. Idem probabiliter philosophandum venit de *spicis*, *jubis*, & *similibus*, in quibus membranosi utriculi, licet semen non undequaq; ambiant, contentum tamen fœtum fovent, & tutantur frequenter spinis & aristis. Uterum igitur Plantarum & Vegetantium, in aliquibus, solo membraneo graciliq; corpore concavo & tubuloso, vesiculæ instar, excitari videmus; huncq; ligneis fibris, tracheis & utriculis irrigatum deprehendimus: In hujus centro semina vel fœtus gignuntur, & adolescunt. In aliis Vegetantium ordinibus, ut in *siliquaceis*, crassiori redditâ interdum ambiente Uteri & Tubarum substantiâ, quasi pericarpio, donari videtur; & in quibusdam oblongæ quedam appendices adduntur, quæ semina stipant & fovent. Crassius pariter obducitur pericarpium, elongatis fibrarum & trachearum fasciculis, à quibus utriculi succo turgidi pendent, & conglobatis hujusmodi stiriis in commune corpus, quod *fructus* dicitur, fit Uteri substantia, non dispari ritu ac in Fœminis accidit, quarum Uteri substantia contento sanguine ita tumet, ut solitam crassitatem triplo exceedat. In aliquibus pericarpii hæc moles, turgidi Uteri vices supplens, ambiente interiùs corpore obuelatur, quod plerumq; cartilagineum est, ut *pomis*, *piris*; accedit; in aliis autem osseam substantiam sortitur, hujusq; structura in tenellis adhuc, è pericarpio in uteri cavitatem cibatum extillat humorem. In nonnullis dilatato, sub horizontali plano, pericarpio, inter florum vestigia peculiares foventur tubæ, seu styli. Et quoniam pericarpii hæc moles evidenter eadem est cum transversalibus utriculis caulis, vel caudicis, fistulis & tracheis, (ut in *cinara* evidenter patet,) idèò in reliquis pericarpiis idem philosophandum est; quod in *cucurbita* apprime appareat, in qua sensim elongatae utricularum transversales series, in petiolo dilatationem promovent; & ita longiores redditæ & circumductæ, cucurbitæ pericarpium excitant, & reticulariter utricularum productionibus, semen secundinas, ad quas derivantur, humectando fovent.

Affusum itaq; pericarpium pluribus Uteris concoctum fortasse succum contento fœtui subministrat, vel saltem externi caloris vim obtundit, ne solaribus radiis contabescat. In quibusdam autem pericarpium interiùs locatur; unde petiolo communicatus humor semen fovet & alit. Quoniam tamen plures exarati Uteri pericarpio vel ejus analogo destituuntur;

tur; ideò fas est credere, succum, qui à pericarpio percolatur in semen, non omnino productioni ejusdem conducere; sed materiam à fibris, derivatis immediatè à petiolo, & secundinis excerni, pericarpii verò succum tutari potius, quam componere.

Allata insuper sufficienter evincunt, pericarpii succum, suis utriculis turgentem, maturum reddi, non ita exigente peculiarem finem Naturā, sed ex transpiratu, & externorum actione talem fieri statum, qui per accidens hominibus in aliquibus gratus succedit; cùm plurium pericarpium immaturum corrumpatur, vel quasi osseum, vel ligneum redditur. Nam ubi in pericarpii utriculis aqueus halitus usq; abundat humor, ungente aeris calore, hujusmodi facilè digeritur; unde utriculorum tunicæ, solæq; ligneæ fibræ supersunt; in aliis autem utriculorum succus contentis salibus ita acidus redditur, ut vigente sole commixta fixentur particulæ in naturam cartilagineam, & non raro osseam: Frequentius tamen pericarpii caro multo vitriolo scatet; unde ingens austerioritas & aciditas præsentitur; temporis tamen tractu, fermentatione mediā exaltatis & digestis succis, novus substantiæ modus & sapor emergit, qui dum nostro occurrens palato gratam excitat titillationem, & ingestus facilè evincitur, coctionem seu maturationem adeptus dicitur; cùm tamen successivi status, qui à primordiis usq; ad interitum in pericarpii humoribus contingunt, solius fermentationis necessariis motibus debeat, & Natura his diversimodè etiam affectis debitam seminali plantulae custodiā paret.

De

De Secundinis, & contento Plantarum fœtu.

Tanta Uterorum copia, quam hucusque contemplati sumus, singulis annis in tenellis surculis luxuriat, ut copiosa semina in lucem prodeant. Hæc, veluti novi fœtus, suis involvuntur secundinis, quarum opere diu custodiuntur, & terræ concreta pro germinatione juvantur. Varia sunt hæc fœtuum, seu seminalis plantulæ, integumenta. Et primò dubitandum venit, an osseæ capsulæ, seu nuclei, quibus in *cerasis*, *malis Persicis*, & *mespilis* semen custoditur, rationem habeant secundinæ, verâq; plantulæ involucra recensenda sint; an potius sint loco tubarum, vel Uteri, quibus fœtus postremò gignitur, & fovetur. Quoniam tamen in *piris*, *pomis* & similibus, sub pericarpio cartilagineæ laminæ, diversos utriculos constituentes, locantur in centro, & à fibroso corpore assurgententes appendicibus cum florum basi continuantur, unde tubarum naturam sapere videntur; idem igitur de *osseis nucleus* dicendum videtur: Nam licet crassioribus constent parietibus, pericarpio tamen continuantur, & per ipsos humor fortasse in contentum semen percolatur. Secundinæ itaq; proprie erunt, quæ hiante Utero unâ cum semine excidunt. *Exterior secundina* seu involucrum variam nanciscitur naturam; quandoq; osseam ferè sortitur substantiam; interdum cartilagineam, & non raro molliorem; pluribus item mechanicas integratur, quorum articia mirari licet. In *fabis* 301, exterior configuratio est *A*, ambiente secundinâ ex-citata; in superiori parte eminet appendix *B*, quæ pediculi rationem habet; hac suspenditur semen, & in secundinam fibrosæ fistulæ derivantur: Constat igitur pediculus fibrosis fasciculis *C* variè circumductis, quibus hinc inde utriculi pendent. *Exterior secundina* innumeris penè congregatur fistulis horizontaliter locatis, ita ut extima superficies hiantia ora *D* exhibeat: Ipalium progressus interiora versùs in utriculos & sacculos *E* desinit. Subsequuntur alii saccorum multiplices ordines *F*, quibus mollius involucrum excitatur, & in his receptus per fistulas humor tandem fœtui communicatur. Concavum est hujusmodi involucrum, & contenti seminis formæ adaptatur, unde vaginam habet intérieur *G*, quâ seminalis plantulæ conus conditur. Maturato semine detumescunt hujusmodi utriculi, ita ut ferè obliterentur; patent autem virescente semine, vel turgente vegetationis tempore contento succo.

Eadem ferè configuratio occurrit in *pisis*, & *lupinis* 302, quorum secundina exterior solitis fistulis *A* componitur, horizontaliter ductis, quibus multiplices substantiae ordines utricularum *B*, vario situ & figurâ constantes, hisq; contento semini cellula paratur. *Papaveris albi* 303 secundina, cuius exterior forma minima fæsolum æmulatur, membraneâ

TAB. 52.

braneâ ferè excitatur substantiâ, cuius exteriorem ambitum reticulare vasorum opus *A* cooperit, & diversorum angulorum areæ excitantur. *Cucurbitæ* pariter semen exteriùs minimum vasorum reticulare opus exhibit, sub quo plures utriculorum ordines jacent, & seminalis ipsa plantula subviridi iterum circumdatur secundinâ, turgidis congestâ sacculis. *Amygdalarum* quoq; semen 304, ultrà nucleus osseum secundinâ circumdatur, quæ exteriùs utriculos cæcales *A* promit, interiùs verò per longum fibris ligneis, reticulariter implicitis, pervaditur, quibus utriculorum ordines appenduntur.

In *Cannabe* 305, semen secundinis pariter involvitur, quæ tenui epidermide cooperiuntur, sub qua fibrosi fasciculi *A*, mirè impliciti, totam peripheriam excurrunt; areæ verò spatia utriculis replentur: Sub his horizontaliter locantur multiplices fistulæ, quibus involucrum ferè osseum excitatur, interiùs verò mollis secundina, utriculis compaginata, locatur, seminalem plantulam custodiens.

In *Portulaca*, *Hyacintho Mattioli*, & *Gittagine* 306, secundina exteriùs pluribus exasperatur eminentiis papillaribus *A*, quæ, quasi spinæ, seu siphones, exteriora tutantur.

In *Cydoniis malis*, circa secundinas crassum & mucosum obducitur corpus, quod quasi terebinthina necritur, & aquâ solvitur, unde mucilagines elicuntur.

Aliud insuper mirari licet in Secundinarum indagine; nam in plærisque, ut in *piro* & *pomo*, hiatus aperit arctiori in cacumine, ubi scilicet plantulæ conus latitat; in aliis verò fenestra occurrit patenti cum hiatu: Hęc manifestatur primò in *faseolis* 307; nam à latere fenestra quasi in nigro scuto aperit; extrà enim eminet, aggeris instar, ovalis substantia *A*, cui succedit, quasi fovea, concavitas quædam *B*, tumorem ambiens, in quo hians fenestra *C* ita patet geminis diductis labiis *D*, ut subjecti utriculi inanes emergant, qui inserto olim petiolo continuabantur. Ab exteriori ambiente substantiâ elongatur appendix styliformis *E*, sub qua conditus plantulæ conus excurrit, cuius extremitas interiùs utriculis, sub fenestra locatis *F*, veluti vagina custoditur. In *Ciceribus* 308 eadem aperitur fenestella: Acuminata eminet portio *A*, plantulæ conicam radicem custodiens, inferiùs ovalis concavitas *B* observatur, in cuius medio scissura veluti recta linea *C* aperit; exterior ambiens portio *D*, aggeris instar, eminet utriculis excitata, à qua pendet elongata fibrosa appendix *E*. In *Cicerula* 309 eadem fenestra patet, oblongâ excitatâ scissurâ *A*, quæ gemino quasi labio parallelo *B* ambitur. Concavitas, de more, ovali aggere *C* circumdatur; huic continuatur vagina *D*, plantulæ conum custodiens. In *lupinis*, *lente* & *vicia* idem patet hiatus 310; oblonga namq; protuberans substantia *A*, foveam ambit, cuius longitudinem scissura *B* pervadit, hinc inde emergentibus parallelis labiis *C*. In *Fabis* 311, ubi petiolus *A* semini necritur, in secundinis exteriùs concavitas *B* excavatur, cuius longitudinem scissura *C*,

altè

altè penetrans, excurrit; unde externus humor subjectis utriculis, & inde condito plantulæ seminalis cono, communicari potest. In *Milio* 312, & consimilibus leguminibus, semen exteriùs osseo sublutei coloris involucro A custoditur, quod intrò reflexum in B, quasi umbo, tergum cooperit; reliquum tegitur consimili concavo involucro C. Substantia secundinæ fibras admittit per longum ductas: Sub hac, altera succedit ambiens substantia friabilis valdè. *Milii solis* 313 exterius involucrum candidum, & quasi vitreum, ex toto semen ambit, in situ verò avulsi petioli osseum quasi fistulæ fragmentum A eminet perforatum, quo ad interiora patet aditus.

Intra secundinas *fœtus*, sive sui generis plantula, custoditur, & fovetur, cuius elegans minusq; obscura emergit species in *beta*, *atriplice*, & *spinaceis*, in quibus 314 depresso involucrum A fœtum custodit; plantula B oblongâ pollet radice, superiùs autem attolluntur gemina folia C, crassa, parumque ab invicem distantia. In *Gittagine* 315, conclusa plantula A insignis est, & debitâ constat radice, oblongis luxuriantibus foliis C, & circa inclusum pericarpium cubat. Idem penè mirari licet in *opuntiæ* semine 316, cuius fœtus osseo nucleo A custoditur, & geminis constat foliis B, & erumpente radice C. In *calendula*, *colutea*, *mellotto*, *cytiso*, *ruta*, *cannabe*, & *trifolio cochleato* 317, plantula occurrit; brevis etenim radix A interdum curvata observatur, supra quam gemina folia B lata, & crassa, frequenter viridia assurgunt. In *vesicaria* 318, plantulæ pariter species eluceat; nam intra secundinas A eleganti implicatione coeretur seminalis plantula, radice B & geminis oblongis munita foliis C. Idem miramur in *raphano* 319, cuius fœtus secundinis inclusus talem exhibet speciem A; explicitis tamen foliis B, latis, speciosq; plantulæ forma occurrit, in cuius foliolis fibrosq; costulæ C eminent. In *opio* 320, plantula intra secundinas complicata locatur; explicita tamen, oblonga viridiaq; patefacit folia A, caudici & radici B appensa. *Pomorum*, *pirorum*, *ferulæ*, *perfoliatæ*, *farfaræ*, *malvæ*, *amygdalæ*, & *cerasorum* 321 plantula, obscuriori licet formâ polleat, brevi tamen radicis trunco A munitur, & gemina crassa amplaque patent folia B. In plerisque leguminibus, & præcipue in *fabis*, *lupinis*, & *pisis*, aliquantulum latet plantulæ forma 322, gemina etenim, crassa & gibbosa folia A, trunco & continuatæ radici B appenduntur. Obscurior pariter plantulæ forma in *lauro* 323 observatur; nam congregata bina folia A minimum truncum & radicem intra se condunt.

In *tritico*, & *avenaceis* videtur plantula unico, hocque obscuro, folio prædicta. Huic meditationi lucem tulit seminum *pomi armeniaci* frequens inspectio; semel enim incidi in seminalem plantulam folio destitutam, & hujus gemma cum radice non parum luxuriabat; aderat

autem intra eundem nucleum alterum semen, seu plantula, in cuius auctiōnē primō conspiraverat Natura: Ex hoc itaque monstro interdum credidi, frumenti & consimilium seminales plantulas unico pollere folio, cui hæret gemma cum caulinī inchoamento, & radicibus. In *avena* 324, præcipuum corpus, seu seminis caro, in ovale & oblongum configuratur corpus A, quod in sui medio excurrentem exhibet foveam; nam est veluti crassa lamina, suis extremis in medium reflexis, & convolutis, cujus summitati plantula B appenditur, seu inseritur, quæ radice C constat, quibus additur gemma, seu futurus culmus D; loco autem deficientis folii Natura fortasse radici involucrum E addidit. Idem miramur in *tritico* 325, cujus pericarpium gibbum A in auctiori apice plantulam servat; hæc erumpente gemmâ & radicibus B compaginatur, huicq; elegans obducitur involucrum C, quod posteriorem parietis partem ambit; assurgit autem sub specie gemmæ inclusus calamus seu culmus D, foliolis viridibus excitatus; unde plantula farinaceo destituta folio, ablatoq; involucro, formas E exhibet, in quibus gemma seu futurus culmus D, tres pariter appendices F, radicum scilicet inchoamenta, & cicatrix G avulsi folii C, occurunt. In aliquibus seminibus plantula hæc hujusmodi foliorum apparatu caret; ita in *cæpis sativis*, *moly montano*, *tulipa*, *affarago*, *lilio*, *aro*, & *gladiolo* 326 accedit, cujus plantula A cylindri instar efformatur, capitulo B interdum parùm turgente; hæc secta, quasi tot involucris, loco gemmæ seu foliorum, coagmentari videtur. Circa plantulam, pericarpium C, utricularum seriebus in ipsam directis luxuriat.

In *pino* 327, largiori munificentiâ procedit Natura; detracto namq; ligneo osseoq; involucro, & secundinis, obvia fit caro, quæ colore in subluteum refert, ejusq; figura est A: Hujus substantia subdulcis, & rotundis utriculis constans interius concava & tubulosa est, plantulamq; seminalem eximiæ speciei continet: Hæc brevi conicâq; radice B angustiore carni involuci partem C occupat; versus medium oblonga prominunt foliola duodecim gracilia D, quæ geminante plantulâ diducuntur: Folia hæc tribus constant angulis; gemini extrâ situantur, tertius verò interiora versus, & ita facilius invicem adaptantur. In centro foliorum minima assurgit gemma E.

Plantarum seminalium exteriore formam indagine prosequuti sumus, prout nobis verè plantulæ species exhibetur, in aliquibus evidenter, in aliis obscurior: Ut autem singula pateant, iterum rimanda venit ipsarum peculiaris structura. Inter cætera, quibus plantula integratur, præcipua sunt *folia*, geminæ scilicet partes, quibus seminis caro excitatur; hæc utricularum serie multiplici donantur, ut patet præcipue in *faba* 328, cujus alterum folium A in interiori superficie B utriculos C taliter inclinatos exhibit; exterius verò vago ordine D situantur.

tur. Hujusmodi folia præter utriculos, succo refertos, fibrarum fasciculos intus custodiunt, qui à plantulæ radice producti (ut mos est) foliorum longitudinem excurrunt; unde in tenellis seminibus spiralis tracheæ zona solvit. Patent autem hujusmodi fasciculi cum trachea, in semine *cucurbitæ* 329, & quinque numerantur insigniores rami A, à quorum lateribus reticulares plexus emanant; unde fit, de more, mutua anastomosis; singuli in caulinum & continuatam radicem B desinunt. Tenui obvelantur folia hæc membranulâ, ut plurimùm lucidâ, quæ in reliquis præcipuè leguminibus observatur. Persimilis structura in *catalpæ* 330 semine reperitur. Hujus plantula secundina A, & carneis utricularis B circundatur, geminisq; constat foliis, à quibus costularum progressus C eminent, & intus tracheæ conduntur: Gemina hæc folia caulinulo & radici D appenduntur. Exarata folia, trunci principio & continuatæ radici hærent, quod patet in *faba*, *faseolis*, & *cicerulâ* 331, in qua, inter gemmam A & radicem B, brachia seu pediculi C exporriguntur, subrotundi, brevésque, & subingressi vel laxati in folium D, obliterantur. Constant fibrarum fasciculo, velut accidit reliquis foliorum petiolis, à quo utricularum ordines pendent.

Quælibet seminalis plantula insigni constat conico quodam corpore, quod, licet speciem trunci, seu caulis habeat, revera tamen, (ut in Diario *Vegetationis plantarum* patebit,) ferè totum absunitur in radicem, & futurus truncus, seu plantulæ caulis, adhuc in seminali plantula minimus extat, & sub specie gemmæ Vegetatione attollitur & elongatur. Manifestantur hæc omnia passim in delineatis seminibus, & præcipuè in *amygdala*, & *cerasis* 332; cuius gemma A parum acuminatâ constans formâ, foliorum complicatione excitatur; sub hac, lacerati pediculi, in folium olim expansi, cicatrix B observatur; infrâ verò, plantulæ radix C exporrigitur. In *pomi Armeniaci* semine 333, plantula, ultra gemina folia carnem constituentia, conicâ radice A constat, & gemma pluribus laciniatorum foliorum ordinibus B donatur, qui geminis foliolis convolutis C custodiuntur. In *juglande elegans* est plantulæ species 334: Brevis & depressa valdè est portio, quâ radix A statuitur, reliquum trunci in gemmam absunitur, cuius apex B complicatis foliis congregatur. In *faseolis*, evidentior est gemmæ conformatio 335, cuius folia parùm explicita consuetam servant formam, ita ut brevi pateant & aperiuntur. *Bulbaceorum* & similiūm seminales plantulæ, radice, & gemmâ, veluti cylindrico curvato corpore, constant, quod ut plurimum candidâ substantiâ, utriculis contentâ, custoditur: Hujusmodi patet in *lilio*, *asparago*, & *sativis cæpis* 336, quæ multiplici involucrorum ordine A sese invicem continentium compunctionur.

Sensu igitur compertum habemus, in jam expositis Uteris fœtum, plantulam scilicet seminalem, gigni, & foveri, & in vegetatione juvari: In horum

horum enim gratiam, corticis specie, semen secundinis obduxit; in his namq; derivatus & percolatus à vasculis humor, in utriculis veluti in transversalibus ordinibus excoquitur, & fermentatur & in chorii, amniiq; concavitatem percolatur. Hoc expressè patet in leguminum corticibus, seu secundinis, quæ, quasi Uterus, contentis humoribus à primordiis generationis turgent, sensim verò gracilescunt, percolato succo in amnion, postremò in fœtum. In *amygdalis*, & consimilibus, cæca intestinula, humore prægnantia, exteriùs eminent, quæ sensim exonerantur, derivato interiùs concocto humore. In exaratis corticum utriculis probabile est, concretum succum & quasi fixatum salem subsidere completâ plantulæ seminalis generatione; unde à Natura siphonum ordines in quamplurimis secundinis locatos videmus, quorum ope externus humor subintrans solvit & subigit relictum in utriculis succum, & extractâ tincturâ, iterum quasi institutâ generatione, plantulam subit ad excitandam scilicet vegetationem. In *cydoniis*, ut retulimus, aliisq; consimilibus, mucosus exteriùs affunditur humor, qui expositas firmat meditationes; nam forte illiniendo diu foveat, quoisq; externo solutus icore, per fistulas cribratus, in plantulam postremò deferatur. Nec sat fuit Naturæ, siphonum horizontalium ordines addidisse, sed ovalis fenestræ foramen, vel ejus loco patentem hiatum aperuit: *Sicut enim in Animalibus* fœtus non tantum per umbilicum nutritur, recepto sanguine, alimentitio succo commixto, sed per os, derivato scilicet chylo in ventriculum, indeq; solitis viis in cavam, ut sensim instituatur hæc alimenti via, quæ in edito fœtu perennante vitâ manuteneri debet; ita probabiliter contingere reor in *feminalibus plantulis*: Siphones alimentum foliis ministrant, quod præexistenti in propriis utriculis succo commixtum, per propria vasa gemmam versùs intrò deducitur, & ita plantula quasi per *umbilicum* augeri videtur: Et quoniam hiatus in *pomis*, *pyris* & sim; fenestella in *ciceribus*, *fabis* & sim. excitantur, sub quibus extremum conici corporis, radicum scilicet inchoamenta conduntur, & eisdem externum ministratur alimentum, ut regia nutritionis via instituatur, ab extremis videlicet radicibus in caulem vel caudicem, & ab his in ramos, & folia; ideo hanc nutritionis viam analogam ei puto, quæ per os celebratur in fœtu. His accedat, radicis truncum vaginâ, copiosis utriculis compaginatâ, condi, quorum ope extremo caudici debitum auctivum subrogatur alimentum. Interdum dubitavi, an fenestellâ externus aer admittatur, ut fermentatio pariter excitetur, vel saltem incongrua eliminantur evidenti transpiratu; ut de umbilicalibus vasis apud plerosq; in *Animalium* fœtu dubitatum video.

Contentus fœtus, seu plantula, suis integrata partibus, taliter custodita in longum etiam servatur tempus. In hac itaq; plantæ vera species compendio elucescit, & veri emancipati filii status innuitur; conicum enim, quandoq; oblongum, & interdum breve, occurrit corpus, quod vegetando

vegetando radiculas promit, unde radicum truncus erit : Caulis autem, & Caudicis major portio sub specie adhuc gemmæ latitare videtur, à cuius principio & exortu gemina pendere vidimus seminalia folia, suis ligneis fistulis, tracheis, & utriculis constantia, quæ diu servatum succum iterum plantulæ reaffundunt, ut auctior redditus truncus, gemmâ scilicet & elongatis radiculis, sensim adolescat. In Vegetantibus, quorum seminales plantulæ laxatis foliis privantur (ut in aliis deprehendimus,) multiplices utricularum ordines, in plantulam inclinati, auctivum succum præbent, qui in iisdem primò maceratur, & postremò effluit.

Vetus est Empedoclis dogma, plantarum semina ova esse, ab iisdem decidua. Ovorum species tam variae sunt, ut ad unicam naturam referri nequeant. In *Viviparis* enim, à primordiis, in *ovariis*, quæ testes vulgariter dicuntur, exigua continentur ova, in quibus cicatrix colliquamenti portione ambitur ; hæc autem in uterus delapsa, & ibi sœcundata, adveniente ab Utero nutritio succo in novum excrescent ovum, adacto sensim contento fœtu. In *pennatis* & *Oviparis*, ultra cicatriculam varii circumlocantur humores, qui Utteri vices supplement, & contento fœtui auctionem & nutritionem suppeditant. In *Insectorum*, & quorumdam imperfectorum animalium minimis ovis, ultra cicatriculam exigua humorum moles extat, & brevi incubata animal promunt, quod successivâ nutritione, externarum partium facta mutatione, diversas subit apparentias, manifestatis & emergentibus pluribus membris, & quibusdam etiam oblitteratis. Alia pariter aderunt ovorum genera, nobis adhuc ignota. Illud unum videtur probabile in exaratis ovorum speciebus, perpetuò animalis compagem contineri in aliquibus minus explicitam, in aliis magis manifestam ; reliquum verò circumfusæ substantiæ pro auctiva materia locari.







In seminalis plantulæ productione Ovum excitari vidimus ; nam plantula, amnio contenta, percolato à chorio humore sensim augetur, & varias subit formas ; donec acquisita debitâ compage & structurâ emancipetur, separetur, & decidat à parente, suiq; juris facta in determinatum servetur tempus, & advenientibus exterioribus excitetur ad vegetationem, & propriâ vi, energiâ scilicet partium, quibus componitur, in novam excrescat formam, & molem. Status igitur, quo quiescit seminalis plantula sui generis, *Ovum* dici potest ; inest enim in eo, velut in cicatrice, non sola viventis carina, sed cum minimo truncō assurgentibus partibus, gemma scilicet, & insignis radicis conus. His addamus, fermentativos pariter succos in appensis foliis locari par esse, ut modificatum alimentum ab extra adveniens plantulæ exhibeat. Quare non *Oviparorum* Ovis analoga erunt plantarum semina, cum hæc, ultra incubatum, exterius expectent alimentum, quod in Ovo totum includitur. A

Viviparorum Ovis non longè distare videntur, cùm in utrisq; carina & viventis compages compendio præexistat, & tota ferè auctionis materia ab extra adveniat : In hoc tantùm differre videtur, quòd manifestior est *feminalis plantulæ* exposita compages *carinæ* inchoamento, quod animallium cicatriculam occupat : Et in Utero novum Viviparorum ovum perpetuam subit auctionem, & mutationem, percolatis continuò succis, à circumstante Utero decidentibus. Minus diffonum tamen erit reliquis Imperfectorum ovis, quæ, particulis receptis ab extra, turgentiam in contento colliquamento patiuntur ; hæc verò humidis particulis soluto fermento, ovum, constituens plantulam, turgere facit, ut brevi discussio cortice ernmpat.

Ex his igitur probabiliter concludere licebit, plantarum semen *Ovum* esse, fœtum principalioribus compaginatum partibus continens, quod per annos etiam fœcundum conservari potest, donec turgente subingresso exteriori humore ipsius partes explicatores reddantur, & ita Vegetans oriri dicatur plantula. Singula hæc manifestiora fient diariâ Vegetantium *feminum* indagine ; quorum historiam & icones, Deo favente, unà cùm reliquarum partium promissis imaginibus dabimus. Interim, Amice lector, his, siquæ arrident, fruere, mihiq; aliquod vitæ spatiū minùs valitudinariæ lubens precare.


F I N I S.

TAB I.












6




F.7.






TAB III.


F. 13




F. 14




F. 15




F. 16




F. 17








F. 19




F. 18













F.22.




F.25.






F.24.










F. 25



F. 27




F. 29




F. 32




F. 33




F. 34




F. 35





F. 36



F. 37



F. 38





F. 42.




F. 41.




F. 40.




F. 39.



F. 44.



49




F. 46.



F. 49.



F. 48.








Fig. 50.




F. 51.




F. 52.




F. 53.





F. 54.













F. 56.



F. 57




Yerba
diente

Yerba
diente


Yerba
diente




F. 58.




F. 59.



F. 60.



F. 61.



Đô




Th

h

h

h



100


8 8
8 8

100
8 8


8 8

8 8


F.71.



F.72.



F.73.



F.74.



F.75.



F.76.








F. 77.




F. 78.



F. 80.



F. 81.







F. 82.




F. 83.



F. 84.




F. 85.







F.88.



F.87.




F.86.



F.92.




F.91.




F.89.



F.90.




F.93.






F.94.




F.96.




F.95.





F.97.




F.98.




F.100.




F.101.





F.102.




F103.




F104.




F105.




F106.




F. 107.



F. 108.



F. 109.



F. 110.




F. 111.




F. 112.




F. 114.



F. 116.




F. 112.



F. 115.




F. 118.





F. 117.





F. 119.



F. 123.




F. 120.




F. 121



F. 124.



F. 125.



106




— 107 —




— 108 —




F126.





F127.




F129





F131.



F132.




F130




100




F.133.



F.134.






F.135.



F.136.




F.137




F.138.



F.139.



F.140.







- 1000




F.142.




F.143.




F.144.




F.145.




F.146.




F.147.




F.147.



F.149.



F.148.




246




247




F.149.




F.150.




F.151.




F.151.





F.152.



F.153.




F.153.






F. 154.



155.



156.




155.



F. 156.




F. 155.








F.158.





F.157.





F.159.



F.162.




F.163.



F.165.




F.166.








F167.



F168.




F169.




F170.




F174.




F172.



F171.




F173.







F. 176.




F. 175.




F. 178.



F. 177.




F. 179.




F. 180.








F. 181.




F. 182








F.187.



F.188.



F.189.



F.190.





Fig 1.




Fig 2.




Fig 3.





Fig 4.




Fig 5.




Fig 6.




Fig 7.




Fig 8.



Fig 9.




Fig 10.












Fig 11.




Fig 12.








208.






209.




209.




210.





211.



212.



213.








214.





215.




216.




217.





218.



219.




220.



221.




222.







222.




223.




223




224.




225



226.




227








228.




229.



230.




231.



232.






233.









233.






234.



H




235.




F




237.



238.



240.




o 3 4 5 6 7 8 9

3 4 5 6 7

1 2 3 4 5 6

6
7







५४
५५
५६





५७
५८
५९

६०
६१
६२

६३
६४
६५



245.



77

○○
G.

3246



○○

○○













247













248









249





251








258



260




261







262.




263.




264.




265.




266.



267.




268.







269.






270.




271.





272.




273.




274.




275.




276.




277.






278.




279.




280.




281.





282.




283.




283.





284.



285.



286.








286.




287.




288.




288.




289.



291.





290.








292.




293.




293.




297.




298.




296.




299.







299.




300.



300.




303.




304.




305.




306.




307.




308.




309.




310.



311.




312.




313.





314.




315.




316.




317.





319.




318.




320.



321.



322.




८६


१०५

१०६


324.




325.



326.



327.




328.





329.




330.



331.



335.





MARCELLI MALPIGHII

Philosophi & Medici

BONONIENSIS

è SOCIETATE REGIA

APPENDIX,

Repetitas Auctasque

De Ovo Incubato

Observationes continens.



LONDINI:

Impensis Johannis Martyn Regiae Societatis Typographi, ad Insigne Campanæ in
Cœmeterio Divi Pauli MDCLXXV.

СЕВЕРНЫЙ КОМПЛЕКС
СИБИРИ

СОВЕТСКАЯ СИБИРЬ

СОВЕТСКОЕ ИЗДАНИЕ

ИЗДАЧА
СОВЕТСКОЙ
СИБИРИ

СОВЕТСКОЕ ИЗДАНИЕ



СОВЕТСКОЕ ИЗДАНИЕ

СОВЕТСКОЕ ИЗДАНИЕ

MARCELLI MALPIGHII

Philosophi & Medici

BONONIENSIS

è SOCIETATE REGIA

APPENDIX,

Repetitas Auctasque

De Ovo Incubato

Observationes continens.

MAGNÆ SOCIETATI REGIÆ ANGLICANÆ

Marcellus Malpighius S.P.



Elebris apud Pictores mos est, *Doctissimi Sodales*, quo perficiendarum imaginum graphidem, primaq; in tabulis lineamenta, illico ac è materno phantasie sinu excidunt, continuatâ intuitus irradiatione fovere abstinent, ne statim adolescent; verùm ab oculis per longum tempus remota feriari jubent, donec inchoatae prolis in artifice species oblitteretur, quam subitâ postmodum lustratione examinantes absolvunt. Simile quid nobis in contemplandis Naturæ primis iconibus peragendum; mihiq; opportunum saltem & necessarium censeo. Sicut enim, eo temporis tractu, aberrationes, & incompta delineamenta, si quæ in tabulis extant, illico phantasiam omnino præjudiciis denudatam movent, & ab ea (non adhuc in sui amorem obfirmatâ) severi judicij imperio castigantur, & delentur, indeq; Naturæ magis consona deprimuntur: Ita in meditandis Naturæ tabulis, rarâ, sed repetitâ, indagine comptiora emergunt mysteria, eliminatis antiquis conceptibus, qui olim *Palladis* arcem occupabant. Prima igitur Pullorum delineamenta incubatis Ovis (vobis ita consulentibus) singulo anno inquirenda mihi proposui; quæq; proinde in postrema aggressione observare contigit,

A

brevibus

brevibus exarata hic habebitis, pro majori eorum, quæ aliàs innui, dilucidatione: In re enim tam obscura, in re cui optica instrumenta parum prosunt, cùm usus indicaverit rationem separandi cicatriculam à vitello & albumine, exiguum subdubiæ lucis in primorum staminum indagine effulsit.

TAB. 1. In Ovo *nondum* incubato, fœcundo tamen, non absimilis ab observatis aliàs & descriptis Cicatricula aderat, quæ inter galazas collocata, medium locum inter bina Ovi cacumina sortiebatur, ejusq; naturalis magnitudinem tudo lentem non excedebat. In hujus itaq; centro circulus candidus *A*, aggeris instar, deprehendebatur, qui superiora versùs cum vesiculis *B* interdum continuari videbatur; in hoc colliquamentum *C* continebatur, in quo pulli carina *D* candidis delineata zonis innatabat, quæ in summitate quandoq; discontinuatæ apparebant; contentum verò spatum plumbei coloris icore replebatur. Carinæ extremitatem sacculus *E* obscurabat. Succedebat lata quasi fascia *F*, quæ tandem umbilicalis area evadit: Hæc partim solidâ, hacq; subvitellinâ, partim liquidâ & fusca integrabatur, portione, & à colliquamenti rivulo *G* ambiebatur, quem angularis zona candida *H* circumdabat.

Fig. 1. In Ovo, elapo *Julii* mense ab *Indica gallina* incubato, post *horas sex* cicatricula naturalem hanc sortiebatur magnitudinem *A*, in cuius centro vesicula *B* irregularibus interdum finibus terminata, diaphanoq; turgida humore locabatur. Pulli carinæ & capitinis inchoamenta zonæ specie *C* emergebant, in colliquamento plumbei coloris innatantia, quod circulo *D* quasi aggere coercebatur. Succedebat lata quædam umbilicalis fascia *E*, sublutei coloris, quæ interdum foraminulis pervia, pumicis instar, colliquamento madida reddebat, cujus ambitum rivulus *F* alluebat, & tandem candidus circulus *G* omnia continebat. In aliis, umbilicalis area **Fig. 3.** *H* in icorem quasi fusca, fusca reddebat, & plures circuli *I* interpositis alveolis *K* circumducebantur.

Fig. 4. Post *duodecim horarum* incubatum cicatricula tali pollebat magnitudine *A*, in cuius centro colliquamentum *B* observabatur cum carina, quæ candidis delineata zonis rotundum capitulum designabat, & ultra mediatem orbiculares vertebrarum vesiculos, hinc inde adstantes *C*, primò exhibebat; hujus tamen structura sacculo *D* frequentissimè velabatur. Succedebat candidus de more circulus *E*, qui exteriùs copioso colliquamenti rivulo *F* ambiebatur; huic proxima extendebat area umbilicalis *G*, quæ lato rivulo *H* alluebat. His addebantur quandoq; plures circuli *I* taliter circumducti.

Fig. 5. In aliis cicatriculis ita incubatis simplicior emergebat configuratio in umbilicali area *K*, & ambiente circulo *L*, lato satis. Pulli carina candidâ quadam zonâ designabatur, quæ dupli ex crescens tumore, capitinis inchoamenta *M* indicabat, & vertebrarum globulos *N* hinc inde hærentes habebat.

Transactâ decimâ octavâ horâ, cicatricula hujus latitudinis *A* versùs obtusum Ovi cacumem ascendebat. In medio colliquamentum solito agere

gere *B* coercitum, pulli carinam continebat, quæ de more vesiculâ *C* ob-
ducebatur. Carinæ structuram diu inquisitam, talem tenere videbar.
Ex candidâ zona caput *D* designabatur, & spinæ tractus cum appensis
vertebrarum sacculis *E*; circa caput & collum, carnem *F* luxuriare non
semel videbam cum alarum inchoamentis. Succedebat lata area *G*, colli-
quamenti alveolis *H* excavata; hæc rivulo ambiebatur, qui candido erat
circulo *I* obseptus. Umbilicalis hæc area inter observandum evacuato
albumine rugosâ quasdam eminentias, veluti arborum radices, exhibe-
bat, quæ vasorum speciem mihi indicabant; quoniam tamen in exsiccata
quacumq; vitelli parte parum absimiles rugosas productiones excitari
facile videbam, ideo adhuc hæret animus, an vasorum latentium rudi-
menta existant, an siccescentis corporis rugæ. Cicatriculæ extremus cir-
culus seu zona *I*, ulteriori fermentatione in plures, hosq; disparatos, sol-
vebatur circulos *K*, quorum portiones, velut insulæ, colliquamento *L*
mergebantur.

Placebat interea, ut Naturæ methodum aliqualiter tenerem, carinam
fusiùs prosequi; & quæ variæ species, usq; ad integræ diei complementum
occurrebant, prout in re tam obscura rudibus instrumentis mihi attingere
licuit, hic exarabuntur. In Ovis itaq; minùs vegetis & infirmioribus ca- TAB. 2.
rina taliter apparebat; geminæ zonæ, seu crassæ candidæq; lineæ *A*, in ca- Fig. 8.
pite parum distantes, & quasi reflexæ in posticam partem *B*, iterum ap-
proximatæ, collum *C* efformabant; mox diductæ, & quasi parallelæ, in
longum protractæ, carinatum spatiū efficiebant, & hinc inde vertebra-
rum sacculos numero septem *D* appensos servabant; iterum tandem coe-
untes, carinæ extrellum constituebant. Quid simile miratus sum post Fig. 9.
diem integrum incubatûs, dum zonæ *A*, parum oblique, carinam con-
stituebant. In aliis gemina concavitas excitabatur *A*, & dorsi spatiū, Fig. 10.
quod aliàs patebat, conniventibus zonis in *B* cludebatur; hoc enim fa-
miliare ipsi Naturæ sæpiùs observavi, in zonis motum adesse, ita ut suo
accessu & recessu, areæ & sinus excitarentur & tollerentur.

Elabente die sæpiùs species hæc occurrebat, qua capitis tumor *A* emerge- Fig. 11.
bat, & diductis in dorso zonis *B*, carinæ concavitas efformabatur, quæ
spinali medullæ *C* locum præbebat, cui vesicule cerebri *D* appendeban-
tur; colli, capitis, & alarum *E*, productiones magis manifestabantur.
Crassæ lineæ, seu exarate zonæ, quæ varias designabant jam expositas ca-
rinæ species, erant extremitates & fines assurgentium quasi parietum;
in extracta etenim cicatricula, & vitro imposita, zonarum latitudo *A* Fig. 12.
occurrebat, quâ totus spinæ tractus delineabatur cum alarum *B* inchoa-
mentis. Hujusmodi zonæ non perpendiculariter elevabantur, sed in-
clinatæ, carinæ concavitatem producebant, quæ crystallino quodam hu-
more replebatur, qui interdum ita turgebat, ut continentes zonas dis-
rumperet, & areas novas excitaret.

Aliud insuper innendum, zonas in apice *A* hiatum habere, qui quan- Fig. 13.
doq; & temporis tractu cludebatur; hoc autem fortè natura uititur pro
colliquamenti ingressu. Nec reticendæ sunt mutationes, quæ in eadem

numero cicatricula & carina absq; novo incubatu manifestabantur ; nam expositus hiatus in eodem Ovo, per sex horas aeri relicto, claudebatur,

Fig. 14. & capitis concavitas *B* candida tota reddebat, & carinæ extremitas ex diductis zonis *C*, non obstante sacculo *D*, emergere incipiebat : Ulterior succedebat, *elapso die* à prima Ovi lustratione, mutatio ; clausis namq;

Fig. 15. zonis geminus observabatur tumor *E*, circa dorsum curvabantur zone *F*, & carinæ ovalis area patebat.

Fig. 16. *Transactâ die*, cicatricula hanc servabat magnitudinem *A*, & in sui centro carina locabatur, cuius zone parallelæ ductæ, colli *B* situm designabant ; mox vertebris hærentes, dorsum constituebant, & tandem dilatatae carinæ extremum *C* claudebant ; in capite verò *D* hiabant, & tota area candida erat : In aliis autem, rudimenta vesicularum cerebri & spinalis medullæ emergebant. Carina hæc, in colliquamento *E* degens, proxima erat sacculo *F*, qui diaphano turgere videbatur succo. Lata sequebatur zona, quæ irruenti colliquamento *G* obstabat ; unde umbilicalis area *H*, quasi tot excurrentibus rivulis interrumpebatur ; postremò latus circulus candidus cicatriculam claudebat.

Interea progrediente incubatu, carina tumores circa caput multiplicabat ; zone etenim in apice *A* hiatum adhuc servantes tres areas *B* constituebant, quibus vesicularum cerebri inchoamenta custodiebantur. Caro *C* circum adstabat, & vertebrarum globuli dorso hærebant ; cordis pariter portio *D* manifestabatur, & in umbilicali area varicosa vasa prodibant, pallido & subvitellino turgida icore.

Post triginta horas cicatriculæ circuli multiplicati, soluti & infracti observabantur. Umbilicalis area *A* varicosis vasculis *B* contegebatur, quæ ab elatis solidis portionibus subpalllearis substantiæ ambiebantur. Vasorum color primò vitellinus, mox rubiginosus erat. In eadem area vesicula deprehendebatur. Pullus in colliquamento *C* degens, talem sortiebatur configurationem. In capite, ubi gemine observabantur appendices, oculi *A* emergebant ; zone unitæ, variis excitatis areis, quinq; cerebri vesiculos *B* ambiebant, & inde productam spinalem medullam *C* ; in extremitate angularis dilatata area *D* locum laxatæ medullæ præbebat ; vertebrarum sacci adstabant. Hoc eodem etiam tempore Cor *E* certò deprehendebatur : Et adhuc cicatriculas in vitris exsiccatas seruo, in quibus illud prostat.

Adhuc hæret animus in determinanda *Cordis* vel *Sanguinis* prioritate, cùm repetitis observationibus sensuum ministerio ea nequaquam firmetur. Illud certò constat, ante incubatum, carinæ stamina observari ; deinde incubatu vertebrae, cerebri & spinalis medullæ inchoamenta cum aliis, & inducta carneæ portione manifestari, corde, vasis, & sanguine latitantibus : Apparentibus autem rivulis in umbilicali area, probabile est, Cor etiam carinæ appendi ; cùm ante trigesimam horam cordis structuram certò deprehenderim. Plurimum autem temporis intercedit, quo Cor & Vasa icor pervadit, modò lutei coloris, modò rubiginosi, rubescente postremò sanguine ; unde adhuc conjecturam foveo, quam aliàs innui, succum,

succum, Vasa & Cor fortè præexistere, & sensim manifestari, ut in arborum Ovis observamus.

Auctiora sensim reddebantur singula circa horas *triginta sex* incubatūs ; grandior etenim reddita cicatricula, umbilicalem aream vasculis *A* cooper- Fig. 20.
tam exhibebat ; reticulare opus vasorum grandioribus interdum spa-tiis *B*, quadoq; minoribus distinguebatur, & rami aliqui, aliàs oblique
ducti, nunc aliqualem rectitudinem adepti, quasi trunci dirigebantur.
Iterum suspicor, quin, ut olim innui, plexus integri vasorum umbilica-
lium præexistant in cicatricula, & subintrantis icoris turgentia & motu
manifestentur, ipsorum areæ extendantur, trunciq; erigantur, cùm in
plantarum Ovis gemina foliola, quæ analoga fortasse albumini & vi-
tello sunt, vasorum plexus, tum aeris tum alimenti, possideant. Carinæ
structura talis videbatur : In capite supra vesicula *C* plumbeo icore Fig. 21.
turgebat, reliquæ *D*, frequentius minores, diaphano scatebant hu-
more, & contiuata medulla *E* in *F* aliqualiter dilatabatur, ut in adultis
etiam observatur ; caro *G* circà luxuriabat, & cor *H* parum emine-
bat.

Superatis *quadraginta horis*, in cicatricula evidenter redditi venarum TAB. 3.
surculi ab extremo limbo *A* in cor productionibus *B* deducebantur, à quo Fig. 22.
umbilicalia vasa, angulum *C* efformantia, reticulares ramos promebant,
nondum perpetuò in grandiores propagines distinctos. Carina in colli-
quamento innatabat, & circa ipsam sacculus *D* parum distans, futurus
amnion, emergebat, reliquis amplior *E*, chorion erat : Pulli carina Fig. 23.
tal is erat : In capite solitæ vesiculæ cerebri turgebant, quarum prima,
vitrum referens, reliquis innatare videbatur : Solita zona arctior reddi-
ta, cerebrum & spinalem medullam ambiebat : Hinc inde oculi *F* lo-
cabantur : Cor *G* turgidum pulsabat eâ ratione & rythmo, pro ut aliàs
descripsi, & fusiùs infra habebitur. Hac eadem horâ sacculus *H* variato
Ovi situ movebatur ; perpetuò enim summitatem tenere tentabat. Diu
etiam hesitavi, an infra an supra carinam locaretur hujusmodi vesicu-
la *H*, cùm diaphano turgeret humore ; tandem, cùm ipsam in separata à
vitello cicatricula nequaquam inclusam deprehenderem, in subjecta vi-
telli fovea locari conjectatus sum.

Postremè observationi *Cicatriculam addam*, quæ licet *binis diebus* incubata
fuisset, quoniam tamen Ovum reliquis tegebatur, & humiliori loco con-
debat, ideo frigidum, dum auferretur, erat, & ignavum valde. In
hac itaq; ambientes circuli *A* fracti erant, colorisq; subvitellini, & mer- Fig. 24.
gebantur in colliquamento *B*. In medio umbilicalis area *C* locabatur,
quæ limbi *D* loco zonam albam habebat, & convexa ibidem reddeba-
tur : Hæc reticulari vasorum opere *E* contegebatur, in quibus rubiginosus
humor turgebat. Carina, solitis prædicta vesiculis & corde, innata-
bat in colliquamento. Spatium, quod inter circulos *A* & umbilicalem
aream *C* extendebatur, insignibus rivulis *F* alluebatur ; in dextro enim
latere veluti à tot distinctis fontibus deducebantur alveoli *G*, qui am-
pliores redditi sub area umbilicali ultimum sortiebantur terminum : Con-

tentus icor rubiginosus erat, & ejusdem penè naturæ ac in corde & vasis observabatur; unde pulcherrimum occurrebat spectaculum.

Subsequentibus horis usq; ad complementum alterius diei umbilicalia vasa varicosa, coloris primò sublutei, mox rubiginosi, & postremò sanguinei, reddebantur. Extractus pullus hac pollebat figurâ: Cerebri ve-
Fig. 25. sicut A, turgidæ cum spinali medulla B continuabantur, quæ zonis C, ad-
huc existentibus, ambiebatur; circulus niger patenti hiatu D solitus oculi ambitum constituebat & custodiebat.

TAB. 4. Post binos dies cicatricula lateraliter vitello hærens, sensim horizon-
Fig. 26. talis fiebat, cuius naturalis magnitudo erat A, & in ipsius centro in colli-
quamento natans pullus locabatur, qui vesiculis B, cerebrum integranti-
Fig. 27. bus, ditabatur: His cerebellum C cum spinali medulla D addebat, quæ zonis E custodiebatur. Hujusmodi verò curvatæ interdum, & va-
ricosæ redditæ, vertebrarum sacculis hærebant. Propè extremitatem
carinæ amplior reddita medulla in ovale extendebatur corpus F; circa
Fig. 28. collum & caput caro G luxuriabat, & alæ H pendebant; bini pariter
oculi circulo I excitati eminebant, quo crystallini humoris inchoamen-
Fig. 29. tum ambiebatur. Cor evidentissimè pulsabat; nam auricula K recep-
tum à venis L sanguinem pulsu propellebat in dextrum cordis ventricu-
lum M, à quo iterum protrudebatur in sinistrum ejusdem sinum N; inde in arterias, à quibus in truncum, qui deorsum productus geminaba-
Fig. 30. tur in ramos O; hi, umbilicales arterias P promentes, in aream produ-
cebant, & tandem reticulari excitato plexu, in limbū desinebant,
qui quandoq; quasi trunco Q excitabatur, quandoq; reticulari plexu ex
superpositis arteriæ & venæ reticularibus implicationibus. In cicatriculis
ignavioribus loco umbilicalium ramorum P rete observabatur cum areæ
surculis continuatum; quod post quadragesimam quartam horam frequen-
ter accidebat. Humoris per vasa fluentis color primò subvitellinus, mox
fuscus & rubiginosus, postremò ad sanguinem tendebat. Vesicula R,
diaphano turgida humore, propè umbilicalem ramum P dextrum loca-
batur.

Triduo elapso, cicatricula parum deficiebat ab horizontali situ, ejusq;
Fig. 31. magnitudo naturalis non excēdebat A. Pullus in ventrem jacebat, ita ut
spinæ B tractus à cerebello C deductus pateret, vertebris D hinc inde
unâ cum zonis E adstantibus. Cerebri cristata vesicula F præ cæteris
emergebat diaphana, turgidaq; humore; reliquæ G & ipsæ manifestæ
erant. Oculorum circuli adhuc patentes erant; alæ I extendebantur,
crurumq; K & uropygii inchoamenta apparebant. Cor auctius erat,
Fig. 32. unde receptus ab auricula L sanguis à vena M per ductum N in dextrum
cordis ventriculum, indeq; per O in sinistrum P, tandem in arterias Q
propellebatur, à quibus in truncum R: Ab hoc erumpabant umbilica-
Fig. 33. les rami S, qui productis surculis in limbū desinebant, reticulari effor-
mato

mato plexu. Interduni umbilicales rami geminis finibus *T*, supra lim- Fig. 34.
bum inclinatis, reticulare venarum opus *V* cooperiebant. Ab extremo
carinæ erumpet venosus ramus *X*, qui cum limbo continuatus san-
guinem revehebat, non dispari ritu ac in superioribus accidit. Ex- Fig. 35.
tracti interdum cordis hanc licuit observare structuram, in qua crassior
meatus à dextro in sinistrum cordis sinum apparebat circumpositâ car-
ne *Z*. Taliter constructus pullus in arcto amnii receptaculo *Y* mora-
batur, quod à chorio + ambiebatur.

Post quartam diem longè auctior cicatricula, non adhuc ex toto horizon-
talis erat: Vitelli substantia valde palearis, albumenq; fusum erat. San-
guinea vasa ampla, & venæ, ut plurimū, latiores, limbū præcipue
amplo truncō pervadebant, excurrente sanguine unā cum subluteo hu-
more. In amnio pullus curvo corpore taliter jacebat: Caput præ cæte- TAB. 5.
ris turgebat; vesicula enim cristata *A*, quæ in geminas videbatur dividi Fig. 36.
partes, cinereâ parumq; concretâ replebatur substantiâ: Non longè in
occipite secunda locabatur cerebelli vesicula *B*, parum profunda, cui
subiecta erat portio spinalis medullæ *C*: In anteriori parte profundiùs
custodiebatur *D*, & apicem binæ pariter terminabant vesiculæ *E*: Ocu-
li cum nigro circulo *F*, & contentis humoribus, eminebant; inter hos
& cristatam vesiculam sanguineum vas *G* amplum excurrebat. Carina
subcinereâ molliq; carne tegebatur, ita tamen ut vertebrarum ossa *H*
parum elevarentur. Alæ *I* & crura *K* elongabantur. Non longè à ca-
pite ex hiante pectore Cor *L* erumpet, cuius forma erat hæc: Primò
itaq; sanguis ab auricula *M* propellebatur per canalem subalbūm *N* in
cordis dextrum *O*, à quo in sinistrum *P*, indeq; in continuatas arterias
Q: Cordis structura carne musculosâ evidenter excitabatur. Ab abdo-
mine umbilicalia vasa prodibant, & arteria *R* latior erat, rubicundoq;
turgebat sanguine; vena verò inferior & arctior subluteo scatebat hu-
more. Prope umbilicalia vasa vesicula *T* ficebatur icore plena. In-
tus partium rudimenta condebantur, quæ candida & mollia rudem
sacculorum exhibebant speciem. Contentus in chorio humor, veluti
lactis serum, igne nequaquam concrescet, sed excitata pellicula in bul-
las resolvebatur.

Quintâ transactâ die auctior erat cicatricula, & pullus in colliquamen-
to degens curvabatur & conveltebatur; ejus naturalis magnitudo erat *A*. Fig. 37.
Amplum erat caput, quod cristatâ vesiculâ *B* integrabatur; hæc fila- Fig. 38.
mentosâ repliebetur substantiâ; huic hærebat cerebellum *C*; anteriùs ge-
minæ eminebant vesiculæ *D*, & superiùs profundior locabatur vesicula
E; hinc inde oculi *F* adstabant: Reliquum corporis carne tegebatur, alis
G & cruribus *H* extra pendentibus. Patente thorace cor extra loca-
batur, quod ventriculo dextro *I* & sinistro *K* componebatur, superpositâ
pariter auriculâ *L*. Viscera magis patebant, præcipue Pulmones rubi-
ginosi coloris, diluti tamen. Umbilicalibus vasis vitellum penetrantibus
vitellinæ substancialæ hærebant. Fig. 39.
Sextâ

- Sextâ completâ die* albumen colliquatum erat ; umbilicalium area duas
- Fig. 40. vitelli tertias occupabat. Vasorum fines *A* in limbo frequenter reflectebantur, & inéquale rete mutuâ anastomosi efformabant. Pullus in amnio crystallino cubabat : Solita aderat vesicularum cerebri structura, &
- Fig. 41. ampio vase *C* cristata irrigabatur vesicula, eq; proxima *D* obscurabatur, nec patebat nisi denudato & divulso cerebro. Rostrum principium *E* emergebat. Patente adhuc thorace Cor apparebat, cuius sinister ventricle
- Fig. 42. culus *F* deorsum retractus, & dilatatus, consocio incumbebat ventriculo *G*, superextensâ auriculâ *H*. Interius jecur, renes, & pulmones magis patebant.

- Manifestiora singula reddebantur superatâ *septimâ die* : Cubabat etenim pullus in amnio *A*, quod à chorio hîc disrupto *B* ambiebatur ; nectebatur autem chorion vitelli membranæ prope limbum umbilicalium, quæ à pullo derivata, & in amnion, chorion & vitellum *C* producta, inclinatis finibus *D* limbum efformabant. Reliquum vitelli *E* appensam servabat glutinosam albuminis *F* partem. Pullus solitâ pollens figurâ, capite & oculis constabat insignibus, & cristatæ vesiculæ *G* exteriùs fibrosâ integrabantur substantiâ ; interior verò ipsarum cavitas icore turgebat : Anteriores pariter vesiculæ *H*, curvatæ, sursum retrahebantur, sub quibus rostrum *I* pendebat ; cerebellum cum principio spinalis medullæ jam solidefactum erat. Thorax acuminatus erat, in quo levi testum pelliculâ Cor pulsabat, in hanc redactum formam ; gemini enim ventriculi juxtâ locabantur, & sinister *K* amplior & rubicundior erat, dextra vero auricula *L* capacior. Ventriculus carnosus, cum intestinis candidus, ritè conformatus observabatur ; costulæ niveæ, & adhuc molles, jecurq; mucosum erat, oblongis glandulis constans.

Interea usq; ad *nonam diem* firmiora reddebantur viscera, & Cor solitâ gaudebat formâ : Jecur xerampelinum, glandulosis utriculis constans observabatur, qui distinctis areis, aliâ expositis, continebantur. Chorii icor, relictâ crustâ, igne in bullas resolvebatur, quod idem amnii humoris accidebat.

- TAB. 6. Post *nonam* verò *diem* pullus longitudinis *A* in amnio, quod exiguum adhuc erat, innatabat ; chorion autem auctius erat. Umbilicalia vasa, in vitello per superiorem partem producta, venosa erant, hæcq; lata ; arteriæ autem arctiores, vitelli tunicam profundè penetrabant. Umbilicus *B* latus continuatâ & elongatâ cute excitabatur ; ejus concavitas *C*, ab umbilicalibus vasculis & pendentibus intestinis occupabatur. Exterior corporis habitus tumoribus *D* pro futuris pennis exasperabatur. Cerebri cristatæ vesiculæ *E*, quæ in opticorum nervorum exortum desinunt, minores & profundiores redditæ, ad latera inclinabantur : Idem accidebat anterioribus vesiculis *F*. Cerebri quoq; basis jam penè solidefacti talis erat ; anteriores vesiculæ *G* patebant, nervorum pariter opticorum exortus
- Fig. 48. in vitello per superiorem partem producta, venosa erant, hæcq; lata ; arteriæ autem arctiores, vitelli tunicam profundè penetrabant. Umbilicus *B* latus continuatâ & elongatâ cute excitabatur ; ejus concavitas *C*, ab umbilicalibus vasculis & pendentibus intestinis occupabatur. Ext
- Fig. 49. exterior corporis habitus tumoribus *D* pro futuris pennis exasperabatur. Cerebri cristatæ vesiculæ *E*, quæ in opticorum nervorum exortum desinunt, minores & profundiores redditæ, ad latera inclinabantur : Idem accidebat anterioribus vesiculis *F*. Cerebri quoq; basis jam penè solidefacti talis erat ; anteriores vesiculæ *G* patebant, nervorum pariter opticorum exortus
- Fig. 50. talis erat ; anteriores vesiculæ *G* patebant, nervorum pariter opticorum exortus

exortus à cristatis vesiculis *H* in oculos incurrebat; infundibuli portio *I*, à contigua excitata vesicula, cerebri continuitatem fulciebat, & non longè spinalis medullæ principium *K* pendebat. Pedes lati *L* observabantur, & rostrum osseum producebatur.

Circa decimam diem chorii latitudo usq; ad crassum albumen extendebatur; fusa valde erat vitelli substantia. Pullus curvo corpore jacebat, insigniter protuberantibus oculis, qui nictitante membranâ *A* muniebantur. Rostrum apex *B* osseus extuberabat; cerebri vesiculæ anteriores *C*, & cristatæ *D* solidefactæ sensim obscurabantur. Corporis habitus tuberculis *E* tegebatur. Circa umbilici exitum obducebatur labium *F*. Jecur rubiginosi coloris cum glandulis, vasis hærentibus, excitabatur, turgente bilis folliculo.

Absolutâ duodecima die chorion *A*, sanguineis vasculis irrigatum, paucoscatebat succo, qui igne evanescebat in bullas; nec tebatur verò membranæ *B*, crassum albumen investienti, recipiebatq; sanguinea vasa *C*, venam scilicet & arteriam, ab umbilico. Succedebat pullus, amnio *D* circumdatus, quod ab umbilico *E* producebatur; ab eodem etiam derivabatur vitellus *F*, cuius laxa erat membrana, oleosam & glutinosam continens substantiam. Hæc vitelli membrana undequaq; libera erat, soloq; limbo *G*, veluti ciliari ligamento, crassiori albumini in situ *H* nec tebatur: Per hanc vena *I* & arteria *K* ramificabatur usq; ad limbum. Crassum albumen *L* diaphanum propriâ donabatur tunicâ, & venas & arterias umbilicales recipiebat. Umbilicus *E*, quasi intestinum, laxatâ & tubulosâ cute componebatur, & intestina *M*, foras erumpentia, aliaq; insuper sanguinea & varicosa vasa continebat. Exterius plumæ erumpabant *N*. Cor hanc speciem præ se ferebat; protuberante ventriculo sinistro *O*, superpositis auriculis geminis, dextra inquam *P*, & finistra *Q*. Jecur, debitâ constans formâ, vesiculam, viridi turgidam bile, appensam habebat, cuius portio in carnosum ventriculum deducebatur.

Decimâ quartâ elapsâ die, pullus flexâ carinâ in amnio *A* innatabat, quod gracillimus & penè inconspicuis vasculis irrigabatur: Ejus succus adauctus, veluti sanguinis serum, concrescetebat. Circumlocabatur vitelli moles *B*, cui hærebat crassius albumen *C*; hæc omnia chorii tunicâ *D* ambiebantur: Per hanc producebantur sanguinea Vasa, quorum amplum *E*, ab umbilico emergens, tortuosum & varicosum redditum, ramos *F* progignens, in reticulare opus desinebat: Proximè alterum excurrebat vasculum rubicundius, easdem ramifications sortitum. Alia pariter sanguinea vascula *G*, ab umbilico exorta, gracilia, inter exaratas productiones *F* propagabantur. Pulli habitus totus ferè plumis contegebatur. Ungues & rostrum solidam acquisierant C naturam.

naturam. Interius pulmones subalbi; ventriculus carnosus, auctus, lacte replebatur; intestina extra in umbilico pendebant; fellis vesicula, ad cæruleum tendens, jecori appendebatur.

Subsequentibus diebus singula firmabantur, & sensim chorii humor absumebatur, qui igne frequenter non concrescet; amnii verò humor tenuis & diaphanus in candidam interdum sapidamq; cogebatur substantiam. Umbilicus carneus, crassifactâ cute, extra pendula intestina cum sanguineis Vasis continebat. A vitelli tunica in tenue intestinum brevis meatus aperiebatur. Vas sanguineum, quod altè pene-

Fig. 55. trabat vitellum, relicta ejusdem tunicâ A, insigni ramo B pendulum, vitelli profunditatem occupabat, & reticularibus productionibus C eidem tunicæ A neccebatur; reliquis verò D, in fluida oleosaq; substantia vitelli mergebatur. Circa hujusmodi reticularares ramos C & D pinguedinis sacculi F hærebant, qui venæ ramulis irrigabantur. In chorii cavitate Allantoides tunica sensim manifestabatur; levissima etenim mucosaq; extendebar bicornis membrana, in modum sacculi, & subalbam candidamq; continebat urinam, quæ interdum filamentosa, reticulare opus efficiebat; hujus exortus postremis diebus præcipuè patebat. Ventriculus cum continuatis intestinis solo turgebat lacte. Jecur postremò, ex rubiginoso subluteum acquirebat colorem, & bilis cærulea erat. Cerebrum jam solidefactum in superiori parte nervorum op-

Fig. 56. tiorum radices A, graciliores redditas, anteriores ventriculos B, cerebellum C, & principium spinalis medullæ D exhibebat; in basi verò, ultra exarata, infundibuli regio assurgebatur.

TAB. 7. Transfactâ decimâ nonâ, chorii substantia A crassior reddita, quasi carnea, exiguum continebat humorem, ejusq; concavitatem Allantoides tunica B ferè ex toto occupabat, mucosâ referta urinâ C. Pullus calcitrabat, amnio D contentus. Umbilicus E amplius erat, & turgidus ex retracto interiora versùs vitello F, & ab ipso, amnii D tunica in situ G producebatur. Intra umbilicum, ultra sanguinea Vasa, intestina mesentericis irrigata condebantur.

Vigesimâ completâ die, Ovi cortex de facili friabilis erat; crassum iterum chorion, & ferè sanguineum, non tamen fibrosum, & succo undequaq; Fig. 58. vacuum, solaq; Allantoides tunica A continebatur, quæ urinæ stirias B reticulariter ita ductas & implicitas ut naturæ mysterium crederetis, includebat; & tandem versùs umbilicum C deducta, & ventrem sub- Fig. 59. ingressa, efformato Uracho D, in extremum intestini E hiabat. Vitelli corpus in ventrem retractum exteriorem abdominis formam F excitatbat. Jecur perpetuò lutei coloris erat, quasi vitello turgeret; ejus verò fel cæruleum, materia in carnosu ventriculo & tenuibus intestinis contenta lactea erat.

Postremò

Postremò pullus propè exitum pipiebat, & interdum iectu rostri friabilem urgebat corticem; ejus venter *A*, turgidus & ferè rotundus ex condito Fig. 60. vitello reddebat; scissura tamen *B* observabatur ex retracto umbilico, à quo Urachus *C* & umbilicalia Vasa *D* prodibant. In aperto pullo vitellus *E* hujus magnitudinis, intestinis *F* brevi ductu *G* continuabatur; hæc à carnosu orta ventriculo *H*, versus extremitatem cæcales appendices *I* promebant, & dilatatâ sui portione cloacam *K* efficiebant, à qua erumpet Urachus. Vitelli substantia viscida & oleosa erat. Jecur adhuc luteum præ se ferebat colorem. Fig. 61.


Hæc sunt quæ Vobis imperantibus in tam profundo naturæ mysterio anniverſariâ hac aggressione visus sum attigisse, quæ licet rudi meâ delineata manu, incomptoq; exarata stylo extent, pro integro tamen animi voto penes Vos erunt, & fortasse ulterioribus subsequentium annorum firmata observationibus, naturæ normam in ducendis primis pulli staminibus adumbrabunt.

Dabam Bononiae die Octob. 1672.


F I N C I S.

Epistola


I.




II.




III.




III.



V.




VI.




VII.









F 22.




F. 23




F. 24.




F. 25.









36.




37.




38.



39.




40.




41.



44.




45.




47.









LVII.




LVIII.



LXI.



LIX.



E P I S T O L Æ
 quædam circa has
De Anatome Plantarum
 Auctisq;
De Ovo Incubato

Observationibus Dissertationes &c.

ULTRÒ CITRÒQUE SCRIPΤÆ.

I.

Clarissimo viro
Domino H E N R I C O O L D E N B U R G
 Societ. Reg. Angl. Secr.

MARCELLUS MALPIGHIU^S salutem.

Plantarum * Anatomen, cuius in indagine me jamdudum * Hec est dia-
insudasse alias te monui, tandem in actuariolum informe con-
tribuilla, que in
hoc libro, Plan- gestam hic habes, Vir clarissime. Hanc (si tantorum viro-
rum congressu non indignam agnoscas) Regiae Societati meo
nomine exhibeas, rogo, ejusq; sincerum mihi aperire sensum ne
renuas. Si enim supervacaneos meos judicaveritis labores,
corpus ægritudinibus perpetuò fessum conquiescere sinam: At si non omnino in-
utiles judicaveritis, reliquum vitæ in his perficiendis insumam, prout mentis, cor-
poris & fortunæ tenuitas permittet. Aliam observationum seriem quamprimum
transmittam. Diu vivas, & mea studia fovere ne desinas.

Dabam Bononiæ Calend. Novemb. 1671.

D

II. Celeberrimo

II.

Celeberrimo viro
Dominus MARCELLO MALPIGHIO
Philosopho & Medico Bononiensi

H E N R. O L D E N B U R G Sal.

Scriptum illud tuum, Anatomes Plantarum Ideam complectens, quod Amplissimo Regis nostri apud Venetos mandatario hoc transmittendum commendaveras, ritè mihi traditum, tuoq; nomine Societati Regiae exhibitum fuit. Cum illa partem ejus sibi prælegendam curasset, indeq; Argumenti intellexisset dignitatem & momentum, mox secum reputavit, altioris indaginis rem esse, quam quæ publicâ ejusmodi festinaq; lectione posset pro merito expendi. Consultum proinde judicavit, more suo uti, & Exercitationem hanc tuam Sociorum suorum nonnullis, talium imprimis rerum studiosis gnarisq;, privatim per otium evolvendam excutiendamq; committere. Interim mihi in mandatis dedere, ut dum eruditus illi viri Commentationem hanc tuam enucleatum irent, sine mora tibi significarem, permagnâ se animorum lubentia munus hoc tuum Philosophicum esse amplectatos, daturosq; operam, ut magis magisq; prolixam suam in te benevolentiam, paremq; de egregiis studiis tuis estimationem persentias. Etenim abunde jam palam fecisti (quod pronâ mente agnoscimus) dignum te esse, qui prima inter ritè philosophantes subsellia occupes, quiq; reconditionibus Naturæ penetralibus rimandis etatem absumas. Ea profectò, quæ haec tenus è scientiæ tuae penu depropulsisti, talem suo jure inter doctos plausum meruere, ut animos inde sumere omnino possis, meditationes & studia tua, hancq; imprimis de Plantis diatribam, citra eam quam ipsa præ se fert hesitationem, provehendi.

Quamprimum Socii illi nostri, quibus id pensi datum Anatomen tuam evolvendi, suam de ea sententiam exposuerint, officio meo non deero, eam tibi sine fuco prescribendi.

Hoc interim celare te nolim, Vir Præstantissime, quandam è Societate Regia * Doct. Nebe-
miss. Grew. Virum Medicum nostratem, * idem illud Argumentum tractandum suscepisse, quin-
 imò eâ ipsâ horâ (quod fortè miraberis) quâ scriptum tuum à me proferebatur, li-
 bellum suum Anglicè jam editum laudatæ Societati exhibuisse; in quo Plantarum
 Anatomen tum ab ipso arcessit Semine, tum, singulis earum partibus earumq;
 Vegetandi ratione consideratis, cum Semine claudit.

Animus certè est, primâ occasione hunc tibi Tractatum nave Liburnam veli-
 ficaturâ transmittere, cuius Interpretem Anglicum in Urbe vestra te non difficulter
 nacturum confido. Persuasissimum sanè habeo, binas has Exercitationes, utut me-
 thodo elaboratas discrepanti, eum apud sagaciores Philosophos locum esse inventuras,
 ut uberem exinde Vegetationis argumento lucem illatam esse sint existimaturi, uberio-
 remq; adhuc illatum iri, si tu & concivis hic noster certatim porrò materiam hanc
 eâdem, quâ cepistis, curâ excolere pergatis, aliisq; viris solertibus ansam hoc ipso
 præbeatis, sua quoq; meditamenta & symbola in rem eandem conferendi. Vale, &
 me tibi addictissimum crede.

Londini d. 14. Decemb. 1671.

III. Clarissimo

III.

Clarissimo viro

Domino MARCELLO MALPIGHIO
Phil. & Med. Bononiensi.

HENRICUS OLDENBURG Felicitatem.

Significaveram Tibi, Vir Celeberrime, per literas 14 Decembris ad Te datas, Soc. Regiam Scriptum tuum de Anatome Plantarum nonnullis cœtūs sui Sociis perpendendum commisisse: Insimul pollicitus, me virorum illorum, quibus id pensi fuerat impositum, sententiam suo tempore candidè perscripturum. Hujus itaq; Epistola non aliud erit argumentum, quam ut datam Tibi fidem liberem. Scire igitur Te velim, Philosophos illos nostros, rerum in Exercitatione illa tua traditorum perquam callentes, ad unum omnes statuere, Te & subacto judicio & eximiâ curâ rem propositam tractasse, eamq; omnino mereri, quæ in lācūm publicam quam maturrimè emittatur. Dabis igitur operam, Vir Doctissime, ut nostram, & aliorum, quibus hæc res longè lateq; jam innotuit, expectationem, quamprimum fieri id posset, impleas, eoq; ipso manifestum facias, hanc Naturæ partem uno hoc seculo amplius multò solidiusque, quam cæteris omnibus prægressis, quantum quidem nobis constat, excultam fuisse.

Promissi memor sum, quo me nuper ad Libri de Plantarum etiam Anatome, à Medico Anglo perdoctè concinnati, transmissionem obstrinxi. In eo sum, ut de nave exquiram in oras vestras profecturâ; quam occasione & plura fortè perscribam, quæ ad rei Philosophicæ incrementum facientia in his oris geruntur. Vale, & me tuum ex affe crede.

Dabam Londini d. 18. Januar. 1672.

IV.

Clarissimo viro

Domino HENRICO OLDENBURG
Reg. Soc. Angl. Secret.

MARCELLUS MALPIGHII S. P.

Dotissimorum Virorum sensum, quibus placuit Exercitatiunculam de Plantis evolvere, tuis humanissimis literis percepi. Parem in tam egregiis viris agnosco cum sapientia humanitatem, qui licet Naturæ abdita impenetrabilia sciant, indagantium tamen vel minimos non aspernantur conatus. Peravidè exspecto præclarissimi vestri Medici promissum de Plantarum Anatome librum, in quo propositam materiam tam doctè & dilucide examinatam me reperturum spero, ut meos omnino supervacaneos fore labores putem. Interim, in languidi corporis & animi solamen Observationes prosequar, prout mentis meæ tenuitas permettit.

Alter jam excurrit mensis, ex quo tibi Observationum actuariolum circa Incubata Ova transmisisti, ut Consociorum placitum circa rem tam obscuram exploratum haberem; quod tuâ intercedente humanitate me consecuturum non ambigo. Tu, ut soles, me ama, diuq; vale. Dab. Bononiæ d. 15. Martii, 1672.

V. Clarissimo

V.

Clarissimo viro

*Domino HENRICO OLDENBURG
Soc. Reg. Secretario,*

MARCELLUS MALPIGHIUS Salutem.

Pullorum generationem in Incubatis Ovis iterum elapsâ æstate observatam, & in actuariolum redactam, ad Te transmittere placuit, ut studiorum meorum, qualiacunq; sint, normam habeas. Rude igitur hoc compendium inter otium percurras; idque, si non indignum Regiâ Societate censeas, meo nomine ipsi exhibere ne graveris. Scio, perpetuis & gravioribus curis Socios adeò detineri, ut in evolvendis Annuarum Observationum inconditis his studiis omnino tempus non vacet.

Jam accuratissimam Plantarum Anatomen præclarissimi viri Domini Greyii transmissiū accepi, & pro tanto munere debitas tibi gratias ago. Doctissimam opus, amici ope, in Latinum versum præ manibus habeo, & licet pleraque, ob minus exactam Interpretis peritiam, mentem meam fugiant, præcipua tamen Authoris inventa tenere me puto. Gaudeo interim, me cum Accuratissimo Viro in quamplurimis observationibus & placitis convenire; reliqua autem, in quibus intercedere aliquid diversitatis videtur, ulteriori institutâ indagine solertiùs examinabo, ne, quæ tanti viri aciem effugere, illusione quadam languide meæ imponant phantasie. Vidi in laudato opere varias Authorum circa Flores, Spinas, & Folia, indicari sententias. Libenter scirem, an hujusmodi jam typis edita fuerint. Valreas interim diu fælix. Dabam Bononiæ die 8. Octobr. 1672.

Responsum ad literas binas proximè prægressas annexum vide *Dissertationi Epistolæ de FORMATIONE PULLI in OVO*, à Malpighio nostro ad Reg. Societatem scriptæ, & Londini typis mandatae à Joh. Martyn A. 1673. Vid. ibid. p. 40. & seq.

VI.

Clarissimo viro

*Domino MARCELLO MALPIGHIO
Phil. & Med. Bononiensi.*

HENR. OLDENBURG. S.

Magnopere gaudet Regia Societas, dum intelligit, tua Te studia circa Plantarum Anatomen jugiter prosequi. Indefessum habebis, ni fallor admidum, laborum tuorum comitem Doctissimum Grevium, cuius alterum de isthoc argumento Tractatum prælo brevi exiturum speramus. Continet ille totius hujus Operis Anatomici Ideam, latè profectò patentem; subiectis quibusdam de Radicibus Plantarum Observationibus, quas Tibi non dissilituras existimem.

Accepimus, celeberrimum Mengolum Tractatum edidisse de Auditu, Sono, & Musica. Ægrè sanè ferimus Bibliopolarum incuriam, quâ solâ evenit, ut virorum doctorum studiis & laboribus nimis serò fruamur. Est hîc Anglus quidam, in Musicatum theoreticatum practica apprimè versatus, cui consilium est, integrum syntagma

syntagma musicum in lucem emittere. In votis proinde habet quā maximē, Mengoliani operis copiam sibi fieri, cuius voti quā possit ratione compos reddi, equidem non video.

Prælo mandata jam sunt Illustrissimi Boylii Exercitationes & Experimenta de Efluxiis, de Ponderabilitate Flammæ & sim; quæ suo tempore, commodam occasionem natus, ad Te transmittam. Jungam iis, que Doctissimus Willius de Medicamentorum in Humano corpore operationibus imprimenda jam curat, reliquis ipsius laboribus, ut audio, nequaquam cedentia.

Spero, Excellentissimum Finchium, qui non ita pridem hinc in Italiam discessit, Exemplaria ipsi concredita brevi ad Te curaturum; Equitemq; Higgenium, qui paucos intra dies Venetas contendet, alia nonnulla, Tibi haud ingrata futura, superadditurum.

Accepimus, nec Gallos Philosophos sibi deeſſe in scientiis augendis ornandisq; Hugenius nuper edidit Tractatum de Pendulorum motu, ad Horologia aptato. Mariottus Diatribam de Percussione & de Libella: Picardus, de mensura Terræ: Claudio Millet de Chales, Elementa Mathematicè tractata, Terram scilicet, Aquam, Aerem & Ignem. Alii alia parant, de quibus sine dubio proprius edoceberis. Vale, & me Tui studiosissimum amare perge.

Dabam Londini d. 7 Junii, 1673.

VII.

Celeberrimo viro

Domino MARCELLO MALPIGHIO

Phil. & Medico Bononiensi,

HENRICUS OLDENBURG sal.

Con pluribus abhinc retrò mensibus, triginta ad Te expedivi Dissertationis tuæ de Ovo Exemplaria, typis Londinensibus edita; Illustrissimiq; Boylii egregiam de Gemmis Diatribam adjunxi. Curam eorum suscepit Excellentissimus Regis nostri ad Portam Ottomannicam Legatus, Dominus Finchius, qui terrâ hinc in Italiam profectus solenniter mihi pollicebatur, operam se daturum, ut ad manus tuas Exemplaria illa ritè pervenirent. Ex eo tempore, Siculo cuidam, Paulo Bocconi, insignis Botanici famam adepto, librum, Anglice à Cl. Grevio nostro pronuper editum, Tibi perferendum tradidi. Tractat ille de Radicum imprimis structura, deq; Vegetandi ratione; præmissâ suâ circa Historiam Phytologicam Ideâ; quorum omnium nullam Tibi partem displicituram reor. Anthor ipse ad Te scripsit, si biq; responsum, quā primum commodè à Te parari id poterit, pollicetur.

Identidem ex me sciscitantur nostrates, quando tandem Commentarium tuum de Plantis, cuius prima schediasmata penes me asservo, in lucem emittere velis. Si auscultare libeat Amico, tui & honoris tui studioſissimo, suaderem utique, ne rem istam diutius premeres. Amplissimus noster Higgenius, ad Rempublicam Venetam Ablegatus dignissimus, qui hasce literulas ad Te curabit, operam

daturus est, ut quæ de Argumento illo ad ipsum perferenda dederis, tutò ad me expediantur. Vale, vir optime, & si placet, quantociùs rescribe.

Dabam Londini d. 16. Martii 1674.

VIII.

*Eruditissimo viro
Domino HENRICO OLDENBURGIO
Reg. Soc. Angl. Secret.*

MARCELLUS MALPIGHIIUS Salut.

Mensis jam elapsus est, ex quo Anatomiam Plantarum cum Iconismis capsulâ conclusam ad Ill^m D^m Ablegatum, Venetiis morantem, transmisi, ut Tibi tutâ & opportunâ occasione reddatur. Tuis epistolis adeò me sollicitatum vidi, ut imperfectum, necdum absolutum, Opus transmittere decreverim. Plura enim de Seminum Vegetatione, Gallis, Radicibus, & Spinis delineanda mihi supersunt. Hæc interim libens recipies, solitâq; humanitate studia hæc fovere non dignaberis, mihiq; Sociorum, aliorumq; Literatorum sensum liberè aperire, ut mens mea, aliorum monitis cautior reddit, in reliquorum indagine rectius incedat, vel quiescendo errandi occasionem evitet.

Doctissimi Grevii librum de Radicibus &c. libentissimè viderem; quare, si commoda tibi occasio se offert, exemplar ad me transmittas, quæso. Vale, & solitâ tuâ humanitate mihi favere ne desine.

Dabam Bononiæ, d. 17 Septem. 1674.

IX.

*Clarissimo viro
Domino HENRICO OLDENBURGIO
Soc. Reg. Secretario,*

MARCELLUS MALPIGHIIUS Salutem.

Librorum fascieulum, Domino Vernoni traditum, Nobilissimi Laurentii Magalotti operâ nuper recepi, & elegans Illustrissimi Boylii actuariolum summa cum lubentia perlegi. Ingeniosum pariter Cl. Willisi librum præ manibus habeo, in quo permulta digna invenio, & sensibus consona; præcipue verò Fibrarum Carnearum contextum circa Arterias, quem non semel in Aorta, præcipue Bovis, rimatus sum. Pro his igitur, & tuâ in me perennanti benevolentia, eximiñas reddo gratias. Plures epistolas (& fortasse libros) ad te datas intercidisse video, & præcipue Domini Mengoli librum de Anno, Ministro cuidam Exc^mi Legati vestri, elapso anno Londinum profecti, commissum. Plura etiam, Amplissimi Dodingtoni ope transmissa, ad tuas devenisse manus non audio, sicut nec postremas meas litteras, quibus exemplaria de Ovo me accepisse innuebam. Doctissimi Grevii Epistolam, ejusdemq; librum Domino Bocconio traditum adhuc desidero, & reliqua tanti Viri, quotiescunq; luce fruentur, pergrata mihi sunt futura.

Sextus

Sextus jam excurrit mensis, ex quo Exc^mus Ablegatus, Venetiis morans, Anatomiam Plantarum cum Iconibus recepit, ut tutâ occasione ad Te transmittenet: Hanc tamen Tibi redditam fuisse necdum accepi. Valeas, quaq; soles humanitate & amore me prosequi ne definas.

Dabam Bononiæ d. 5. Februarii, 1675.

X.

Clarissimo viro

Domino HENRICO OLDENBURGIO
Societ. Reg. Angl. Secr.

MARCELLUS MALPIGHIIUS salutem.

EN Tibi, Vir Clarissime, Plantarum Anatomæ pars potior, unâ cum promissis Hec epistola, ut patet, scripta fuit ante proximè prægressam, sed per mare una cum ipso scripto Botanico transmissa Iconibus, serius quam destinaveram transmissis, ita cogente adversâ meâ et aliorum valetudine. Invitus enim perpetuò ægrorum curationibus adsum, unde corporis & animi robur enervatur. Hanc igitur de Plantis Exercitationem, si scripto Botanico transmissa lubet, Regiæ Societati meo nomine humiliè offeres. Mibi sat fuerit in hoc fuit. solùm demeruisse, quod in re tam ardua tantorum Virorum mandatis obtemperare volui. Si fortè Exercitatio hæc, Sociorum judicio, luce fruatur, exceptarem, * Hec ea est, que in hoc libro Anatomie Plantarum idea vocata. ut transmissa olim Epistola, * cuius exemplar hic denuò insertum habes, typis unâ ederetur.

Scio plura irrepsisse errata, quæ tue mihi perpetuò faventis benevolentiae ope delenda venient. Reliqua circa Gallas, Vegetationem, & Radices, cum omnes icones necdum sint in promptu, in aliud differo tempus.

Doctissimi Domini Grevii liber nondum ad meas devenit manus, cum D. Bocconius adhuc in Belgio moretur. Libenter ipsius meditationes & observationes admirabor, mihiq; pergratæ erunt epistolæ, quas eum ad me dedisse afferis.

Exercitationis circa Pulli in Ovo generationem transmissa exemplaria triginta, favore Excellentissimi Equitis Finchii elapsis mensibus recipi, tibiq; interim quas debo gratias rependo. Famigeratissimi Domini Boylii librum novissimè acceptum necdum mihi licuit attente perlegere, ipsiusq; inventis perfrui; ingentem tamen Experimentorum Inventorumq; sylvam conficio. Vale.

Dabam Bononiæ d. 20. Augusti 1674.

XI.

Celeberrimo viro

Domino MARCELLO MALPIGHIO
Philosopho & Medico Bononiensi

HENRICUS OLDENBURG Felicitatem.

TEmperamentum lœtitiae meæ vix inveniebam, quando post exspectationem quinque-mestrem, anxiasq; ob infidi maris discrimina, mentis agitationes, preciosum tuum munus Philosophicum manibus meis incolume tradebatur. Eodem die (Januar. scil. 28. 1675.) quo mercator Londinensis datam de eo reddendo fidem liberabat, Ego Societati Regiæ, cætum publicum tunc celebranti, id ipsum exhibebam. Illi, lustratâ thesauri hujus præstantiâ, tot tamq; egregiis Iconijs condecoratâ, unanimes decrevere, tum ut summas ipsorum nomine gratias Tibi remitterem, tum ut Opus ipsum typis ac fieri posset elegantissimis mandatum, toti orbi Philosophico quantociùs exponerem: Adhæc, vota adiecere flagrantissima, ut reliquum, quem innuis, ingenii tui felicissimi de Vegetatione proventum illibata valetudine perficere tibi concedatur.

Voluisse sanè, Vir Clarissime, hanc, quæ injuncta mihi nunc est, Encomiaſtæ tui provinciam, alii fuisse demandatam, qui clariore calamo dignum tuis meritis Elogium dixisset, eaq; ratione luculentos accendendæ virtuti ignes subjecisset. At quia sic jussere, quibus refragari nefas ducebam, id solummodo dixerim; Exterorum, quod sciam, neminem magis genuinum se Regiæ Societatis Alumnum præstare, aut feliori ingenio majorive industriâ ad nominis sui immortalitatem contendere.

Cætera, hoc Tecum expendas velim, quod si tam præclara æstimantur, quæ haec tenus per partes edidisti, quid futurum sit, si quæ de hoc arguento elucubranda Tibi supersunt, pari eruditione & æxercitioq; adornare satagas, adeoq; ex omnium nexu & complexione consummatum opus in publicum emittas? Micabit id opus fulgentissimè, ac famæ nunquam intermorituræ decus certò certius Tibi conciliabit, totiq; penui Philosophico augmentum locupletissimum adjiciet. Vale, Vir Naturæ Consultissime, & Naturæ abdita penetrare gnaviter perge.

Dab. Londini 8 Id. Febr. MDCLXXV.

F I N I S.

ERRATA.

Pag. 4. *Anatomie Plantarum*, l. 26. leg. sensim pro seni, p. 10. l. ult. leg. igitur ut plurimum, p. 25. l. ult. leg. *Rosarum* p. 41. l. 9. leg. *geranio*, p. 47. l. 34. leg. *ultra*, p. 62. l. 26. leg. *filtratione*, p. 71. l. 29. leg. *appenduntur*, p. 72. l. 20. post v. *exorti* dele *comma*. Pag. 7. *De Ovo Incubato*, l. 37. leg. *replebatur*. Epist. II. l. 22. leg. *studia tua*. Ep. III. l. 13. leg. *lucem publicam*, Ep. V. l. 14. leg. *transmissam*.




R. White sculp.

Marcelli Malpighii ANATOME PLANTARUM.



MARCELLI MALPIGHII
Philosophi & Medici Bononiensis,
E
REGIA SOCIETATE,
ANATOMES
PLANTARUM
PARS ALTERA.

REGIÆ SOCIETATI,
Londini ad Scientiam Naturalem promovendam
institutæ, dicata.



LONDINI,
Impensis *Johannis Martyn*, Regiæ Societatis Typographi, ad insigne Cam-
panæ in Cœmeterio Divi Pauli, MDCLXXIX.

JAMES L. JORDAN

—*and his son, James L. Jordan*

M A G N Æ
SOCIETATI REGIÆ
A N G L I C A N Æ

MARCELLUS MALPIGHIVS S.P.

Naturæ rerum vis, atque majestas, ex Plinii monito, in omnibus momentis fide caret ; si quis modò partes ejus, ac non totam complectatur animo. Quapropter & Plantarum φύσις universa ulterioribus aggressionibus nobis fuit percurrenda. Hæ qualescumque sint, Vobis jure optimo debentur, summi Viri : qui me obviâ humaniate vestrâ, aliquo apud Vos, utcumque immerentem dignati loco, spectabili adeò, & valido Philosophantium immixtum corpori voluistis : ac prisca, deque meliore metallo sacula novis cumulata fulgoribus, tamquam postliminio revocâstis. Enimvero si eodem referente præclaro Naturæ Mystâ : antea inclusis Gentium Imperiis intra ipsas, ideoque & ingeniis quâdam sterilitate fortunæ necesse erat animi bona exercere : Regesque innumeri honore Artium colebantur, & in ostentatione has præferebant, opum immortalitatem sibi per illas propagari arbitrantes ; Vos laxato Imperio ; diffusis per terrarum orbem Gentibus ; profusis opibus potentes ; bonas Artes servitutis jampridem jugo damnatas, nitori pristino, vindiciis secundùm libertatem datis, restituitis : Dum Vos inter ; & Reges, & Dynastæ (quod olim magno illi Semoni in votis) philosophantes ; promovere eas, & excolare sibi laudi ducunt : Vosque ipsi extenorum quoque nonnullorum consociatis laboribus, veluti auxiliaribus copiis ; virtute potissimum vestrâ, scientiarum pomæria publico bono ; nec sine ingenti, ac ut ominor, in ævum perennatura vestri nominis fama, fæliciter indies proferre contenditis.

Vestro igitur judicio opellam hanc, reliquosque, id genus, si Deus dederit, ingenii nostri fætus, quod sentimus quâm sit exiguum, in obsequii gloriam, venerabundi sistimus. Recto hîc omnia (quamquam id fortasse improbum : verùm O utinam !) nec-

Epistola Dedicatoria.

ne, tali stent; quis porrò exactius, quis candidius pronunciaverit? Nobis satis interim fuerit levidense munusculum, subservi vis horis (nec enim aliter licebat) rudi Minervâ, ac soloce filo, non incuriosè tamen concinnatum, Vobis in perpetuæ observantiae tesseram obtulisse: inani baudquaquam, ni fallimur, spe; libenti illud à Vobis animo, nempe quorum id præsertim jussu pertextum fit; ac hilari, ut soletis, fronte exceptum iri. Sed nimium Vos moror: odiosam aiunt Circensibus pompam. Hoc ergo agite, Viri Præstantissimi, & conatibus nostris favete. Nos ad rem ipsam aggrediemur.

PRÆ-

PRÆFATIO.

Mirum est, Plantarum genus, quod civilis, nitidiorisque
vitæ velut instrumentum præ manibus perpetuò habe-
mus; & humani corporis structuram quotidianâ,
largâque alimonâ reparat, & componit; ad hæc
usque tempora menti nostræ latuisse, & postremò suæ compagis
cognitione nos erudire tentâsse: quasi ac fatale sit, quod olim in-
culcabatur antiquitùs, nihil omnino sapientiæ corpus nostrum con-
ferre; sed excitato ab eodem tumultu, & perturbatione, mentem
ità percelli; ut verum cernere nequeamus. Superioribus annis
vegetantium organa, quatenus tenuitati meæ permissum fuit, lu-
strare tentavi; horumque rudes aliquot icones exhibui: quod
verò supererat, ulteriori hac exercitatione addidi. Vegetan-
tium Seminum argumentum longâ observationum serie mibi per-
tractandum erat in animo; sed quoniam hoc temporis diurni-
tatem exigit, ut emergentia phænomena sæpius repetita pateant,
mibique intra urbanam domum non successit diversas vegetantes
alere plantas, eò quia loci angustia ventilatum aerem non admit-
tit, ibique potius contabescunt plantæ, quam lœtæ luxurient;
foris autem diu commorari non licuit, tum ob domesticas curas,
tum ob molestam medicinæ praxim; quæ tamen potui, tentavi &
aliorum exercitationibus addita, aliquid fortasse lucis tam ob-
scuro argumento præ se ferent. Gallarum materiam ad tedium
usque protractam dubito: in hac tamen placuit recolligere sege-
tem; ut plura simul congesta probabilem indicent Naturæ metho-
dum. Minimarum plantarum longam disquisitionem exoptabam;
& imperfectorum vegetantium præcipue marinorum mibi necessa-
ria, & perutilis indago erat; ut unus Naturæ operandi modus,
simplexque, & patentior plantarum structura, & compages elu-
cesceret: quoniam tamen à mari distamus, nec nobis otium est,
ut singula rimemur; ideo aliorum industriam enixè exopto. In
reliquis observationum seriem exhibui iconibus sociatam, ut
quilibet pro arbitrio cuicunque systemati innexus philosophari valeat.
Icones pariter meâ manu expressi, licet microscopii ope ad-
ductum repræsentent objectum: non tamen omnes ejusdem partes
signatim exprimunt, quales revera extant cum in immensum
ferè

PRÆFATIO.

ferè excresceret cujuscunque rei minimæ delineatio; sed servat à aliquali & analogâ Naturæ methodo, eas tantùm delineavi partes, quæ Lectorem erudire valent. Sicut Cosmographi locos insignes solum designant, neglectis, vel saltem silentio præteritis, singulis domunculis, & arboribus: ità pariter ex tot à Natura expositis, aliquot tantùm ex his, quibus affluenter compaginantur plantæ, adumbrare potui; ut indè facilioris intelligentiæ gratiâ quilibet vasorum species, & ipsorum mutuus nexus pateant. Eamdem etiam ob causam figuræ antiores reddidi: situm quoque, divulsis partibus, interdum mutavi; non neglectâ tamen naturali integritate, quam licentiam quicunque etiam severiores Aristarchi, ut spero, benignè concedent.

DE

D E

SEMINUM VEGETATIONE.

Viventium interitum adeò celerem, frequentémque Natura instituit, & hunc quasi ex animo præ reliquis sollicita perpetuò exoptat; ut largo indè sobolis fœnore jacturam reparet: hinc pleraque herbarum genera pro sola fœtura vivere videntur. Plantarum igitur fœtus, seu semina, quorum generationem in utero aliàs contemplati sumus, cùm varios vitæ gradus sortiantur, alienámque altricem, & foventem exigant opem, ut sui juris facta, completis vitæ muneribus perfruantur; longum (ut animalibus quibusdam accidit) sub ovi specie otium sortiuntur: donec terreni uteri fotu, vel incubatu ipsorum partes magis explicitæ manifestentur, & adolescent: unde diaria nobis veluti gallinacei ovi incubatio, vel fœtūs in utero continuata lustratio exponenda occurrit. Ex pluribus itaque seminibus quædam selegi, ut indè reliqua analogicè pateant. Ab ovis igitur *Cucurbitæ* exordium capiemus: hæc enim (i.) fœtum, seu plantulam elegantem continet, quæ incubata citò vegetat. Et quoniam hujus varia phænomena exponenda assumimus; ideo ejus structura ante incubatum manifestanda venit. Geminis foliis *A* constat latis, & candidis, seminis pulpam excitantibus: pendent hæc à minimo caule *B*, eique connectuntur fibrosis fasciculis, & tracheis, quorum progressum canaliculi quidam *C* in foliis indicant, inter quæ à caule *B* gemma minima *D*, complicatis foliolis contexta, fovetur. Illud mirabile est, quod in secto per longum caule, & continuatâ radice, fibrarum lignearum fasciculi *E* occurrunt, rotundos globulos *F*, futuras scilicet radices, hinc indè promentes; patent autem hujusmodi radicum inchoamenta, si Soli objiciantur; diaphana enim sunt, & successivis incrementis manifestantur.

Hoc itaque ovum seu semen, postquam per diem integrum terræ commissum est, tumidum conspicitur, & exterior ejusdem secundina humorem compressa reddit: foramen in apice excitatum patet. Ablato crassiori cortice, altera occurrit secundina, parùm virescens, ità madida, ut facilè separari possit. Gemina folia *G* parùm gibba protuberant. Custodita gemma *H* patentior fit, suis convoluta foliolis. Alterâ transactâ die, exterior secundina mollior apparet, eique subjectum involucrum, quasi lacerum, & corruptum occurrit. Plantula parùm elongata, tumida, & superiùs globosa redditur: hæc secta per medium, lignearum fistularum, & trachearum productiones *I* exhibit, à quibus radicum inchoamenta evidentiùs emergunt. Exteriùs corticis utriculi ambiunt, intus verò medulla luxuriat. Subsequenti die, exterior secundina subfuscâ redditur, propriis turgentibus utriculis. Inclusæ plantulæ folia tument, & fistularum fasciculi extrâ eminent. Plantulæ conica radix, excitatâ in secundinis scissurâ, prope foramen foras eminet. Folia plantulæ sensim augentur, & manifesta redduntur: ipsorum quoque vaforum propagines quinque *K* elatiōres occurrunt. Continuatus caulis *L* solito turgidior redditur; quo sexto medulla, & lignea portio *M* cum erumpentibus radiculis patent.

Transactâ quartâ die, intra secundinas turgida continetur plantula, solâque radix extrâ erumpit. Ablatis secundinis, quarum interior gracilis, & absque succo est; folia *N* subalba, & flexibilia aliqualemque fortita mollitiem, occurrunt; in his costulæ elatiōres producuntur, & caulis *O* cum continuata radice elongatur, & lanuginem emittit. In principio radicis corticalis quædam appendix *P* extuberat candida, & mollis: in productâ radice erumpentium radicularum tumores *Q* manifestantur. Sectus caulis corticalem appendicem *P*, & intra lignæ fistulas medullam *R* offert.

Circa sextam diem, plantulæ folia *S*, majori excitato hiatu in secundinis, crassa emergunt, parùmque mollia ad invicem diducta. Caulis *T* oblongior, & appendix, supra radiculos *V* pilis conspersa, eminet. Totus insuper radicis processus, crispa, & candidâ lanugine ornatur. Folia *S* subvitellina reddita, intusque cancava, gemmam fovent, pilosque minimos croceos promunt, & in ipsis excitati, per longum interiùs surculi costularum productiones designant. Gemmâ adhuc ambiente, hōcque laciniato foliolo convolvitur.

Circa nonam diem, plantula geminis hiantibus foliis *X* sursum attollitur. Hæc in apice sublutea sunt: in reliquo viridia. Exteriùs ipsorum costulæ eminent, invicem anastomizatæ. Utriculi, quibus folia componuntur, humore turgent subviridi, parùmque flavescente. Ipsorum ordines horizontaliter situati videntur. Caulis *Y* longitudinem indicis adeptus, ex albo virescit in sui extremitate: ultra appendicem promit radicem, à qua minores radiculæ erumpunt, pilis conspersæ. Hic sectus per transversum ovalem exhibet formam, & exteriùs acuminatos promit pilos. Variis fistularum lignearum fasciculis *Z* cum conditis tracheis componitur, qui in gyrum locati, disparati tamen, medullæ locum præstant: inferiùs autem in cylindrum congesti, radicis truncum efformant. A ligneis fistulis, corticis, & medullæ utricularum ordines pendent, & à trunci apice gemma assurgit. Procerior indies redditur plantula; elongatùsque caulis, interiùs fistulosus efficitur. Folia latiora, & viridia eâ præcipuè in parte, quâ hiantia cœlum aspiciunt, curvantur, & plicabilia fiunt. Gemma auctior attollitur; nondum tamen explicita.

Circa vigesimam primam diem, completa videtur, firmatâque planta; seminale enim folium *a* hanc, & majorem acquirit magnitudinem; viridi, saturatòque pollet colore. Septem continent fibrarum fasciculos *b*, quæ interdum ultra medietatem, in rete *c* desinunt, à quibus pendentes utricularum ordines folii latitudinem complent. Patent autem detractâ cuticulâ: elegans namque utricularum rete *d* occurrit, quod non tantùm implicazione producit, secundùm folii longitudinem; sed etiam penè crassitiem; ità ut seculo horizontaliter folio, ejusdem retis productio etiam pateat. Pilis copiosis pars interior horrida redditur. Foliorum hujusmodi seminalium mirabile est augmentum, si naturali magnitudini *e* comparetur. Pediculo brevi, & concavo *f* firmantur hæc folia: à summitate etenim caulis, facto nodo, ipsorum exortus *g* eminet, quorum alterum hîc detruncatum *h* indicatur. A foliorum axilla reliquum caulis *i*, sub gemmæ specie diu latitans, assurgit; crispum namque, & parùm explicitum, stabile folium *k*, laciniatum, pilis inferiùs & superiùs coopertum promit: reliquum verò sub gemma *l* adhuc custoditur. A nodo deorsum exorrigitur caulis *m* in spinis horridus; hic horizontaliter sectus, quasi ovalem præ se fert formam *n*, intus cavus est, sex fasciculis ligneis *o* in gyrum locatis componitur, & intermedia

dia spatia utricularum ordinibus *p* replentur. Hæc omnia, secto per longum caule, patent; fasciculi etenim fistularum *q* manifestantur: appendix quoque corticalis *r* & radix *s* gracilior trunko occurunt. Exarati fistularum fasciculi in apice caulis, ubi seminalia folia pendent, implicantur, ut in reliquis nodis accidit; ipsorumque portiones in gemmam, reliqui in folia, absuntur; horum tamen, ut potui, dimidiatum progressum indicavi. Tres igitur fasciculi *t* caulem excurrentes, subdivisis fistulis, quibus componuntur, novam productionem germinant, à quibus fasciculi septem *u* costulas folii excitantes exoriuntur. Ab hoc eodem nodo interius aliae germinationes fibrarum in gemmam derivantur. Taliter adaucta Cucurbitæ planta tractu temporis suam fortita magnitudinem, seminalis productionem complet, & interim temporanea, seu seminalia folia gracilescendo contabescunt. Consimili progressu vegetant Rapharum, Raphani, Lactucæ & similiū semina, quorum incubata caro in ingentem foliorum magnitudinem extuberat.

Pbaseolorum ova (2.) seu seminales plantulæ, parùm difformi mutationum serie commissa terræ vegetant. Post diem integrum incubatûs, ovum, seu semen turget; nullæque rugæ in secundina supersunt: fenestra hians turgidos offert inclusos utriculos. Mollis est secundina, & macula fenestram ambiens, olim nigra, violacea redditur. Hac avulsâ seminalis contenta plantula manifestatur, quæ subdulci pollet sapore. Geminis foliis *A* seminalibus, & caule *B* conglobatur. Interius gemma binis expansis foliolis *C* sulphurei coloris custoditur, quæ ab extremo caulis, supra foliorum seminalium implantationem vegetat. Inferius caulis *D* cum continuata radice elongatur, qui per longum sectus, ligneorum fasciculorum progressum *E* exhibet, intus vero medullares utriculi conduntur.

Triduo elapso, radicis apex *F*, factâ infra fenestram laceratione, erumpit. Radix alba in extremitate interdum virescit. Secundina mollis est, & gracilis; unde de facili laceratur, nullumque excitat saporem. Seminalia folia subalba interius concava *G*, rorido madent ichore, & secta glutinosi humoris guttas effundunt. Trunko *H* continuantur, qui tortuosè ductus, deorsum fertur, intusque fasciculis ligneis, & utricularum ordinibus *I* constat. Transactâ quartâ die, secundinæ subrubris maculis inficiuntur, subjecti facciuli adhuc turgent, & plantulæ caulis *K* crassior,

crassior, & oblongior redditus, ex albo virescit. Appensa seminalia folia *L* mollia gemmam sensim hiantem *M*, adhuc fovent. Truncus cum continuata radice, de more, utriculorum seriebus, & fistularum, trachearumque fasciculis *N* turget. Circa septimam, procerior reddita planta, tortuosam emitit radicem *O*, à qua radicularum inchoamenta, & pili erumpunt. Caulis in superiori parte subluteus est, & sensim subalbus redditur. Gemina appensa seminalia folia, non parùm adaucta, luteique coloris, erumpenti gemmæ locum præbent. Secta plantula plurimum humoris reddit; impensè enim turgent corticis, & medullæ *P* utriculorum ordines. Caulis extremitas in gemina folia stabilia *Q* laxatur, quæ elatis costulis, & utriculis tu-
ment. Nonâ completâ die sursum erumpit caulis, deorsumque revulsæ secundinæ, tabefactæ subsident; ità ut nuda appa-
reant seminalia folia *R*, quæ mollia virescunt, & ab horum hiatu emergunt gemmæ folia *S*, quæ olim crispa; sensim expli-
cantur, & viridi colore inficiuntur. Radix tortuosa novas siboles, & pilos *T* emittit. In secto caule copiosi utriculorum ordines *V* turgent.

Post paucos dies, plantulæ caulis turgidus sursum attollitur, & seminalia folia *X* adhuc hærent, parum crassa, & subviridia. Folia ascendentis caulis viore suffusa, sensim extenduntur. Radix *Y* copiosas radiculos, & pilos germinat, sectusque caulis plenus est, & utriculorum ordinibus refertus, productis exteriùs fistularum fasciculis *Z*, qui in radices diramantur.

Circa vigesimam diem, completâ plantulâ folia *a* patula habet, viridi saturata colore, à quorum axilla reliquum caulis *b* sub gemmæ specie attollitur. Seminalia folia *c* tabefacta, & rugosa adhuc hærent, nullumque ferè continent succum. Caulis viridis est, & solidus, & per longum sectus fistulosam concavitatem *d* exhibet: medullæ enim utriculi tabescere incipiunt, & ità fistula excavatur. Post aliquot hebdomadas, adauctæ plantæ caulis solidior redditur, coloris viridis, cum rubicundis maculis. Pili quoque candidi exteriùs ambiunt. Supra cicatricem *e*, unde inserta olim pendebant seminalia jam collapsa; nodus *f* extat, à quo gemina folia stabilia *g* erumpunt: reliquum quoque caulis *b* cum binis emergentibus gemmis *i* attollitur. Sectus caulis figuram exhibit *k*, versus supe-
riora fistulosus est *l*. Radicis truncus multiplices furculos promit, à quibus tumores in inæquales magnitudines erumpunt,

qui utriculis congesti, quasi glandulas æmulantur, de quibus suo loco.

Fabæ (quibusdam *Berbetianæ*) curiosa pariter est incubatio: hoc (3.) itaque semen, seu ovum, per diem integrum foente terrâ custoditum, tumidum redditur. Submollis secundina tactui cedit, & adhuc integra, parumque crispa manet. Conclusa insuper durat fenestella, & vagina, quâ conditur plantulæ radix, utriculis est turgida, qui subamaro & adstringente scatent succo. Ablatis secundinis, plantula occurrit, cuius gemina folia *A* sublutea, & humefacta facile flectuntur, ipsorumque utriculi turgent, & conclusæ tracheæ manifestantur. Plantulæ radix conica *B* candida est; condita verò gemma, & caulis subluteus minimis complicatur foliolis. In secta per longum plantula, intra cylindrum fistularum fasciculis excitatum, mollis conditur substantia, medullæ loco. Completo biduo, totum semen turget. Secundina minimis, rotundisque tumoribus tentatur, & ejus fenestra nondum hiat: subjecti utricularum ordines gracilescere videntur, & vaginæ humor leni suffunditur rubore, ejusque sapor subadstringens, & dulcis est. Denudatae plantulæ gemina seminalia folia turgida, albâque occurunt, plicabilia, intusque madida: hæc lacerata, glutinosum, & quasi resinosum reddunt humorem, qui in longum duci potest. Seminalibus foliis caulis pediculis *C* continuatur, adhuc propriâ vaginâ conditus, gemmâque conclusa manet. Secti caulis fibrarum, trachearumque fasciculi *D* per longum producti patent, & conclusi utriculi humorem fundunt, terebinthinæ analogum; hos ambiant utriculi corticem constituentes. Radicis extremus conus *E* diaphanus est; non enim fistularum fasciculi, & utricularum ordines usque ad extremum deduci videntur; sed quasi vaginula additur, lento turgida humore, qui veluti seminalis ichor à medulla effluens, extremum radicis complet.

Triduo completo, secundina æruginosi coloris, si comprimitur, reddit aquam; ipsius conditi utriculi exinanito ferè humore, vacuas interdum exhibent pelliculas, quæ sapore penè nullo pollent. Plantulæ radix *F* disruptis secundinis, propriâque vaginâ, non longè à fenestella foras eminent crassior, & procerior reddita. Seminalia folia *G* sublutea interdum, & quandoque alba, lividis maculis, ex secundinarum stigmatibus, inficiuntur, propriisque utriculis & vasculis lentum continent,

tinent, & subdulcem humorem. Plantula patentiora habet stabilia folia *H*, & per longum secta, à fistulis circa medullam *I* glutinosum humorem, aerisque bullas fundit, & exaratus in apice diaphanus humor, pelliculâ conclusus adhuc perseverat.

Circa quintam diem secundinæ molles sunt, & friabiles, quare de facili lacerantur, earumque color fuscus est, quibus avulsi plantula emergit, cuius radix *K* oblongior jam in apice lutea, sensim virescit; reliquum verò album est. Pediculi *L* foliorum subalbi, curvatique elongantur, & diducuntur; ita ut pedetentim caulis, & gemma exerantur. Seminalia folia subalba reddita; lœvia, & lucida sunt, & interius rore madida consistentiam habent, lacerataque glutinosum reddunt humorem, qui eundem possidet saporem, qualem in viridi semine experimur. Caulis *M* sensim augetur, ejusque gemma sublutea, & auctior, in folia laxari incipit. Sectâ per longum radice, fibrarum fasciculi per rectum ducti in foliorum pediculos *L* exporriguntur. Extremus ejusdem apex *N* (prout obscurè attingitur) taliter componitur. Cylindricum corpus *O* fistulis, & tracheis coagmentatum, corticis utriculis *P* lateraliter circumcatum, non extremum radicis attingit; sed conicâ quasi vaginulâ, & appendice *Q* glutinoso refertâ humore terminatur, & ambitur.

Completâ septimâ die, secundinæ plantulam adhuc ambiunt, & erumpentem radicem, caulemque admittunt. Utriculorum vestigium vix superest, præterquam in vagina. Plantulæ radix *R* longitudinem indicis adepta, tortuosè ducitur: exterius utricularum ordinibus perpendiculariter locatis contingit, qui inæqualiter in fine terminantur, eorumque color subviridis est: pili sensim erumpunt. Caulis *S* erigitur, & folium *T* subluteum, gemmam olim custodiens, extenditur. Seminalia folia sublutea cauli continuantur pediculis, qui fibrosis fasciculis coagmentantur, & utricularum ordinibus, unde videtur eadem foliorum continuata crassa substantia: Patent autem fistulæ, & tracheæ à caule in folia productæ, laceratione media. A caule in pedicularum axilla, & quandoque ab iisdem elongatis pediculis, geminæ erumpunt gemmæ *V* sulphurei coloris; minimis, & gracilibus coagmentatae foliolis.

Post septimam diem caulis supra terram apparet, & folia *X* viridia sensim latiora hiant. Secundinæ semiputridæ seminalibus

bus foliis hærent: hæc *Y* frequenter viridia, & in extremitatis bus sublutea, & alba sunt, crassa, & turgida: ipsorum utriculorum ordines versus pediculum diriguntur: secta per transversum fistularum, & trachearum fasciculos *Z* exhibent, quorum ramificatio patet, ablatâ sensim cultri ope, vel extremis unguibus utriculorum portione; à caule enim *a* fistularum fasciculus per medium pediculi exporrigitur, qui laxatus propagines *b* multiplices promit per totam folii latitudinem, à quibus pendentes utriculorum ordines & tota folii crassities conflantur. Inferius perpendiculariter radix exporrigitur oblonga, hinc inde radiculas *c* germinans, & lanuginem. In hac, per longum sectâ, interius observatur cylindricum fibrarum, & trachearum corpus *d*, medullam ambiens, à quo radicularum quoque erumpentes productiones *e* patent: nam circa ligneas fibras, & tracheas corticis portio, minimis excitata utriculis, elongatur; unde ex his conflata radicula, exteriorem corticem grandioribus utriculis turgidum, postremò urget, & factâ sibi viâ foras erumpit; & huic postremò idem exterior cortex accrescit, & pili enascuntur.

Exactâ decimâ quartâ die, plantulæ folia *f* expanduntur in geminas partes, inter quas styliformis appendicula *g* mediat: inferius foliolum *h* gemmam olim custodiens, parùm rubescens, eminet. Caulis sursum attollitur, cuius partes sub gemmæ specie *i* conduntur; in extremitate caulis, sub terra adhuc crassa, manutentur seminalia folia *k*, succo subamaro, & adstringente turgida: vasa quoque lacerata glutinosum fundunt humorem. Radix procerior reddita, ultra radiculas, novos indies emitit tumores *l*, qui in minimas prodeunt radices. Caulis interea procerior redditur; & ipsius utriculi, qui exteriùs in cortice turgent, rubore suffunduntur. Diversa erumpunt folia, alternatim emanantia; interius tabescentibus medullæ utriculis, concavitas excitatur. Seminalia folia pedetentim absunto ipsorum humore, corrugantur, & gracilescunt: eorum quoque pediculi contorquentur in spiram. Radix solidior, & interius lignosa redditur. Completo mense, perfecta jam planta, rotundâ gaudet radice, à qua copiosæ radiculæ erumpunt, & tuberculi *m*, qui hiante cortice, ab interioribus prodeunt utriculis congesti. Seminalia quoque folia *n* lutea, crispa, & arida suis pediculis trunco radicis hærent. Caulis *o* quadratus sursum effertur: obtusos namque angulos *p* possidet, in quibus sub

sub cortice lignei fasciculi *q*, cum tracheis, locantur; interius verò loco medullæ concavitas excitatur.

Incubata *Piforum* (4.) semina pari vegetatione gaudent: post diem enim integrum, ipsorum fœtus insigni mole ex crescit, & exterior secundina alba mollis, & lœvis redditur: fenestra tamen adhuc conclusa manet, eique proximum foramen tantum patet. Detractis secundinis, plantula occurrit, cuius folia *A* lœvia exteriùs sunt, & sublutea. Plantulæ radix conica *B* alba est, suisque pediculis, appensis foliis *A* continuatur, quibus diductis caulis *C* cum gemma manifestatur. Plantula per longum scissa, corticem *D* utriculis excitatum exhibet; interius verò lignea portio *E* diaphana, & humore turgida conditur.

Secundâ completâ die, laceratis secundinis, & tumefactis seminalibus foliis *F*, plantula foras erumpit; & diductis non parum eorundem foliæ pediculis *G*, caulis, & gemma latent. Radix *H* candida procerior redditur, & seminalia folia, interius concava, extremo limbo *I* parum attolluntur; cuius ope sibi invicem uniuntur. Transacto triduo, auctior radix *K* disruptis secundinis exeritur: hæc candida est præter apicem, parum luteum, & virescentem, pilosque copiosè emittit. Seminalia folia non nihil hiant, & sensim conditus caulis *L* cum propria gemma minifestatur: hujus folia patentiora redduntur, & radicis truncus *K* crasso cortice, contentaque intus lignea portione turget.

Circa quintam diem caulis *M* candidus assurgit, & recurva gemma *N* subviridis, elongatis internodiis explicari incipit. Radix procerior radiculos *O* promit. Seminalia folia turgida manutentur, & solida, & à laceratis secundinis adhuc ambiuntur.

Septimâ completâ die, caulis adauctis, & distinctis internodiis *P* procerior est: unde ejus apex latis, & viridibus foliis *Q*, nondum tamen explicitis, condecoratur; reliqui verò nodi minimis foliolis indicantur. Exaratus caulis crasso constat cortice, quo ligneus cylindrus subluteus custoditur, seminalibus foliis continuatur, & in axilla pediculi, minimam emittit gemmam *R*. Seminalium foliorum substantia adhuc solida est; & compressa humorem reddit, qui subamarus est. Radix elongatur, & copiosas, appensas habet radiculos *S*, quæ à ligneo fasciculo fistulas, & tracheas recipiunt.

Post nonam diem, completâ plantâ caulis erigitur, & folia *T* expanduntur, quæ gemina sunt. Folia seminalia adhuc vigent;

minora tamen redditā. Caulis totus intūs plenus est; & continuata radix capillamentis, & pilis ditatur. Itā vegetat expōsita planta, & novas propagines emittit, & in altum attollitur. Transacto mense, seminalia folia *V* crispa, & gracilia redduntur; exhausto ipsorum succo: caulis continuatus totus plenus est. Exteriūs copiosis utriculis *X* componitur: in centro verò lignum *Y* conditum, quod multiplicibus tracheis, versūs centrum statutis ordinibus (ut reliquis lignis accidit) affabré componitur; lignea zona *Z* viridis humorem copiosum reddens circumlocatur; in qua peculiaria extant vasā.

Tritici seminis (5.) quod præ reliquis citissimè vegetat, incubatus occurrit. Hoc postquam satum est; unicā die turget, & circa plantulam secundina exiguis hiatibus solvitur. Plantulæ corpus *A* conglobato folio, quod seminis caro dicitur, continuum tumet, non tantū gemma, hoc est futuro caule *B*, quæ sensim aperit, & virescit; sed laterales quoque radices *C* nonnihil protuberant; & humilior pariter radix *D* conica, viridisque eminet; unde ambiens involucrum, seu placentula *E* hiatu laxatur. Totum exaratum plantulæ corpus, umbilicali nodo *F*, conglobato farinaceo folio, continuatur, & nectitur; à quo vegetationis materia ministratur. Circa biduum disrupta secundinâ *G*, caulis, seu futuri culmi apex *H* foras eminet, parūmque extremitate à continuato folio distat; & sensim sursum erigitur. Placentula *I* radices custodiens, utricleculis turgida, candidam lanuginem emittit; hac avulsâ, denuodata plantulæ radix occurrit, in qua elongata radicula *K* patet, & geminæ radices *L* adhuc minimæ apparent. Plantulæ caulis extremus *H* curvatur; & intus gemma, futuraque folia & culmus conduntur. Inter radices truncum, & ascendentem caulem, appendice, seu nodo nectitur *M* subjecto folio, aut seminis carni; quod totum madet, & candorem servat, nec adhuc extraneum redolet saporem.

Ante triduum, folii conglobati caro admissa, & fermentato succo turget. Continuata plantula auctior est: hujus gemma, seu caulis *N* procerior factus, subalbus virore inficitur; laterales radices *O* ex hianti involucro *P*, quod arctè nectitur plantulæ, foras prorumpunt subvirides, & acuminatæ. Inferior radix *Q* longior redditur, pilis conspersa. Eodem pariter tempore, in vegetioribus seminibus, & ovis radix *R* auctior est: extremo

extremo apice virescens, & laterales radices à custodiente vagina *S* exeruntur: hæc candidis, & crassioribus excitata utriculis, veluti cortex, cum exteriori ambientéque substantia, continuatur. Pili copiosi pendent à toto radicum tractu, præter apicem: & qui circa basim luxuriant, proceriores sunt, sensimque minores fiunt. Hujusmodi pili, ut inferiùs habebitur, rectâ utricularum serie conflantur: hi circa salinas particulas, & terrena frustula contorquentur; & ipsa, hederæ instar, ambiunt, unde crispi redduntur. Placentula *T* sensim tabescit, & supra laterales radices *S* minimæ, geminæque radices *V* erumpunt. Caulis *X* subrotundus, auctior factus, perpendiculariter sursum erigitur.

Elabente triduo, caulis *Y* sursum directus, cum jacente horizontaliter semineo folio *Z*, angulum quasi rectum efformat: gracilior est, & oblongior; & exterius ejusdem involucrum candidum, & diaphanum; gracilem, & virescentem gemmam custodit. Postremæ radices *a* magis eminent; reliquæ verò tres auctiores, lanugine circumambiuntur, quæ terræ frustula arctè amplexatur: hæc, ubi præcipuè vacuum occurrit, adeò luxuriat, ut pili ex mutua anastomosi rete efficiant. Conglobatum folium, seu seminis caro *Z* mollius est, & quasi lacteum; unde compressum ptisanam candidam, & subdulcem reddit. In avulsa plantula exaratæ radices, & caulis patent: intermedius quoque umbilicalis nodus *b* occurrit, cuius exterior, & ambiens portio, quasi cortex solidior est; interior verò, veluti medulla mollior existit. Completâ quartâ die, culmus superiora versùs directus, laxato exteriori, seu vaginali folio *c*, stabile folium *d* viride, & convolutum in lucem exerit. Inferiùs jam descriptæ radices emanant, in longius productæ; & novus, quandoque geminus, futuræ radicis tumor *e* appareat. Appensum quoque seminale folium *f* extenuari incipit, cuius superstes succus lacteus est, nondum corruptus. Sexto caule; tenelli culmi *g* exortus à nodo patet, à quo radices pariter principium capiunt; exterius quoque vaginale involucrum *c* observatur, quo culmus, ejusque folia, & radicum exortus ambiuntur.

Circa sextam diem, plantula, laxato stabili folio *b*, attollitur, hærente adhuc corticali involucro *i* crasso. Seminale folium *k* exterius sinuosum est, & tabidum: hoc sexto, & à secundinis denudato, caro, seu pericarpium non eodem modo se habet;

bet; exterior namque portio, quo seminis, seu grani extima pars excitatur; solidior est, & videtur quasi concavum folium: idem etiam observatur ea in parte, quâ nodo umbilicali hæret, & continuatur: reliquum verò, quod interiorem occupat regionem, fistulosum est, & humore refertum; in ea præcipue parte, quæ umbilicali nodo proxima est. Avulsis foliis; laceratis radicibus; ablatóque farinaceo folio truncus occurrit, in quo non longè à radicibus umbilicalis nodus *l* eminet, qui solidus est, & difficulter cultro scinditur: superiùs vestigia supersunt avulsi folii caduci, seu vaginalis *i* sub hoc, veluti in axilla, gemma *m* frequenter conditum, ultra quam nodus pariter extat, cum lacerati folii cicatrice *n*, & in apice gemmula mollis *o* custoditur; & ità tota futuri culmi moles compendio hoc habetur. Postica quoque plantulæ pars radicum eruptiones exhibet; placentulam quoque tabefactam *p*, & vaginalis folii *i* cicatricem, cum subsequentibus nodis, & gemmula *o*.

Post undecimam diem, frequenter seminale folium *q* adhuc plantulæ hærens, crispum, & ferè corruptum est; apertum enim humorem reddit, cum bullis aereis: intùs cavum est, & circa secundinas mucosâ, candidâque substantia seminis, usque ad umbilicalem nodum continuata, concavitatem efficit. Radices omnes oblongiores redditæ, novas promunt lateraliter propagines; & caulis seu culmus, licet proceriora habeat folia; non tamen, ut plurimum, longior est delineato superiùs trunco: nodi enim, & gemmæ adhuc sibi proximæ, non multum distant ab umbilicali nodo. Interdum progrediente vegetatiōne, internodia elongantur; & revulso ad latus vaginali folio *r*, nodus *s* manifestatur, à quo erumpit folium *t* ascendentem caulem fovens. Interea seminale folium, seu granum contabescit, & interiùs exinanitur; solámque aquam compressum reddit. Internodium album, & solidum elongatur, novæque gemmæ manifestantur, & radix media, quandoque ad longitudinem pedis Bononiensis, extenditur.

E lapsu mensē, radicibus, & culmo procerioribus redditis; novæ gemmæ *u*, à primo nodo erumpentes, manifestantur, minimique tumores *x* eminent, qui tandem in radices prorumpunt: tam facile namque radices pullulant, ut interdum avulsi, & laceratis primævis radicibus, novæ turmatim orientur. Eodem pariter tempore caulis, solitis radicibus firmatus, novas *y* emittit, disrupto etiam fovente folio: internodio quoque intus

intus pleno, & candido assurgit. Supra radices ab eodem nodo binæ gemmæ, seu soboles ζ , propriis custoditæ foliis, encuntur; & intermedius culmus sursum effertur.

Milii semina (6.) parem vegetationem fortiuntur, concreta terræ: post diem etenim, disruptâ corticis cartilaginei portione prope insertionem pediculi; inclusæ plantulæ conica radix erumpit. Detracto hujusmodi cortice, qui in geminas solvitur partes, ovum, seu seminalis planta manifestatur, conglobatum scilicet folium *A* exteriùs subluteum, cui non longè ab insertione pediculi, ut in tritico, plantula *B* nectitur umbilicali nodo *C* medio. Hæc radice *D* constat, quæ placentula ambitur; caule *E* pariter pollet, qui cutaneo folio, quasi vaginâ, custoditur. Alterâ completâ die, & interdum ante quadraginta horas; radix *F* subvitellina, laceratâ placentulâ *G*, albis utriculis congesta, elongatur; gemma quoque *H* procerior redditur, & continuatum seminale folium *I* adhuc solidum manet.

Transfacto triduo, auctior est planta: radix namque *K* subalba crispis pilis ditata, oblongior est; hæc cortice exteriùs ambitur, intus verò ligneâ portione firmatur: reliquum in gemmam *L* attollitur, quæ vaginali involucro quasi diaphano, adhuc integro ambitur; longo constat internodio, & viridi gemmâ apicem tenente. Seminale folium suo cortice munitum, plantulæ continuatur umbilicalis nodi *M* ope, qui molli, farinaceaque constat substantiâ. Circa quintam diem, lacerato vaginali folio *N* stabile folium *O* hians, viride, & pilis hirtum manifestatur: intus verò reliquum caulis sub minimæ gemmæ specie à nodo *P* erumpens conditur. Seminale folium *Q* molle, & aquosum sensim absunitur: radix verò candida, crispis obsita pilis, elongatur.

Post septimam diem, caulis sursum erectus, nodum *R* turgidum exhibit, à quo vaginale folium *S* emergit, quod sensim contabescit; ab eodem pariter latum folium viride *T* cum reliquo caule erumpit. Seminale folium *V* crispum, compressione corruptum reddit ichorem. Radix emissis capillamentis, & pilis latè luxuriat. Prope decimam quartam diem, caulis geminis hiat foliis *X* viridibus, hinc indè pilis conspersis; inferiùs à nodo *Y* vaginale folium exortum, tabidum jacet: radices pariter à nodo *Y*, & continuato quandoque internodio, usque ad seminale folium *Z* erumpunt. Solet autem hujusmodi articulatio

ticulatio frequenter longior esse. Seminale folium intra secundinas vacuum omnino est. Radix auctior radiculas premit.

Circa vigesimam primam diem, completus caulis firmus erigitur, & primævo nodo assurgit. Prima folia *a b* arida sunt; reliqua *c d* crassa, & viridia caulem ambiunt. Ab eodem pariter nodo primitiva radix *e* gracilis, & tabida pendet; cui adhuc cartilagineus cortex cum corrugatis secundinis seminalis folii *f* hæret: reliquæ radices *g* ut plurimum crassæ, & varicosæ; crispis pilis conspersæ erumpunt, contabescentibus primitivis radiculis.

Hæc, & similia phænomena passim in reliquis plantarum seminibus, seu ovis, dum foente terrâ incubantur, occurunt: quare superfluum duxi aliorum exponere vegetationem, & progressum. Nonnulla tamen tentavi, varios reddendo ovorum incubatus: diversos namque humores, & menstrua, cotyledones subingressos, terrenūmque uterum variis mineralibus, & fossilibus turgidum reddidi; ut lucis scintillula elucesceret, nobisque aperiret, quodnam sit illud, quod aqueo menstruo solutum, ab utero in ovum translatum, plantulæ vegetationem citius, & fœlicius excitat. Fabarum igitur, & Phaseolorum semina Aprilis mense, per quatuor dies, in exarandis inferiùs menstruis infusa volui, & mutationes in seminibus subsequatas observare tentavi. Primò itaque *Fabarum* semina, in aqua incubata, in qua nitrum solutum erat, submollia erant; ipsorumque cortex subfuscus; rimulis & ulcusculis, reticulariter productis, exasperabatur. *Phaseolorum* verò ova, parum immutata erant. In tartaro pariter aquæ commixto eadem semina, subrubrum adepta colorem, turgebant. Sulphurata quoque aqua nullam inferebat in seminibus mutationem. Fuligo camini aquâ diluta, corticem inficiebat, inductâ mollitie. Sal marinum aquâ solutum, fabarum corticem crispum, & rugosum reddebat; molliaque *Phaseolorum* semina efficiebat. Vitiolo quoque seminum corpora tenera siebant; nigro redditio fabæ præcipue cortice. In antimonio rigeabant semina, & cinereo suffusa colore, turgebant. Sal gemmæ, corrugato cortice, seminum molem minuebat. Ex sale armeniaco saturatior siebat color, amplior moles, licet cortex corrugaretur. Aqua quoque cervino cornu turgida, seminum molem augebat; servatâ corticis lævitatem. Calx viva aquâ soluta, fuligineo inficiebat

ciebat colore; auctiori reddito seminum ovo. Vinum turgentiam excitabat, & Phaseolorum semina macerabat. Acetum pariter seminum molem impensè adaugebat; cinereo excitato colore. In lixivio semina duritiem acquirebant; colórque viridis efficiebatur. Humana urina, corrugato cortice inducto virore, adauctâque parum mole, tenellum reddebat semen. Spiritu tandem vini, subatro emergente colore; parùm immutabantur seminum corpora. Hæc interea semina terræ concre-dita fuêre, ut succedente debito terreni uteri incubatu pateret, quænam priùs & quæ posteriùs vegetarent. Semina itaque macerata lixivio, & calce, transactâ quartâ die, plantulam supra terram emergentem dedere. Quæ fuligine, & antimonii activitatem passâ erant, post octavam diem erupêre. Quæ in tartaro macerata erant, undecimâ die vegetârunt; & sequenti die, quæ in cornu cervi infusa erant. Quæ vino turgebant, usque ad vigesimam quartam diem protractâ germinatione, pullulârunt; & tandem semina nitro soluto madida, vigesimâ octavâ die plantulam manifestârunt.

Quoniam tamen seminalium plantularum varia est vegetatio, nec perpetuò eodem tempore succedit (licet idem uterus consimile ovum foveat) ideo placuit Maii mense eadem semina, absque prævia tamen maceratione, in exaratis menstruis in terra ferere: in cuius superiori parte diversa mineralia, & fossilia condidi; ut pertransiens aqua tinturas raperet, & contentis ovis communicaret, & itâ variè vegetationem excitaret. Quæ igitur in antimonio fovebam, post quartam diem germinârunt: quæ verò in vitriolo, fuligine, lixivio communi, & cornu cervino plantata erant, sextâ die emerserunt. Incubata sulphure, & vino; septimâ die pullulârunt. Idem accidit transactâ octavâ, seminibus in tartaro, & calce vivâ conditis: & tandem post undecimam diem vegetârunt aceto, & nitro circumdata.

Placuit ulteriùs circa medietatem Augusti, *Raparum, Lac-tucae, Endiviae, & Raphani* semina in diversis vasculis plantare; irrorando singulo, vel saltem altero die diversis menstruis; ut vegetationis progressum observarem. Primò igitur semina, quæ urinæ humanæ aspersione irrorabantur, non vegetabant. Idem pariter accidebat iis quæ soluto sale communi, & lixivio madefiebant. In vase irrorato vitrioli aquâ, nulla semina vegetabant; præter Fabæ semen fortuitò conditum, cuius plan-tula

tula minima remansit. In nitro, & antimonio vegetatio succedebat per aliquod tempus : plantæ tamen contabuerunt. Quæ cervino cornu, & fuligine alteratâ aquâ madebant ; vegetatione diu durabant. Calcis vivæ usu, præ cæteris excrescebant plantæ : & raphanus altè elatus, bulbum tamen non dabat ; exaratæ verò plantulæ, sub tecto conditæ erant ; nè pluviali aquâ irrorarentur : & bulbosæ nunquam redditæ sunt luxuriantibus foliis : quin & quæ in aperto cœlo eodem tempore terrâ simili condita fuerunt ; lætiori vegetatione excreverunt. Circa finem Augusti Lactucæ semen in aqua antimonii per horas duodecim infudi ; deinde in aprico quodam colle sevi. Hujus itaque vegetatio protracta est, præter morem, usque ad decimum diem. Idem semen non alteratum, terræ tamen commissum, eâdem antimonii aquâ humectatum, citius vegetavit : plantula tamen gracilia, pallidâque emisit folia : & intra octavam diem radices putrefescere coeperunt. Alia pariter Lactucæ, & Endiviæ semina seorsim sata irroravi aquâ calcis vivæ, sulphuris, nitri, spumæ ferri, & urinâ humanâ ; nec ulla vegetârunt, præter ea, quæ maduerant aquâ spumæ ferri. Betæ, & Spinaceorum semina, exaratis aquis confersa, pullulârunt quidem ; sed pallore suffusa fuere ipsorum folia. Eadem quoque semina aquâ, multo nitro turgidâ, irrorata ; nunquam vegetârunt. Raparum semina, antimonii, & spumæ ferri aquis perfusa, plantulas facilè ediderunt, quæ minimæ remanserunt, & convulsæ, ac pallidæ : aceti autem usu, eorundem seminum plantula fœlicius vegetavit ; sed productus flos complementum non est sortitus. Hæc pariter semina, aquarum nitri, & urinæ incubatu nunquam pullulârunt. Fœniculi semina, antimonii, & spumæ ferri aquarum usu fœcunda reddita sunt ; completo tamen octo dierum spacio, radiculæ circa superficiem terræ marcuerunt. Cardui semina, usu urinæ aceti, & aquarum, quæ exarata mineralia recipiunt, madida : plantas quidem reddiderunt ; sed itâ graciles, ut sola quatuor vegetarent folia, & continuatâ irroratione brevi contabuerunt. Eadem quoque tentamina, Septembribus mense, repetii in aprico, & aperto solo, Raphani, & Lactucæ semina distinctis in locis plantando : & quæ solâ pluviali aquâ maduerunt ; fœliciores, & proceriores dedere plantas : quæ verò irroratæ sunt aquâ fuligine turgidâ, longè minores mole fuerunt : sicut, & quæ solutâ calce maduerunt plantæ, graciliores fuere : & nulla ferè vegetavit planta in terra,

nitro

nitro soluto madefacta. Scio hoc argumentum longè potiora exigere tentamina: sed quæ otium, & tenuitas mea permisere; pro nunc curavi.

Incubatum ovorum plantarum, extra terrenum uterum tentavi: & præcipuè in aqua vitro vase conclusa, addito superiùs oleo. Plura itaque Junii mense, reposui semina Fabæ, Tritici, Ervi, Phaseolorum, Raphani, & Lactucæ. Quartâ completâ die, aqua turbida erat, & commota sursum aeris bullas exprimebat, quæ oleum superabant, & ipso superiùs irretiebantur: subridebant verò Tritici, Ervi, & Raparum semina; & supra Fabas, imum tenentes aeris bullæ cortici, quasi margaritæ, seu argentei globuli hærebant. In aliquibus Fabarum ovis disrupto cortice, plantulæ radices extremitate emergebant, hæcque semina de facili ascendebat, & descendebant. Circa octavam diem aqua magis turbata, opaca ferè erat; minimis ovorum fragmentis referta. Fabarum semina, corrupto cortice, ulteriorem vegetationem non erant adepta; sed in fundo subsidebant, & veluti carie macerabantur. Vigesimâ transactâ die, aqua fœtentissima erat; conclusaque semina corrupta, absque vegetatione. Phaseoli ova putrefacta, farinaceaque erant: Fabæ quoque semina mollia, & putrida jacebant. Eandem pariter observationem tentavi hyeme, & vere; nec unquam semina in aqua conclusa vegetârunt.

Non solum terrenus uterus, & percolatus ab eodem succus, in plantarum incubato ovo vegetationem excitat; sed necefariò cotyledones, seu placentulæ, quæ seminalia folia appellavimus, exiguntur; quorum pariter ope, plantulæ nutritio, & auctio promoventur. Horum igitur indigentiam, & activitatem indicare videntur tentamina, à me sæpiùs repetita. Primo itaque vere, Fabarum plurimas plantulas sevi; detractis priùs cotyledonibus, seu farinaceo pericarpo: ex his binæ tantum plantulæ, reliquis corruptis, parùm vegetârunt: gemma scilicet sursum excreverat, immotâ hærente conicâ radice. Circa undecimam diem, gemma non expandebatur; sed foliolæ in extremitate arescebant: caulisque non elongabatur; sed malulis in atrum tendentibus inficiebatur. Transactâ vigesimâ primâ, totus caulis minimus, nigrefactus tandem contabuit; corruptâ priùs radice, quæ nullum augmentum omnino erat

F. *de Semin. Veget.* exp. 17. 17

experta. Mense quoque Maii, alias semifinales plantulas Fabarum, & Phaseolorum, ablatis pariter binis seminalibus foliis, seu cotyledonibus, incubandas posui; è quibus unica Fabæ plantula vegetavit; elatâ supra terram minimâ gemmâ, productâque parùm infrâ radice; itâ ut tota plantulæ longitudo semidigitum non excederet. Hæc transactâ vigesimâ primâ; nigrefactâ radice, & exsiccatis foliis gemmæ, seu futuri caulis, contabuit. Alias denuo plures semifinales Fabarum plantulas, detractis omnino cotyledonibus, plantavi; quarum nullæ penitus vegetârunt. Idem expertus sum in plantulis Cucurbitæ, Peponum, Lupinorum, & Phaseolorum; qui insigni pollent trunco, & gemmâ.

Hanc eandem observationem progrediente incubatu, & post inchoatam vegetationem tentavi; dum scilicet cotyledones, sub specie seminalium foliorum, supra terram emergebant. In Cucurbitæ itaque plantulis vegetantibus, discusso cortice, ablatis binis seminalibus foliis, protrahebatur quidem vegetatio; sed gemma, seu relictus caulis nullum ferè augmentum capiebat: hòcque sæpiùs mihi accidebat. Idem contingebat in Lupinis; quorum cotyledones in ampla, & crassa extuberabant folia. In Peponibus quoque, in Lactuca, Endivia, Raphano, & Rapis; quorum plantulæ cotyledonibus orbatæ, vegetationis incrementa non fortiebantur; sed vel citò extinguebantur, vel minima absque vegetatione, tabida subsistebant. Plantulis verò à primordiis vegetantibus, unico detracto folio; altero autem superstite, germinatio producebatur: non tantâ tamen fœlicitate, qualis in non mutilatis observabatur.

Vegetantium cotyledonum vim, & durationem exploratus; plura sevi Lupinorum, Cucurbitæ, & Fabarum ova: à quibus plantulis, dum supra terram erumpebant, singulo die semifinalia folia abstuli. In Lupinis quartâ die, è terra emergentibus, laceravi folia. In Cucurbita pariter quintâ die, primò apparente plantâ, idem molitus sum: & septimâ die in Faba vegetante cotyledones abstuli; & itâ subsequentibus diebus idem tentavi in consimilibus plantis, per spatium dierum decem. Lupinorum igitur tres primæ plantæ, cotyledonibus mutilatæ, nullum ferè fortitæ incrementum; post mensem contabuerunt: reliquæ verò longè minores perdurârunt: Cucurbitæ verò quatuor primæ, reliquis vegetantibus, extinctæ sunt. Fabarum plantæ cotyledonibus orbatæ, plures quidem vegetârunt; sed gracillimæ, & minimæ. Ex

Ex his igitur conjectari licet, plantarum ova, è materno ovario delapsa, ulteriorem exigentia fotum, & incubatum ventorum ministerio, vel hominum industriâ terræ committi; taliterque incubata stato tempore vegetare, eorūmque partes explicitas manifestari, & adolescere: magna tamen Mater tellus non solùm incubatum suo sinu exhibet, halituosis scilicet evaporationibus, & radiorum solis tepore; sed, quæ fœcundo ovo defunt; abundè, & sensim suppeditat. Plantulæ enim seminali hærent quidem gemina, ut plurimùm, crassa folia, quæ albumini ovi analoga; uterinæ placentæ, vel cotyledonum vices explent: hæc humorem exposcunt, à terreno utero emanantem; quo soluti fermentativi, & spermatici succi, per propria umbilicalia vascula plantulæ quotidianam suppeditant alimoniam, & auctivam materiam: unde plantulæ foetus ex fermentatis, & in motum actis particulis, in placentis, scilicet, in seminalibus foliis, jam concretis, non solùm laxatis meatulis augetur; sed ad vegetandum excitatur. Necesse est igitur fluidum quoddam, à terreno utero emanans; quod seminalium foliorum acetabula, & cotyledones subingressum vegetationem promoveat. Quid simile in animalibus viviparis, evidentiùs Natura molitur: uterus namque sinuosus plerumque appendices germinat, in quibus radicatur placenta, seu cotyledones, & acetabula: quare delatus à materno utero succus, in cotyledonibus cibratus, mox intimè commixtus cum alimento, per arterias mediis umbilicalibus vasis derivato; in fœtum tandem defertur pro nutritione, & auctione. Terra itaque uteri vices subit; in eâ namque exculti sunt canaliculi, & sinuosi meatus à subterraneis halitibus, & à particulis aquæ fontis, vel pluvialis sese insinuantibus, & præterlabentibus: unde intercepti terreni lobuli minimi, & angulares excitantur; ex vitrefactis particulis, frustulisque plantarum corruptis, quibus metallorum, & fossiliū ramenta ab interfluente aqua præcipitata associantur. Ex horum salium mixtura, & ex halitibus intercurrentibus, fermentationes probabiliter excitantur; quibus necessariò præcipitationes succedunt, novæque tincturæ aquæ communicantur. Sales etenim, terræ frustulis hærentes, faciliter, & sensim abraduntur, & solvuntur: unde præparatum alimentum fœcundo ovo, seu seminali plantulæ, abunde subministratur.

Inter plantarum ovum, & terrenum uterum cortex mediat ; cuius structuram aliàs exposuimus. Hæc frequenter horizontallibus siphonibus, & fistulis conflatur ; quæ in subjectos utriculos hiant. Exsiccatus in his succus, diu subridet : quare emanans à terreno utero humidum, siphonibus, & fenestella admissum concretos solvit succos, secumque rapit, & occurrentibus cotyledonibus, seu seminalibus foliis primò subministrat, & tandem conicæ radici, velut animalis ori exhibit. Exarati cotyledones, umbilicalibus vasis, & transversalium utriculorum seriebus compacti ; admisso à terreno utero humore per corticem percolato ; proprio contentoque jam diu succo intimè miscent · unde nova fermentatio, & ità præparatus succus per umbilicale vas iterum plantulæ trunco, continuatæque gemmæ transductus affunditur ; unde partium manifestatio, & vegetatio. Hoc indicatur ex phænomenis in hisce cotyledonibus, seu seminalibus foliis, apparentibus. Primò namque color immutatur, & plerumque, quod mirum est, in ingentem excrescunt molem. Humor quoque propriis contentus vasculis lentus, & glutinosus redditur ; quo tandem exhausto, & plantulæ affuso, tota cotyledonis compages contabescit, & decidit. Variè tamen, ut ex descriptis observationibus colligere licet, Natura cotyledones locat : plerumque enim ascidente caule attolluntur à terra, ut in **Phaseolis** & **Cucurbita** : interdum radicibus hærent, terrâque cooperiuntur, eam fortè ob causam ; ut crassus in aliquibus cotyledonibus succus terreno fotu maceretur, & digeratur : in reliquis verò, in quibus facilis est solutio, & corruptio ; ut securius humor digeratur, & volatilizetur ; longè à terra locantur, & post primos incubationis dies humor à terreno utero per caulem communicatur : ni velimus suspicari ab ambiente aere iis subministrari.

Tam necessaria est cotyledonum aëlio ; ut his avulsis, & separatis, plantulæ fœtus vegetare nequeat ; vel saltem inchoata incubatio non perficiatur ; sed manca perpetuò subsistat plantula. Hoc abunde, inductione ex recitatis observationibus, colligitur. Cujus autem naturæ sit humor, à terreno utero in cotyledones, & placentulas percolatus pro vegetatione fœlicius promovenda ; non ità facile attingi potest. Variæ enim plantulæ, intrà semen conclusæ, suis peculiaribus cotyledonibus constant, quæ diversum fœtuique analogum succum subministrant : quare sicuti Fabarum seminea caro differt ab Ordei semine,

mine, Mili, &c. ità quoque liquor, à terreno utero in cotyledones instillatus, probabiliter varietatem fortitur. Plura sunt quæ aquâ soluta, terræ meatus excurrunt, & plantularum nutritioni incongrua sunt; ut ex observationibus factis elici potest, qualia sunt vitriolum, sal marinum, urina humana, &c. alia quoque in largiori quantitate exhibita vegetationem vitiant: ut nitrum, calx viva, &c. Scio amicum diversis in agris servisse, stato tempore, Triticum, per noctem infusum in aqua, in qua ebullitione solutum fuerat stercus columbinum, & caprile: additâ deinde paucâ nitri quantitate; & in pinguibus arvis ità vegetâsle; ut unicum semen triginta, & ultra siboles progenuerit, quas ipse vidi propriis ditatas spicis. Probabile igitur est sales, præcipue volatiles, quibus exarata animalium excrementa scatent; plurimum vegetationi conferre: cùm reliquæ etiam animalium partes, & præcipue cutis, ejusque ramenta, hujusmodi nutritioni conferant. Juvant pariter generationem, & auctionem sales plantarum ipsarum; unde herbærum concrematione arva fertiliora redduntur, & eandem etiam ab causam, camini fortasse fuligo, sublimatos plantarum sales continens, vegetationem excitat: sicut & calx viva, quibus addere possumus fragmenta lini macerata, quæ nil aliud sunt, quam plantæ cortex. Humor à terreno utero cotyledonibus communicatus, cùm necessariò fermentationem excitet in placenta, & partium manifestationem efficiat; probabiliter volatilibus salibus, vel saltem motu pollutibus turget, à quibus vi-tæ radix. Scio motum in particulis corporum pluribus excitari posse; inter quæ nobis nota est diversorum salium mixtura, ut in acidis, & salsis contingit: quare non incongruum fortè est censere, in placentulis recipi, & excitari incubatu principium vividum motûs in volatili quodam sale: vel saltem fieri miscel-lam contrariorum salium; ità ut ex mutua pugna principium motûs excitetur, & perpetuetur in plantarum vegetatione.

D E

G A L L I S.

Animalium vita, cùm perpetuo effluvio manuteneatur; tam
alem corporis compagem exigit, quâ jam recepta largo
dispendio reddat; alienâque denuo, & quotide admittat: itâ
ut vitæ chorea continuato introitu, & egressu perennet. Hinc
nescio an duris inopiæ legibus, an satiùs munificentiaë munere
itâ viventium ordines statuerit Natura; ut mutuo vivant mor-
ticinio, & assiduis cladibus instaurentur, & consistant. Nec so-
lis perfectis animalibus hoc ipsa indixit, ut vicissim scilicet in
mutuam sibi cadant alimoniam; sed infectis, immundisque ani-
malculis, parato ipsis quasi opimo plantarum patrimonio, ta-
lem elargita est solertiam; ut non solum ab ipsis quotidianum
exigant victum; sed expositis propriis foetibus vicarios uteros,
indéque altrices quasi mammas, plantas ipsis præbere cogant.
Tale igitur plantarum famulitium non nisi sui mutilatione suc-
cedit; itâ ut exacto hoc insectorum vectigali, privata planta-
rum œconomia invertatur, vitiatisque alimenti viis, & corrupto
ipsarum succo, nova partium configuratio succedat: morbosis
frequenter subcrescentibus tumoribus, quos *Gallarum* nomini-
bus exponemus. Et licet antiquum *Gallæ* nomen pilulis qui-
busdam, in glandiferis præcipue arboribus enatis, propriè com-
petat; attentâ tamen generationis ipsarum methodo, & peren-
ni animalium in illis nutritione; licebit *Gallæ* hoc nomine abu-
sivè uti: usurpatâ hujus nomenclaturâ in reliquis, dissimilibus-
que tumoribus, & plantarum syderationibus. Relictis interea,
quæ antiquitùs fabulosè, & superstitionè de hujusmodi excre-
fcentiis prolata fuere; morbosas hasce affectiones, & emergentes
indè tumores in singulis plantarum partibus, animalium gratiâ,
breviter exarando, lustrabimus: ut indè *Gallarum* exortus, &
historia, saltem probabilis, pateat. Folia itaque, quibus tam
abunde luxuriant plantæ, cùm copioso scateant succo; insectorum
usibus peropportuna sunt, & morbosis hujusmodi affecti-
onibus pariter obnoxia; ideo primò perquirenda veniunt.

Euonymi folia æstate innumeris ferè ovis cooperiuntur, à qui-
bus animalia sensim emergunt; & horum contactu non parùm
folio-

foliorum color immutatur. In quibusdam foliis *Quercūs* vere, & æstate in humiliori, inferiorique ipsorum parte, frequentissimæ observantur cicatrices, seu tabefactæ, & arefactæ folii portiones, seminis milii magnitudinem parùm excedentes: quibus hærent gemina, & interdum tria muscarum sublutea ova, quorum halitu subjectæ partes contabescunt, & non raro tota folii latitudo marasmo afficitur. *Pomorum* pariter folia, sicut *Vitis*, *Pruni*, & *Quercūs*; excitato in iis aranearum nido, seu erucarum folliculis, convelluntur: & tandem exsiccata intereunt; ut nil frequentius occurrat. Mirabilius est, quod passim ex relicto uno, vel altero muscæ minimo ovo, in foliis *Vitis*, *Quercūs*, & similiū accidit: convulsis enim fibris, totum folium circa expositum ovum in spiram contortum contabescit: quin tanta est depositi ovi vis; ut non solùm subjectum folium, sed communicatâ pediculo labe, indéque continuato surculo, & appendiſis foliis; totus tenellus ramus in spiram contortus, summâ colorum jacturâ areſcat. Hoc passim experimur etiam in *Pyris* (7.), quarum folia *A* circa ovum contorta, ſeſe invicem amplexantia, in cylindrum voluantur; propriisque emergentibus pediculis *B*, quibus adhuc ab arbore pendent. Tractu temporis eruca erumpens, viam ſibi parat, & à convulsis pariter hujusmodi foliis minimus papilio evadit; cuius venter annulis distinctus, plumis, & pilis tegitur. Ova hæc humiliori foliorum superficie inter pilos hærent: diaphana ſunt, & minima; tandemque lutea redduntur & auctiora, ovalēmque figuram possident: unde in Vite ſemel adauctum hujusmodi ovum *C* vidi, cuius apex aliud minimum *D*, quod non excreverat, adhuc servabat.

Minori plantarum diſpendio, inſectorum quidam foetus mirè foventur; ut passim in *Lauro*, & *Quercu* ipſa (8.) intuemur; cuius folia, licet interdum à primæva deturbentur forma; adhuc tamen vegetare non defiunt, & reflexis denticulatis apicibus *A* versùs folii partem terram ſpectantem, ejectos foetus fovent. Reflexa interea folii portio, turgentibus utriculorum ſeriebus, crassior redditur, & decolor. In aliquibus tota folii latitudo, pro incubandis ovis curvata, ſubcrevit. Ità (9.) in *Perforatæ*, & *Clymeni Mattioli* foliis *A* contingit: quorum œconomia expositi vermiculi miasmate parùm invertitur; alimenti enim materia, quæ in laxiorem folii latitudinem abſumi ſolet; induc̄tā crassitie, curvatisque fibris, ità ut extremi foliorum fines contigui

tigui in unam crassifcentes naturam, concamerationem interius efficiant; animal ita custodit, & alit; donec excitato, velut in reliquis Gallis accidit, foramine *B*, extrà erumpat.

Vulgares sunt tumores, & excrecentiæ in plantarum foliis primo vere excitatae, quibus recepta copiosissima animalia & ova aluntur; ita ut nil frequentius occurrat. In *Cicerbitæ* foliis (10.) prope æstatem multiplices lenticulares attolluntur tumores *A* in superiori folii parte: separatâ etenim cuticulâ, inferiore folii superficiem ambiente; pericarpium cum ligneis fibris concavum redditur, & superius inæquales eminent tumores: spatum verò, quod inter pericarpium curvatum, & cuticulam excitatur; vermis *B* occupat, qui solo halitu subiectæ cuticulæ, & pericarpii colorem immutat. In foliis pariter *Quercùs*, vere & æstate, spatum quoddam inter utramque cuticulam succedit; depascente contento verme folii pericarpium. Debitâ succedente mutatione, varia oriuntur animalia: quandoque quasi minimi papilioes plumis cooperti erumpunt: interdum muscæ, cartilaginosis contextæ annulis, excitantur; quæ tandem foras evolant.

In *Pyracantha* (11.) folia quædam innumeris fere tuberculis laborant, quæ subrubicunda sunt, & indiscriminatim ab humiliori, superiori ve folii parte eminent: tali autem constant formâ. *Cucurbitæ* medicæ speciem æmulantur, cum hoc tamen; ut in summitate *A* gibbositates quasdam præ se ferant; in opposita verò parte, hoc est, sub folii extensa horizontaliter latitudine *B*, hiatus à primordiis patet; circumducto labio *C*, à quo pili copiosi erumpunt: intus tota concameratio patet, pro vendis lacteis vermiculis.

Idem accidit *Opio* (12.) cuius folia copiosissimis consperla ovis, in minima curvantur tubercula; nullo servato ordine, vel dispositione: cum frequenter plura congerantur tumultuarie in unum. Quælibet autem latiori gibbositate *A*, à superiori foliorum superficie erumpentia, intrà pilos unum, vel alterum cubantem vermiculum custodiunt: inferius verò hiatus *B* perpetuò patet, eleganti interdum circumdatus excrecentiâ: tota autem tuberculi tunica, licet ex curvata folii substantia fiat; ipsa tamen crassior est, & utricularum seriebus *C* conflatur: ab excurrente etiam costula *D* copiosus subministratur humor, qui ex depositi fœtûs halitu concitatiō redditus, folii particulam, cui infidet ovum, priuò incurvat, & sensim deductâ

ductâ alimoniâ concamerationem effingit: unde costula etiam ipsa circumcirca turgidior redditur.

Famosi pariter *Ulni* tumores, analogâ productione, gignuntur. In inferiori enim hujus folii (13.) parte *A*, ut primo vere, & prope Julii finem observavi; hiatus *B* minimus patet ex curvata folii substantia, quæ in superiori parte folii *C* tumorem exiguum exhibet. In aliis autem grandioribus vesiculis, in prona pariter folii portione *D*, circa hiatum *E*, qui triangularis efficitur; labia *F* attolluntur, pilis hirta: horum aliqua, temporis tractu sensim excrescentia, angustato foramine *G*, in rotundum curvantur tumorem *H*; qui superius quoque, in rotundum conglobatur tumorem *I*: hic non ulterius patitur augmentum, ob siccitatem fortem, & caloris activitatem: reliqui verò, hiante præcipue vere prognati, ita in ingentem excrescent molem; ut parùm distent à pugni magnitudine. Hi primævum hiatum *K* servant, in humiliori folii parte excitatum. Exteriùs gibbi sunt, pluribus protuberantiis *L* deformati: horum color rubicundus est, immixtis subviridibus particulis. Pilis & fungis *M* candidis cooperiuntur. Ipsorum substantia eadem est cum folio: quoniam tamen grandioribus pollent utriculis; ideo crassiores sunt eorum paries, & quandoque foliorum fibræ, turgidiores redditæ, ita curvantur; ut tota ferè folii latitudo in concamerationem definat, quæ cellulatum colon æmulatur. Intus cavernosum spantium innumeris quasi animalculis repletur, quæ interdum liquore innatant.

Sanguineæ virgæ (14.) folia suis quoque non carent tumoribus; à costula enim ut plurimum *A* tubercula variæ figuræ elevantur, molares dentes æmulantia; quorum capitulum *B* superiori folii parte eminet: inferiùs verò longior, & gracilior, & quasi dentatus processus *C* elongatur. Crassis, & solidâ constant formâ; irregularēmque servant situm, & formam. Hoc unum perpetuò habent, ut de more commissum vermem *D* fovent: & circa hyemis principium, inclusum vidi ovum, quasi segmentis divisum, in quo nigra includitur musca, circumhærentibus ichore, & luteo humore.

Nec minùs *Quercina* folia, copiosi, stipticique succi ope, quo pollent; hujusmodi morbosis excrescentiis tentantur, & infectorum alendis fœtibus opportuna redduntur: unde innumeræ penè observantur erumpentium hujusmodi Gallarum species, & formæ. Simplicior itaque, nec minùs elegans tumor

est, quem, sub fungi specie, intuemur ab inferiori folii parte in Quercu (15.) emergentem. Brevi constat petiolo *A*, cui coextenditur, umbellæ instar, latum, & gracile capitulum *B*, à quo pili erumpunt subvitellini: unico enim exorti folliculo, in quinque, vel sex dividuntur filamenta *C*: in centro fœtus conditus *D* alitur, & sub umbella plures quoque aureliæ, & vermes cubant.

Parùm absimilem formam servant nonnulli tumores, Gallæ capillatae dicti, ab iisdem foliis assurgententes (16.); qui à pronâ folii parte pendentes, superiùs rotundo quasi labio *A* ornantur, quod umbilicum ambit; cujus centrum, minimum interdum assurgens capitulum occupat. Ab hoc, comæ instar, leonini pendent pili *B*, quasi holoserici introreflexi. In centro hujus elegantis tumoris, concavitas *C* adest pro animali.

Famosum est uvæ Quercinæ genus, quo tenella Quercûs folia, primo vere, consperguntur, & non raro itâ hoc morbo deturpantur; ut propriam amittant speciem. Et quoniam hujusmodi Gallarum, seu pilularum, & tumorum natura obscura videbatur; opportunum duxi, rem ab ovo rimari: unde diu sollicitus fui circa horum primævam generationem; & ni fallor, eam me invenisse puto. Vigente igitur vere, dum primò gemmæ Quercûs aperiuntur, uvæ quercinæ prima patet productio; nam laxatâ gemmâ, futuri surculi apex tenellus adhuc, vegetare incipit, & parùm emergere. In hujus foliolis, quæ sensim explicari, & augeri incipiunt; patentibus tantùm costulis, minimi tumores apparent, à substantia folii excitati, hoc est utruncorum seriebus, & costulis: itâ ut absumptâ, & immutatâ multiplici folii substantiâ in hujusmodi tumores; mancum, & mutilatum reddatur folium. In his enascentibus tuberculis cicatrix, adhuc hians, observatur; quâ mediâ jam condita sunt animalium ova. Placuit interea figuram addere erumpentis quercinæ uvæ (17.) Gemma itaque *A*, elongatis in apice foliolis *B* caducis, laxatur; itâ ut stabilia folia *C* sese prodant patentibus costulis, complicatâ adhuc permanente folii structurâ: in his frequenter tumores ut plurimum ovales *D* observantur, pilis conspersi utruncorum, molli gracilique excitati contexturâ; & perpetuò hiatus *E* vulneris inficti à parente musca apparet; itâ ut compressus tumor per vulnus humorem reddat; & interdum labium quoddam *F* attollitur, quo vulnus circumducitur. Intus vermis minimus, vel ovum latet, & conditur.

conditur. Ablatis ab exarata gemma ambientibus caducis foliolis; stabilium foliorum structura, & uvæ inchoamentum occurrit; complicata etenim folia solas costulas *G* conspicuas, & turgidas exhibent. Enascentes tumores, expanso folio, sensim crassiores fiunt, & rotundi; à reliquoque folii pendent, brevi firmati pediculo. Sæpius observavi minimum, stabilèque foliolum *H* adhuc informe, in quo nullus emergebat tumor; sed cicatrix *I* tantum inficti vulneris: hoc leviter laceratum, contentum ovum *K* exhibebat, cum gracili quadam appendice: unde ex his deduci potest uvæ quercinæ, & conditi animalis historia.

Uvæ quercinæ, & consimilium è foliis erumpentium tuberculorum, variae sunt formæ; unde principaliores lustrabimus. Frequentior uvæ configuratio occurrit vere, in tenellis adhuc foliis *Quercùs* (18.) rotundi namque tumores, velut uvæ acini *A*, observantur brevi pediculo à pronæ utplurimum folii parte *B* pendentes. Exoriuntur indiscriminatim; frequenter tamen à costulis, vel ab areis, reticularibus plexibus irrigatis; earum figura quasi orbicularis est. Secti concavitatem ostendunt, in qua ovum, vel vermis *C* fovet, donec evolando viam sibi faciat. Componitur uvæ quercinæ corpus ligneis fibris *D*, & utricularum seriebus *E*, talem servantibus inclinationem.

Pari formâ gaudet aliud tuberculi genus (19.) quod eodem ritu erumpens, utriculis, & ligneis contextum fasciculis, contentum animal custodit: exteriùs tamen non omnino læve, vel eodem inficitur colore subviridi; sed vermiculares quasdam productiones *A* quasi anaglypta, coloris viridis habet: reliquum verò *B* subjectæ Gallæ rubicundis punctis maculatum extat.

In quercino quoque folio (20.) semel vidi non inelegantes tres acinos, seu Gallas, & pilulas, quæ à costula *A*, inferiorem folii partem excurrente, pendebant: hæ fibroso exortu à costula *B*, ibidem crassefacta, exoriebantur. Harum prior *C* ovali ferè constabat formâ: in apice concavitatem habebat, labio *D* circumdatam; à cuius medio conica appendix *E* assurgebatur. Gracili gaudebat corpore, quod exteriùs striatum *F* videbatur; ligneis fibris *G*, & utriculis coagmentabatur. Inferior concavitas vermem *H* fovebat, qui longum post tempus, in muscam conversus, evolavit. Reliquæ Gallæ *I*, & *K* recurvo corpore constantes, à priori forma parùm declinabant.

In

In *Fago* (21.) pariter consimiles Gallæ conspicuntur. In hujus foliis à superiori parte prope costulas *A* conici tumores *B* attolluntur subrubri, qui interiùs concavi; gracili excitantur substantiâ, utriculis congestâ, quam per longum ligneâ fibrâ excurrunt: intus minimus, candidusque vermis *C* conditur.

Parùm absimilem Gallam (22.) interdum miratus sum in folio *Quercûs*, à fibrarum costula per medium excurrente. Hæc ligneo exorta pediculo, figuram *A* acquirit, & in apice concavitate, quasi calix *B*, seu umbilicus hiat; cuius centrum obtusa quædam eminentia *C* tenet: tota corporis moles ligneis fibris, & appensis utriculis compaginatur; & in sui centro, contentum vermem *D* custodit.

Rubi canini quoque folia (23.) frequentissimè muscarum fœtibus defœdata, varias promunt Gallas. Non semel in petiolo folii *A*, à parte scilicet superiori (quod in aliis frequenter in inferiori accedit) pilula rubicunda *B* eminet, styliformibus processibus *C* condecorata; nam deficiente alimentitio succo, quæ alias in ramosas fibras vegetaret, sub styli specie subsidet. Ventre subrotundo turget, interiùs concavitate donato; quo candidus custoditur vermis. Altera pariter pilula, seu gemma pendet ab humiliiori folii parte *D*, eandem fortita structuram. Aliud insuper fibrosum corpus *E* attollitur à superiori folii parte, quod in ramos excrescit, & folliculo vermes fovet. *Rosarum* quoque folia, variis quasi tuberculis suos foventibus vermiculos, non rarò tentantur.

Nec solis arborum foliis familiaris est hujusmodi morbus; sed herbis etiam contingit & præcipue *Hederæ terrestri* (24.) quæ in montibus, & collibus præfertim, enascitur. In hujus igitur foliis copiosi acini observantur, indiscriminatim erumpentes: nam quandoque plures coacervatim *A* eminent, sese urgentes; ità ut interdum tota folii latitudo in hos infumatur. Aliquando una tantùm pendet, veluti orbicularis Galla *B*. Ipsarum figura rotunda est; dummodo aliarum conglomeratiōne non deturbetur. Exteriùs pili copiosi attolluntur. Intus mirâ constant structurâ: harum enim centrum concavitas tenet, in qua vermis *C* cubat, qui tandem perforatâ Gallâ, in peculiare animal conversus evolat: reliquum fibris ligneis *D* colligatur; intercepta verò spatia utricularum seriebus occupantur, quæ cucurbitæ pericarpium æmulantur.

Inæqualibus pariter tumoribus tentantur foliorum costulæ, seu

seu lignearum fistularum fasciculi, quibus folia irrigantur ; ità ut quasi strumas præ se ferant : etenim ex multiplicibus ejectis ovis circùm affusus humor tumorum congeriem ab utraque folii parte emergentem excitat : ità in folio *Quercûs* (25.) gemini tumores contigui *A* frequenter occurunt, in quibus musca alitur, quæ brevi erumpit. In areis pariter folii *Quercûs* vegetantis (26.) ex utriculorum seriebus tumores *A* excitantur, quasi Gallæ parùm assurgententes, in quibus adhuc tenellis cicatrix *B* patet, condito intus ovo.

Èâdem labe coafficiuntur foliorum pediculi ; dum enim adhuc vegetant, ex inficto vulnere immissis ovis tubercula nullo ordine assurgentia observantur : ità in pediculo folii *Quercûs* (27.) molli *A* plures vidi frequenter tumores *B* exiguos cum cicatricibus, intus latentibus minimis ovis à primordiis usque : hæc in vermem immutantur, qui tandem adeptâ muscæ specie, terebrâ munitus, evolat. Interdum vidi in iisdem pediculis excitatum exteriùs subrotundum foramen, intus verò segmenta, seu minima stercore ; unde fortasse vermis, non expectatâ ulteriori mutatione, viam sibi facit.

Frequenter tanta ovorum congeries pediculis committitur ; ut ipsi in insignem tumorem excrescant, & folia, interruptâ alimenti viâ, debitam non fortiantur magnitudinem. Ità ab apice surculi *Quercûs* (28.) tria erumpentia folia tuberosis constant pediculis *A*, in quibus inflictorum vulnerum excrescens cicatrix *B* situm indicat, & interiùs ovum reconditur. Taliter turgent hujusmodi strumosa tubercula ; ut loco folii breves quædam appendices *C* tantùm erumpant.

Mirabile est, quòd peciolis foliorum *Populi* (29.) frequenter accidit. In his unus vel alter, & interdum tres producuntur tumores insignes. Mollis namque pediculi substantia *A*, receptis animalium copiosissimis ovis, crassior redditur, & turgentibus, supercrescentib[us]que transversalibus utriculis, fibrarum, & trachearum fasciculi curvantur, & contorquentur ; unde gemina Galla *B*, & *C*, quæ non undequaque continua est, sed oblongo hiatu *D*, solvitur.

Mollis gemmarum structura infectorum famulitio peropportuna, non leves indè patitur ærumnas. Interdum enim *Quercuum* gemmæ (30.) adhuc conclusæ, receptis muscarum ovis, morbidæ redunduntur ; nam in aliquibus tumor *A* à latere carinæ futuri surculi *B* excitatur, à quo caducum folium *C*, & stabile

bile *D*, attolluntur; in hoc, mense Junii aureliam candidam, quandoque nigram muscam inveni. Taliter affectæ gemmæ raro aperiuntur, nec surculi apex *E* ut plurimum germinat; sed frequenter mollis lignea portio animal ambiens, ovalem adeptâ formam *F*, & duritiem à reliquo carinæ *G* separatur, quæ curvata contabescit; remanentibus adhuc caducis foliolis, quibus tota occluditur exsiccata gemma. Tractu temporis conditum animal excitato foramine *H*, viam sibi facit.

Non unus, sed multiplices etiam tumores in gemmarum carina non raro observantur: quandoque gemini, & interdum tres numerantur. Ità in Quercûs gemma (31.) ablatis foliolis caducis, carina in tres inæquales tumores *A* excreverat, à quibus surculi apex *B*, & caduca foliola *C* promebantur. In his tria pariter fovebantur animalia, quæ tandem excitato foramine, foras evolabant. Hujusmodi quoque gemmæ nullo recepto incremento contabescunt: unde in ramis jam elongatis gemmæ, quæ aridæ observantur, ferè semper hujusmodi morbosâ affectione tentatas facile est invenire.

Gallæ, quæ primo vere in Quercubus copiosæ luxuriant, eandem agnoscent causam. Et quoniam tam alienam, & deformem à primæva origine postremò induunt speciem; ideo necessarium duxi ipsarum productionem altius rimari; & quæ saepius, ac saepius licuit attingere, brevibus exarare. Aprilis itaque mense in quibusdam gemmis Quercuum (32.) tumor *A* minimus emergere incipit, caducis foliolis *B* adhuc circumdatus; in apice autem iisdem foliis conica congesta congeries *C*, eâ parte, quâ tumorem, seu nascentem Gallam *A* contagit, putrida, & erosa videtur: unde detractis caducis gemmæ foliolis *B*, Gallæ corpus *D* liberum occurrit; tota namque materia, quæ in surculi carinam, & folia absymi debebat; in hujusmodi corpus molle, & spongiosum congregatur. Hoc unum mirabile interdum observavi, & amicis etiam ostendi; ovorum scilicet cumulum *E* sub apice lacerati surculi *C* adhuc exteriorem Gallæ superficiem tenere, quæ amisso jam proprio humore non parum exsiccata conspicuntur: horum pariter insignis copia *F* circa basim intra caduca gemmæ foliola *B* exterius Gallæ ita hærent; ut ipsorum aliqua *G* exsudante humore auctiora redditæ, in vermem immutentur; reliqua verò *H* remotius extantia tandem marasmo confiantur. Quare sectâ per longum hujusmodi tenellâ Gallâ, ex rectitudine ovorum extrâ locatorum

F, interius multa quoque ova *I* exhibet, quæ utriculorum, & fibrarum *K* humore fota ; tandem in aureliam, indéque in muscam immutantur : ejectorum pariter ovorum figuram, prout observare licuit, sub specie *L* delineavimus.

Laxatis foliorum caducorum repagulis *M*, temporis tractu gibbosa, ut plurimum, Galla *N* augmentum indies capit, & frequenter inficti olim vulneris cicatrix *O* subest ; hærentibus adhuc exteriùs quibusdam tabefactis ovis *P*, quæ intra carinæ corpus condi, & pelli à parente musca nequiverunt.

Ultimum tandem fortita augmentum (33.) quamplurimis foraminulis *A* ab exeuntibus muscis excitatis, pervia redditur. Gallarum hujusmodi non una est magnitudo & forma : aliquæ enim cerasi fructum non excedunt ; nonnullæ pomum æmulantur. Quæ majores sunt ; gibbositates *B* habent, & frequenter altis exasperantur incisuris ex lacerata, & disrupta tenella pericarpii substantia. Mollis est exteriùs præcipue, Gallarum hujusmodi substantia ; nam exsiccatis utriculis laxiora fiunt spacia, à reticulari opere relicta ; unde prementibus facilè cedit. Sectâ Gallâ, lignearum fibrarum *C*, quæ in surculum, & folia elongari debebant, subobscurus occurrit progressus ; receptis enim ovis, affluentis succi motus invertitur ; unde fibræ, & tracheæ *C* ad latera curvantur, & productis transversalium utriculorum ordinibus *D*, circumaccrescit pericarpium, quo contenta ova, indéque emergentia animalia foventur, & aluntur : unde utriculorum portiones, fibræque ligneæ circa vermes, & ova locatæ, à primordiis quidem molles sunt, sensim absunto humore ex appulso halitu exsiccatae duritiem acquirunt ; interius verò ex continuo vermis motu in ovalem concavitatem lœvem, & æqualem *E* efformantur. Pericarpii structura, dum adhuc vegetat, utriculorum seriebus *D* reticulariter inosculatis componitur. Erumpunt autem à lateribus fibrarum lignearum *F*, ità ut sint quasi minimæ ipsarum productiones. Utriculi, dum adhuc molles sunt, contento succo vitrum æmulantur ; in exsiccatis verò Gallis sublutei sunt. Adultum jam animal, erofo continente pericarpio, factaque sinuosâ viâ, tandem evolat. Non unus est numerus ovorum, vel vermium ; sed interdum ultra centum numeravi : quandoque in minoribus infra triginta vidi : ipsorum pariter situs nullo ordine disponitur ; sed omnino irregularis est. Emergentium pariter muscarum variæ sunt species in eadem Galla, & in pluribus ab una,

una, eadémque arbore productis; nam frequenter subnigræ sunt muscæ brevi munitæ terebrâ. Inter has aliquæ observantur aureæ, levi viridis tincturâ suffusæ, oblongâ pollentes terebrâ. Diverso pariter erumpunt tempore: plerumque enim circa Junium evolant muscæ, relictis aliquibus ovis, & aureliis, quæ post multos menses tandem immutatæ, viam sibi faciunt.

Quercum gemmæ, licet ovorum contagio afficiantur, non eâdem tamen tumoris specie tentantur; sed variè vigente vegetatione configurantur; unde in Quercu (34.) ramosam quandam Gallam, ab aliquibus capillatam dictam, passim est observare. In surculo etenim *A* gemmæ foliola caduca *B* supersunt, à quorum umbilico ascendit conglobatum Gallæ corpus *C*, quod utriculorum seriebus, & ligneis fibris contexitur: in centro autem, quasi ovum *D* locatur, quo lacerato vermis *E* se se offert. A conglobato Gallæ corpore, veluti à truncu, hinc indè promuntur ramosæ appendices *F*, quæ pluribus fibrarum fasciculis compaginatæ, in hos velut in villos aculeatos *G* dividuntur, & solvuntur, qui implicatione factâ, quasi echinatum corpus constituunt.

In eadem pariter Quercu (35.) frequenter discussis caducis foliolis globosum exiguae magnitudinis corpus *A* excitatur, quod intus vermem alit; appendices verò, quasi laciniata folia *B* viridia, eâdem excitatâ substantiâ, promit.

In Populo pariter (36.) interdum tota futuri surculi carina *A* in insignem conglobatur vesicam *B*, papillares promentem appendices *C*, patentibus orificiis hiantes. Hujus substantia crassis corticis utriculis, & ligneis fibris interseritur, veluti crassum folium: intus innumera foventur animalia.

Non tota perpetuò gemmarum structura in Gallarum tumores immutata monstruosam, morbosamque induit naturam; sed retentâ interdum aliqualiter antiquâ surculi naturâ, variis in locis vitiata infectorum fœtibus famulatur. Ità passim in Quercu (37.) non rarò mutilatus occurrit surculus, in cuius basi caduca foliola *A* adhuc subsistunt: hic autem crassior redditur ex materia, quæ in longitudinem absumi debebat; unde brevia sunt internodii spatia, scilicet inter foliorum *B* exortum: apex verò *C* temporis tractu, deficiente, vel corrupto alimento contabescit, & decidit: quare mutilata remanet surculi forma. In hoc itaque per longum secto, ligneæ occurrunt fibræ *D* ad foliorum pediculos pariter productæ, & ad apicem surculi.

furculi. In conclusa medulla vermis *E* conditur : superior tamen furculi portio *F* oblitteratâ medullâ, vacuum relinquit spaciun.

Media quoque vegetantis gemmæ portio quandoque morbida redditur. In Quercu (38.) non semel elongata gemmæ carina *A* in naturam furculi, emissisque foliolis stabilibus *B*, à latere tumor *C* emergit, ex conditis muscarum ovis : reliquum verò furculi *D* tandem contabescit.

In ipsa pariter Quercu (39.) quandoque à gemmæ basi caducis foliolis *A* circumdata, surculus *B* attollitur, qui stabilia folia *C* promendo, contabescente apice, in Gallam *D* vertitur viridem, & mollem ; quæ tubulosa superiùs reddit, quasi in folium laciniatur ; servato intus in basi vermiculo.

Frequentissimè tenelli surculi extremus apex in sui generis Gallam morbosè vertitur. Ità mensibus Junii, & Maii intuemur in Quercu (40.) cuius quædam gemmæ, discussis caducis foliolis *A*, surculique carinâ *B* crassiori redditâ, stabilia folia *C* emittunt, quæ suo petiolo novas fovent gemmas *D*; apex autem turgidior, & ovalis ferè redditus, perennia quoque folia *E* inter caduca emittit, in quibus interdum uvæ quercinæ inchoamentum *F* miratus sum. Hujus extremitas, quæ in longiorem extendi debebat surculum, in foliola *G*, tamquam in lacinias, dividitur : intus conduntur animalia. Et quoniam varia est hujus Gallæ forma ; ideo placuit alteram addere figuram, in qua ab extremitate surculo *H* ovalis attollitur tumor ligneus *I*, à quo folia *K*, & gemmæ *L* exortum trahunt, suóque tempore vegetant ; licet tamen parùm ex crescant, & factâ cum reliquis comparatione, minima existant. Semel vidi à basi gemmæ *L* exortam postremo Gallam *M*, longo firmatam pediculo ; à qua tandem musca evolavit. Secta hæc Galla, quæ ligneis fibris, & cortice constat, ex corrupta medulla concavitatem *N* exhibet ; inferiùs verò cubantes vermes *O* indicat.

Tota tandem interdum in Quercu (41.) gemmæ structura, adeptâ compendiariâ quasi surculi formâ, emissisque foliis stabilibus *A*, & productis novellis gemmis *B*, crassior efficitur ; & brevissima : intus verò tubulosa redditur ex verme medullam depascente, qui tandem facto foramine, viam sibi quærerit in basi *C*, & postremò surculus hujusmodi, superstite cortice, & ligneis quibusdam fistulis, frequenter marasmo deficit.

Recentes pariter gemmæ, à tenellis proximi veris surculis exortæ, quas secundas appellare licebit; ex intrusis muscarum ovis in sui generis Gallas, quas capitula squamata dicunt Neterici, conversæ ægrotant. In surculis etenim interdum *Quercūs* (42.) Junii mense gemmæ quædam turgidiores fiunt, & elongatis caducis foliolis *A*, subrotundum primò fit corpus, quod per medium sectum, dilatatum gemmæ basim *B* exhibet, foliorūmque caducorum exortum *C* indicat: In cæteris namque sanis gemmis, secundū Naturam vegetantibus, extremorum foliorum exortus, & implantatio sub diversis planis contingit; ità ut ellipsis, vel conus indicetur; in illis autem crassefactâ basi *B*, ab eodem horizontali plano reliqua carinæ folia *D* emergunt. In horum medio minima eminet appendicula *E*, à lignea substantia exorta. Hæc in globosa sui parte *F* vermem unum, vel alterum *G* custodit: interdum tamen quatuordecim vermiculos in ipsa numeravi. Sensim augetur gemma hæc; ità ut oblongior reddita, in apice laxetur, & caduca foliola *H* proceriora fiant. In hac per longum secta, immutato foliorum exortu, media carinæ pars *I* sursum attollitur; & condita Galla *K* grandior reddita, conicâ appendice *L* assurgit. Tandem singuli caducorum foliorum ordines, vegetando excrescunt; nullo erumpente stabili folio, & laxata gemma, quasi flos appetet: condita verò Galla *M*, procerior reddita, quercinum fructum æmulatur; interiùs autem concavitate *N* vermem custodit. Interdum Galla hæc à contento verme, & à conditis inter foliola copiosis animalculis eroditur; ità ut nullum ipsius subsit vestigium. In nemorensibus Quercubus adhuc tenellis, consimiles frequenter gemmatæ Gallæ occurunt. Ab extremitate namque novelli rami, cui hærent gemmæ *O*, novus assurgit striatus surculus *P*, hinc indè folia promens, & gemmas: hic in gemmatum foliorum contextum *Q* absunitur, qui cum exaratis Gallis eandem omnino naturam sapit. In hoc itaque appendix interiùs custoditur, à qua suus vermis fovetur. Ab eodem pariter ramo interdum alterius naturæ Galla *R* erumpit, quæ prodeunte muscâ perforatur. Placuit interea Gallæ gemmatæ iconem addere, quæ exteriùs alias Gallas *S* promebat. Interiùs hæc quasi calix concavus hiabat; nam mutato plano, à quo folia exoriebantur, mediæ futuri surculi partes *T* sursum excreverant; portio verò *V*, quæ aliâs in apicem elongari debebat, ex morbo tabefacta, humiliis jacebat,

nec

nec Gallæ *X* adhuc continuabatur : hæc enim lacerata, & putrefacta, eâ parte, qua necebatur *V*, urgentium foliorum impetu sursum pellebatur ; unde frequenter inter lustrandum hujusmodi Galla facilè excidebat. A lignea portione gemmæ hujus exortas casu vidi Gallas *S*, suosque condebant vermiculos. Hoc unum monendum in exaratis gemmatis Gallis ; non perpetuò vermem ligneo cortice circumdate reperiri ; sed vacuitatem in centro, ubi gallula aliàs assurgit, excitari : nam erofo fortasse tenello olim gemmæ apice, turgente adhuc vegetatione, Gallæ corpus adauctis caducis foliolis, in latum extuberat.

In *Salicibus* (43.) novi surculi extremitas, seu secunda gemma frequenter consimili pariter tentatur Gallâ : ampla namque fit, quasi gemma foliorum *A*, contextu excitata ; quæ deorsum pendula, elegantem penè florem æmulatur ; nec ulterius acquirit augmentum, sed tandem exsiccatur. In secta hac Galla gemmata, surculi portio contorta *B*, ut plurimum occurrit, quæ dilatata in ligneam substantiam *C*, foliola *D* premit. In centro, hoc est, in situ apicis, futuri surculi vermis luteus *E* continetur, qui suo halitu, & transpiratu, perturbatâ succi viâ morbosam hanc Gallam efficit.

In novis pariter gemmis *Quercûs*, Junii mense emergentibus, (44.) laxatis caducis foliis *A*, Galla *B* attollitur. Hæc seminis hordei magnitudinem parum excedit, & cristatis costulis *C* turget ; ut seminum techam æmuletur : intus concava est, & binos sovet vermes. Ab iisdem secundis gemmis in *Quercu* (45.) frequentissimè ante Julii mensem copiosæ erumpunt Gallæ, quarum exortum placuit indagare. A surculo igitur novello *A* supra folii stabilis implantationem *B*, minima locatur gemma, binis cooperta caducis foliolis *C* : ab hujus basi erumpit Gallæ inchoamentum *D*, quod recurvo apice eminet ; interdum autem quasi stylus acuminatur. Intus concavitas adeat, copiosis ovis *E* referta ; duodecim enim à principio numeravi. Temporis progressu auctior redditæ Galla *F*, à grandioris gemmæ *G* basi exorta, tunidiori ventre turget, & apice *H* sensim ascendit : tandem rotundo penè ventre *I*, conicóque apice *K* sursum dirigitur, & compressa postremò gemma in rotundum excrescit corpus nobis notum, in quo ut plurimum unicum conditur animal : interdum multiplia disparatis in locis custodiuntur ; donec in muscas conversa, foras viam sibi querant.

Parem exortum fortuntur Gallæ, quæ ab humilioribus Quercubus (46.) circa Augusti initium oriuntur: Frequenter etenim extremus surculus tenellus *A*, inter foliorum axillas *B*, ubi plurimum humoris stagnat, copiosas promit gemmas *C*; à quarum basi Gallæ *D* exeruntur, & à primordiis curvatum stylum æmulantur.

Exaratarum Gallarum structura, si reliquis primo vere subortis comparetur, longè solidior, & compactior extat (47.) A brevi peciolo ligneæ fibræ *A* sub cylindri forma congestæ, producuntur, quæ exteriorem Gallæ regionem *B*, reticulari excitato opere, percurrentes ramos *C*, versùs centrum propagant; à quibus hinc indè pericarpium subluteum sub utricularum specie *D* pendet: hoc ubi laxatur, reticularem exhibit contexturam: ubi verò versùs centrum angustatur; graciles stirias *E*, utricularum transversalium ordinibus persimiles, promit. In centro frequentissimè cubat vermis candidus, & pars circumambiens *F* addensatur, & subalba redditur. In quibusdam Gallis, quæ oblongiori præcipuè constant corpore, multipli- ces conduntur vermes; nam circa centrum plura spatio *G* obseruantur, quæ à tot vermiculis occupantur. In pericarpio pariter irregulariter conduntur alii vermiculi *H*; ità ut quatuordecim sæpiùs numeraverim. In aliis insuper totum pericarpium copiosis vermiculis *I* scatet, nullo servato ordine sitûs; & ferè semper, dum contentus in centro vermis in muscam conversus, mox erupturus est; reliqui adhuc molles, & minimi jacent. Interdum diversæ speciei vermes, Gallam ipsam devorantes, habitant. Variam quoque maturitatem acquirunt contentæ muscæ; nam non rarò in eodem spatio prope muscam, brevi evasuram; mollis, & minimus cubat vermiculus.

Insignem, & prægrandem Gallam (48.) non rarò apud nos miramur, quæ orbiculata maxima dicitur. Hæc pediculo ligneo *A* à surculo emergens, in rotundum extuberat corpus *B*, quod in apice appendices *C* habet, & circa superiora papillaribus eminentiis *D* sub uno segmento ornatur. In basi Gallæ pericarpium non immediatè contagit peciolum; sed umbilicalis quædam excitatur concavitas *E*. Hæc secta per medium, protractas ligneas fibras *F* exhibet, à quibus pericarpium pendet, quod temporis tractu in foveas, & scissuras inæquales solvit; in quarum centro, quasi ovum *G*, gracili cortice excitatum, castaneæ fructum referens, continetur; quo disrupto vermis occurrit.

Parem

Parem figuram deprehendimus in quercinis Gallis (49.) quæ consimili rotundo excitatæ corpore *A*, continuatâ quasi coronâ *B* cinguntur. Ab his contentus vermis in muscam conversus, per inductum foramen *C* foras evolat.

In humilioribus insuper Quercubus (50.) exiguae quædam Gallæ gignuntur, quarum superior portio *A* in aream extenditur, à cuius centro papilla *B* eminet: extremis autem finibus in quatuor recurvas appendices, quasi cornua *C*, desinit: ab hac pariter exit contenta diu musca.

Declinante insuper æstate, interdum in Quercu (51.) subrotunda occurrit Galla *A*, à cuius peripheria exiguae radiosæ appendices *B*, quasi ramorum inchoamenta, erumpunt. In hujus centro insignis concavitas adest, in qua copiosa foventur ova *C*.

In Quercu pariter (52.) circa finem Septembris echinatam quasi Gallam observavi. Ab hac appendices *A* subviridis coloris, variis præditæ figuris, emergunt; à quibus melleus penè succus exsudat. In hac secta plures, & plures cellulæ, suis refertæ verminibus *B*, conspicuntur: & interdum ab extrâ novus irruens vermis, Gallæ pericarpium, & conditos quoque vermes enecat.

Circa eadem tempora in tenella Quercûs plantula (53.) infra ramos, & gemmas, plures echinatas Gallas pariter lustravi. Hæ curvas appendices *A*, versùs superiora directas, emitunt; quæ rubore quodam suffunduntur, & temporis diuturnitate ligneæ redduntur: intus verò in basi vermis conditæ, qui tandem muscæ speciem adipiscitur.

In humiliori Quercu (54.) declinante æstate, vel irruente autumno, copiosæ quoque emanant Gallæ; quandoque ab ipsa gemma, interdum à gemmæ basi *A*, dum adhuc minimæ vegetant, geminis appendicibus *B* attolluntur, quæ sensim turgente Gallæ corpore *C*, ferè obscurantur. His sectis copiosos intus ali vermes *D* observavi, qui multo interjecto tempore, in muscas conversi, foras erumpunt. Variæ insuper Gallarum formæ, casu ortæ, passim obviæ fiunt; quæ diversa pariter æmulantes corpora; ab iisdem denominationem sortiuntur: quæ cum apud Botanicos fusè habeantur, nostrâ non egent indagine.

Flores, seu uteri insectorum familiæ, non mellea tantum parant alimenta; sed ad fovendos, alendosque ipsorum fœtus

interdum damnantur. Ità in floribus Lauri (55.) frequenter observamus : revulsis enim foliis concavis *A*, morbosus quidam tumor, seu *Galla*, occurrit, à cuius exteriori peripheria staminum capitula *B* eminent : totus verò tumor *C*, filamentosâ quâdam lanugine, in solidum corpus contextâ, compaginatur ; quo secto innumeri vermiculi, vix microscopio visibles, patent.

Amentum & ipsum in arboribus quibusdam, multiplicatis flosculis contextum, muscarum ovis deturpatum, in peculiarum ex crescere molem. Hoc non rarò in Quercu (56.) vidi-
mus. A situ foliorum gemmæ *A*, quibus olim tenellum amentum condebatur, pecioli quidam *B* extenduntur ; quorum apex amentaceis flosculis *C* ornatur. Circa hujusmodi pedicu-
los ligneæ ex crescentiæ *D*, in ovorum formam extuberantes,
emergunt, quæ in summitate à contento animali lacerantur. A lateribus hujusmodi ovalium Gallarum, gracilia erumpunt in-
numera ferè capillamenta *E*, quæ in longum extensa, mollia,
& crispa reddita ; lanuginosum globulum efficiunt, quo conditæ Gallæ custodiuntur. Exarata capillamenta tubulosâ mem-
branâ, humore vacuâ, constant ; unde ferè diaphana sunt :
copiosus namque, & halituosus humor, qui in flores confluit ;
in pilos absimitur, & per papillas expirat : mutatâ ex affusis
ovis directione ; in oblongos quasi pilos netur, à quibus ex-
arata congregatio.

Fructus, seu fœundi uteri, à plantis passim pendentes, ver-
mium quoque, seu muscarum commodo inservire videntur : unde frequentissimè pericarpium, reliquaque seminum integumen-
ta, & ipsæ etiam seminalis plantulæ partes & fovent, & suo dispendio animalia nutriunt. Non rarò etiam tumores ena-
scuntur Gallis analogi, quibus vermes conduntur. In Quercu
(57.) interdum pendet à fructu *A*, qui debitâ magnitudine privatur, sui generis *Galla B*: à secundina etenim *C*, semen ambiente, & ab ipso pariter calice tumor quidam erumpit, qui exteriùs cristatas promit appendices *D*, quæ melleum reddunt ichorem. Utriculis, tracheis, & fibris constat ; unde sectus, in concavitate contentum exhibit vermem *E*. Gallæ apex *F* concavus est, & in singulis non eandem servat configurationem.

In *Avellanis* pariter nux inter initia tenello cortice munitur, qui inficti vulneris cicatricem servat ; circa quam, crassiore red-
dito nucleo, labia interdum attolluntur : contiguum verò, con-
tentumque

tentumque pericarpium, subnigrum redditum, vermem custodit; unde seminis futura materia syderatur, vel saltem consumitur. Interdum in iisdem uteris, & tenellis fructibus foliam cicatricem turgidam, & intus exsiccata ova observavimus.

In *Pisi*, & similium siliquis, persæpe exteriùs strumosi eminent tumores cum cicatricum vestigiis, crassefacto ibidem pericarpio: intus verò copiosi vermiculi conduntur, qui semen etiam vorantes, tandem foras viam sibi faciunt. Maii mense Pomorum pericarpium frequenter rotundam vulneris cicatricem in exteriori superficie exhibet, quæ, nullo subcrescente tumore, interdum patula est; quandoque frustulis, & segmentis obturatur, vel ipsius extrema non semel connivent. Ab hac itaque horizontaliter intra pericarpium excavatur fistulosum foramen, cuius extremitatem ovum occupat, quod tenui circumdatum membranâ, diaphanum, candidumque perlucet, & oblongâ pollet figurâ. Idem observare licet in *Prunis* quæ rotundis iisdem vulneribus tentantur: horum hiatus, & continuatum foramen gummi repletur: in penitiori verò infulti vulneris sinu ovum fovetur candidum pariter. In eodem quoque pericarpio quandoque exteriùs copiosa deprehenduntur foramina adhuc patula, quæ sinuosissimæ cuniculis, totam carnem pervadentibus, continuantur. Hos vegetus quidam vermis percurrit, à quo tota tandem fructus caro absimitur. Quare sicut evidens est, ova in hujusmodi pericarpiis reperta illè deponi, & foveri, donec in vermem immutentur: ità probabile est, postremum hoc animalculum non deponi sub specie ovi; sed viam erodendo sibi facere, & foras iterum sub eadem forma erumpere.

Capreoli, & ipsi præcipue in Vite (58.) à muscarum contagio nequaquam immunes degunt; quandoquidem non semel in ipsis geminos ovales tumores *A* utriculis rubicundi corticis excitatos observavi, in quibus foramina *B* conclusis animalibus exitum concessere.

Popularis exaratorum tumorum morbus non solas gemmas, folia, & flores afficit; sed reliquias plantarum partes, dummodo vegetando intumescere possint, indiscriminatim tentare solet: Ità in surculo *Quercûs* (59.) infra extrema folia *A*, quorum pecioli in tumores monstruosos *B* degenerant, vermes custodientes; irregulares, & multiplices tumores *C* à surculi tenella substantia interdum emergunt, qui angulari apice ut plurimum terminantur;

tur; ventre verò turgent, & contentos tot vermiculos fovent.

Mirabiliorem, & elegantiorem tumorum structuram non semel in Quercu (60.) admiratus sum. Hujus ramus *A* cum appenso surculo *B*, hinc indè erumpentibus exiguis Gallis *C*, exasperatus, pulchrum exhibet spectaculum: nam hinc indè turmatim, & indiscriminatim oriuntur Gallæ hiante cortice. Harum aliquæ à ramo *A* emergentes transactæ hyemis rigiditate non parùm deformatæ, foramine hiant ab evolante musca excitato. In surculo verò *B* recentiores sunt Gallæ; & in plerisque adhuc musca conditur, quæ oblongâ, gracilique constat carinâ, qua venter, & thorax quasi lineâ connectitur. Quælibet Galla conico, papillarique exortu *E* à ligneis fibris propè medullam emergit; & receptis fistulis à linea substantia, & utriculorum seriebus in rotundum corpus *F* congregatur: & hinc indè à supercrescente ligno, & cortice rami occultatur, & custoditur: unde avulsa Galla, continuatam corticis portionem *G* laceratam secum rapit. Pars superior, quæ extrà eminet *H*, aeris injuriæ exposita, extenso olim molli corticis operimento privatur; solumque supereft striatum corpus, exsiccatis utriculis contextum, cuius canaliculi *I* excurrentium jam lignearum fibrarum situm indicant: intus concavitas adest, quæ hiante foramine *K* patet. Easdem Gallas in radice Quercûs supra terram serpente observavi, inter quas aliquæ consumptæ pariter jacebant; reliquæ verò, adhuc tenellæ, integrum servabant structuram; & exterius rubicundæ papillari apice *L* terminabantur, sensim ventre *M* turgebant fasciculis ligneis, & utriculis contexto, qui striatus parùm erat, & reliquo sui necabantur ligno *N*: unde detracto cortice, lineaæ fibræ *O* patabant. Præter exaratas conspicuas Gallas *C*, in ramo *A* minima pariter tubercula *P* observantur, inchoamenta Gallarum; ex aspersis etenim copiosis ovis tenellæ partes vegetando intumescere incipiunt, deficiente tamen humore nullum ulterius capiunt augmentum: unde & contentum ovum exsiccatum, & Galla inchoata non absolvitur.

Rubi partes alendis, & incubandis infectis satís idoneæ hujusmodi tumores de facili emittunt, qui non unâ constant formâ; sed ex varia vegetantis humoris copia, & motu indito diversimodè figurantur. In ramo itaque (61.) frequenter tota internodii portio in tumorem *A* attollitur, à quo exterius spinæ *B* erumpunt: lœvis est exterior superficies præter minima quædam

quædam stigmata, & cicatrices. In secta per longum Galla, lignea portio *C*, quâ surculus excitatur, insigniter curvata sub cortice exteriùs producitur; unde amplum relinquitur contentæ medullæ *D* spatum, quæ utriculorum horizontalibus ordinibus componit. In hoc itaque copiosissimæ concavitates obser-vantur, à candidis occupatae vermiculis *E*.

In Rubo pariter canino (62.) frequentissimæ Gallæ ramosæ indiscriminatim pullulant in foliorum pediculis, in surculis, & gemmis: ex copiosis etenim relictis ovis ità turbatur affluens succus, ut strumosa fiant complura tubercula *A* simul confusè congesta, quæ utriculorum seriebus, & fibrarum implicatione contexta, ramosas propagines *B* germinant; ità ut minima qua-si sylva appareat. Quælibet propago *B* ramos, hinc indè vil-loso *C*, edit, quorum apex capitulo *D* ornatur; seu conchâ rubicundâ terebinthinâ refertâ: Hinc indè pili *E* pariter erumpunt. Hujusmodi ramosæ productiones interdum desinunt in exiguum, & minimum folium subviride *F* terebinthinæ pa-pillis, & pilis ornatum; quasi ac Natura in tam morbosa ab-erratione foliorum generationem non dediscat. A congloba-to pariter Gallarum tumore stabilia *Rubi* folia *G* erumpunt, productionibus ramosis *B* non parùm obscurata; quibus lace-ratis, & abrasis, soli supersunt Gallarum tumores *H*, simul congesti, qui à contentis muscis tandem evolantibus laceran-tur, excitatis foraminibus *I*. Semel in cujusdam *Rubi* canini ramo Gallarum *K* congeriem vidi: hæ subrotundâ pollentes formâ invicem continuantur; ut conglomeratum fiat corpus: Læves exteriùs sunt, ligneâque constant substantiâ: foramine *L* perviæ sunt; conditum namque animal viam sibi facit.

In Populo (63.) frequenter à ramis, & à trunco ipso æsta-te vigente, morbosæ quædam excrecentiæ prorumpunt: lax-ato etenim cortice gemmarum minimarum congeries pullulat; unde tumor excitatur. Harum portionem minimam delineare placuit. A subjecto igitur trunco lignea portio *A*, adhuc mollis, emergit; fibris *B*, & utriculis contexta. Hæc in foli-ola variae magnitudinis, & formæ *C*, rubicundi coloris solvi-tur, quæ pilis cooperiuntur. Intercepta spatia innumeris ferè vermiculis *D* luteis, & ovis replentur. Gallarum hoc genus al-bæ quoque Populo familiare est. Hujus tenelli surculi facilè tentantur; & ex continuo halitu, à contentis vermibus expi-rante, exarata foliola *C*, nullum capiunt augmentum; sed

tandem convulsa contabescunt. Idem accidit *Fraxino*, à cuius tenellis partibus, & præcipuè foliorum peciolis, monstruosè emergunt tumores ; qui in gemmarum foliola dividuntur, pilisque cooperiuntur ; & ità animalia custodiuntur.

Tam varie ludit casus in Gallarum productione, ut eadem planta, & surculus varias ipsarum species producat, & diversas alat muscas ; unde non rarò in *Quercu* (64.) autumno vidi surculum, cuius extremitas Gallâ foliatâ *A* ornabatur : & ab ejusdem basi geminæ rotundæ Gallæ *B* pendebant. Infrà verò gemmata Galla *C* erumpebat ; & ab opposito emergens folium, plures pariter fungiformes Gallas *D* emittebat.

Plantarum quoque radices, licet terrâ condantur, plerumque tumoribus laborant, quibus vermes foventur. In *Quercu* (65.) non rarò, dum lustrarem unius, vel alterius pedis longitudine humatas radices ; in extremis radiculis excitatas vidi Gallas *A*, quæ interdum turmatim erumpunt. Hæ exteriùs, non undequaque læves sunt ; sed exsiccata fragmenta quasi furfures servant. Harum color vitellinus est. Utriculis, & fibris in solidum corpus compactis de more constant : & insignis intus, excitata concavitas *B*, folliculum papyraceum continet, in quo candidus cubat vermiculus. Non semel monstruosam hujusmodi Gallarum congeriem in radicibus pariter *Quercùs*, terrâ conditis deprehendi. Hæ igitur ab unica, tenellaque radice *C*, hinc indè erumpentes, brevi firmatæ pediculo, quadratum corpus Gallis *D* congestum efformant. Quadrageinta interdum enumeravi Gallas, in racemum colligatas. Variam sortiuntur figuram ex mutua compressione : unde Pinii fructum, seu conglomeratam glandulam æmulantur. In harum centro candidus fovetur vermis. Aliquando in ejusdem *Quercùs* radicibus aëri expositis insignes Gallæ protuberant ; persimiles iis, quæ primo vere observantur, in quibus quamplurima conduntur animalia : In hoc tamen differunt, quod ex affuso ligneo succo solidæ redduntur hujusmodi Gallæ.

In radice pariter *Tithymali ciparissæ* (66.) non semel ingenitatem vidi Gallam *A*, quæ à lateribus radicis erumpens, futuri caulis materiam in sui compagem insumit : unde ligneâ constat substantiâ, pluribus quasi nodis *B* distincta, à quibus gemma *C*, foliaque erumpunt ; & futuri caulis apex *D* attollitur. Intus concavitas excitatur, in qua vermis intra cartilagineum corticem *E* conditur.

Brassica (67.) præ cæteris alendis vermibus peropportuno abundat succo ; unde in principio radicis, seu in ea caulis parte, quæ parùm à superficie soli elevatur, vel sub ipsa occultatur ; copiosæ Gallæ *A*, diversæ figuræ erumpunt, quæ à primordijs minimæ sunt ; & tandem in cerasorum formam, & magnitudinem frequenter ex crescunt. Sæpiissimè plurium Gallarum conglomeratio excitatur ; unde monstruosa succedit forma. In singulis tumoribus vermis insignis *B* alitur, qui facto foramine, foras erumpit.

In leguminibus, & consimilibus plantis appendices, Gallarum speciem referentes, paßim obviæ fiunt ; in quibus, cùm hucusque frequenter vermes, & ipsorum continuatam ab ovo animalium generationem, ob tenellam ipsarum compagem observare non licuerit ; ideo non asseveranter pro Gallis describam : cùm tamen probabiliter eas tales esse censeam. In *Ruta capraria* (68.) crassior radicis cylindrus *A*, hinc indè ultra radiculas, Gallas *B* sui generis oblongas, & subrotundas, parùmque depressoſas emittit, quæ variâ constant formâ. Hæ exteriùs corticis utriculis componuntur, quibus radix excitatur. Intus varia conditum substantia, utriculis coercita. In novellis enim tumoribus roseum refert colorem contentus succus ; & aliqualem sapit soliditatem. In grandioribus tamen, laceratâ exteriori, corticalique portione, ichor erumpit ; & interdum vermes occurruunt. A radiculis *C* pariter eadem Gallæ *D*, licet minores, pendent, quæ parem fortiuntur structuram.

Fabrum radices (69.) minores promunt, quasi ramulos, qui in radiculas solvuntur. Ab his igitur pendent Gallæ *A*, utriculis subalbis exteriùs excitatae. Harum interiora tenent utricularum ordines, viridem referentes colorem, per longum statuti. Interdum perforatas vidi hasce Gallas ; & adhuc dubito, an à condito interiùs verme, an ab exteriori animalculo, ingressum tentante.

Cicerum (70.) quoque radix *A*, Gallis *B*, diversas habentibus species, hinc indè ornatur, quæ interiùs subvirides sunt ; nec in ipsis vermiculos vidi : In *Vetia* pariter monstruosam repcrii Gallam *C* ; quæ diversis appendicibus ditata, tuberosa reddebatur.

Placuit interea crumpentes adhuc lustrare. In radice itaque Fabæ (71.) vegetantis, hiante cortice *A*, Galla *B* promitur ; sensimque in longum extenditur. Plures frequenter

ter pullulant simul congestæ *C*, disrupto corticis involucro, quod circa crescentes tumores labio *D* attollitur; unde Gallarum exortus à penitiori cortice, ligneum cylindrum ambiente, contingit.

In expositis Gallis, reliquaque exaratis morbosis tumoribus varias foveri muscas hucusque indicavimus. Et quoniam ipsarum structura elegans est, multumque lucis afferat pro eruenda germana Gallarum productione, insectorumque ibidem cubantium; ideo circa ipsarum nonnullas partes immorandum duxi. Muscam (72.) igitur, quæ à quercinis Gallis Augusti mense prognatis erumpit, delineavi, prout etiam nudis oculis occurrit. Caput habet *A*, à quo articulatae enascuntur antennæ. Thorax sex pedibus *B* armatur; qui stylis, & unguibus muniuntur. Alæ quoque quatuor *C* inæqualis magnitudinis adstant. Succedit abdomen *D*, quod diversis cartilagineis corporibus, quasi loricatum corpus, componitur. Ut autem facilius pateat ipsius compages, varios seorsim delineavi situs. Necritur thoraci in *E*, & cartilagineis lamellis *F* constat; quæ gracilitate, & luciditate specularem lapidem æmulantur. Et quoniam animalis arbitrio contorquetur venter; cum interdum gracilior, & brevior reddatur, mox tumidior; & ut condita exerantur, coagmentatae partes non perpetuam servant compaginem, & situm; ideo cartilagineæ lamellæ *F* non explent continuatum circulum; sed in *G* suum sortiuntur finem: & retractæ sese invicem obscurant, & tegunt. Harum extremitas pilis ornatur: ipsarumque color subvitellinus extat. Reliquum ventris gibbosâ pariter constat cartilagine *H*, quæ glabra quâdam munitur appendice *I*: hæc subiectâ tegitur terebra, cuius condens vagina *K* parùm erumpit, non longè ab ano. Dum exeritur itaque exarata terebra, mutatur abdominis situs; & cartilagineum corpus *H* foras rapitur, curvataque olim terebra *L* erectior redditur, & custodientis jam vaginæ extremitas *K* eminet. Quâ ratione autem contingat; ruditer adumbrare tentavi. Dum igitur terebra *L* evaginatur, ventris segmenta, seu lamellæ versus dorsum *M* retrahuntur, & obscurantur: foras vero alterâ extremitate extrahuntur; & itâ circulare corpus *N* subiectum, cuius extremitate conditur terebra, manifestari incipit: & sic terebræ situs horizontalis efficitur. Separatum circulare corpus *N*, membranâ excita-

excitatum, speciem galeæ exhibit: concavum est; & ovarium, reliquaque continet viscera. Per longum cristata quædam appendix *O* excurrit, quæ parùm hians, veluti vagina, terebram condit; unde in altera extremitate separatæ geminæ partes *P* obliquantur, & flectuntur: hisque terebræ apex custoditur, pilisque condecoratur. Ab opposita autem galeati corporis parte *N*, terebræ radix ortum habet. Hæc tribus constat corporibus; latiori scilicet basi *Q*, & geminis stylis, hinc indè adjacentibus: hîc verò divulsis, ut pateant. Radix multiplies promit appendices, quæ parùm eminentes, varias delineant areas *R*; reliqui verò styli in arcum *S* curvati, iisdem hærent, & ibidem ab invicem parùm diducuntur: mox uniti, supra basim *Q* excurrunt. Terebræ substantia ossea est, vel faltem cartilaginea; melleumque refert colorem: curvatur, & tensa manet animalis arbitrio, & recurvo apice munitur. Muscarum terebra, cùm ob sui exiguitatem, & simplicitatem, non ita pateat; aliarum consimilium eget luce, vel faltem analogiâ.

In Cicadis (73.) insignis magnitudinis terebra extat, quam olim pro pene, ita deceptus, delineavi. Hujus structura miram Naturæ sagacitatem patefacit. Hæc horizontaliter locata supra ventrem excurrit, & apice, ipsius extremum attingit. Inter geminas cartilaginiæ *A* locatur, intra quas loco movetur, hisque custoditur. Hæc extremitate *B* in semicirculum quasi curvantur, & reflexâ basi *C*, firmantur: iisdem flexible appenditur vaginæ caput *D*, quo terebræ apex custoditur. Alia insuper cartilaginea corpora *E* terebræ radicem muniunt, eidemque ligamentis, & osseis processibus adnectuntur. Terebra *F* de more tribus coagmentatur partibus; quæ unitæ, angulare caput *G* efformant; & in basi *H* diductæ, radicem statuunt. Ut autem mira hujus organi structura pateat, seorsim partes lustrandæ veniunt: & primò basilare corpus *I*, quod totius terebræ fulcimentum est, occurrit. Hoc itaque osseâ, dentium instar, substantiâ compactum in basi *K*, & in lateribus *L* striatum est: canaliculis enim, & quasi fulcis *M*, & interpositis quibusdam, parùm assurgentibus, particulis obliquè, & penè spiraliter ductis, distinguitur. In basi *K* exaratæ striæ superiùs ductæ patent; sensim verò per latera productæ obscurantur. Reliquæ terebræ partes, eâdem osseâ substantiâ excitatae, basilari corpori hærent; ipsique, quasi per harmoniam unitæ, antè, & retrò loco moventur, excurrentibus elatis parti-

tibus *O*, canaliculos, & fulculos *P*; unde in basi musculi locantur, & in pluribus terebris diversorum insectorum curvatur radix excurrentium geminarum partium; ut immotâ basi expeditæ partes loco moveri possint. Quælibet pars mobilis angulare capitulo *Q* constat, quod geminâ quasi particulâ coagmentatur: Nam in superiori parte levis, & sublutei coloris portio *R* occurrit; à lateribus autem mirabilis, quasi lima *S*, observatur, in acutum desinens. Eminent enim veluti dentes diversæ figuræ, quibus plantarum, & similiū fragmenta teruntur: Qui versùs apicem sese exerunt, angulares sunt; reliqui verò *T*, latâ acie pollent, quæ lineam variè curvatam delineat. Quare satiùs fortasse nomine limæ insignienda esset. Quoniam tamen Insecta hac mediâ, attritis plantarum frustulis, foramina excitant; ideo quasi terebra dicetur. Exaratarum partium motus patet evidenter, non tantùm diductis, & digitis variè motis geminis partibus supra basilare corpus; sed vidente etiam animali præcipue Gallarum muscâ celer ipsarum motus deprehenditur, qui in extremo apice manifestatur, dum laterales partes ultra basilare corpus variè producuntur, & retrahuntur.

Nec sat fuit Naturæ tam miro artificio terebram, seu limam condidisse; sed inficto vulnere, vel excitato foramine infundendum exinde liquorem intra terebram condidit: quare fractâ per transversum muscarum terebrâ frequentissimè, vivente animali, guttæ aliquot diaphani humoris effluunt, intra basilare corpus contenti. In Apibus, reliquìsq; consimilibus (74.) terebra, seu aculeus, à galeato corpore *A* exortus, tribus pariter partibus componitur; hîc separatis, & disjunctis, ut facilius pateant. Basilare igitur corpus *B* osseum, gibbosâ, & per amplâ donatur cavitate *C*, quæ diaphano turget humore; qui versùs apicem eructatus, sub guttarum *D* specie erumpit, & tractu temporis concrescit.

Ex hucusque instituta indagine patet, exaratos quarumdam plantarum tumores, reliquâsque syderatas partes, Muscas, & diversa insectorum genera fovere, & alere, donec emancipata viam sibi faciant. Plura enim Insecta sua edunt ova, omni ferè auctivo succo destituta; quorum aliqua cortice privantur; itâ ut mollis primæva partium compages occurrat, sub specie quasi vermis. Ut igitur inclusum animal debitam acquirat partium manifestationem, & soliditatem; uterus, vel faltem ipsius

ipsius vicariam opem exigit, quam in plantis sagax Insectorum Natura perquirit : Quare ex diversa ovorum, contentorūmque animalium indigentia à Parentibus Muscis variè diversis plantarum partibus ova committuntur, vel deponuntur ; quæ enim robusto cortice muniuntur, & alimoniam unà cum animali claudunt, quācumque arborum parte, etiam tabefactâ, opportunè custodiuntur ; unde in pluribus fruticibus, & arboribus, præcipue in **Ulmo**, & **Virgâ sanguineâ** (etiam aridâ) ovorum congeriem turmatim locatorum hærentem vidi ; à quorum duro, & perforato cortice contenta olim eruperant animalia. Quæ verò molliora sunt, in foliis ipsis deponuntur : vel si copiosius exigant humidum, majorēmque tutelam, intra gemmæ tenellum corpus ; intra surculos, flores, amentum, pericarpium, semina, lignum, radices, & singulas ferè vegetantium partes conduntur ope terebræ, quâ **Gallarum muscæ** præ cæteris pollut. Hoc indicant exaratarum **Gallarum** series, & ordo, delineataeque terebræ conformatio : Huius namque radix ovario nectitur ; ità ut dispersa per multiplices tubas ova per communem ductum, quasi per uterus, seu vaginam, foras à basi terebræ propellantur. His conjecturis sensuum fidem addere liceat. Semel propè Junii finem vidi muscam, qualem superiùs delineavi, infidentem quercinæ gemmæ, adhuc germinanti : hærebat etenim foliolo stabili ab apice hiantis gemmæ erumpenti ; & convulso in arcum corpore, terebram evaginabat, ipsamque tensam immittebat ; & tumefacto ventre circa terebræ radicem tumorem excitabat, quem interpolatis vicibus remittebat. In folio igitur, avulsâ muscâ, minima, & diaphana reperi ejœcta ova, simillima iis, quæ adhuc in tubis supererant. Non licuit iterum idem admirari spectaculum, quamvis inclusas diu servaverim in vitro vase muscas, quibus tenellas gemmas, surculosque exhibueram : longo namque tempore absque cibo vixere, ejœctis postremò ovis, quæ contabuerunt. Nec novum est Naturæ hujusmodi terebræ ministerio in operibus insectorum uti. In cicadis, tam fœminis, quām masculis, ab ima facie quasi mentum, oblonga quædam pendet vagina, quæ in geminas hiat partes, pilis coperta : hac inquam terebra, tribus osseis, vel cartilagineis stylis compaginata custoditur, quæ eandem omnino cum delineata muscarum terebra organizationem fortitur. Exarati styli ad libitum tenduntur, & curvantur : quare probabile est,

hujus-

hujusmodi tenellas leviter vulnerando plantas humorem exhaire; ut infectis passim familiare est. Tam ferax itaque muscarum familia è Gallis erumpentium, sic dictante Naturâ, terebræ, seu duplicis limæ usu vulnerat, & perfodit molles plantarum partes; ità ut ex diversa ipsarum natura, & compage variæ pariter emergant morbosæ excrescentiæ, & tumores. Ex infuso namque liquore, à terebræ extremo effluente, qui summè activus, & fermentativus est, nova in tenellis vegetantibus particulis excitatur fermentatio, seu intestinus motus; ità ut appellens nutritivus succus, & in transversalibus recollectus utriculis peregrinâ aurâ inspiratus fermentari incipiat, & turgere; ut frequenter in nobis, & sanguineis quibusdam perfectis animalibus, ex apum inflicto vulnere, & subinde infuso ichore experimur. Novus itaque humorum motus turgendo, transversalium utricularum probabiliter seriem auget. Conjecturam hanc firmant crebri tumores in foliis exaratarum plantarum excitati, qui ex multiplicatis transversalium utricularum ordinibus, ipsorumque adauctâ magnitudine assurgunt; cùm frequenter fibrosi fasciculi, & tracheæ, vel breviores fiant, vel saltet à naturali forma deturbentur. Hi licet consuetam retineant formam, & longitudinem; ubi tamen interius vermis, vel musca conditur, ligneâ portione in ovalem extuberant formam; elongatis, & adauctis transversalibus utriculis ligni, & medullæ foventis animal. Delineati pariter tumores in surculis Quercûs, adhuc vegetantibus, extrâ erumpentes, solisque muscas foventes, transversalium utricularum succo contenti, ferinam turgentiam ex affuso ichore, & ovis indicant: unde probabile est, immutato nutritii succi motu, communicatâque novâ fermentatione, plerumque viam inverti; & lateralem quasi germinationem, & celerem vegetationem excitari; quæ quantò ex affuso fermentativo terebræ succo, & ex energia recipientis varii plantarum succi potentior est; tanto insigniores excitat appendices, & eruptiones morbosas, quarum varias species percurrimus. In pluribus rudis tumor appenditur solo transversalium utricularum augmento. In aliis, succedente vegetatione ex inclinatis, & curvatis fistulosis tubulis, totus ferè humor in transversales appendices exoneratur; & ità subrotundum conglobatur corpus, diversas Gallarum species efformans: Unde frequenter destinatus alimentarius humor, qui in surculum extendi debebat; in latum productus, in Gallas de-
sinit.

sinit. Natura tamen, licet morbosâ hac turgentia, quasi abserret, sui finis non oblitiscitur; sed, ut vidimus, interdum Gallas, reliquosque morbosos tumores sub foliorum specie efformat: Quandoque quasi minimorum surculorum congeriem ex laciniatis utriculorum transversalium seriebus effingit, & quasi luxuriantis vegetationis turgentem impetum arguit.

Succedunt autem, & excitantur facilius Gallæ in quercino genere, ac in reliquis plantis: vitrioli enim portio, quæ in Quercubus luxuriat, infuso terebræ ichore, turgentiam concipit, & motum: unde, erosione factâ, reliquum alimenti secum rapit; & ita ad latera etiam defluendo, & concrecendo, morbosos tumores excitat. Quid simile in nobis experimur, ubi ex acidis humoribus, salsis commixtis, non tantum internum excitatum patimur fervorem; sed laceratâ partium continentium compage, novis laboramus tumoribus, qui nullâ coerciti figurâ, in morbosas excrementias luxuriant. Exarata turgentiam non parùm juvat halitus, qui ex depositis ovis non raro efflat: Quercûs namque folia non eâ tantum parte, quæ subjicitur ovo vel vermiculo, amissò proprio virore, sensim albescunt, & frequenter convulsa distorquentur, sed tanta vis est & empyreuma exhalans; ut non solùm proximum, Vitis præcipue folium, convulsum, tabidumque reddatur, sed & surculus, cui appenditur, totus contabescat & convellatur. Hoc tamen non ita perpetuum est in Natura, ut non raro ova ab insectis conclusa nullum sui vestigium exigant subcrescente tumore, vel partium atrophiâ: memini enim in Populi surculo casu diffraicti oblongum reperiisse conditum ovum candidâ testâ circumbatum. Hoc horizontaliter locabatur, & extremitate inter ligneas fibras custodiebatur, altero autem fine parùm exsiccato extremum corticis contangebat. Alia insuper ova probabiliter conduntur intra varias plantarum partes, quæ nullum sui documentum exhibent, cum integra plantarum vita adhuc manuteneatur. Tam varius est Naturæ genius & insectorum exigentia, ut sicut plures foetus & ova extraneo egent, non solùm vegetantium incubatu, sed transudante ichore, qui auctionem & manifestationem perficit, ita quædam solâ tutelâ contenta, humorem aversentur, & intra siccum condantur, unde in aridis lignis, in testaceis, & in marmoribus ipsis occultantur & foventur.

Condita ova inter surculos, gemmas, & corticem, non omnia

nia animal promunt; in Gallis enim licet copiosa intrudantur, unum tamen vel alterum intra eandem concavitatem vegetat, reliqua tabe consumpta oblitterantur: augentur autem subeunte plantarum ichore cutis seu corticis porulos, & tandem paten-tem oris viam. Erunt itaque Gallæ & reliqui plantarum tumo-
res morbosæ ex crescentiæ vi depositi ovi à turbata plantarum
compage, & vitiato humorum motu excitatæ, quibus inclusa
ova & animalcula, velut in utero, foventur & augentur, donec
manifestatis, firmatisque propriis partibus, quasi exoriantur no-
vam exoptantia auram.

D E

D E V A R I I S
P L A N T A R U M
T U M O R I B U S
 E T
E X C R E S C E N T I I S.

Hucusque Gallarum tumores, in multiplicibus plantarum partibus Muscarum, & consimilium Insectorum contagio erumpentes, lustravimus. Quoniam tamen alimentum non perpetuò debitos excurrit tubulos ; sed interdum aberrando, in Tumores figitur, vel in monstruosas excrescit formas ; ideo circa has aliquantulùm immorabimur.

In *Pruni* radicibus frequentes excitantur strumosi Tumores, & tori ; ità ut radicis, & caudicis vegetatio in hos quasi desinat, & absuntur. Inæquali & varicosâ constant formâ, crassóque ambiuntur cortice, in quo insignes tartarei tophi observantur, quibus ligneæ fistulæ curvantur. Inter hos pariter erumpentes, à ligno radiculæ coercentur : ità ut ipsarum progressus impediatur. Lignearum fistularum, & trachearum productio ex impedita, vitiataque eruptione ; tortuosa, & morbosa redditur ; ut vorticem æmuletur. In subjecto quoque ligno fistulæ, & tracheæ in orbem ductæ, & in spiram quandoque contortæ, tumorum congeriem efformant ; in quibus transversalium utricularum ordines præ reliquis turgent.

In *Pomorum* pariter & *Pyrorum* radicibus (75.) consimiles passim occurunt tumores ; tenella etenim radix delineatæ crassitiei *A*, sensim protuberat ; ità ut oblongum, crassumque tumorem *B* producat, qui exteriùs fusco inficitur colore, & corticalis exigua tubercula *C* emittit : ab hoc pariter molles radiculæ *D* erumpunt. Gracilescit iterum, & primævam servans tenuitatem *E*, novas promit radices *F* ; & denuo turgendo, in ovale *G* extuberat corpus, à quo ulterior radicis progressus *H* extenditur. Horum tumorum cortex crassus valde est, fibris ligneis, & utricularum copiâ congestus : intus crassa coercetur linea portio, cuius exteiiores præcipue fibræ, & tracheæ non omnes rectæ sunt ; sed ipsarum pleræque in spiram contorquentur, & horizontaliter circumducuntur. In

In *Vitis* trunco passim tumores, & tori Gallarum speciem referentes, excitantur. Ab hujus lateribus fibrosi fasciculi contorquentur, & conglobantur ; circa quos copiosus congestus succus affunditur ; unde coloni trunci hujus partem terrâ cooperiunt, ut à tumoribus radices faciliùs profiliant.

Frequentes occurrunt in arboribus tumores constricto, & coercito tenello surculo. Ità miramur in *Opio* & *Pruno* (76.) cuius ramus *A* cingente *Vitis* capreolo *B*, arctè constringitur ; unde superior portio in insignem tumorem *C* extuberat. In hoc secto exterius ambiens cortex *D* utriculorum horizontalibus fasciis *E* contextus, impensè turget : contentum pariter lignum *F* fistulis excitatum, circa medullam *G* tumet : in situ verò *H*, ubi ab urgente capreolo coercetur ; angustius est : hujus autem tumoris causas inferiùs exponemus.

Oxyacanthæ pariter surculi tenelli (77.) non rarò oblongo tentantur tumore *A*, qui turgente circa lignum hinc indè substantiâ, excitatur. Ab hoc interdum novæ quasi appendices *B* promuntur, quæ in spinas *C* acuminantur. Ab exteriori tumoris superficie eminent laciniatæ membranæ, in speciem hiantium florum *D* contextæ, quæ elegans efficiunt spectaculum. Ab umbilico exaratorum florum erumpit pulvis rubiginosi coloris. Sectus hujusmodi tumor dilatatam ligneam portionem *E* exhibet, quæ medullæ ordinibus *F* per longum ductis, repletur. Exterius crassus affunditur cortex, utriculis *G* contextus : in hoc membranosi quasi tubuli *H* conduntur, ligneam portionem *E* interdum perforantes : horumque situs à medulla ad peripheriam, quasi horizontalis est. Tenui constant tubulosâ membranâ, quæ obtuso fine *I* interiùs ; oppositâ verò extremitate laciniatur, quasi flos in folia *K*. Totus tubulus farinaceo pulvere repletur ; qui in imo candidus est ; non longè autem ab hiatu, æruginosus est. Eandem morbosam constitutionem frequenter in *Oxyacanthæ* foliis, & saepissimè in *Vite alba* deprehendi ; quibus propria deformatur species. In exaratis autem tumoribus & tubulosis corporibus, hucusque nec ova, nec vermes conditos observavi.

In *Vrtica* consimiles ex crescentiæ, primo vere familiares sunt ; varijsque ipsius partes vitiant : frequentius tamen foliorum pediculi, & ipsorum continuata substantia in morbosum ex crescere tumorem, à quo delineati superiùs quasi flosculi eminent, luteumque pulverem tantum fundunt.

In *Frumenti* culmo, per longum tumor eminet; turgentibus utriculis atro, & æruginoso intus contento pulvere, qui tandem laceratâ cuticulâ foras dispergitur; interdum in ejusdem culmo tubercula excitantur, & gemina quasi vulnerum labia, parùm distantia, & secundùm rectitudinem sibi correspondentia erumpunt; intermedia verò fistulæ pars, non parùm gracilescit.

Tanta est foliorum mollities, ut vigente vegetatione, de facili alienam induant formam, & extraneis tententur eruptionibus. Ità passim in *Populo* (78.) à prona folii parte frequenter, & quandoque ab opposita, levis quædam attollitur excrecentia lutei coloris, quæ in breves pilos *A* solvit, & fit quasi sericum villosum. Hæc folii formam deturpat, quod frequentissimè concavum ibi redditur, colörque remittitur. Irregularis est hujusmodi tumorum forma, & eruptio; indiscriminatim enim ortum trahit: modò à costulis, sicut & à reliquis folii partibus. Quoniam tamen non omnibus contingit, & temporis diuturnitate affecta folii pars contabescit; ideo probabiliter à morbo contingere reor.

Quid simile in *Vite* (79.) contemplamur. In hujus foliis non rarò tumores eminent, & concavitates variæ excitantur, indiscriminatim locatæ. Ab inferiori namque folii parte, pilorum (seu filamentorum) congeries *A* erumpit. Hi colore vitrum æmulantur, & à lateribus ramosas quasi appendices *B* promunt. Molles sunt, & crassi; unde invicem implicantur.

Mira est in *Salice* (80.) morbosâ quædam germinatio, & quasi luxuries, seu excrecentia, quam interdum miramur; à ramo etenim crassior surculus, longitudinem palmarem æquans, striatus attollitur. Ab hoc è qualibet folii axilla tres, vel quatuor novelli surculi, breves tamen, emergunt, in quibus in nodorum situ, folia varias habentia appendices, cum minimis excrecentiis subrubicundis observantur. Quodlibet folium hâc, vel saltem analogâ constat formâ. Crasso pollet pediculo *A*, à quo quatuor, utplurimum, appendices *B* erumpunt, rubicundi coloris, cinereis coopertæ pilis, quæ & ipsæ ulteriùs novas excrecentias *C* quasi foliorum inchoamenta proferunt. Non hiant autem hujusmodi appendices *B*; sed intrò convulsæ, cum reliquo folii conglobantur. Succedit laciniatum folium *D*, quod in partes *E* divisum, novas promit appendiculas *F*, rubicundas: reliquum verò *G* pilis hirtum, vi-

ridem refert colorem. Exarata species non in omnibus eadem elucescit; sed quid analogum producitur; nam frequentissimè excrecentiæ, vel cristatæ appendiculæ à diversis folii partibus erumpunt. In his igitur, licet turgentem vegetationis impetum, & turbatam quasi œconomiam manifestò deprehenderim; conditos tamen vermes, vel ova nunquam adinveni.

Flores quoque, & uteri morbosis excrecentiis interdum tentantur; in *Rosa* enim (81.) loco calicis, quinque folia *A* pendent, quæ proprio exortu concham *B* efformant: hoc tribus itidem completur foliis, quorum gemina *C* minora sunt; reliquum verò *D* amplum. Intrà calicem de more flos in folia *E* copiosa aperitur, quæ rubicundo colore prædita, nativum spirant odorem; ab horum medio, stylorum loco ligneus caudex *F*, tenellus tamen assurgit, à quo molle folium *G* emanat eodem colore infectum, quo reliqua floris folia. Ab apice prodeunt foliola & gemmæ *H*, rubore suffusæ; in hoc itaque flore nec stamina, nec styli adsunt; in aliis verò Rosis consimilis occurrit flos, in quo calix, folia subalba, stamina cum capitulis, styli copiosi absque semine insunt, & ab horum medio ascendit surculus, cum foliis, gemmisque insignibus.

Plantarum igitur alimentitius succus interdum in transversalibus utriculis coeretur; nam ab externo vinculo non rarò impeditus, ulteriori propagatione per propria vasa non gaudet; vel turbatâ compage, vitiatâque fluiditate hæret. Ex qua in variis plantarum partibus tumores enascuntur: ab opposito autem exaratus humor liberiori viâ per propria refluit vasa, & copiosus derivatur à transversalibus utriculis: unde factâ irruptione, novæ gignuntur excrecentiæ, ut accidit in muscularis animalium, ulcere tentatis; in quibus, vasorum meatibus adhuc hiantibus, ex appellente copioso alimento, carneæ succedunt appendices; quæ tandem medicam exigunt manum. Et sicut in animalibus, constrictis, vel obstructis ab acidis, venis & glandularum cribris, hujusmodi viscera in tumorem extuberrant; itâ frequenter ex tartarizato, concretoque plantarum succo in propriis fistulis corticem, vel tenellam alburni partem constituentibus collectiones fiunt, quæ quasi abscessus excitant.

D E

PILIS & SPINIS.

PLurimæ plantarum partes in ipso præcipuè vegetationis limine Pilorum copiâ condecorantur, & emergentibus aculeis armantur; unde videtur Natura, pro conciliando core, comata reddidisse plura vegetantia, ipsique ad robur Spinas addidisse. Horum igitur indago nos rapit; unde à Pilis exorientes, ad Spinas exercitationem producemus.

In herbaceis itaque præ cæteris luxuriant Pili, ut patet in *Salvia* (82.) cuius humilior, & prona foliorum portio copiosissimis Pilis referta est. Horum aliqui *A* breves sunt & curvi, & quasi nodis distingui videntur: inter hos albi quidam minimique fungi conduntur. A costulis pariter & foliorum pediculo oblongi attolluntur pili *B*, qui contorti, ità variè flectuntur, ut lanuginem præ se ferant.

In *Cichorea* quoque (83.) ab humiliori foliorum superficie, ipsique costulis candidi erumpunt Pili *A*, lato exortu in mucronem desinentes: horum compages mollibus utriculis *B* excitatur; à primordiis autem ipsorum extremitas terebinthinæ capsulâ condecoratur, quæ statim contabescit. In floris calice ejusdem *Cichoreæ*, & alibi etiam, tenelli pullulant Pili *C*, qui in rubicundam terebinthinæ capsulam *D* terminantur.

Amentaceus *Cucurbitæ* flos (84.) interius præcipuè, pluribus elegantibus conspergitur Pilis; inæqualis tamen magnitudinis. Hi itaque utriculis *A* componuntur, non unam perpetuò servantibus formam, & croceo quodam succo replentur: in apice pariter, dum adhuc molles vegetant; subrotunda eminet terebinthinæ capsula *B*, luteo quoque succo referta, quæ evanescente humore oblitteratur.

Nec arboribus ipsis, & fruticibus defunt comæ; sed passim in ipsarum partibus luxuriant. Ità in *Virga sanguinea* (85.) miramur; hujus foliorum superior portio brevibus, & minimis condecoratur Pilis: prona verò oblongis, & mollibus *A*. His insuper pediculus & surculus ornantur; & temporis diutinitate, ipsorum, candidus olim color, in cervinum vertitur.

Avellanae (86.) tenelli surculi, & folia copiosos promunt Pilos

Pilos *A*; inter quos alii pariter rubicundi eminent, quorum apex *B* semisphærica concha, terebinthinâ turgidâ ornatur; adaucto autem surculo, brevi omnia contabescunt.

In *Vite* (87.) folia præcipuè copiosissimos Pilos candidos & crispos *A* exerunt ab humiliori ipsorum parte. A costulis autem breves, & aculeati Pili *B* prorumpunt, Spinarum naturam æmulantes.

In *Uvæ Spinæ* surculis, & præcipuè in foliorum pediculis (88.) elegantes, & quasi arborefcentes Pili eminent, qui lato exortu *A*, veluti trunco assurgunt; & hinc indè ramulos *B* proferunt candidos, & molles, qui sensim arescunt: his adstant minimi Pili & fungi *C*.

Pilorum productio in *Cicerbita* (89.) præ cæteris patet; hyeme etenim, circa vegetantia foliola orbicularum series *A* sensim erumpit humore turgida; progrediente autem vegetatione orbiculares utriculi pedetentim elongantur, & hanc acquirunt formam *B*, *C*, & postremò evanescente humore obliterantur.

Pilorum hucusque exarata conformatio adeò Spinis ipsis affinis est; ut in plerisque plantis pili rigescentes in Spinis facessant, velut & in *Boraginis* caule (90.) ac superiori præcipuè foliorum portione observare est. Quælibet Spina basi constat *A*, quæ oblongis congregatur utriculis, qui in tenello caule rubicundi sunt; in reliquis verò viorem referunt. Spinæ hastula *B* tubulosa est, & diaphano humore turgida, qui lacerto apice erumpit. Aliæ pariter adstant circumlocatæ Spinæ *C*, quæ curvatæ parùm attolluntur.

Cucurbitæ quoque caulis, flores, & folia (91.) suis muniuntur Spinis. Utriculorum minimorum congeries *A* Spinæ basim excitat, à qua sensim gracilescens, acuminata exoritur Spina *B*, quæ quasi internodiis distinguitur; intus diaphanus luxuriat humor, qui in uno, vel altero internodio flavescit: aliæ quoque minimæ interseruntur Spinæ, quarum aliquæ *C* diaphano coronantur capitulo.

Ab *Urtica* multiplex erumpit Spinarum genus: mollis etenim, nullámque adepta soliditatem in urticis vulgo mortuis (92.) adhuc tenellis à foliis, caule, & floribus eminet Spina. Hæc horizontaliter situata nodosa, & quasi articulata *A* conspicitur: utriculi namque, quibus primò coagmentatur, ex varia

varia contenti humoris turgentia, & copia, diversimodè figurantur.

Solidiorem substantiam, & ad feriendum aptiorem experimur in *Urtica aculeata* (93.) hæc enim à caulinulo hinc indè plures profert Spinæ, molles tamen, & inertes, inter quas quidam aculei *A* proceriores eminent, diversam inclinationem fortiti ; nam sursum apicem respiciunt frequenter ; quandoque horizontaliter diriguntur. Inseruntur in solida quadam basi *B* ligneam caulis naturam referente, & sursum erecti sensim in styli formam gracilescendo desinunt, quasi in infundibulum. Intus cava est hæc Spina, & succo referta ; inducta cicatrice, penetrando, utiginem, & tumorem fermentatione mediâ, velut infusa aqua regia, excitat.

Veneris labrum, & *Bardana* (94.) recurvis quoque stipantur Spinæ : horum folia in superiori superficie, & in pronis costulis, Spinæ horrida redduntur, quæ latiori exortæ basi *A*, recurvo muniuntur apice *B* : foliorum verò pediculus, & caulis ipse minoribus conspergitur Spinæ *C*, quæ horizontaliter erumpentes, deorsum curvantur, & pertractantium manus feriunt, vestibûisque hærent.

In *Hieracio* flore & facie *Taraxaci* (95.) circa caulem & folia copiosæ luxuriant Spinæ *A* præ inæquali magnitudine, geminis finibus *B*, hisque recurvis, muniuntur. Temporis traetū contabescitibus Spinis, unci exolvuntur & exsiccantur.

Anonis quoque (96.) suis stipatur Spinis, quæ aculei nomen potius merentur ; cum spiculorum more, vulnera infligant. Ab hujus caule *A* hinc indè à foliorum axilla *B* germen, & quasi surculus erumpit, qui & consimilem *C* producere solet. Ulteriori progressu à folii hîc detruncati axilla semen *D* prominet ; reliquum surculi hinc indè folia *E* emittit, quæ circa ipsius apicem contabescunt, & postremò obliterata vegetatione, in aculeum penè osseum acuminatur.

Ab herbis ad frutices & arbores transitum faciamus. In *Rosis* (97.) tenellis folia, & surculi multiplicibus Spinis muniuntur ; minores etenim *A* molles pyramidaliter assurgentæ, capitulo pollut, à quo terebinthina funditur : reliquæ solidiores, & ligneæ *B* curvantur.

In *Oxyacantha* (98.) Spinæ præ cæteris eminent : hæ surculorum more, ab annotino erumpunt surculo *A* supra delapsi folii situm *B*, & diu sub gemmæ specie foliolis contextæ *C* latitant.

titant. Vegetatione autem in aculeum excrescunt, à quo hinc indè foliola *E* brevi casura emergunt. Exterius mollis obducitur cortex sanguineis, & diaphanis contextus utriculis: contenta verò lignea portio solida redditur, & in osseum ferè mucronem occallescit: in basi Spinæ sub caudicis foliolis *F*, non rarò altera conditum Spina, quæ consimile sortitur augmentum.

Malus quoque *limonia* & *aurantia* (99.) suas promunt Spinas. In apice igitur tenelli surculi, gemina insurgunt folia *A*, gemmas custodientia, à quorum basi conici se efferunt tumores *B*, qui in Spinas excrescunt. In eorum pariter surculo, in axilla (100.) avulsi folii *A* à latere cubantis gemmæ Spina insuper *B* eminet: hæc tractu temporis, in basi *C* latior reddita; sursum erecta incrementum capit.

Tenellas igitur vegetantium partes, pilis hirtas, ità mirati sumus; ut adhuc nos lateat, an plantas tutelæ gratiâ pilosas reddiderit Natura; an verò turgentis almoniæ incongrua portio, sub harum forma erumpat, & digeratur. Gemmarum itaque foliola (ut aliàs observavimus) ità mollibus pilis cooperiuntur; ut probabile sit, ipsorum formam de facili custodiri; dum autem vegetando auctiora fiunt, pili quoque proceriores redditi, ut plurimum contabescunt; unde satius videtur, plures hujusmodi pilos foliorum vegetationi inservire. Perdurant autem fortasse in nonnullis plantis exarati pili; ob materiæ conditionem, qua excitantur. Cùm enim probabile sit, pilos esse appendices transversalium utriculorum, cùmque ipsorum quasi catena videantur; ideo contentus in his humor, aeri expositus, cùm liberè pateat, si naturâ suâ volatilis sit, vel aquosus; facilimè exhalat, & digeritur: unde membranæ utriculorum superstites laxam, & mollem compagem relinquunt. Ubi verò lentus, & acidus extat humor, in pilos rigescit, vel in Spinas obdurescit, diúque aeris injuriam sustinet. Quare pili, & analogæ Spinæ vegetantis materiæ copiam, & energiam indicare videntur: idem de Spinis rigidibus, & aculeis philosophari licet: horum namque plures à gemmarum basi, vel circa nodum erumpunt: materia etenim, quæ gemmarum & surculorum auctionem promovere debet, cùm debitam volatilitatem & fermentationem in transversalibus utriculis non acquirat, nec consequenter in proceriores ramos vegetando absumentur; neceſſariò à gemmarum basi, & ab axilla, utpote vegetationis nativo situ, emergit, & in surculi speciem germinat:

unde

unde cùm merum sit diverticulum ; deficiente alimoniâ, sensim gracilescit, & ità fit ligneus aculeus. Quare si longâ culturâ (ut aiunt) hujusmodi succus excoquatur, & attenuetur ; ità ut debita partium transpiratio contingat, & laxatis canaliculis procerior reddatur plantulæ moles ; singulis fœliciter germinantibus furculis, postremò obliterantur Spinæ. Hanc pariter conjecturam firmat foliorum & furculorum angustia, & parvitas, quæ nutritii succi inertiam, & hebetem, tardamque fermentationem indicant, & fructibus, qui exiguâ pollent mole austeras, & stipticitas dominantur, quæ volatilium partium inopiam indicant.

DE

D E

C A P R E O L I S

E T

CONSIMITIBUS VINCULIS.

Plantæ, quibus non multum roboris inest, sed proceriores redditæ alieno egent auxilio; vel in crebros contortæ amplexus, ità considente Naturâ, proximis firmantur arboribus, ut passim in *Convolvulo*, *Faseolis*, *Nasturtio*, & *Clematide* admiramur; vel ejusdem Naturæ munere Capreolis, & consimilibus vinculis in hunc finem donantur: de quibus præfens occurrit investigatio. Capreoli igitur flagella, coliculi, seu cinni intorti frequentes in plantis observantur, in quibus vegetatio plurimùm luxuriat: unde infirmiores redditæ externis quasi pedaminibus fulciri exigunt. Ità in *Vite*, *Clematide*, & *Cucurbita* (101.) contingit; in qua à nodis inter foliorum exortus erumpunt: pediculo *A* rotundo & firme constant, à quo hinc indè pili, & fungi promuntur. Hujusmodi pediculus styliformes appendices, seu flagella *B* exerit modò tria, frequenter quatuor & non rarò etiam sex. Hæc à primordiis tenella & parùm obliqua producuntur; temporis tractu solidiora redditæ, in spiram *C* contorquentur, unde occurrentes plantarum ramos arctè amplexantur. Capreolorum color viridis est & fistulis, tracheis & interpositis utriculorum ordinibus compaginantur.

Quid simile in *Clymeno Mattioli* (102.) molitur Natura, in quo frequentes sunt à ramis emergentes Capreoli, qui pediculo *A* constant; tres autem emittit processus, seu cincinnos *B*, in quorum exortu cinereæ quædam protuberantiæ *C* eminent. Appendix media ulterius in tres solvitur cincinnos *D*, seu flagella, quibus tota fulcitur planta. Analogam structuram in *Vitis* Capreolis rimamur: hi à nodo contra foliorum eruptionem frequentem fortiuntur exortum, per totum surculorum tractum, & præcipuè circa apicem; ubi crebriores sunt, nec ità facilè contabescunt; sed temporis diuturnitate, lignei redundunt & spirales: unde iisdem compaginantur partibus, quas possidet lignum.

Eâdem

Èâdem sollicitudine nonnullas firmavit Natura plantas ; mira elargiendo mechanica. In *Hedera* (103.) surculi, & rami *A* hinc indè claviculos, quasi radiculas *B* emittunt, quæ parietibus, vel occurrentibus arboribus veluti digitis firmantur, & in altum suspenduntur. Hujusmodi radiculæ subrotundæ sunt, & pilis cooperiuntur ; & quod mirum est, glutinosum fundunt humorem , seu terebinthinam, qua arctè lapidibus netuntur, & agglutinantur. Expositæ radiculæ fistulas & tracheas in fasciculum *C* congestas, sortiuntur, quæ à lignea portione surculi medullam *D* ambiente derivantur : à cortice verò utriculorum ordines communicantur, quibus omnibus cylindrica radix constituitur.

Non minori industriâ Natura utitur in *Vite Canadensis quinquefolia* (104.) Capreolos elargiendo, quibus firmata excelsa petit. A ramis igitur, & surculis *A* in nodo contra folii eruptionem capreolus exoritur ; Hic quasi trunco *B* constat, cuius color rubescit & longâ vegetatione lignescit. A trunko, hinc indè, appendices *C*, & quasi digiti, mediis nodis erumpunt, qui diuturnitate temporis, circinni instar in spiram contorquentur. Horum extremitas, dum tenelli sunt, acuminata *D* extat : sensim curvatur, & reflectitur ; tandem verò laxatur in corpus *E*, quod papillis, seu minimis siphonibus refertum, terebinthinam fundit : unde parietibus hærens, concretam quasi cuticulam *F* efformat, quæ nisi summa cum vi, à muro, vel subjecto ligno evelli nequit.

D E
P L A N T I S
Quæ in aliis vegetant.

Viventium officia adeò ex Naturæ legibus sibi invicem mutua sunt ; ut non solùm animalia diversa animalcula alant, & foveant ; sed & plantæ ipsæ alias quoque extraneas enutriant, & quasi sui mutilatione vivifcent. Id passim in *Visco quercino* (105.) occurrit, cujus anatome exponenda venit. Hic igitur, ut plurimum, à Pomi ramis *A* ortum trahit. Varias delineavi plantulas, & primò tenellam adhuc, quæ à minimo trunko geminas gemmas *B* promit concavo folio *C* olim custoditas ; Huic proxima adest minima gemma, binis foliis *D* conglobata. Succedit grandior plantula, quæ ab unico trunko duplices ramos rotundos *E* emittit, à quibus gemina pendent crassa folia *F* fistulis, & utriculis coagmentata. Exarati rami *E* ulteriùs surculos *G* edunt, quibus pariter aliæ adnascuntur gemmæ *H*. Hujus plantæ ferax est fruticatio : nam à radicibus brevis assurgit, rotundus caudex, qui frequenter in nodo geminos dat ramos ; quorum quilibet binas, interdum tres emittit propagines : hæ medio nodo quandoque sex ramos proferunt, quorum nonnulli septem gignunt surculos, horumque extremi apices geminis foliis, vel floribus condecorantur. Planta hæc in altera vegetat, altásque inserit radices : ità in Pomi ramo, hîc horizontaliter situato, caudex emergens *I* observatur, in quo per transversum secto, patet utriculosus cortex ; lignea quoque compages fistulis, & tracheis excitata, quas transversales ordines *K* à cortice in medullam producti, veluti rotarum radii intersecant. Expositus truncus suis radicibus firmatur ; sub cortice enim per longum inter libri involucra radices *L* disseminantur, quæ horizontales hîc delineantur. Hæ cortice continguntur, & tracheis, ligneisque fistulis *M* excitantur : ab his minores aliæ exoriuntur radices, lignum penetrantes ; & unâ cum transversalium utriculorum ordinibus *N* in medullam deducuntur, quæ fistulis *O*, orbicularum serie coagmentatis, componuntur. Tanta est vis hujusmodi

jusmodi insitæ, ut ità dicam, plantæ; ut subjecti rami exhau-
stà alimoniâ, vitiatâque structurâ; vel monstruosi reddantur,
vel temporis diuturnitate exsiccentur. Ità Pomi ramus *P*, in
quo geminæ Visci quercini plantæ *Q* radicantur, in tumorem
excrevit, impedito humoris ulteriori progressu; unde pars *R*,
quæ in ramum adolescere consuevit; plicis exasperata, ma-
rasmo contabescit. Planta hæc fœcunda semine, sui propaga-
tionem promovet; copiosos etenim fructus *S* gignit magnitu-
dine ciceres parùm excedentes. Externus color subalbus est,
& diaphanus; ità ut appareant ligneæ fibræ *T* per pericarpi-
um dispersæ, quod utriculis componitur lento & visco suco
refertis. In centro semen *V* custoditur; ità tamen ut plan-
tulæ bini apices *X* emergant. Semen in geminas dividitur
partes, quæ utriculis viridi suco turgidis congestæ, seminalem
plantulam fovent, quæ in geminos expansa surculos *Z*, in
crassa folia solvitur.

Frequentissima est vegetatio *Pulmonariæ arboreæ* (106.) su-
pra corticem Pyri, Vitis, Pomi & Pruni: est enim folium
laciñiatum *A*, quod inferiùs (eà scilicet parte, quâ subjectæ hæ-
ret plantæ) fibras quasi radiculas *B* copiosas emittit; à superi-
ori ejusdem parte fungos *C* promit, inæqualis magnitudinis,
inter quos nonnulli corallorum specie *D* vegetant. Hujus
plantulæ color primò cinereus est, & subalbus: tradi temporo-
ris subviridis, & postremò vitellinus efficitur. Enascitur præ-
cipuè iis in locis, qui septentrionalem plagam respiciunt. Ejus
exortus talis est, ut non semel contemplari licuit in putrescen-
te Pomi cortice: primò namque minimum foliolum emergit;
interdum viride; quandoque cæruleum subrotundum *E*, &
crassum, quod Telephii substantiam æmulatur: postmodum
ab hoc globoso corpore alia erumpunt; ità ut fiant augmenta
F: donec tandem folii latitudo habeatur. Exaratum folium
non rarò in muscum coralloidem attollitur. Caulis hic *G* tu-
bulosus est, colore margaritas referens; intermixtis quibusdam
subviridibus particulis. Ramificatur in minores surculos *H*,
& interdum promere videtur quasi folia *I*. Extremi surcu-
lorum apices fungo *K* condecorantur mellei coloris: hi autem
inæquali gaudent magnitudine, & quandoque tres fungi *L* in
unum concurrunt. Qua ratione hujusmodi plantulæ propa-
gentur, adhuc obscurum. Observavi frequenter in folio hu-
jusmodi *Pulmonariæ A* excitari rimulas *M*, à quibus cinerei
globuli

globuli effunduntur ; unde conjectari licet, hujusmodi semina esse. In *Hepatica* humi serpente semina evidentius observavi. Hæc crasso pollet folio, viridi & laciniato : à pronáque ejus parte capillares radiculæ subalbæ promuntur, quæ per solum disperguntur. In superiori folii parte prominent minimi tumores *M*, veluti glandulæ, foramine perviæ. Ab hac pariter parte semilunaris quædam fascia *N* attollitur, qua concha excitatur, varia semina *O* custodiens ; hæc minima sunt & compressa, Ulmique semina æmulantur.

Nec multum ab expositis plantulis differt *Muscus* (107.) qui varius serpit, & in arboribus enascitur. Hic igitur minoris primò promit ramulos *A*, à communi exortos trunko *B*, qui oblongâ radice *C* firmantur, in fibras *D* solutâ. Enarrati rami surculos emittunt, eorūmque structura tot globulis aquâ diaphanâ turgidis, seu nodis excitari videtur. Ramorum structura ex contento succo varia est. Interdum unicus turget globulus *F*, qui viridi concluso liquore, pediculōque assurgit: quandoque oblongi fiunt tubuli *G*, invicem hiantes, eodem succo referti : reliqui rami corallum æmulantur. Eadem quoque varietas in vegetantibus adhuc tenellis *Musci* plantulis occurrit ; nam frequenter orbiculi *H* seriatim positi, plantam excitant ; aliquando conica vesicula *I*, vel ovalis *K*, vel tandem rotunda *L* Muscum constituit. Circa hujusmodi plantulas procerior *Muscus*, *Polytricum* scilicet *aureum Apulei*, assurgit, qui diversis nodis excitatur, à quibus pixidatim folia *M* erumpunt. Ab his stylus *N* effertur, capitulo *O* donatus : loculus hic operculo *P* tegitur, quo avulso, flos *Q* apparet, folium scilicet molle, in filamenta laciniatum : subiecta verò capsula pulvere subviridi repletur. An hujusmodi sint semina, quæ plantulæ generationem perpetuent, probabile est ; sicut & in reliquis exaratis *Muscis*, cùm semina non appareant, rationi consonum est, radicibus per humum, vel per plantarum corticem dispersis, regenerationem, & vegetationem succedere.

Inter plantas, quæ aliis interdum insunt, *Mucedo* occurrit, cuius natura adeò obscura est ob sui exiguitatem, & varias quas subit formas ; ut penè sensuum & mentis aciem effugiat : quæ tamen rudibus meis opticis instrumentis observavi in diversis rebus, Mucorem contrahentibus, exponam. In secundario caseo post plures dies, exterior superficies tota (108.) quasi ingens sylva plantulis cooperitur : hæc minimæ sunt, & candidæ,

inter quas primò eminent fungi *A*, longo assurgententes pediculo, qui quasi tot nodis, vel saltem orbiculis componi videntur. Horum extremitatem tenet capitulum *B* diaphanum; deinde viride, & postremò nigrum. Interferuntur minimæ quoque plantulæ; quarum aliæ *C* ramosæ sunt, tenues, & diaphanæ, & veluti florē *D* emittunt, vel quasi muscum pixidatis foliolis conflatum.

In Cucurbitæ putrescente pericarpio easdem Mucedinis plantulas observavi: diu enim Cucurbitæ frustula in fistili vase plano servavi, quæ temporis tractu innumeris Mucedinis plantis erumpentibus, obscurata sunt. Circa hujusmodi frustula corrupta & mucida non longè à superficie vasis, fungi assurgebant ab elongatis fortasse radicibus plantarum, in frustulis corrupti pericarpii vegetantium; vel à seminibus orti: hujusmodi autem plantulæ elegantissimæ; modò quinque, interdum tres, & non rarò geminæ attollebantur, sub fungi forma à communi nodo *E* erumpentes: Firmabantur autem radicibus minimis, horizontaliter supra vasim extimam superficiem productis: curvo pariter pediculo *F* assurgebant, & semisphærico capitulo *G* terminabantur.

In Limonio, & Aurantio pomo post aliquot dies rotundus sensim eminet in cortice tumor *H*, à quo echini instar, pilii, seu minimæ plantulæ erumpunt. Progrediente vegetatione, veluti pratum floret, & nonnulla exposita filamenta tandem capitulo *I* donantur, & in fungos immutantur. Quædam quasi flores *K* laxantur in apice; interdum ut obscurè mihi licuit observare, minimæ plantulæ tres surculos seu propagines *L* promunt; tribus ovalibus capitulis, seu flosculis ditatos. Interdum septem crystallini & lucidi globuli *M* pendent, & horum quilibet minimis ulteriùs orbiculis *N* coagmentari videtur. Delineatæ plantulæ caule firmantur, qui utriculorum seriebus *O* componitur. Exarati fungi hiante capitulo *P* tandem donantur, quod ex cinereo subviride, & postremò cœruleum redditur; & exsiccatum in tot lacinias, seu minima frustula *Q* solvitur. Interea luxuriante vegetatione, fit fibrosum rete *R*, cum angularibus arcis; & extremi filamentorum apices, flores, seu crystallinos globulos *S* emittunt. Hujusmodi reticularis plexus subjectos fungos, reliquarūmque plantarum sylvam circumambit, & lateraliter obtruncatos quasi ramos promit.

Elegantem pariter Mucedinis plantulam intra lignorum, &

caulium medullam ; in pane quoque intra rimulas, & spatia non rarò observavimus. Hæc communi caule *T* attollitur, & ramulos hinc indè emittit, qui surculos pariter promunt ; quorum aliqui mutuâ factâ anastomosi *V* implicantur, & interdum circa globulos ludunt ramorum extremitates. Plantulæ color violaceus est, & interdum crystallinus. Hæc sunt, quæ rudibus instrumentis circa Mucedinem contemplari potuimus, quæ aliorum solertiam, & industriam exposcunt.

Quoniam inter Mucedinis plantulas *Fungi* copiosi numerantur ; ideo de Fungis, qui ex arboribus, tum viridibus, tum arefactis, maceratisque frustulis enascuntur, sermo hîc esset habendus ; tam varia tamen est Fungorum species, & forma ; ut distincta, & peculiari potius egeat historiâ, quam brevi & transeunti recitatione. Obscurissimus mihi est ipsorum exortus, & adhuc post multos conatus ignotus : ut pauca tantum cursim enunciare possim ad excitandam aliorum potius solertiam ; quam ad certa & vera aperienda. A putrido igitur ligno (109.) nascentes minimos Fungos adnotavimus ; hi colore primò pollent subalbo ; in apice capitulo *A* decorantur, nondum tamen hiante ; exterius pilis, seu papillis *B* cooperuntur diaphanis, & ferè pyramidalibus, quarum extremus apex rotundâ quadam guttulâ ornatur. Crasso firmatur pediculo *C*, qui radices non emittit ; sed gracili principio ortum trahit à filamentosa quadam membrana *D*, cuius laciniæ intra terræ, vel ligni frustula producuntur. Eandem speciem, minimam tamen, in eodem ligno observavi, quæ ultra capitulum *E* subrotundum, latumque pediculi exortum *F* habet, & filamentis firmatur. Hujusmodi Fungi citum fortiuntur augmentum. Capitulum itaque striatum *G*, interdum pilis gracilibus, & crispis cingitur. Pediculus procerior factus ; candido pollens colore, pilos jam arefactos exhibit : in exortu appendices *H*, quasi exiguae radices, erumpunt, quæ per lutum, seu corrupta ligni fragmenta, propagantur.

Plantulas igitur, è diversis vegetantibus assurgentibus, lustravimus. Hæc quasi insitione unitæ, à contiguis vasculis, & utriculis communem materiam exhauriunt, & in propriam vertunt alimoniam. Inter has quædam editis ovis, seu seminibus diutinam sui propagationem extendunt, ut in Visco quercino admirati sumus : reliquæ verò ignotâ adhuc nobis viâ multiplicantur, & enascuntur ; inter quas præcipue sunt *Fungi*, & *Mucedo*.

Mucedo. Varia est materies, à qua passim Fungi oriuntur : & ut videre potui, vel à ligno, vel ab ejus frustulis, ut plurimum elevantur ; & in exortu, filamentorum ingens contextus luxuriat, à quibus tandem in fasciculum unitis, fit caulis ; Quare vel Fungi, Mucedo, & Muscus propriis feminibus gaudent, quibus ipsorum species perpetuatur ; vel ex frustulorum vegetatione pullulant, ut in aliis plantis contingit : etenim contentus in utriculis transversalibus adhuc succus ; superveniente exteriori humiditate fermentatur, & extraturgendo quasi netur ; effluvia namque, pilorum instar concreta, contextum probabiliter efficiunt ; unde ulteriori subsequente fermentatione, & quasi vegetatione (urgente exterioris aeris elasticâ vi) congesta sursum in caulem eriguntur ; & deficiente vi effluviorum, prementéque aeris gravitate, quasi reflexa, in capitulum desinunt. Plantularum igitur hæc frustula ventis deferuntur, & in locis septentrionali oræ expositis vegetant : in opposito autem situ difficulter radicantur ; nam solis radiis fovens humor dissipatur.

DE

D E

R A D I C I B U S

P L A N T A R U M .

Arborum, herbarūmque genus, cùm debitam partium auctionem, & nutritionem exigat, cùmque loco moveri nequeat, non exiguam sui partem in alimenti capturam, quasi tot manus emittit, quæ per subiectum solum alimoniam quæritant & immobilitatem plantæ stabiliunt ; hæque *Radices* appellantur. Patent itaque, singulisque innotescunt Radices ; sunt enim caulis, vel caudicis utplurimum productio, & elongatio in subiectum solum ; ità ut lignea trunci substantia, cortice circumdata, in maiores frequenter quasi ramos dividatur ; qui ulteriùs minores progerminantes surculos, tandem in radiculos, & capillamenta desinunt, & solvuntur. In quibusdam verò herbis solet Natura materiam, quam in caule, vel caudice custodire consuevit, in radice variè protuberante artificiosè condere, novosque fœtus ibidem promere, & alere, quorum omnium indaginem, prout tenuitati meæ licebit, prosequar. Interim facilioris intelligentiæ gratiâ, arborum Radices primò lustrabimus. Hæ itaque variè à trunco terræ affixo producuntur ; nam in aliquibus perpendiculariter elongatæ, radiculos hinc indè promunt ; quod pluribus herbarum generibus familiare est : in plerisque verò productus truncus in multiplices dividitur insigne Radices, quæ ferè horizontaliter ; deorsum tamen propagatæ, in ulteriores radiculos solutæ, rotundam peripheriam, non absimilem ei, quæ ab extremitate ramorum describitur, graphicè efformant. In nonnullis divisæ Radices, varias æmulantur formas, Glandium, Olivarum, & similium ; quorum omnium rudis delineatio per potiora capita inferiùs habebitur.

Arborum igitur Radices, & præcipuè truncus, iisdem vasorum generibus implicatis constat, ut in caudice ; ità ut superfluum sit eosdem icones iterum effingere ; quare surculos tantùm rimabimur. In *Moro* itaque (110.) surculum, annulariem digitum crassitie æquantem, observavi, & horizontale semidiame-

midiametrum ruditer delineavi. Hujus exterior superficies colorem vitellinum præ se fert, & copiosæ membranæ utriculorum transversalibus ordinibus excitatæ, exteriorem corticis regionem occupant; in quibus horizontales tumores, quasi zonæ eminent; quibus laceratis, minimus quidam pulvis, crocum metallorum æmulatus, erumpit. Sub his alia pariter succedunt tenuia involucra, & postremò lignearum fibrarum reticularis contextura, à quibus utricularum ordines pendent, & tandem prope lignum liber luxuriat. Crassus valde cortex est, & latifera vasa *A*, erumpente succo, patent. Ligni contextura transversalium utricularum seriebus *B* à cortice versùs medullam deductis, primò excitatur; intercepta verò spatia trachearum tubis *C*, & ligneis fistulis cum minoribus utricularum seriebus horizontalibus incruziatis replentur; Hoc tamen videatur quasi perpetuum, tracheas majores esse, & magis patentes, ac in trunco, ac ramis existant. Loco pariter medullæ trachearum congeries *D* observatur, quæ transversalium utricularum centrum extat. Lignea igitur portio *E*, quæ crassior est, borealem respicit regionem; opposita autem meridionalem plagam attingit.

Arborum Radices in capillamenta, & minimas radiculas laciniari diximus, quarum speciem à *Populo nigra* (111.) desumptam delineavi. Ab exigua itaque Radice *A*, quæ crassitudinem auricularis unguis non attingit, exoritur; hujus color è cinereo in subvitellinum tendit, varicosa est, & hinc indè cirros, & radiculas *B* emittit, quæ copiosis pilis continguntur. Tenui & criso, laceroque interdum cortice cooperiuntur: & intus fibræ & tracheæ custodiuntur.

Ab exaratis Radicibus adhuc tenellis appendices quedam eminent, quæ racematum interdum pendent; hásque gemmas esse futurarum Radicum probabiliter censeo. Occurrunt autem in singulis arboribus, plerisque plantis, & præcipue in *Ulmo* (112.) Extremæ namque Radicum propagines *A* hinc indè globosa corpora *B* parùm, & in apice interdum acuminata promunt; quæ quandoque alba, frequenter sublutea, non raro saturatum charabem æmulantia, luxuriant; parùmque dia-phana sunt. Pilis exterius minimis cooperiuntur: intus fibrarum fasciculi molles conduntur, affuso glutinoso humore. Sæpe, ubi externorum occurrit obstaculum, proceriores redundunt, & curvantur; ipsorumque quasi racemi pendent; &

extremitas subrubro, vel intensè vitellino succo inficitur. Inferior gemmarum structura mollis est, & informis; solusque mucosus occurrit succus: hyeme autem nonnullæ contabescunt; reliquæ proceriores redditæ, ligneæ sensim redduntur; ipsarum etenim cortex exsiccatus oblongis solvitur rimulis; intus verò candidus cylindrus custoditur, qui exteriùs albo, utriculis congesto cortice, cooperitur: sub hoc linea portio latitat fistulis contexta, à quibus nonnulli tubuli excavantur, pro excurrentibus tracheis.

Expositæ radiculæ, seu gemmæ, non à solis minimis Radicibus terrâ conditis erumpunt; sed frequenter ab extremis quibusdam arbustorum surculis, & ramis pullulant; consimilem speciem referentes. Ità observamus in repente extremo *Rubi* surculo (113.) Hic humi hærens, in ovale corpus *A* protuberat, & copiosas radiculas emittit: turgidior namque cortex *B* redditus, & laxatus, erumpentibus radiculis *C* exitum permittit. Hæ conicam servantes figuram, tenui cortice excitantur; intus verò medulla, & linea portio luxuriat: unde in secta hujusmodi appendice utricularum series, medullam *D* constituentes, occurrunt, quam ligneæ fibræ *E* amplexantur, in radiculas *F* elongatæ.

Mirabilior est Radicum exortus in ramo *Salicis* (114.) trium annorum; hic à trunco primo vere abscissus, & crassiori parte perpendiculariter in foveas aquâ refertas, quasi plantatus, elegantes emittit Radices. In parte igitur humata nullas ut plurimum promit Radices; sed in ea tantum portione, quæ proxima est superficie ambientis aquæ. In hac itaque tumores in cortice primo eminent, & tandem scissuræ excitantur, maceratâ cuticulâ, & subjectis corticis utriculis: unde fit ulcus circumassurgente cortice, quasi obducto labio; quod erumpentibus ligneis fibris, & medulla, in Radices congestis, aditum permittit. Perpendicularrem interea sectionem delineavi, ut faciliùs singula pateant. In hac exterior cortex *A* occurrit, qui labium *B* efformat; interius tenuior ejusdem corticis portio *C* custoditur, quæ & ipsa ad extrâ derivata, Radicum exortum custodit. Succedunt fibræ ligneæ, & trachæ tortuosæ, & varicosæ redditæ *D*, quæ in tres divisæ cylindros, totidem efformant radiculas; quarum centrum medulla, seu transversales utricularum ordines occupant. Hoc tamen notatu dignum occurrit, quod horizontalium utricularum ordines *E*, erumpentibus

rumpentibus Radicibus continuati, turgidiores redduntur : unde superequitantes fibræ rectæ *F* necessariò obliquantur ; & hujusmodi tumor versus medullam propagatur ; insigniter tamen est prope corticem.

Frequens pariter est Radicum emanatio in *Gramine* (115.) non in solo radicum trunco, & appensis propaginibus ; sed in caule, & continuatis ramis, ubi nodus excitatur, quotiescunque subjecti soli humore madent. Nodus itaque geminis foliis intercipitur, quorum inferius *A* detruncatum h̄ic indicatur ; alterum verò *B* sursum attollitur, caulem *C* ambiens, & ab ipso Radices *D* emergunt. Interdum à basi novellæ gemmæ radix *E* erumpit : harum primævus exortus minimos exhibet tumores *F*.

Consimilem Radicum eruptionem miramur in *Pentaphyllo*, *Fragaria*, & *Ranunculo repente* (116.) cuius caulis horizontaliter productæ portiones, humique serpentes, radiculas promunt. In primo igitur nodo gemma prominet, cuius inferius folium, seu pediculus *A* tantùm cum rumpentibus pilis *B* occurrit ; reliquum verò *C* sursum attollitur ; à subjecto autem nodo perpendiculariter productæ Radices *D* pendent. Aliæ insuper Radices supra nodum, laceratis gemmæ foliis, manifestantur. In subsequenti pariter nodo gemmæ tenellæque Radices *E* infrà erumpunt, supra quas folium *F* exortum trahit : & gemma quoque *G*, cuius folia mutila delineavi, effertur, & ab hac lacerata novæ Radices *H* prosiliunt.

In Radicibus ultra radicularum, & pilorum eruptiones, gemmæ quoque singulo anno observantur, quæ in caudices, vel caules excrescunt ; & harum icones sparsim inferiùs dabimus : pro nunc autem sufficient illæ, quæ à *Convolvulo* (117.) erumpunt ; tres enim contiguæ, lacerato albo cortice *A*, eminent laciniatis foliis *B* contextæ : unde quælibet ipsarum secta, ligneas fibras, & tracheas, in cylindrum congestas *C*, exhibet ; quem cortex *D* in folia divisus circumdat, & ambit.

Lustratis his, quæ in Arboribus ad Radicum compagem attingent, & quibusdam phænomenis circa Radicum in Plantis vegetationem ; fas est prosequi varias Radicum formas. In quibusdam itaque herbis, Radicem non multùm ab exarata in arboribus specie excitat Natura : ità patet præcipue in *Borage* (118.) cuius Radicis truncus perpendiculariter sectus, exteriorem

teriorem exhibet corticem *A* valde crassum, qui horizontalium utricularum seriebus, cum ligneis fibris per longum ductis, de more implicitis, componitur: peculiare quoque aderit vasculum, quod ob succi inconspicuitatem adhuc nos latet. Succedit lignea portio in cylindrum congesta, cuius potiorem molem excitant tracheæ *B* varicosæ, & quasi reticulariter per longum ductæ. Inter has fibræ ligneæ rectæ, & horizontalium utricularum stiriæ *C* locantur; & in centro medulla ultra medietatem, inferiora versùs, minima custoditur. Tota hæc lignea portio identidem minores Radices promit *D*; quæ & ipsæ cortice coperiuntur, à quibus pili postremò erumpunt. Prope terræ superficiem, ubi caulis assurgit; lignea portio dilatatur, & interius tubulosa redditur; ità ut transversalium utricularum ordinibus, qui medullam constituunt, locum præstet. Varia est utricularum forma, & situs; nam nonnulli ordines ab horizontali declinant; alii curvati attolluntur. In plerisque tenellis caulis continua adhuc est medulla: in provectioribus autem (hoc est inclinante anno) concavitas *E* excitat, corruptâ utricularum continuate: reliquum autem gracilescens ligni *F* in fistulosum corpus compacti, unà cum ambiente cortice *G* in caulem, & ramos *H* absimitur.

In *Cichoreo* (119.) consimilis emergit structura: hujus secta per longum Radix, gemmam *A* in apice cum erumpentibus foliis offert, quæ à subjecto cortice *B*, & ligneis propaginibus *C* exortum ducunt. Non longè à foliorum eruptione, ligneus cylindrus concavus redditus, medullam continet *D* utricularis albis congestam, quæ descendendo ferè oblitteratur: lignea tamen portio tracheis *E*, & transversalibus utricularis cum ligneis fistulis *F* implicitis, componitur; & hinc indè ligneas propagines emittendo, in radiculos solvitur. Crassus pariter cortex horizontalium utricularum ordinibus, & fistulis completur; inter quas lactea vasa, in senescente *Cichoreo*, evidenter observantur.

Mos quoque Naturæ est plantarum, & præcipue quarundam herbarum Radicis truncum ferè horizontaliter elongare, à quo radiculæ, quasi perpendiculariter productæ, emanant. Placuit autem in *Consolida majori* (120.) in qua secta per longum tracheæ mirabilis contextura propagatur. Tota igitur Radicis portio non valdè crasso cortice *A* circumdata fistulis rectis, & transversalibus utricularis *B* conflatur: interseruntur tracheæ,

tracheæ, quæ flexuofæ, & varicosæ redditæ, insignes areas *C* efformant: & frequenter in fasciculum recollectæ, iterum separantur; mox ulteriori unione aliis associantur.

In *Arundine* (121.) Radicis truncus horizontaliter fertur, multisque propaginibus coagmentatur; simpliciorem tamen structuram exponere placuit: in hac curvatus Radicis truncus *A* occurrit frequentibus quasi annulis, seu internodiis *B* coagmentatus; in situ enim *C* avulsi folii cicatrix adhuc subest, & ligneæ fibræ interdum supersunt à gemmarum basi, crasso, luteoqué cortice continguntur; intus verò cylindrus ligneus, multiplices continens tracheas, conditur. Radix *A* elongatis internodiis, caudicem *E* attollit, à quo gemmæ *F* pullulant. Idem pariter Radicis truncus *A*, sub terra conditus, copiosas gemmas *G* emittit, quæ pluribus contextæ foliis, tandem in caudices excrescunt. Radicis truncus *A* exterius cortice ambitur, qui utriculis, & ligneis fistulis constat: multis perfoditur foraminibus, quibus foras Radicum exitus admittitur; reliquum fasciculis fistulosis coagmentatur, qui ligneis fibris conflati, tracheas continent, modò unam, interdum duplē, & quandoque tres deprehenduntur, latâ & spirali zonâ constantes: sæpe prope tracheas vidi aliud vas hians, fortè peculiarem succum continens. Fibrosi fasciculi non paralleli ducentur; sed flexuosè progredientes implicantur: identidem promunt ramos, qui ad latera declinantes, contiguis per super-equitationem impliciti fasciculis, tandem (manipulo quasi facto) in Radices perforato cortice absuntur; taliter implicantur, ut delineatam olim in nodo grani Turcici speciem præse ferant. In Radicum bifurcationibus, & gemmarum eruptionibus eadem declinatio fasciculorum observatur, horizontali factâ cum rectis incruciatione. Circa fasciculos hujusmodi medullæ sacculi ampli locantur, quibus interstitia replentur: unde ex his videtur Radicis truncus continuatus, & humatus caudex; itâ tamen, ut in caudice fibrosi fasciculi tubum efficiant, rariores excitando nodos; in Radice autem luxuriantibus medullæ utriculis, integrum corpus, frequentibus nodis implicitum, constituant.

Confuevit insuper Natura emanantes à Radicis trunko propagines, turgidas, & globosas reddere; ut trunci gracilitas harum crassitie compensetur. Itâ in *Filipendula* (122.) à producto penè horizontaliter trunko *A* Radices *B* hinc indè pend-

dent, quæ nodosas, seu tuberosas appendices *C* promunt, olivares à forma dictas. Hæ itaque per longum sectæ, dispersos lignearum fistularum, & trachearum fasciculos *D* exhibent: reliquum appensis utriculis *E* completur. Non longè à terræ superficie, in autumno novæ erumpunt Radices *F* horizontaliter ductæ.

Analogam quoque structuram miramur in aliis herbaceis, quorum radicales trunci ut plurimum horizontaliter locati, non longè à terræ superficie humantur, à quibus caules, & Radices exordium capiunt: Exiguæ tamen magnitudinis extant hujusmodi trunci, si cum appensis Radicibus comparentur: unde quasi nodi dici possunt. Hoc in *sylvestri Asparago* (123.) occurrit, cuius truncus gracilis *A* cortice circumdatus, luteis fistulis & tracheis *B* interiùs conditis, coagmentatur. Ab hoc gemmæ *C* erumpunt, quæ plurim foliorum contextrâ conflantur. Inferiùs pendent crassæ, & oblongæ Radices *D* subrotundæ, & turgidæ, crispis pilis conspersæ; minimas ulteriùs radiculas *E* promentes. Exaratae Radices, denso satiis cortice exterius ambiantur; succedens verò portio in secta perpendiculariter Radice grandioribus utriculis *F* excitatur; & centrum à ligneo fasciculo *G*, in radiculas diviso, occupatur; qui ad Radicis extremum deductus, nullo obducto cortice cooperit; sed diaphanus tantùm ichor, cuticulâ contentus, apicem explet.

In *Chelidonio minori*, seu *Scrofularia* (124.) truncus, seu Radicum nodus *A* minus est, sursum folia eructans, quibus corruptis, ligneæ fibræ *B* supersunt; inferiùs autem producuntur tuberosæ Radices *C*, diversis constantes figuris, à quibus pili erumpunt. Harum medium ligneus cylindrus *D* cum tracheis & fistulis perreptat, & utricularum stiriæ *E* reliquum explent. Circa Septembbris finem gemmæ *F* manifestantur; & tenellæ, novæque Radices *G*, pilis conspersæ à gemmæ basi erumpunt. In principio Maii elongatus caulis humi repens non raro in singulis nodis novas quoque emittit tuberosas Radices. In axilla etenim ex lato folio *F* gemina frequenter erumpit Radix *G*, quarum altera solet etiam folii implantationem lacerare. Subsequitur nodus *H*, à quo folia & caulinuli elongantur, & ab horum axilla copiosæ quoque Radices *I* emergunt, tandem ab ulteriori nodo *K* supra folii *L* implantationem geminæ radiculæ pullulant.

Consimilem structuram deprehendimus in *bortensi Ranunculo* (125.) à cuius minimo trunci nodo tres emergunt gemmæ *A*, suas pariter emitentes albas radiculas *B*. Deorsum pendulæ protuberant tuberosæ Radices *C*, racematis collectæ. Varias sortiuntur formas, & magnitudines, ligneoque cylindro ipsarum centrum excurrente & utriculis conflantur.

Palmae Christi Radix (126.) pari proportione vegetat. Hæc caulem *A* à trunci nodo attollit, cuius basi hæret gemma *B*: non longè erumpunt sex vermiculares Radices *C*, pilis conspersæ; inferius verò pendet tuber antiquum *D*, quod jam tabescendo in novum bulbum *E* absimitur: hic in geminas definit Radices *F* pilosas. Totum tuberosum corpus fistularum lignearum, & trachearum contexturâ investitur; intus verò candidis utriculis repletur.

In *Anemone* (127.) appendices pariter truncō continuatæ, quasi ejusdem laciniationes videntur. Hujus varia est magnitudo, & species; trium autem annorum Radicem non inelegantem delineavi. A summitate gemma *A* erumpit multiplicibus foliolis contexta; reliquum *B* coloris æruginosi asperum, & furfuraceum, parùmque depresso, Radices emittit *C* graciles. Singulæ exaratæ appendices novis Radicibus in recentem vegetant plantam.

Elegantissima præ cæteris est *Asteris Attici Pernviani Farnesiani Radix* (128.) Hæc lignea est, & perpendiculariter elongatur; unde lateraliter minores germinat Radices, quæ non admodum duræ sunt, à quibus gemmæ prominent, & in tam vastas excrescunt appendices; ut monstruosæ reddantur. Placuit autem simpliciorem delineare Radicem. Hæc à ligno Radicis truncō *A* exoriens horizontaliter productas gemmas *B* hinc indè germinat; & interdum minores radiculas *C*. Gemmarum magnitudo varia est, ut intuenti patet: prope enim exortum elongata gemma, seu altera Radicis propago *D* occurrit, quæ in apice tuberosa reddit, latentes quoque gemmas *E* custodit; in hac foliorum exortus, seu fines *F*, quibus olim gemma compaginabatur, adhuc supersunt, & si per longum fecetur, trachearum progressum *G* manifestat; reliquum verò rectis fibris mollibus, & transversalium utricularum ordinibus completur. Eandem structuram in extremo Radicis observamus: hæc in monstruosam adaucta molem, turgentes hinc indè gemmas *H* emittit, quarum aliquæ *I*, ramorum in-

star,

star, novas pariter gemmas pullulant: ipsius color cinereus est, & cicatrices *K* caducorum foliorum adhuc servans; gemmæ verò mitralibus excitatæ foliolis, rubicundo suffunduntur colore.

Aconiti pardalianche (129.) quoque Radix mira est, quæ circa finem Maii examinata, antiquum tuber, seu bulbum *A*, jam tabescentem exhibet; hic enim sensim gracilior redditur, vegetante novâ bulbosâ gemmâ *B*. Viridis est, & foliorum adhuc vestigia *C* supersunt; radiculæ jam corruptæ delitescunt. Ab hoc Radicis surculus *D* elongatus in gemmam *B* definit: hæc primò gracillima est, turgente materno tubere *A*; paulatim autem vegetatione, emissis Radicibus *E*, & surculis *F* tuberosa redditur; caulemque & folia *G* promit. Exteriùs viridis est, ligneoque involucro ambitur: intus subalbis scatet utriculis.

Ceparum ingens genus, quibus multiplices herbæ donantur; analogâ hâc pollent structurâ: harum enim infimam basim, solidum quoddam corpus occupat, quod trunci vices gerit; hóque in folia & caulem attollitur; hinc indè verò appendices in varias foliorum formas emittit. Hoc apprime in *Lilio albo* (130.) occurrit. A bulbi inferiori parte *A* plerumque in autumno pendent folia, seu laciniatæ appendices subluteæ, quæ concepto succo contabescunt. Succedunt variii quoque foliorum ordines *B*, quæ exteriùs gibba sunt; interiùs autem parùm concava: ità ut invicem adaptata, bulbum efforment. Exortum trahunt à radicali trunko *C*, à cuius basi Radices *D* subluteæ promuntur, quæ ulteriùs radiculas emittunt *E*, candidis conspersas pilis. A radicali cylindro *C* sub diversis planis folia oriuntur, inter quæ novæ quoque Radices *F* manifestantur, & in apice folia *G* germinant, caulem *H* ambientia, qui intra gemmam pluribus contextam foliolis, florem *I* fovet, & stamina præ reliquis manifestantur. Exarata folia utriculis, succo turgidis, conflantur & ligneis fasciculis tracheas continentibus.

Brevior, minórque truncus in reliquis bulbosis occurrit, ut patet in *Hyacintho Mattioli* (132.) cuius Radix crassis foliis, seu involucris *A* à communi trunko *B* exortis, congregatur. Crassa hæc folia exterius non undequaque subjecta ambiant involucra, sed relicto angulari spatio hiant, quod interioribus non

non accidit, quæ ex toto subjecta investiunt folia. A trunci basi plura folia circa finem æstatis tabida collabuntur; unde cicatrices C supersunt. Exaratus truncus, à quo singula folia A exortum trahunt, superiùs rotundus est, & in summitate gemmam D custodit, à latere antiqui caulis emergentem: hæc viridibus constat foliolis, florem in centro custodientibus; hisque avulsis, florum congeries, seu racemus (pini fructum æmulatus) E occurrit; & quilibet laceratis foliolis F, stamina insignia G, & stylum H offert. Truncus B à lateribus novas fovet radices I, fibrisque, tracheis, & utriculis constat.

Parem structuram in *bortensibus Cepis* (133.) deprehendimus: basis enim A coronæ instar loco trunci est; unde inferiùs Radices B erumpunt: circumcirca verò folia, hīc avulsa, emergunt, quæ crassâ suâ corporaturâ concava, universum Cepæ corpus ambiunt: sunt enim continua sese invicem amplexantia; unde Cepæ notum omnibus corpus efficitur. Quælibet folia, seu crassa hæc involucra, variis partibus de more componuntur. Primò namque cuticula occurrit, sub qua diversi ordines utricularum locantur; qui variam magnitudinem, & figuram fortiuntur: ipsorum series fibroso reti appenduntur, quod diversis vasorum generibus constat: plures etenim fasciculi C foliorum, medium regionem occupantes à trunco A erumpentes, sursum recti feruntur: componuntur autem pluribus ligneis fistulis, in fasciculum congestis, cuius centrum trachea occupat, & peculiare vas; unde secti ichorem, quasi lac fundunt. Ab hujusmodi fasciculis identidem separantur nonnullæ fibræ D, quæ aliis associatæ, delineatum rete efficiunt, cuius areas E pendentes utricularum catenæ replent. In exaratis areis supra descriptos utriculos rete minimum F extenditur à ligneis fistulis productum, quo singuli utriculi colligantur. Inter exposita folia plures gemmæ G circa autumnum à truncō assurgentæ, custodiuntur, quæ tandem in novas Cepas excrescunt: suis pariter foliis componuntur, quorum exteriora candida sunt; interiora autem viridia. Harum exortus in seculo caudice patet: hic namque fasciculis fibrosis H, & tracheis constat, ita implicitis; ut ipsarum progressus attingi nequeat. Ab his utricularum ordines I pendent. Hæc omnia inferiùs in novas Radices K elongantur, superiùs autem in gemmarum folia L vegetant.

Majorem pariter gemmarum eruptionem à minimo subiecto

trunko in *hortensi Allio* (134.) admiramur. Æstate etenim ex foliis, & introturgentibus copiosis gemmis, quæ soboles quibusdam dicuntur, Allii corpus protuberat; singula autem patent, factâ per longum sectione. Inferiùs igitur truncus *A* locatur, utriculis, fistulis, & tracheis *B* constat, à quo Radices *C* pendent; superiùs autem folia, seu involucra *D*, minùs tamen gracilia sunt, ac in exaratis Cepis occurant, quæ invicem convoluta, calatum efficiunt, & quasi caulem: hæc temporis diuturnitate, adauctis gemmis, contabescunt. Inter hæc itaque folia gemmæ *E* attolluntur, quæ à trunko *A* separata in novum Allium extuberant. Quælibet gemma propriâ constat formâ; quatenus scilicet contiguis gemmis, & foliis angustatur & comprimitur. Exteriùs gibba *F*; interiùs verò parùm concava, & à subiecto trunko *G* ortum trahit. Secta per longum exteriora involucra *H* exhibet, sub quibus pericarpium, seu caro utricularum, seriebus *I* per longum statutis, coagmentatur. Scissura *K* per longum ducitur, & in basi à trunko *L* germen, seu gemmula *M* assurgit. Avulsa hæc gemmula ab ambiente pericarpio talem secundùm latiorem prospectum, speciem *M* exhibet, à cuius basi minimæ radiculæ *N* adhuc pericarpio custoditæ, erumpunt; interiùs verò plurimum foliorum contextura *O* luxuriat, quæ sectâ gemmulâ patet.

Non minori feracitate luxuriant exarati trunci in Cepis sub terra conditis, ac in aperto aere arborum rami, qui singulo anno plures emittunt gemmas; unde interdum bulbi turgente vegetatione, novâ acquisitâ formâ, non unam promunt gemmam, sed multiplicem. Ità in *Bellico hyacintho* (135.) non semel observavi. Hujus Cepa latâ basi, à qua radices emergunt, turgido attollitur corpore: quod sensim gracilescendo in conum definit. Placuit tamen grandiorem, & quasi monstruosam rimari, cuius exterior forma oblonga est; in basi namque protuberat, & striatum est exterius involucrum *A*, radiculas emissens, turgido terminatur capitulo *B*, quod in apice *C* hiat: sectum autem per longum elegantem offert structuram. Exterius itaque involucrum, seu folium *D* concavum interiora versùs, varias promit appendices, & quasi folia *E* acuminata, quæ sese invicem amplexantur, reliquarum Ceparum more. Minora hæc folia, non à basi, seu trunko exoriuntur; sed in diversis planis ab interiori folii *D* parte, non horizontali; sed spirali principio erumpentia, sursum attollun-

attolluntur ; unde in ipsorum axillis gemmæ, seu siboles *F* cum radicibus *G*, & exteriori involucro *H*, custodiuntur. A basi Cepæ grandior assurgit gemma, involucro *I* obvoluta, quæ suis pariter foliis *K* coagmentatur, & radiculas *L* emit-
tit. Analogam igitur trunci, seu caulis speciem in exaratis Cepis admirari licet, inversâ tamen viâ ; cùm in arboribus ab exteriori ambitu erumpant : in his autem intra quasi fistulam inclusæ custodiantur. Et sicut in vulgaribus Cepis, & bul-
bis inter folia ab unico nodo, scilicet à subjecto trunco exori-
untur folia ; ità in hac ab unico tubuloso folio immediatè di-
versas pullulante appendices, variæ emergunt gemmæ. Ex
his itaque nil mirum si in *Scillæ* foliis in frustula redactis, gem-
marum vegetatio contingat : in his enim cùm vasorum fasci-
culi præexistant, à quibus utriculorum ordines pendent ; qua-
si divisorum truncorum, seu caulium vis adhuc manutenetur.

Hucusque bulborum formas, quos Natura in diversa folia laciniat, percurrimus : modò fas est ut bulbos, seu tubera quæ in continuatum corpus conglomerat, brevi examinemus. In-
ter hæc elegans occurrit *Gladioli* (136.) bulbus ; hic Julii men-
se observatus assurgentem caulem *A* exhibit. Inferiùs pendet
antiquus bulbus *B* in rugosum folliculum exsiccatus, à quo
Radices *C* erumpentes horizontaliter producuntur. Tuber-
is seu bulbi exterior superficies foliolis, & involucris denuda-
ta, varias gemmas *D* offert, & non longè ab harum exortu
folia inferiùs de more erumpunt, quæ hîc avulsa, sola fistula-
rum fragmenta *E* relinquunt : unde quasi caulis, seu trunci
species occurrit : à basi pariter tuberis gemmæ *F*, seu siboles
pendent fibroso pediculo *G* firmatæ. In seculo hujusmodi bul-
boso trunco fistularum & trachearum fasciculus excurrens *H*
apparet ; ejusque ramifications *I*, quibus utriculi appendun-
tur. Circa autumnum vegetatione validior gemma, recepto
à trunco, seu bulbo nutritio humore protuberat, sursumque
erigitur, novâsque à basi emittit Radices & sensim parentis
bulbi succum absunit.

Aron quoque (137.) in principio æstatis insigni pollet bul-
bo, seu tubere, à quo in extremitate pendent corrugatæ mem-
branæ *A*, & loco turgentis olim corporis, minimi quasi glo-
buli supersunt. Subsequens tuberis portio *B* æruginosi coloris
membraneo involucro, crispo, corruptóque ambitur. Hæc
circularem promit Radicum *C* coronam gemino, vel triplici
contextam

contextam ordine. Non longè plures fibroboles *D* erumpunt, quæ caducis foliolis, gemmarum instar, custodiuntur; pediculo firmantur; quo lacerato, emancipatae separantur. In apice caulis *E* attollitur. Ab hujus basi gemma *F* erumpit. Sextus hujusmodi bulbus candidis utriculis mucosâ materiâ refertis constat unâ cum fibrarum implicationibus.

Conglobatam pariter trunci, vel caulis naturam in *Orobanche* (138.) sufficienter admiramus; cuius bulbus, seu tuber ab inferioribus varicosas promit Radices *A*, quæ minores edunt radiculas; reliquum bulbi copiosas producit gemmas, quæ exteriori, caducoque folio *B* custodiuntur: harum aliquæ in caulem *C* excrescunt. Interius non longè à cuticula ligneæ fibræ, cum tracheis, globosum corpus ambiunt, & in gemmas derivantur: contenta verò bulbi interior area, variis transversalium utricularum ordinibus occupatur.

Exposita Radicum natura in *Rapis* quoque (139.) elucefit. Placuit harum compositionem attentiùs rimari; & prout licuit in re tam obscura, hujus speciem adumbrare tentavi. In secto igitur Rapæ bulbo tracheæ *A* ad latera curvatae, sursum varicosæ producuntur; & ubi summitatem attingunt, ad extrâ curvari videntur; unde area *B* transversalibus utricularis referta excitatur. Non longè ab exteriori superficie, quasi sub cortice, ipsarum quoque manipuli *C* deducuntur, qui in folia *D*, & caulem disperguntur. Reliquum spatii, fistulis ligneis (molibus tamen) cum transversalibus utricularum ordinibus *E* implicitis repletur: horizontales autem utricularum ordines, variū situm *F* tenere videntur.

Elegans est trachearum rete, quod in *Rapis* & *Raphano* (140.) observamus. Avulso bulbi cortice candidæ occurunt tracheæ, sursum per pericarpium productæ. Hæ non rarò varicosæ sunt, argenteoque pollent colore: in fasciculos quoque *A* colliguntur; unde tres vel quatuor numerantur congestæ tracheæ. Interdum ut videre licuit; novæ promuntur ramifications. Ex varia itaque trachearum productione, diverse areæ *B* excitantur. Nonnullæ tamen tracheæ *C* relicto exteriori rete, quod sub cortice pericarpium, seu bulbi carnem ambit; interius elongantur, & aliis reticularibus trachearum implicationibus associantur: ita ut fiat colligantia inter omnia plana trachearum.

Non minori implicatione gaudent ligneæ fibræ in eodem *Raphano*

Raphano & Rapis (141.) si præcipuè in cortice lustrentur. Plures fasciculi *A* sursum producuntur, qui copiosis congesti fistulis, proximis associantur manipulis; unde areæ *B* excitantur, quæ transversalium utriculorum seriebus *C* occupantur. Quælibet ulteriùs area gracillimis fibris, in funiculos quasi congestis, & reticulariter implicitis, repletur. Ab insignioribus etenim fasciculis *D* hinc, indè minores, & graciliores promuntur manipuli *E*, qui ulteriori implicatione factâ; rete efficiunt: quin & angustiores censeo reddi areas ex ulteriori facta implicatione: quare ex horizontalibus seriebus, quæ hæc spatia occupant, & ex fibrarum perpendiculari opere, fit exaratum superius rete.

Eandem partium compagem in Raphani Radice (142.) perpendiculariter secta, observare licet. Exteriùs obducitur quasi cortex *A*, sub quo tracheæ productiones *B* custodiuntur, varias efformantes areas, & in folia *C*, & Radices *D* derivantur. In summitate spatum *E* efformatur, quod medullæ utriculis repletur; ambiens verò (exterior scilicet portio *F*) tracheis, & fibris irrigata, in folia *C* laxatur; totum autem Raphani corpus horizontalibus ordinibus *G*, & rectis, mollibusque fistulis, per superequitationem *H* implicitis, completur. Factâ pariter horizontali sectione, trachearum ora *I* à cortice *K* versùs medullam situata apparent: spatia verò horizontalibus utriculorum seriebus *M*, & detruncatis ligneis fibris repletur.

Viventium ordines Natura, variis in regionibus, ità dispositi; ut in his, & sibi quærant alimoniam; & si quando moveri oporteat, divagentur. Ità homines, & innumera animalium genera, in humillima aeris regione viventia, supra terræ superficiem vagantur. Pisces quoque profundiùs locati in aqua videntur; aves in aere sublimiùs habitant; & frequens viliorum animalium & insectorum turba terrâ conditum. Quædam pariter viventia, non unicâ contenta regione varias amant; ità ut ex aere, & aqua, vitæ elementa percipient. Plantarum igitur genus motu orbatum, adeò stabile figitur in familiari, & amica regione; ut ex proxima, sibique ambiente sphæra vitæ & auctionis principia hauriat: è tamen ratione, ut plures exigat oras; unde ferè semper in terra immergitur; trunco verò, vel caudice assurgens; aërem vel aquam inhabitat: quapropter rationi consonum videtur, Radices plantis

datas esse, ut ipsarum præcipua portio, sub terra condita, alimentum sibi adsciscat, & in aliquibus diu præparatum, conservet pro germinatione. Hoc apprime in quibusdam plantis deprehendimus, quæ insigni quasi truncō, sub terra condito, pollent; à cuius lateribus & extremitate elongantur radiculæ. In trunci, & appensarum Radicum medio, plures utriculorum ordines custodiuntur, qui à radiculis (hæ fibræ antiquitùs dīctæ) delatum succum fovent, & servant; ipsumque ab ambientis aeris salinis particulis, seu variâ caloris & frigoris injuriâ tutantur: unde conditus diu humor luxuriante terrâ; in folia, & caudicem, seu uterum germinat. Hic progressus in bulbis & tuberibus evidentiùs pariter patuit; in quibus interdum conglobatum corpus, tenellas fibras perpendiculares, tracheas varicosas, & horizontales utriculorum ordines conglomerat: & à lateribus, & quasi dorso gemmas emittit, quæ in caulem ex crescentes, vegetant. Eâdem lege Cepas, & bulbos Natura fabrefecit; quasi sepultos laciniatósque truncos, quorum medium licet frequenter perpendicularis truncus non occupet; nodus tamen perpetuò extat; fibrarum scilicet trachearum, & utriculorum implicatio: à quo crassa modò involucra; modò appendices pendent, cui pariter emanantes Radices alimentum ministrant. Hanc conjecturam firmant exorientes à bulbis gemmæ, quæ ab exarato trunko pullulantes, inter involucra custoditæ, & quasi in foliorum axillis conditæ; suum exortum & incrementum capiunt: unde contentus in bulbosis foliis humor, adventante vegetatione, turget, & per propria vasa in gemmæ Radicem derivatur, & non parùm absimitur: quod in plerisque bulbis, & præcipue in hortensibus Cepis, in aere appensis; nullo adveniente exteriori humore germinantibus, occurrit. Quin & in *Tulipa*, *Gladio* & similibus, soboles quamplurimæ, ut vidimus, inæqualibus pediculis trunko continuantur; quibus tabescientibus emancipantur; unde quasi pendulæ gemmæ videntur. Hæ itaque gemmæ novas emitunt Radices; & sui juris factæ, propriis præfunt muneribus. Recolligitur ergo in tuberibus, crassissque Ceparum foliis alimentitius succus, qui à radiculis transductus, & propriis utriculis congestus; adventante vere in novum caulem, flores, & semina ferè absimitur: ulteriori autem vegetatione, novus iterum cumulatur humor in tenello bulbo, sensim auge scente; qui æstate & autumno, licet augmentum non capiat; longâ tamen

men hac morâ fermentatur, & excoquitur: unde recenti subministrato à solo humore, vel ex seipso in novæ gemmæ cauem deductus; vegetationem iterum inchoat, non dispari viâ; ac in trunko, & caule supra terram luxuriante accidit: in his enim probabiliter folia & cortex excoctum succum surculo, cui inferuntur, remittunt; qui in horizontalibus utriculis fermentatus, vegetanti tandem gemmæ in axilla præstò est, unâ cum reliquo humore; qui in grandioribus ramis & trunko ipso custoditur.

Nec in vegetatione ipsa discrepant Radix, tuber, & bulbus, ab elongato in aere trunko. Sicut enim tenelli surculi annotini, & interdum turgente alimento, antiquiores rami, & truncus ipse, novas in vere exerunt gemmas, quæ in surculos, & uteros prorumpunt; ità in arborum Radicibus, à tenellis fibris delineatæ olim gemmæ in radiculas producuntur, & in bulbis erumpentes tandem radices (corruptis antiquioribus) alimentitium succum suppeditant. In plerisque herbis à basi pariter emergentes gemmæ, Radices quoque emittunt; prioribus sensim tabescentibus. His accedat, quòd sicut arborum trunci aliquot, reliquique rami excisi, frequenter novas exerunt gemmas, quæ in surculos attolluntur, suásque promunt Radices; idem & in tuberum & bulborum frustulis accidit: fibrarum etenim fasciculi per tuberosum producti corpus, ex adveniente ab appensis utriculis copioso succo, turgidi; in gemmam indéque in cauem luxuriant, & radiculas emittunt.

Quâ ratione autem alimentum Radices subingrediatur; meos adhuc sensus fallit. Ut probabiliter tamen conjectari licet; aqueæ particulæ solutos sales, & reliqua mineralia per terram dispersa, sibi assitant, ac fluida reddunt: appellénsque hujusmodi heterogeneum corpus ad plantarum radiculas, veluti per cribrum trajectum; in ligneas fistulas exprimitur. Solum etenim, ut plurimum vitrefactis frustulis, salinis particulis, metallorūmque portiunculis coaguntur: unde pluvialis aqua, veluti per emporaceam chartam percolata, solutisque mineralibus imprægnata; proprio pondere, & urgentis aëris elatere impellitur, & occurrentes plantarum fistulas subit, à quibus in transversales ordines exoneratur. In animalium ventriculis cibaria variæ naturæ, & aliqualem fortita soliditatem, menstrui ope in fluorem reducuntur: intercedente namque fermentatione, ad quā minima intimâ miscellâ invicem adaptantur,

aptantur, & incongruorum tandem præcipitatio succedit, talis partium compages ex innumeris ferè commixtis subsequitur, ut sola hiantium vasorum, vel saltem glandularum lactearum ope chyli separatio, & in lactea vasa introitus succedat. Ità in terra (quæ ventriculi loco vegetantibus est) sales varii, & mineralia aquâ soluta, aeréque turgida; radiis solaribus in fermentationem adacta, varias subeunt adaptationes & præcipitationes; dum per vitrea solidaque terræ frustula transducuntur: ità ut ipsis, superficerum cognatione, plura hæreant: reliqua verò frequentium Radicum tubis præstò sint & intrò pellantur.

Quænam sint portæ, seu hiantia orificia, quæ propulsum fluidum cribrent, & determinatè admittant; adhuc dubium. Circa tenellas Radices pili copiosè luxuriant, hinc indè: sunt autem pili candidæ fistulæ, & gracillimæ, minimis orbiculis, invicem hiantibus, coagmentatæ; unde horum orificiis determinatæ figuræ analogam fluidi partem, ambientium vi exprefsam, admittunt, & ligneis fistulis reddunt. Ubiunque Radices à proxima terra per spatum aliquod distant; pili hujusmodi in rete implicantur; & circa frustula luxuriant, & quodammodo tensi manent. Quoniam tamen non quæcunque bulbosa, & Radicum genera pilis patenter ditantur; ideo dubitandum occurrit, an in hujusmodi bulbosis percolatio subingredientis liquoris fiat ab exteriori ambiente cuticula; ità ut ab hac in contiguos utriculos, quibus Ceparum involucra coagmentantur, transitus succedat. In *Rapis*, & similibus geminæ occurrunt partes, quibus externum alimentum admitti potest; fibræ scilicet rectæ, & molles, quæ cum horizontalibus utriculis incruiatæ; non ad unum deducuntur punctum, seu radicularum nodum; sed quasi perpendiculares, obscurum in cortice finem, mihiique adhuc ignotum, fortiuntur: transversales item utriculorum fasciæ, in exteriorem corticis regionem desinentes; quibus omnibus probabiliter succi ingressus succedere potest. Si enim per extrema fistularum ora alimentum rapitur; illico transversalibus ministratur, ut in minimis radiculis, quæ fibræ appellantur, probabiliter accidit; in quibus ad extrema usque fistulæ deducuntur, transversalibus utriculis parùm luxuriantibus. Sin autem utriculis hoc munus à Natura datum sit, cùm plures ipsorum ordines bulbos, & Radices arborum ambient horizontalibus fasciis, externus humor

mor sensim communicabitur utriculis, & ab his in contiguas fistulas derivabitur ; quod totum sensibus explorandum relinquo. Non raro circa leguminum Radices, ubi præcipue solum non ita proximè hæret, sed parùm laxius distat ; humoris guttulæ rotundæ, & minimæ, à Radicibus pendent. In plantato *Vitis*, *Salicis*, *Populi*que ramo alimentum non solum obtruncatas, & hiantes ligneas fibras subintragit ; sed probabiliter per corticem ; ut in humatis plurium arborum ramis, quæ propagines dicuntur, accidere passim observamus, in quibus è parentibus plantis adhuc continuati rami per inflexos arcus supprimuntur, & ex circumaffusâ terrâ novus appellens humor corticis poros aperit : & partim in ascendentes fistulas propagatur ; partim transversalium utricularum ordines ingreditur : quare & ut facilius subeat ; incisiones frequenter infliguntur ; & ut uberiùs penetret humor, & citius Radices emittantur ; cortex horizontaliter secatur, annulùsque corticeus, satìs latus evellitur ; ita ut pateat lignum. Emittuntur autem Radices ultra sectionem prope nodum, seu situm gemmæ ; & ita annotinus ramus in novam plantam emancipatur. Erumpunt verò Radices, ut in plantata Salice observavimus ; quia externus humor horizontalium utricularum fascias ingressus, ibique fermentatus, hujusmodi ordines turgidores reddit : quare rectæ fistulæ non parùm comprimuntur ; ita ut ascendentis succi per ipsas motus nonnihil impediatur ; & ita fistulæ ligneæ tracheas ambientes, varicosæ redditæ, ad extrà curvantur, & novis elongatis productiōibus (urgente intus succo & aere intra tracheas) Radices horizontales, quasi appendices promuntur : In surculis autem, ubi nodi, vel alternatim gemmæ manifestantur, Radices infra nodum emergunt ; eò quia ad gemmas fibrarum plexus derivatur, & angustatâ succo viâ ex fistulari curvitate, lateralis eruptio necessariò succedit : & in humatis *Vitis* surculis non raro à tenellæ gemmæ basi Radices erumpunt ex turgente humore ; qui in gemmæ molem absumi debebat ; ipsâ tandem contabescente.

Transductus itaque quomodo cunque succus in Radicum, & bulborum horizontalibus utriculis, coacervatur : donec vel in radiculas erumpat ; vel sursum delatus, in gemmas absumatur. Protuberant autem in tuberibus & in hujusmodi analogis Radicibus horizontales utriculi, & fortè ipsorum ordines multi-

plicantur ; quia in ipsorum summitate, ut in Rapis observatur, quasi nodus implicatur, ubi fibræ, & tracheæ in folia derivantur : quare succus non ità facilè ascendit ; sed gravitando, in appenos utriculos exoneratur, qui curvatis propriis fibris, quibus appenduntur ; corpus in latum extendunt & globosum reddunt Radicis truncum. Erit igitur Radix in plerisque plantis truncus pro gemmarum vegetatione ; in omnibus autem, ut alimentitius succus subingrediatur, custodiatur, & concoquatur.

Rudi igitur, prout licuit, indagine præcipuas partes, quibus plantæ integrantur, scrutati sumus ; & attentâ analogiâ, quæ in animalium, & vegetantium organis elucescit, actiones, & usus particularum cursim indicavimus. Patuit itaque arbores, & quasdam herbas, animalium instar, exteriori amictu, & cortice circumdari, & custodiri ; ità ut ab externis aeris, & ventorum injuriis arceantur. Cortex hic in caudicibus, & ramis præcipuè, geminâ integratur membranâ : exteriori scilicet, & interiori ligno contiguâ : Exterior rarer est, & quasi lignum fistulis rectis, seu fibris, vasculis lactiferis, & resinosis componitur ; intercepta verò spatia, utriculorum seriebus horizontaliter locatis replentur : unde ex vario contextu, & superequitatione elegantes implicationes contingunt. Succedit altera profundior corticis portio, seu liber, qui veluti foetus est, cuius partes omnes adhuc tenellæ, & rudes simul congestæ, molem efformant exteriori cortice custoditam : harum aliquæ proximiores ligno, sensim eidem agglutinatæ, quolibet anno productis, & multiplicatis horizontalibus ordinibus extenduntur ; & succo ligneo profusæ ferruminantur. In hoc interea arboreo foetu pulmones, seu tracheæ, adhuc inconspicuæ sunt, nec suo funguntur munere, ut in animalibus intra uterum conclusis, accidit ; & solâ conversione corticis in ligneam naturam manifestantur, & patent. Firmatur caulum & caudicum moles ligneâ compage, quæ in arboribus in tot circulos, vel involucra, juxta annorum numerum sese invicem amplexantia dividitur : in herbaceis verò, vel sub cortice in fasciculos divisum lignum circumlocatur, vel discriminatis in locis per medullam dispergitur. Arctior est partium compages in ligno, ac in cortice præcipuè exteriori. Eadem sunt vasæ, fistulæ scilicet ligneæ, lactiferum, seu peculiare vas & tracheæ, quarum structuram indicavimus. Interdum dubitavi an vesiculæ, quæ copiosæ

copiosæ observantur, quasi congesti pulmones, intra tracheas præcipuè Castaneæ, & Quercùs, sint insectorum ova ibidem relicta; ut in lignis aridis interdum observavi. Quoniam tamen in sectis ramis sex annorum, in trunco, & radice ingentis Quercùs illicò recisis observavi exaratas vesiculos; ideo loco pulmonum extare arbitrор. Plantarum tracheæ spirali zonâ conflantur, ut curvari possint absque fractura: ventorum enim impetu, proprioque pondere ità agitantur; ut varios fortiantur situs, atque obliquitates. Alimentitius itaque humor in radicibus percolatus, fistulas ligneas ingressus, orbiculos hiantes invicem subit, ambientis aeris pondere sursum propulsus; minima enim guttula probabiliter, urgente non solùm aere externo, sed etiam concluso intra tracheas, sursum pellitur; & ex plano inclinato orbicularum facilè suspenditur, donec adveniente novo motu, & compressione in superiorem orbiculum protrudatur, vel in horizontales utriculorum ordines derivetur. In animalium venis quid simile miramur: non enim unus rectusque tubulus tantum observatur; sed à lateribus insignium ramorum horizontales surculi producuntur reticulariter insulati; ità ut cum oppositis, longeque distantibus ramis communio horizontalis succedat; & ità muscularum, & cutis compressione sanguinis motus per carnes adjutus, sensim reticulares productiones parùm ab horizontali obliquatas, subit, & pedetentim in ramum exoneratur; ità ut facilius sursum propellatur. Reticularem hanc utriculorum transversalium productionem exhibent pariter gallæ, pericarpium, & foliorum compages, quæ sunt ligneæ expansiones: unde fortasse in horizontalibus ligni ordinibus probabiliter aderunt. Et sicut in pennatorum ovis colliquamentum, seu volatile quoddam relicturn in umbilicali *Harvei* limbo affluens, sensim ab albumine alimentum, incubatu in sanguinis naturam immutat; & completâ generatione, adhuc alimenti, & auctivi succi productio vi præ-existentis humoris in vasis perpetuatur; ità in plantarum incubatis ovis cotyledonum utriculis congestus succus, adveniens alimentum in sui naturam exaltat; & in adultis plantis relictus, intra transversales utriculos ligni, corticis, medullæ, & foliorum, fermentationis ope, in novam alimoniam evehit. Taliter concoctus hujusmodi succus ab exaratis utriculis in peculiare vas, reticulariter productum exprimitur; ità ut singulis particulis affundi possit. Interpositæ tracheæ succi concoctioni conferunt,

conferunt, compressione factâ ab inclusio, contentoque aere; ut in sanguineorum animalium pulmonibus aliâs indicavimus. Ejusdem quoque propagationem, & motum excitant, dum interpolato noctis frigore, & diei calore rarefactus, & condensatus intra ipsas aer, contiguas, & interceptas urget modoque laxat fistulas; & itâ contentus succus exprimitur. Separantur quoque probabiliter ex concluso aere particulæ, quibus perpetuatur fermentatio, & motus, à quo vitæ radix: in infectis enim tracheæ, non tantum viscera, & carnes, vasorum instar, irrigant, & excurrunt, sed veluti promptuaria aeris intra partes conduntur: itâ in Cervo volante intra ossea integumenta, quibus moliores alæ cooperiuntur, & teguntur; ingens, & elegans trachearum acervus locatur; quæ postquam in pulmonares vesicas laxatæ sunt, tandem in minimas vasorum soboles, quasi radiculas dividuntur.

Quænam sit alimenti semita, & an ab extremis plantarum apicibus refluat succus ad imas partes; & juxta indigentiam in omnem peripheriam sursum, & deorsum protrudatur, dubium est. Radices ab extremis ramorum apicibus erumpentes, contento succo inversum iter, novumque motum præscribunt: nullæ enim interferuntur valvulae, determinatum inducentes motum. Aliquid tamen lucis præbent ea, quæ in diversis arboribus tentavi: In variis itaque surculis, & ramis, horizontalem sectionem in cortice feci, ablata ejusdem, & libri annulari portione; itâ ut subjectum lignum denudatum pateret. In Opii ramis, Prunorum, mali Cydoniæ, Quercûs, Salicis, Populi, Avellanæ, &c. excitatâ hujusmodi circulari sectione pars superior surculi, seu caudicis supra sectionem brevi vegetans itâ excrescit, ut longè turgida reddatur: cortex enim, in Quercu præcipue, in Prunis, & Cydonia malo horizontales utricolorum ordines itâ elongat, ut frequenter appendices prominuntur, quibus denudata ligni portio cooperitur: & factâ denuo mutuâ anastomosi cum inferiori secti corticis labio continuus redditur cortex: rami quoque portio ultra sectionem ligneo superexcrescente circulo, & involucro impensè crassa protuberat: Denudata verò lignea portio gracilis adhuc subsistit nullo vigente incremento; quod reliquo quoque surculi infra sectionem contingit. Idem mihi saepius accidit, factâ spirali sectione in Pomis, & Prunis. Hoc unum peculiare observavi in hujusmodi inferiori parte, non longè scilicet à sectione, quod interdum

interdum plures gemmæ æstate præcipuè erumpunt indiscriminatim, quæ in novum surculum attolluntur. Ex adaucta igitur mole in surculo ultra sectionem dubitare fas est nutritium succum à superioribus partibus inferiora versus refluere: secta namque corticis, & libri vasa, ulteriorem alimenti progressum inferiora versùs perpetuare nequeuntia; in corticis, & ligni novum involucrum erogant. Portio quoque succi, qui per corticis præcipuè vasa defertur, & in transversalibus utriculorum seriebus infra sectionem excoquitur; factâ eruptione à libro, & cortice in gemmas erumpit, & tandem in ramulos neglectâ corticis auctiōne, & novâ lignei involuci extensione. Ex his quoque patet non omnem alimoniam, nutritiūmque succum per libri, & corticis vasa à Radicibus in truncum, & ramos extremos propagari.

Quandoque dubitavi, an expositus tumor, ultra circularem sectionem in superioribus ramorum partibus excitatus, ab impetu succi sursum propulsi contingeret: secto namque cortice, per solas ligneas fistulas ascendens alimentum, quasi ab angusto, & arcto loco, laxiorem corticis campum ultra sectionem inveniens, ad extrâ dilatari posset: unde hærendo, nutritionem in proximis partibus promovere valerent. Quoniam tamen in novellis, præcipuè *Quercùs*, factâ corticis laceratione, si exigua rami portio ultra sectionem circularem supersit, amputatâ scilicet rami extremitate, nullus ferè tumor subcrescit: & in arboribus, in quibus excitatâ pariter horizontali corticis sectione; itâ tamen, ut portio ejusdem corticis minimi unguis latitudinem æquans, adhuc integra supersit, & corticis continuatio manuteneatur; certum est nutritionis augmentum subsequi in relicta corticis parte, & in superiori portione: quare ex his probabilius conjeci, nutritii succi motum à superioribus etiam ad inferiora promoveri.

Singulis mensibus sectiones horizontales in variis arboribus tentavi; ut indè certior fierem, an nutritio, & auctio quocumque tempore contingat. Mense Maii in ramo *Opii* trium annorum, in malo *Cydonia*, in *Prunis*, in *Quercu*, & in *Ulmo*, factâ sectione, brevì intumuit pars superior. Idem accidit, & fortius *Junii*, & *Julii* mensibus: Augusti autem mense plures rami, præcipuè *Ulmi*, *Opii*, & *Populi*, in quibus Vere sectio facta fuerat, contabuerunt: *Prunorum* verò, & *Cydoniorum* surculi aliqui, eodem mense secti, brevì mon-

struofam in superiori parte auctionem exhibuerunt : Septembris quoque mense plures arbores ita sectæ , extinctæ sunt ; & superstites, non multùm excreverunt in superiori tantùm parte ; inferiori penitus gracilescente. Idem quoque Octobris mense contigit, summâ vigente soli ariditate : parvus enim in Oxyacantha excitatus est tumor ultra sectionem : in Prunis major, qui tamen primævum veris augmentum non æquabat. Mensibus quoque Novembris, atque Decembris nullum augmentum successit, nec supra , nec infra sectionem ; licet facta fuerit in diversis arboribus, & præcipuè in Lauro. Januarii pariter , & Februarii mensibus, nulla innotuit mutatio , sed pars lignea (denudata cortice) vi frigoris rigida reddita nullum augmentum sortita est. Circa finem Martii , turgente terrâ, pars superior sectarum arborum parùm intumuit , & gemmæ eruperunt. Eodem pariter tempore trunci , & rami quamplurimi , in quibus Autumno , vel æstate horizontalis corticis sectio facta fuerat, ultra sectionem emarcuerunt ; & inferiùs gemmæ laxatæ vegetârunt. Hoc accidit annotinis præcipuè ramis , & caudicibus tenellis Quercûs , Pomorum, Rosarum , Prunorum, Oxyacanthæ , mali Cydoniæ , &c. caudices autem insignes, & rami plurium annorum Opii, Oxyacanthæ , Pomorum, & similiūm (superatâ frigoris activitate) parùm turgendo, in superiori parte, & gemmas, & flores emisere. Aprilis tandem mense, in Ulmis, & Prunis, & in quibus celer contingit vegetatio ; pars ultra sectionem sensibili- ter excrevit : in Quercu verò , & aliis, quarum gemmæ seriùs aperiuntur ; minimum apparuit in superiori parte augmen- tum.

Caudices, & caules exaratis partibus compaginati, turgente almoniâ, in transversalibus utriculis custodita , sui extensio- nem, & propagationem tentant, quolibet anno gemmas pro- mentes ; quæ sunt antiqui rami, vel caulis appendices , seu manifestæ emanationes partium ; quæ aliàs in tenella planta sigillationem, & rudem delineationem habebant, ut in insectis succedit. Rami igitur, seu futuri caules, per plures menses compendiaria quadam sub specie erumpunt in arboribus ab annotino surculo ; & luxuriante almoniâ, ab antiquiori ramo, & trunco ipso : in herbis verò , & bulbosis, à conditâ mollique radice , vel bulbo exeruntur. In his delineatæ custodiuntur futuri rami partes : ut patet in Quercu, & Fraxino; lignea scilicet

scilicet portio internodiis signata, in qua futurorum foliorum inchoamenta occurunt: laterales quoque surculi sub gemmularum specie leviter eminent; totaque tenella, & minima molles, caducis foliolis squammatim dispositis custodita, diu durat; calorisque, & frigoris vim sustinet; donec ut plurimum in Vere, turgente succo, laxetur; & ulteriori vegetatione, elongatis internodiis, emergentibus foliis in ramum manifestetur. Gemmæ, tenellique surculi, pilis condecorantur; à quibus frequenter in plerisque vegetantibus terebinthina funditur. Quid simile in animalibus, & præcipue in homine, circa nares Natura glandulas in cute locavit. Hæ vase excretorio satè amplio donantur; quod subdividitur in plures, disparatosque ductus, qui in rotundos folliculos desinunt. A centro excretorii vasis pilus erumpit, & circumcirca luxuriat latus humor, butyri instar, à miliaribus glandulis collectus, qui per exaratum pilum foras extillat, & contiguas faciei regiones contra aeris injurias illinit.

Taliter vegetant rami, & surculi; ita ut novo manifestato ovario, vel utero sub specie florū; ova, seu semina edantur. Florum partes, folia scilicet, tenello utero, custodiæ gratiâ, adstant, & unà cum staminibus, præparatum jam pro ovis, & in uterum erupturum succum depurant: & ubi ferax est staminum eruptio, ut in Lapatio, Cataputia majore, & in Castaneis, aberrans quasi Natura parvos uteros, & ova excitat. Interdum, luxuriante almoniâ, loco uteri, & ovorum, surculus à centro floris assurgit, pluribus foliolis ditatus. Plantarum ova intra ovarium, vel tubas gignuntur, non dispari ritu, ac in animalibus perfectis succedit; percolatis ab ambientibus membranis corii, & amnii humoribus, qui ab excitata, & completa plantula absuntur: hæc radice, trunco, & foliis integrata, ut plurimum placentulis geminis prædicta est, quæ alimentum incubatione subministratum alterant, & plantulæ reddunt. Variis integumentis munitur ovarium; inter quæ fructuum pericarpium enumeratur, quod nil aliud est, quam congeries transversalium utricularum à propagatis fasciculis fibrarum, hinc inde erumpentium: unde est quasi molle, laxumque lignum. Interdum uteri tegumenta petrifico succo ossea redduntur, vel lignescunt. Perfecta & absoluta hæc plantarum ova, stat tempore incubata, fœtum reddunt: non dispari ritu, ac in ovis intra uterum conclusis: à fovente enim terra,

terra, velut ab utero, extillat ichor; qui cotyledonibus receptus, præexistentis volatilis succi jam concreti fermentationem, & fluiditatem excitat: unde plantulæ redditus, omnium ejusdem partium manifestationem, & auctionem promovet, quæ variè succedit, prout à solo diversus subministratur humor, mineralibus, & fossilibus turgidus. Oleum autem seminibus affusum, interdum vegetationem tollit; ut plurimum autem in longius protrahit.

An omnis vegetatio, & generatio solis ovis peragatur; vel saltem Radicum, & ramorum plantatis frustulis: an verò terra ipsa nullo fœcundata semine, familiares regionibus plantas promat; apud quosdam dubitatur. Pro horum investigatione, terram è profundo erutam vitro vase conclusi, cuius orificio multiplex sericum velum superextendi; ut aer, & affusa aqua admitteretur, exclusis minimis seminibus, quæ vento rapiuntur: in hac itaque nulla omnino planta vegetavit.

Plantæ non solum pro animalium usibus paßim succiduntur, & mactantur; sed adhuc vegetantes, ad fovendos, enutriendosque infectorum præcipue foetus damnantur: unde, facto aditu ex inficto vulnere, intra tenella plantarum viscera conduntur ova; quæ sui præsentia, adeò vitiant humorum motum, & structuram; ut morbosī indè excitentur tumores: & turbatâ partium directione, atrophia succedat: vel loco surculorum monstruosæ suboriantur appendices; quales sunt diversa gallarum genera. Humor etenim, qui ex Naturæ legibus compagem gemmæ laxare debebat; elongando internodia, ex laceratis vasculis, & ex fermento turgidior, & effrænis redditus; in transversales appendices exoneratur, & insumitur: unde fibrosi fasciculi, qui paralleli in longum extendi debebant, pro rami productione; illico ex vulnere, & condito ovo ad latera curvantur; & sensim rectitudinem affectantes, semicirculum efformant: unde unitim sphæricum gallæ corpus excitant. Interdum non tota vitiatur compages, motusque humoris invertitur; sed progrediente vegetatione, monstruosus quidem excitatur tumor; à quo tamen naturalium partium inchoamenta erumpunt.

Tota plantarum moles, quæ caule, vel caudice assurgit, radicibus, tubere, vel bulbo terrâ conditis, firmatur. In bulbis, & herbaceis, solet frequenter Natura caulem attollere, & simul non longè novas emittere Radices; quasi ac vis illa vegetandi

getandi per gemmam sursum erumpat ; partim verò deorsum fese exerat ; & ferè semper ab horizontali linea declinant Radices : idem accidit in plantulis, in ovis vegetantibus. Probabile namque est, vi aeris inclusi intra tracheas, gemmas sursum erigi, & in caulem attolli : reliquum autem impetus infrà exerceri intra radiculas ; ità ut nec attollantur, nec perpetuò perpendiculariter deprimantur ; sed mediâ viâ non parùm obstante vi subjecti soli producantur.

Exigua hæc à tam vasto Naturæ penu selecta, dum, Amice Lector, disquiris, ex Sophoclis præcepto, aliena discam ; & reliqua à Superis optanda precibus obtinere contendam.

F I N C I S.

Catalogus Librorum Latinorum qui prostant venales apud
Joannem Martyn ad Insigne Campanæ in Cœmeterio Paulino.

Marcelli Malpighii *Dissertationes Epistolice* duæ, una de formatione Pulli in ovo, altera de Bombyce. in 4.

Eiusdem *Anatome Plantarum*. Cui subjungitur *Appendix*, iteratas & auctas ejusdem Authoris de Ovo incubato observationes continens. fol.

Idem de Hepate, Cerebri cortice, Renibus, Liene, & polypo Cordis. in 12.

Dionysii Orbis Descriptio : Commentario Critico ac Geographico (In quo Controversie pleræque quæ in veteri Geographiâ occurrunt explicantur, & obscura plurima elucidantur) ac *Tabulis illustrata*. à Guilielmo Hill, A. M. in 8.

Disputationes de Deo, & Providentiâ Divinâ.

Disp. I. An Philosophorum ulli, & quinam Athei fuerint?

II. *A rerum finibus Deum esse demonstratur.*

III. *Epicuri & Cartesii Hypotheses de Universi fabricatione evertuntur.*

IV. *Mundum neque prorsus infectum, neque necessitate factum; sed solo Opificis consilio extructum fuisse demonstratur.*

V. *A Generis humani Ortu, & Corporis humani structurâ Deum esse demonstratur.*

VI. *Contra Scepticorum & Academicorum disciplinam, potissimum Ciceronis de questionibus Academicis libros, & Cartesii meditationes Metaphysicas disputatur.* Authore Samuele Parkerum, S. T. P. Archidiacono Cantuariensi. in 4.

Antonii le Grand institutio Philosophiae secundum principia D. Renati des Cartes:

Nova methodo adornata & explicata, in usum juventutis Academicæ. in 4.

Eiusdem *historia Naturæ, variis experimentis & ratiociniis elucidata, secundum principia stabilita in institutione Philosophiae editâ ab eodem Authore.* in 4.

Eiusdem *Apologia pro Renato Des-Cartes contra Samuelem Parkerum, S. T. P. Archidiaconum Cantuariensem, Instituta & Adornata.* in 8.

Eiusdem dissertatio de carentiâ sensus & cognitionis in brutis. in 12.

Euclidis Elementa Geometrica, novo Ordine ac Methodo fere, demonstrata. Und cum Nicolai Mercatoris in *Geometriam Introducione brevi, Quâ magnitudinem Ortus ex genuinis Principiis, & ortarum affectiones ex ipsâ Genesi derivantur.* in 12.

Martini Lister, è Societate Regiâ Londini, Historiæ Animalium Angliæ tres Tractatus. Unus de Araneis. Alter de Cochleis tum Terrestribus tum Fluvialibus. Tertius de Cochleis Marinis. Quibus adjectus est Quartus de Lapidibus ejusdem Insulae ad Cochlearum quandam imaginem figuratis. in 4.

Monastici Anglicani Volumen tertium & ultimum : Additamenta quedam in volumen primum, ac volumen secundum, jampridem edita : Nec non fundationes, sive donationes diversarum Ecclesiarum Cathedralium ac Collegiarum continens, per Wil. Dugdale, fol.

Francisci Willoughbeii Ornithologiæ libri tres : in quibus Aves omnes hactenus cognitæ in methodum naturis suis convenientem redactæ accurate describuntur, descriptiones Iconibus elegantissimis & vivarum Avium simillimis, Æri incisis illustrantur. Totum opus recognovit, digessit, supplevit Joannes Raius, fol.

Caroli Claromontii, Doct. Medici, Nob. Lotharingi, De Aere, locis & Aquis terræ Angliæ;

Angliæ; deq; morbis Anglorum vernaculis, cum observationibus ratiocinatione & curandi methodo illustratis, in 12.

Pathologiæ Cerebri, & nervosi generis specimen, in quo agitur de morbis Convulsivis, & de scorbuto: studio Thomæ Willis M. D. in 12.

Affectionum quæ dicuntur Hystericæ & Hypochondriacæ Pathologia spasmodica vindicata: contra responsum epistolarem Nathanael Highmori, M. D. cui accesserunt exercitationes Medico-Physicæ dæc. 1. De sanguinis accensione. 2. De motu musculari. studio Tho. Willis M. D. in 12.

De Respirationis usu primario, Diatriba. Auctore Malachia Thruston M. D. Accedunt animadversiones à Cl. Viro in eandem conscriptæ unâ cum responsumib[us] auctoris. in 8.

Catalogus plantarum Angliæ & insularum adjacentium: tum indigenas, tum in agris passim cultas complectens. In quo præter Synonyma necessaria, facultates quoque summatim traduntur, unâ cum observationibus & experimentis novis medicis & Physicis. Editio secunda, Plantis circiter quadraginta sex, & observationibus aliquam multis auctior: Operâ Joannis Raii, M. A. & societatis Regiae sodalis. in 8.

Logica, sive Ars cogitandi: in qua præter vulgares regulas plura nova habentur ad rationem dirigendam utilia, è tertia apud Gallos editione recognita & aucta in Latinum versa. in 8.

ΣΤΡΩΜΑΤΕΥΣ ΕΠΙΣΤΟΛΙΚΟΣ, De vita functionum statu: ex Hebræorum & Græcorum comparatis sententiis concinnatus. Cum corollario de Tartaro Apostoli Petri, in quem prævaricatores Angelos dejectos memorat. Authore. Ja. Windet, M. D. Coll. Lond. in 8.

Abrahami Couleii Angli, poemata Latina. In quibus continentur sex libri Plantarum, & unus Miscellaneorum. in 12.

Elenchus motuum nuperorum in Anglia, simul ac juris Regii & Parliamentarii brevis enarratio, Authore Georgio Bateo, M. D. Regiæ majestatis Proto-medico. in 8.

Jeremiæ Horroccii, Liverpoliensis Angli, opera Posthuma; viz. Astronomia Kepleriana, defensa & promota, excerpta ex epistolis ad Crabtræum suum. Observationum cœlestium catalogus. Lunæ theoria nova. Accedunt Guilielmi Crabtræi observationes cœlestes. In calce adjiciuntur Joannis Flamstedii Derbyensis, de temporis æquatione diatriba. Numeri ad Lunæ theoriam Horroccianam. in 4.


De Obligatione conscientiæ prælectiones decem, Oxonii in schola Theologica habitæ, An. Dom. 1647. à Roberto Sandersono, Theologie ibidem professore Regio, nunc verò Episcopo Lincolniensi.

Hypothesis Physica nova quâ Phænomenorum naturæ plerorumq; cause ab uno quodam universalis motu, in globo nostro supposito, neque Tychonicis, neque Copernicanis aspernando repetuntur. Necnon Theoria motus abstracti. Authore G. G. L. L. in 12.


Guilielmi Hoëli, LL. D. Elementa historiæ ab orbe condito usque ad Monarchiam Constantini Magni. in 12.

Quinti Horatii Flacci poemata, cum commentariis Jo. Min-Ellii. Præmisso Aldi Manutii de metris Horatianis tractatu, & adjuncto indice rerum ac verborum locupletissimo. in 12.

Henrici Mori Cantabrigiensis Opera omnia, tum quæ Latinè, tum quæ Anglicè primi scripta sunt; nunc verò Latinitate donata, in 2 Volumin. fol.




F. 2.





TAB. III.

F. 3.



४०

३७

३६


३५



३४

F. 4.

TAB. III.








Fig. 6




Fig. 7






Fig. 8





Fig. 10.




Fig. 11.



Fig. 12.




Fig. 13.






Fig. 15.









Fig. 14.







F. 16.





F. 17.



TAB. VIII.




F. 18.




F. 19.




F. 20.




F. 22.



F. 21.




F. 23.





TAB. IX


F. 24.





F. 25.




F. 26.



F. 27.




F. 29.



F. 30.



E




F. 31.








TAB. X


F. 32.





F. 33.



F.34



F. 35.



F.36.













Fig. 1.




TAB. XII.





A



C

G E



L

K




M



N



I




T

X



S



P

O

R





H

H

TAB. XIV.


F. 43.




F. 44.





F. 45.




F. 47.






F. 46.









F. 48. C





F. 50. B



F. 52.



F. 51.



TAB.XVI.



F.53.




F. 54.




F. 55.




F. 56.



F. 58.



F. 57.



F. 59.




Fig. 60




Fig. 61.






Fig. 62







Fig. 64.





Fig. 63.





Fig. 65.







88




TAB. XIX.





F. 67.




F. 66.



F. 68.




F. 70.












TAB. XX.

F. 71.




F. 72.






TAB. XII



F.77.




F.78. A




F.81.



F.79.





F.80.








TAB. XXIII.






TAB. XXIV




F. 101.






TAB. XXV.


F. 104.





F. 103.




F. 102.
















F. 106.








F. 107.




TAB. XXVIII.

F. 108.









F. 109.






F 111. TAB. XXIX






F. 115.




TAB. XXX.


F. 116.



F. 118.




F. 119.






F. 120.




F. 121.




TAB. XXXII.


F. 122.




F. 123.




F. 124.









F. 125.



F. 126.




F. 127.






F. 128.








F. 129.






F. 130.





F. 132.







F. 133.




F. 134.






TAB. XXXVIII


F. 137.




F. 139.




F. 138.




F. 140.





F. 141.




F. 142.









1800

QK
671
M26
1675a

Malpighi, Marcello
Anatome plantarum

BioMed

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

